

6

DE
APPELLATIONIBUS
AD ROMANUM
PONTIFICEM
DISSERTATIO
CANONICA.



R O M Æ
EX TYPOGRAPHIO GENEROSI SALOMONI
ANNO REPARATÆ SALUTIS MDCCLXVIII.

SUPERIORIBUS ANNVENTIBUS.

I M P R I M A T U R,

Si videbitur Reverendissimo Patri Magistro Sac. Palatii Apostolici.

D. J. Patr. Antioch. Vicefg.

C Anonicam Disertationem de Appellationibus ad Romanum Pontificem, quam mihi Rm̃us Pater Thomas Augustinus Ricchinus Sacri Palatii Apostolici Magister recognoscendam dedit, attente perlegi, in eaque non modo nihil inveni, quod Catholicæ Fidei repugnet, vel a bonis moribus sit alienum, verum etiam summa cum animi mei voluptate Scriptoris doctrinam, eruditionemque suspexi, qui solidis argumentis mira sermonis perspicuitate, atque elegantia propositis a Justini Febronii impugnationibus vindicat Divinum illud jus, quod in Romano Pontifice universa Ecclesia semper agnovit, recipiendi ex omnibus Mundi partibus Appellationes. Quare non modo opusculum prælo dignum censeo, sed vehementer etiam optarem, ut prælaudatus Scriptor eadem sermonis perspicuitate, atque argumentorum vi, ac soliditate in singula Febroniani operis capita Disertationes elucubraret, quibus Pontificia jura tam acerbè a Febronio imperita tueretur.

Romæ e Vaticana Bibliotheca die 7. Martii 1768.

Stephanus Evodius Affemanus Archiep. Apameæ,
Vaticana Bibliotheca Præfatus.

L ibrum inscriptum: De Appellationibus ad Romanum Pontificem Dissertatio Canonica, jubente Rm̃o P. Fr. Thoma Augustino Ricchinio S. P. A. Magistro, ea, qua par erat diligentia, maximaque animi voluptate perlegi, nihilque in eo deprehendi, quod Orthodoxæ Fidei, bonisque moribus adversetur; quin imo præstantem auctoris doctrinam, lucidum ordinem, ecclesiasticæ eruditionis copiam, arduarum in antiquitate quæstionum solutionem, accuratumque studium in colligendis, expendendisque, quæ ad suam rem pertinent, plane sum demiratus. Profert enim de sacrorum fontium thesauro, solideque explicat præcipua, tutissimaque monumenta, quibus contra Justinum Febronium satis, superque evincat Romano Pontifici, qui divina institutione ex primatus prærogativa supremus est in universali ecclesia iudex, *jus appellationum* ex omnibus Mundi partibus recipiendarum manifestissime competere, earumque usum vere ex Apostolica traditione, ac doctrina, communique, ac perpetua totius Ecclesiæ persuasione derivatum, non ex Isidoriana Decretalium collectione promanasse, neque a Sardicensi Synodo, quasi quid antea insuetum, introductum, aut meræ revisionis, non veræ appellationis auctoritatem Romanæ Sedi tributam, quin potius idem jus per ejus Canones declaratum, assertum, certisque legibus adversus hæreticorum perveraciam, furoremque communitum fuisse. Quamobrem dignissimum existimo, qui in manus hominum emittatur, utpote catholicæ de Appellationibus sententiæ firmandæ, conservandæque valde accommodum, & hac ætate opportunum. Optamus Febronium hac de re cum piissimis Regibus Carolo Magno, ac Ludovico Pio ita sentire: *Ut omnes Episcopi, qui in quibusdam gravioribus pulsantur, vel criminantur causis, quoties necesse fuerit, libere Apostolicam appellent Sedem, atque ad eam, quasi ad matrem confugiant, ut ab*

⁴
ea, sicut semper fuit, pie fulciantur; defendantur, & liberentur, cujus dispositioni omnes majores ecclesiasticas causas, & Episcoporum judicia, antiqua Apostolorum, eorumque Successorum, atque Canonum auctoritas reservavit. Quoniam culpantur Episcopi, qui aliter erga fratres egerint, quam ejusdem Sedis Papæ fieri placuerit; Canonibus quippe jubentibus in talibus absque Romano nihil decerni Pontifice, nec ad Synodum Episcopum convocari debere, & quicquid ex his, eo inconsulto, præsumptum fuerit, viribus carere. Capit. Caroli M., & Lud. Pii Tom. I. col. 1199. edit. Baluz.

Romæ ex ædibus S. Callisti die 10. Martii 1768.

D. Petrus Aloysius Galletti Congreg. Casinensis, Abbas SS. Salvatoris, & Cyrimi de insula, in Vaticana Bibliotheca Linguae Latinae Professor.

IN Opusculo plane aureo, inscripto: *De Appellationibus ad Romanum Pontificem Dissertatio Canonica*, habent tum Heterodoxi Osiores, cum Orthodoxi Censores, unde larvam detrahant iniquissimæ doctrinæ, quam de statu Ecclesiæ damnatus Auctor sub nomine *Justini Febronii* abortivam enixus est. Commiserandus homo se se diabolo Amanuenssem mancipavit, ut imbecilliores Fidelium animas scriptis venenaret; sed plures jam clarissimi Viri lupum rapacem pelle Agni decoriarunt, & inter Eos nemini secundum censeo doctissimum Auctorem præscripti hujus Opusculi, quod Ego jussus a Rmo P. Thoma Augustino Recchini Sacri Palatii Apostolici Magistro perlegi, ac in eo omnia nedum Catholicæ Religionis, verisque Sacrorum Canonum Regulis consentanea esse, sed tanta insuper claritate, eruditione, ac robore firmiter constituta cognovi, ut collatis invicem momentis peregrinæ hujus Dissertationis cum versutiis damnati Auctoris, neminem amplius futurum fore puto, qui fateri non cogatur, divinum, ac immutabile Jus Appellationum Summo Romano Pontifici quantum invictis Argumentis adscribi, tantumdem ineptissimis fallaciis impugnari. Prodeat igitur publicis, quibus eam dignissimam judico, Typis Dissertatio, qua fideles veritatis Amatores lætentur, & Filii tenebrarum de passa clade erubescant.

Romæ hac die 28. Martii 1768.

Philippus Durani Sac. Consistorii, Fisci, & R.C.A. Advocatus.

QUUM, ita jubente Rmo. P. Thoma Augustino Ricchinio Sacri Palatii Apostolici Magistro, diligenter perlegerim Dissertationem Canonicam inscriptam: *De Appellationibus ad Romanum Pontificem*: nihil plane in ea potui deprehendere, quod sit a bonis moribus, aut Fidei præceptis alienum; quin imo maxime sum admiratus eximiam cum eruditionem, tum elegantiam, qua Scriptor egregius non modo argumentum præstantissimum exequitur, sed etiam viriliter refellit Justinum Febronium, qui in suo pernicioso, ac turbulento opere Romanas quoque appellationes Divino jure constitutas, & ab universa Ecclesia jugiter veneratas, deterrimis fallaciis subvertere ausus est. Quantum igitur in me est dignum, censeo, ut perutilis dissertatio quam primum publici juris fiat.

Romæ ex ædibus meis VII. Kal. Aprilis 1768.

Franciscus Pallius Sacri Consistorii Advocatus.

I M P R I M A T U R.

Fr. Thomas Augustinus Ricchinus Ordinis Prædicatorum, Sacri Palatii Apostolici Magister.

DE

DE APPELLATIONIBUS AD ROMANUM PONTIFICEM

DISSERTATIO CANONICA

P R O E M I U M.



Mnem semper Eterodoxi moverunt lapidem , ut quem non dignitatis modo , ac præminentia , sed potestatis etiam , ac jurisdictionis primatum Principi Apostolorum Petro , ejusque Successoribus Christus contulit , eum , si fieri potest , concuterent , ac labefactarent . Verum incassum hæctenus cecidere , irritique deinceps cadent conatus omnes , ac fraudes hominum ejusmodi audacissimorum . Scriptum est enim : *tu es Petrus , & super hanc petram ædificabo Ecclesiam meam , & porta. Inferi non prævalerunt adversus eam .* Cum tamen hi teterrimi Romanæ Sedis hostes ab audacibus cæptis numquam abstant , & in aciem identidem redeant , ac pugnam instaurent ; imo (quod est longe deterius , ac dolendum magis) Catholicos aliquos , liberioris ingenii viros , Criticæque intemperantioris studiosos magnifico eruditionis , & argumentorum apparatu decipiant , incautosque ad sua castra traducant ; Catholicæ Religionis amor postulat , ut quotquot dimicare in hoc prælio possunt , in aciem prodeant , & pro suis quisque viribus Supremam Romani Pontificis Potestatem tueantur : unde fiat , ut obstruatur Hæreticorum os loquentium mendacium , & iniquitatem , captivata vero Catholicorum simplicitas in pristinam libertatem vindicetur . Non defuere sane , nec umquam deerunt Orthodoxi Scriptores , sana doctrina , omnigenaque eruditione spectabiles , qui , editis in lucem libris , bellum Domini fortiter præliantes , Pontificiam dignitatem , potestatemque ab omni hostili incurfione defendant . Opus vere aureum *de vi , ac ratione Primatus Romanorum Pontificum* nuperrime edidit Clarissimus Vir Petrus Ballerinius , pluribus jamdudum editis doctissimis libris in universa litteraria Republica celeberrimus . Alios alii eadem de re & olim , & nostra hac etiam ætate scripserunt libros , quorum doctrinam , laudesque nulla umquam ætas conficescet . Verum cum novi quotidie hostes adversus Apostolicæ Sedis Auctoritatem insurgant , ac novos eidem ictus inferre moliantur ; Cur non ejus causam novi etiam

etiam Scriptores pro modulo suo propugnandam suscipiant? Ego quidem, etsi cum aliis neque ingenio, neque scientia, neque nominis celebritate sim ulla ratione comparandus; cum tamen a nemine in sincero erga Romanam Ecclesiam amore, reverentiaque vinci me patiar; aliquid scribere constitui, ita tamen, ut si minus politum, perfectumque fuerit, id omnes intelligant, non observantiæ, atque obsequii, sed virium mearum tenuitati esse tribuendum. Ne vero actum agere videar, non de Primatu ipso Romanorum Pontificum agam (fatis enim, abundeque de eo disseruit Clarissimus Ballerinius in laudato opere consulendus) sed de quibusdam juribus disceptabo, quæ cum ab omni hominum memoria Romani Pontifices exercuerint; neque tam constanter, nisi vi Supremæ Jurisdictionis, ac Potestatis, quam iisdem in universam Ecclesiam Christus contulit, potuerint exercere; eorum usus constantissimus fatis efficax pro Romani Pontificis Primatu suppeditat argumentum, perpetuam videlicet Ecclesiæ praxim, quæ facto ipso supremam in Christi Vicario Auctoritatem, & Jurisdictionem constanter agnovit, ac professæ est. Unum duntaxat ex his Juribus hæc dissertatione complectar; Jus videlicet recipiendarum ex omnibus Christiani Orbis partibus appellationum, quod paucis propugnabo, de reliquis opportuniore tempore disceptaturus.

Controversia Status, & Partitio Dissertationis exponitur.

CUM nonnisi ab inferiori Judice ad superiorem provocetur, ut hujus auctoritate prior sententia, si a rectitudine defecerit, corrigatur; ea est Supremæ Potestatis, ac Jurisdictionis vis, ut ad eum, penes quem illa sit, omnibus; ab eo autem nemini liceat appellare. Fatentur id omnes, qui principia Juris Naturalis intelligant, neque rectæ rationi velint adversari. Quamobrem Calvinus ipse lib. 4. suarum Institutionum cap. 7. §. 9. inquit: *Summum Imperium penes eum esse constat, ad cujus tribunal provocatur.* Cum id probe norint Eterodoxi, qui Romano Pontifici supremæ in universam Ecclesiam jurisdictionis, ac potestatis Primatum mordicus negant; ne invicem pugnancia loqui videantur; contra unanimes Catholicorum doctrinam, & praxim negant, jus esse Romano Pontifici, ut ad eum ex qualibet Christiani Orbis parte appellari legitime possit; contra vero affirmant, licere cuilibet ab ejusdem sententia ad futurum saltem provocare Concilium. Ut autem argumentum elidant, quod Catholici Doctores opponunt, a perpetuo Ecclesiæ usu desumptum, in diversas abeunt sen-

sententias . Aliqui eum non usum , sed abusum esse dicunt , ex nimia Ecclesię erga Romanos Pontifices conniventia , ex temporali eorundem potestate , ex falsis denique Decretalibus ab Isidoro Mercatore confictis exortum . Alii ejusmodi usus originem non a potestatis , ac Jurisdictionis Primatu repetendam esse dicunt , sed a mera Concilii Sardicensis concessione , qua illius Concilii Patres S. Petri Apostolorum Principis memoriam honorari voluerunt . Ita moderatiores Eterodoxi , quorum tamen aliqui contenderunt , non verę appellationis Jus Romano Pontifici a Sardicensibus Patribus fuisse concessum , sed merum Jus retractandi , reformandi , ac revidendi causas ab alio Judice cognitās , ac definitas . Unius , aut alterius verba in medium proferamus .

Calvinus lib.4. Institut. cap.7. §.9. inquit : *Multi sc̃pe Romanum Pontificem appellarunt : ipse quoque causarum cognitionem ad se trahere conatus est . Sed semper fuit derisus , quoties suos fines excessit .* Boehmerus in Jure Ecclesiastico Protestantium to.1. lib.1. tit. 29. de offic. , & Potest. Judic. deleg. §. 4. sic habet : *Promota admodum sunt appellationes ad Sedem Apostolicam per adulterinarum Decretalium collectionem Pseudo-Isidori , quę hanc appellandi facultatem per supposititiarum Decretalium auctoritatem admodum munivit , & stabilivit ; unde imperite Gratianus pleraque hausit . Ob hanc causam non potuit non Nicolaus I. hanc collectionem magni facere , & ejus auctoritatem adeo commendare , animisque imperitorum insinuare , ut Regino , Burchardus , Ivo , & ipse Gratianus suas collectiones hisce quisquiliis exornarent , & doctrinam de appellationibus ad Sedem Romanam eo ipso stabilirent . Cum vero hæc appellandi licentię hoc modo firmata multum faceret ad Pontificiam auctoritatem corroborandam ; & præterea hi animadverterent , homines ad appellationem admodum proclivēs esse ; appellandi pruritus variis artibus sub specie defensionis latissime extensus est . Et tit.28. lib.2. §.1. inquit : *In doctrina de appellationibus Jus Canonicum a Jure Civili in plurimis recessit sub imaginaria æquitatis ratione , quod appellatio sit favorabilis , defensionis speciem continens . Jam supra observavi , prætextum hunc olim fuisse , non veram rationem : pertinuisse hoc quoque doctrinę caput ad arcanas rationes Aula Romana , ut facultate appellandi dilatata , eo copiosior ad Aulam Romanam esset recursus , & Pontificis Romani jurisdictio in universum terrarum Orbem eo ipso stabiliretur . Olim enim appellationes a sententiis Episcoporum , & Synodorum incognitas fuisse , ex antiquitate Ecclesiastica constat . Fraudibus variis usi sunt Pontifices , ut appellationes ad se traherent , partim Concilii Sardicensis auctoritate , quod tamen ne appellandi quidem potestatem ad Sedem Romanam indulget , & per plura temporum spatia ne in Occidente quidem vigorem habuit ;**

buit, partim ope collectionis Pseudo-Isidori, cujus merces adulternae hifce appellationibus favent.

Hanc doctrinam noviffime propugnavit Justinus Febronius in libro edito anno 1763., cui titulus: *De ftatu Ecclefie, & legitima potestate Romani Pontificis*. Hunc fe fcripfilfe profitetur ad reuniendos diffidentes in Religione Chriftianos. Verius dixiffet, ad evertendum, fi fieri poffet, Romani Pontificis Primatum jurisdictionis, ac potestatis: in id enim nervos omnes eloquentiæ, ac eruditionis intendit. Febronius itaque in citato fuo opere cap. 5. de legibus, & appellationibus §. 5., cujus hic eft titulus: *Romano Pontifici ex natura, & jure Primatus non competit Jus appellationum ex omnibus totius Ecclefie partibus*; fic habet: *Qui Summo Pontifici originariam, & propriam jurisdictionem, verumque imperium in omnes Ecclefie Provincias, & fingulos Fideles tribuunt, ii magnum fuae fententiæ pondus collocant in jure appellationis eidem ex omnibus Chriftiani Orbis partibus competente. Facit id præ primis Benedictus XIV. gloriofa memoria in fuo Tractatu de Synod. Diæcef. lib. 4. cap. 5. num. 1., ubi fic ait: Eft ejusmodi appellationum Jus adeo neceffario connexum cum Romani Pontificis in univerfam Ecclefiam jurisdictionis Primatu, ut nemo poffit illud in controverfiam adducere, nifi & hunc velit perfracte inficiari. Etenim cum Primatus prærogativa Romanus Pontifex fit fupremus in Ecclefia Judex, cuique datur per appellationem ipfius implorare tuitionem: ab inferioris quippe fententia fuperioris tribunal adire omnibus conceffum effe, ipfa naturalis æquitas dicitur, & perfuadet. At vereor, ne doctiffimus Pontifex fuam fententiam potius ex præconceptu Monarchico deprompferit, quam ex antiquis, verisque monumentis Ecclefiarum. Paulo vero poft fubdit: Quia assertum hoc Jus appellationum ab omnibus Mundi partibus recipiendarum præcipuum fuum fundamentum trahit a Sardicenfî Synodo, convenit ejus difpofitionem; & mentem hic curatius fcrutari: quo factò apparebit, adjectitium effe privilegium, a memorata Synodo primo Epifcopo tributum, originarie, & ex natura Primatus Apoftolici eidem non competente, fed ne indolem quidem genuina appellationis habens; proinde prætenfum illum Primatum jurisdictionis proprie dicta deftruens potius, quam fufiinens. Poft pauca fic ftatuit: Ex curata Canonum, quibus hæc ftabiliuntur, ponderatione binæ hæc propofitiones, & veritates pullulant. 1. novum quid, & ante infuetum hic introduci. 2. non concedi fimpliciter provocationem ad Romauum Pontificem, nec potestatem ei fieri definitivæ judicandi de caufa Epifcopi in Provincia dam-nati, fed tantum quamdam decernendæ reuifionis auctoritatem ipfi tribui.*

Ut hanc Febronii fententiam ordinatius refellamus, illam ad fuma capita ipfiffimis Auctoris verbis revocabimus. Ea autem hæc funt. 1. Ro-

mano

mano Pontifici ex natura , & Jure Primatus non competit Jus appellationum ex omnibus totius Ecclesie partibus . 2. Jus hoc appellationum est adjectitium privilegium , quod primo tribuit Romano Pontifici Sardicensis Synodus , quæ proinde suis Canonibus novum quid , & antea insuetum introduxit . 3. Sardicense Concilium Romano Pontifici non verarum appellationum Jus , sed tantum quamdam decernendæ revisionis auctoritatem tribuit . Tria hæc singillatim discutiamus .

P A R S I.

C A P U T U N I C U M

An Romano Pontifici ex natura , & Jure Primatus competat Jus appellationum ex omnibus totius Ecclesie partibus recipiendarum?

Summa Potestas , quæ in Supremis residet Principibus , (ut ait Cl. P. Schmier in Jurisprudencia publ. Univers. lib.2.cap.1.sect.1.§.2.) nihil est aliud , quam *moralis facultas , ab omni Superiore independens , gubernandi Civitatem , sive (quod idem est) ad communem , publicamque salutem actiones Civium dirigendi .* Ut enim docet S. Thomas de regim. Princip. cap.11. , *Regnum non est propter Regem , sed Rex propter Regnum , quia ad hoc Deus providit de Regibus , ut Regnum regant , atque gubernent , & unumquemque in suo jure conservent . Et hic est finis regiminis , hic finis Regis est , ut regimen prosperetur , & homines conserventur per Regem .* Summæ Potestatis auctoritas vix alibi , teste eodem P. Schmier lib.3.cap.4. , majori cum energia dignoscitur , quam in Tribunalibus , in quibus jus dicitur , administratur justitia , & exercetur Imperium . Ex quo enim in civilem homines societatem coaluere , fieri non potuit , quin ex inordinata quadam seu habendi , seu dominandi , qua fere omnes laborabant , cupiditate frequenter inter eos lites , ac dissidia suborirentur . Quamobrem actum de communi tranquillitate , justitiaque fuisset , nisi Potestas publica , quæ nolentes , & contumaces ad æquum , & rectum compellere posset , exorta inter Subditos litigia sibi dirimenda sumpsisset , cum nulla prudens esset spes futurum , ut vel omnia , vel pleraque dissidia litigantes ipsi amicabili compositione transigerent . Merito autem Summæ in Republica Potestati hæc juris dicendi adscripta fuit facultas , ut ea videlicet , quæ leges ferebat , secundum leges judicaret , neque de rebus solum communibus , sed de privatis etiam , quæ ad justitiæ normam compositæ ad publicam felicitatem plurimum conducunt , sententiam ferret , ac deliberaret . Hinc inter ad-

B

mini-

ministrandæ Reipublicæ partes enumeravit judicia Aristoteles lib. 4. Politic. cap. 4. , Summiquæ inter Imperii signa summam judiciorum potestatem recensuit Thucidides .

Verum cum summa Potestas non omnes posset, etiamsi vellet, insurgentes Subditorum suorum lites ipsa per se judicio suo definire, Supremique Principes soli regendis Populis sufficere nequaquam possent; certos Magistratus, ac Judices selegerunt, qui juri dicendo, administrandæque justitiæ summa cura, vigilantiaque præessent. Ut autem Magistratus inter, ac subditos debitus servaretur ordo; sapientissime statuerunt, ut Magistratibus subditi reverenter obtemperarent; Magistratus vero nonnisi honesta subditis præciperent, rectamque ferrent in judicando sententiam. Nequis autem seu Magistratus, seu subditus ab æquissimo hoc instituto descisceret; quemadmodum opportuna invexere remedia, quibus subditorum contumacia coerceretur, si Magistratibus obedire renuerent; ita etiam aliqua excogitarunt, quibus Magistratuum seu inscitia, seu perversitas, si forte iniquum pronunciarent judicium, corrigeretur. Inter ea, quæ adversus Judicis sententiam excogitarunt, remedia appellatio potissimum recensetur, quæ nihil est aliud, quam *a minore Judice ad Superiorem provocatio*, ut illam scite definiunt S. Julius I. relatus in can. placuit. caus. 2. qu. 6. , & Ulpianus L. 1. ff. de appellationibus.

Appellatio interponenda gradatim est, ab inferiore videlicet Judice ad Superiorem, ab hoc ad alium adhuc Superiorem, & sic deinceps, donec ad supremum deveniatur, a quo appellare nemini licet, cum is Superiorem non habeat, cujus potestati, imperioque sit obnoxius. *Stultum est*, ut expresse dicitur in L. 1. ff. a quibus appellare non licet; *illud admonere, a Principe appellare fas non esse, cum ipse sit, qui provocatur*. Non tamen ita appellare gradatim coguntur subditi, ut iis numquam liceat ab inferiori Judice, intermediis prætermittis, ad supremum provocare: imo vero semper id licet, nisi vel aliqua Supremi Principis lege, vel peculiari ejusdem rescripto expresse interdicatur. Non enim Supremi Principes, cum ad Jus dicendum Magistratus elegerunt, summam illam, quam in Subditos jure Principatus habebant, a se potestatem abdicarunt. Cum igitur appellatio sit quædam defensionis species, qua suum quisque jus tuetur; naturalis autem æquitas, ac ratio dicet, juris sui defensionem nemini esse denegandam; Inde patet, fas esse cuique ad Superiorem, ac potissimum ad Supremum Judicem provocare, iis duntaxat exceptis casibus, quos superius memoravimus. Quod quidem ita verum esse contendunt Schmier, Grotius,

alii-

aliique Juris Publici Scriptores, ut, quancquam privilegio, aut præscriptione acquirere Magistratus inferiores possint, ne ab eorum Sententiis appelletur; id tamen haud aliter intelligendum sit, quam ut aliqua semper ab iis ad Summum Principem provocatio, per supplicationem saltem, aliumve modum, supersit. Nam componi hæc duo nequeunt, ut quis subditus sit, & tamen provocari ab ejus sententia non valeat. Si enim subditus est, Superiorem jam habet, ad quem provocari potest, cum ab ejus unius sententia provocari nequeat, qui Superiorem non habet, ad quem provocetur. Hinc præcipuum apud Romanos Regiæ Potestatis signum erat extremæ provocationis reservatio. Audiatur Heineccius de Jure Naturæ, & Gentium lib. 2. cap. 3. §. 157. *Quamvis vitio verti non possit Principi, si judicandi potestatem Viris prudentibus, juriumque peritis demandet, adeoque ubique Magistratus, & Judices constituat; semper tamen ad imperantem iis patere oportet viam, qui se se injusta sententia oppressos conqueruntur, adeoque penes illum esse debet suprema dubiarum causarum analysis. Hinc in Rebus publicis Monarchicis ad Reges, & Principes; in Aristocraticis ad Senatum Optimatum; in Democraticis ad ipsum populum provocandi jus est, nec temere constituendus est Magistratus sine provocatione.* Hæc omnia tam certa sunt, ut de eorum veritate nemo sanæ mentis possit ambigere.

Nunc ad rem nostram veniamus. Christus Dominus reverfurus ad Patrem, ne visibili Capite Ecclesia sua destitueretur, eam Apostolo Petro regendam dedit, quem sui Vicarium constituit verbis illis apud Joannem cap. 21. *Pasce agnos meos, pasce oves meas.* Ex quibus verbis, aliisque Scripturæ, Conciliorum, Patrum, Romanorumque Pontificum testimoniis Primatum in universam Ecclesiam S. Petro, ejusque Successoribus Romanis Pontificibus concessum a Christo fuisse Catholici docent cum S. Cyrillò Alexandrino apud S. Thomam lib. contra Græcos; ubi sic ait: *Sicut Christus accepit a Patre Ducatum, & Sceptrum Ecclesiæ Gentium Dux ex Israel egrediens super omnem Principatum, & Potestatem, & super omne quodcumque, ut ei genua cuncta curvantur; Sic Petro, & ejus Successoribus Christus plenissimam concessit potestatem, & nulli alii, quam Petro, quod summum est, & plenum, sed ipsi soli dedit.* S. Cyrillò consonat S. Gennadius Patriarcha Constantinopolitanus relatus in expos. Concil. Flor. tit. 5. cap. 2., ubi sic habet: *Christus in terris erat Dominus, Pater, & Pastor. Sic cum decrevisset ad paternum thronum ascendere, Petrum Præfectum ipsis constituit, & Magistrum, & uno verbo dicam, Vicarium suum.*

Verum nequa oriatur æquivocatio, advertendum est, Primatum

aliud esse ordinis, aliud jurisdictionis. Primatus ordinis ille est, quo quis insignitus, præter præcipuum honoris locum, ad aliquam etiam, meri tamen ordinis propria, jus habet. Sic in Republica, in qua penes Patres omnes residet jurisdictio, uni deferri solet primatus ordinis, ex quo is non modo primus in digniore sedet loco, primus nominatur, primus sententiam dicit &c., quæ quidem ad merum honorem pertinent; verum etiam pro jure suo Senatum indicit, refert de negotiis, sententias rogat, consilium dat, monet, hortatur &c., quæ vera, & propria, sed meri etiam ordinis jura sunt, nec meri ordinis primatum excedunt. Primatus jurisdictionis ille est, quo si quis præditus sit, in totam Communitatem, singulaque ejus membra jurisdictionem, ac potestatem, adeoque vim etiam coactivam exercet, cujusmodi primatu in suo Regno Monarcha potitur.

Utrumque tum ordinis, tum jurisdictionis Primatum Catholica Ecclesia in Summo Pontifice ita semper agnovit, & professæ est, ut ii etiam Doctores, qui Romanæ Sedis Antistiti non admodum favent, adeoque ab omni assentationis suspitione hac in parte sunt alieni, Catholicum neminem huic doctrinæ refragari aperte fateantur. Ludovicus Mainburgus in tractatu Gallice inscripto: *De l'établissement, & des prerogatives de l'Eglise de Rome, & des ses Evêques* cap. 4., sic latine redditus, inquit: *Id solum dicam, de quo Catholicorum omnium est concursus sententia, Jesum Christum ex omnibus Apostolis S. Petrum elegisse, cui non solum primatum ordinis, honoris, & gradus conferret, primum locum illi concedendo tamquam primo inter æquales dignitate, donis, facultatibus, & gratiis Apostolatui, & Episcopatu inseparabiliter adnexis, sed etiam primatum jurisdictionis, potestatis, & auctoritatis in omnes Fideles in tota Ecclesia, cujus eum ipse constituit caput.* Paulo vero post idem Auctor docet, ea omnia, quæ S. Petro uti Primati conveniunt, ejus quoque Successoribus Romanis Pontificibus convenire. Claudius Fleury suo Catechismo Historico to. 2. par. 1. lect. 46. hanc inseruit doctrinam: *Episcopus Romanus, quem bodie appellamus Papam, semper habitus est omnium Episcoporum primus, cum habeat supra alias primatum jurisdictionis jure divino, sitque visibile Caput Ecclesie, & Vicarius Jesu Christi, qui est Caput principale, & invisibile.*

Euandem tum ordinis, tum jurisdictionis primatum in Romano Pontifice constanter agnoverunt, ac docuerunt Facultas Parisiensis, & Clerus Gallicanus. Aliqua utriusque testimonia in medium proferamus. Facultas itaque Parisiensis anno 1542. in sua contra Lutherum censura hunc statuit articulum, qui est 24.: *Non minus certum est, unum esse jure*

divi-

divino Summum in Ecclesia Christi militante Pontificem, cui omnes Christiani parere tenentur. Anno 1607. hanc Marci Antonii de Dominis propositionem, Supremus Ecclesie Romanae Primatus, ipsiusque super ceteras omnes Christi Ecclesias imperium revera nullis solidis nititur fundamentis, hac notavit censura: Hæc propositio falsa est, Et viam ad hæreses, Et Schismata sternens; & huic alteri ejusdem propositioni: Erat ergo, Et est Ecclesia Romana præcipua nobilitate, exsultatione, nomine, Et dignitatis auctoritate, non regimini, Et jurisdictionis principatu, hanc inussit notam: Hæc propositio est hæretica, Et Schismatica, quatenus aperte insinuat, Romanam Ecclesiam jure divino auctoritatem in alias Ecclesias non habere. Anno 1683. in præfatione ad Censuram cujusdam propositionis, in qua de Romano Pontifice agebatur, his verbis mentem aperuit suam: *Cum in ipsa propositione de Romano Pontifice sit sermo, cujus jura non modo illesa esse abique voluit Facultas, sed Et quaque occasione data religiose venerata est, exposuit copiose, strenue defendit; Antiqua sua in Sedem Apostolicam reverentia esse duxit hic brevi de ea præfari, diserteque repetere, quod olim non semel professæ est, Romanum Episcopum esse jure divino summum in Ecclesia Pontificem, cui omnes Christiani parere teneantur, Et qui immediate a Christo non honoris solum, sed potestatis, ac jurisdictionis Primatum habeat in tota Ecclesia. Clerus Gallicanus in Conventu Parisiis habito mensibus Martio, ac Majo ann. 1681. sic habet: Obtinet Romanus Pontifex in nos primatum auctoritatis, Et jurisdictionis sibi a Christo Jesu in Persona S. Petri collatum. Qui ab hac veritate dissentiret, Schismaticus, imo Et hæreticus esset; Et in Comitibus ann. 1682. in Epist. ad Ecclesiæ Gallicanæ Præfules: Pontificium jurisdictionis primatum divinitus institutum ab Evangelio discimus, Et tota docet Ecclesiastica traditio. In Comitibus Generalibus habitis Parisiis 8. Maii 1728. in litteris ad Christianissimum Regem sic habetur: Primatus, quem nos in Papa recognoscimus, non restringitur intra simplicem honoris prærogativam; adductisque aliquot veterum Patrum testimoniis sic concluditur: Necessæ est igitur secundum Catholicam Fidem recognoscere in Summo Pontifice primatum honoris simul, Et jurisdictionis, uti agnitus fuit primis quoque Ecclesiæ temporibus.*

A primis ergo Ecclesiæ temporibus ad nostram usque ætatem secundum Catholicam Fidem Romano Pontifici Primatum ordinis, ac jurisdictionis jure divino competere Catholici unanimiter senserunt, ac docuerunt. Non ita tamen Eterodoxi, quorum impudentiores Primatum omnem Romano Pontifici negant; moderatiores vero Primatum ordinis, ac dignitatis tribuunt, non jurisdictionis, ac potestatis, ac totam, qua is
frui-

fruitur, auctoritatem non a divino, sed ab Ecclesiastico jure esse repetendam affirmant. Lutherus in epist. ad Emserum sic scribit: *Volo Et ego, Romanum Pontificem esse primum omnium: Sed esse Romanum Pontificem jure divino Superiorem, nulla ratione credum.* Salmahus in præfatione Operis de Primatu Papæ aperte fatetur, *Reformatos primatum tantum ordinis in Papa agnoscere*; id autem unum eos indignari ait, *quod Papæ potestas, non primas in ordine partes, aut Sedes tenere contenta, suprema omnium, qui in aliqua sunt potestate, aut dignitate, haberi vult.* Blondellus Calvinista in opere de Primatu in Ecclesia pag. 24. affirmat: *Protestantes neque Apostolica Cathedra dignitatem umquam veteri Romæ denegasse, neque Primatum, quem habet in vicinas Ecclesias, imo etiam quem aliqua ratione obtinet in universam, ita tamen, ut Ecclesiastico Juri dumtaxat id tribuant, quod Pontifices divino Jure ad se pertinere contendunt.* Ad hanc Eterodoxorum sententiam accessit Febronius in citato suo Opere cap. 2. de Primatu, ejusque jurebus, & cap. 3. de incrementis jurium Primatus. Pauca ex his capitibus depromamus.

Febronius igitur cap. 2. §. 4. num. 1. sic Primatum S. Petri describit: *Nulli Apostolorum in particulari erat potestas, seu Jurisdictio proprie dicta in alium, sed singuli subijciebantur Collegio, hujusque decisionibus, Et mandatis.* Qualis in Senatu est Præses, talis propemodum in Collegio Apostolorum Petrus. Ille Senatorum sententias rogat, non cogit: uno suo arbitrio nihil decidit: reliquorum actibus intendit, eos commonefacit, arguit etiam, sed non destituit. Caput ipserum est, ac Major, non in stricta significatione Superior, minus Dominus, quam qualitatem quidam imperite tribuunt Petro ex mala intellecta denominatione Principis Apostolorum. Caput, inquam, erat Petrus: Inde deferebatur ei primarius honor, ejus sententiæ multum tribuebatur, nulla causa majoris momenti sine ejus participatione definiebatur, maxime si universum Corpus Ecclesia respiceret, Ipse in Conventibus proponebat materiam, de qua deliberandum erat; ipse, cum id opportunum esset, levabat vocem suam, Et omnium loco, ac nomine loquebatur. Quæ hæcenus Febronius recensuit, merum ordinis, honoris, ac dignitatis primatum non excedunt, uti patet ex superius dictis, & uti Febronius ipse fatetur, cum statim subdat: *Verum inter hos nudi directorii fines jura Primatus non subsistunt.* Exigit amplius aliquid conservatio unitatis in Ecclesia non semper in Conciliis congregata, quam pro fundamento, Et principio Primatus ponimus. At videamus, quænam alia jura recenseat, quæ neque sint meri ordinis, neque nudi directorii, ac propria sint Romani Pontificis, ut Primatum in universa Ecclesia obtinentis.

Sic itaque subdit : „ Qui ad genuinum sensum Sacrae Scripturae, Traditionis, ac disciplinae primorum Saeculorum sapiunt ; illi, quamquam sciant, claves a Christo toti Ecclesiae collectim sumptae datas esse, itaut harum jus juxta ejusdem Ecclesiae beneplacitum, & destinationem per Praelatos, & Antistites exerceatur ; norunt nihilominus, quod, cum Romanus Pontifex inter hos sit primus, supremo ejus muneri adnexa esse debeat sollicitudo, ut per universum Orbem ferventur Canones, ut Fides illibata custodiat, ut iidem ritus substantiales in ministrandis Sacramentis adhibeantur, ut denique unam omnes, eamque sanam doctrinam moralem profiteantur. Quisquis enim primus est in aliqua societate, is lege naturali tenetur invigilare, ut leges societatis ferventur. Cum vero qui id procurare tenetur, necessaria auctoritate instructus esse debeat refragantes ad id compellendi mediis systemati convenientibus, & per Canones eum in finem statutis ; hinc minime dubitandum, quin talis auctoritas Romano Pontifici qua Primati universali competat „ . Verba haec paulo attentius introspeciamus .

Primo igitur supponit hic Febronius, claves Regni Caelorum a Christo fuisse traditas immediate, non Petro, ejusque Successoribus Romanis Pontificibus, sed toti Ecclesiae collectim sumptae, earumque jus ad Ecclesiae beneplacitum, ac destinationem per Praelatos, & Antistites, ac per Romanum Pontificem, qui inter eos Primus est, exerceri ; quam sententiam jam docuerat toto fere primo capite sui Operis, ac praesertim §. 6., cujus hoc statuit argumentum : *Potestas Clavium universitati Ecclesiae a Christo data est ; illam haec per Ministros suos exercet, inter quos Romanus Pontifex primarius quidem est, nihilo tamen minus Universitati subordinatus*. Initio autem ejusdem paragraphi sic inquit : *Quando anterioribus paragraphis probavimus, non unum Petrum esse fundamentum Ecclesiae, neque illi soli traditas esse claves cum potestate solvendi, atque ligandi, illud volebamus, Et debebamus inferre, Petrum solum non esse subiectum immediatum potestatis Ecclesiasticae, sed clavium potestatem Universitati Ecclesiae proprie, Et ita transcriptam esse, ut illa per suos Ministros pro sua cujusque portione, ac inter hos per Summum Pontificem exerceatur*. Quamquam hic supponere videatur Febronius, etiam Petro traditas fuisse aliquo modo immediate claves Regni Caelorum ; non in alio tamen sensu id supponit, nisi quod ei tamquam Ecclesiae membro, sicuti reliquis membris Ecclesiae, datae fuerint claves Regni Caelorum, cum ea immediate dari Ecclesiae non possent, nisi membris omnibus Ecclesiam constituentibus immediate darentur. Ceterum nullum peculiare privilegium,

gium, nullumque potestatis, ac Jurisdictionis primatum in clavium susceptione Petrum a Christo recepisse Febronius agnoscit, uti ex dicendis patebit. Clavium igitur potestas juxta Febronium Universitati Ecclesie immediate, proprie, & ita transcripta est, ut illa per suos Ministros pro sua cujusque portione, ac inter hos per Summum Pontificem exerceatur.

At 1. hæc sententia ab hæreticis acerrime propugnatur. Calvinus enim lib. 4. Instit. cap. 1. n. 22. sic habet: *Clavium potestatem Dominus Fidelium Societati contulit.* Idem docuit Lutherus lib. de potestate Papæ: idem docuerunt, ac docent Protestantium Magistri, quos brevitatis gratia prætermitto. Hanc sententiam a Catholicis Doctoribus communiter exploratam instaurare curavit Edmundus Richerius in libello de Eccl., & Polit. potest. edito anno 1611., in quo docuit, *Christum fundando Ecclesiam, prius, immediatius, atque essentialius claves, sive jurisdictionem toti dedisse Ecclesie, quam Petro, seu, quod in idem recidit, claves toti dedisse Ecclesie, ut per unum ministerialiter exercerentur: quandoquidem tota jurisdictio Ecclesiastica primario, proprie, ac essentialiter Ecclesie convenit, Romano autem Pontifici, atque aliis Episcopis ministerialiter, & quoad executionem tantum.* Richerii libellum Concilium Senonense, cui Cardinalis Peronius præfuit, proscripsit anno 1612., tamquam continentem propositiones, expositiones, & allegationes falsas, erroneas, scandalosas, & ut sonant, hæreticas, & schismaticas. Harum propositionum præcipuas quatuor refert Tournely lib. de Ecclesia qu. 5. art. 2. Eundem libellum eodem anno, eademque censura Concilium Aquisense confixit: Sacra vero Indicis Congregatio trina proscriptione damnavit, videlicet 10. Maii 1613., 2. Decembris 1622., & 4. Maii 1709. Fatendum tamen hic est, Richerium, antequam moreretur, resipuisse, seseque Sanctæ Romanæ Ecclesie subjecisse judicio. Richerium imitatus est Simon Vigorius, seu alius quisquam Janfenzianæ Factionis Magister, qui in libro, quem inscripsit, Spiritus Gersonii, pag. 77. sic inquit, „ Jesus Christus, postquam semel primum Pastorem Ministerialem designaverat, Gregi suo eligendi ipsius Successores, inque eorum mores inquirendi jus, & potestatem dedit, ita quidem, ut, cum ministerialis hic Pastor omnem suam Potestatem obtineat a Grege, qui jure a Deo sibi concessio illum deligit, hic ipse Grex non tantum adeptus sit jus, Pastori suo rerum gerendarum, ac gubernationis formam, inviolatis sanctionibus præfiniendi; sed etiam ipsum redigendi in ordinem, & exauctoratum omni hac potestate spoliandi. Eandem defendit sententiam Dupinius, quem Clemens XI. in Apostolicis litteris ad Christianissi-

nissimum Regem datis 10. Aprilis 1703. *nequioris doctrinæ hominem, temerataque sæpius Apostolica Sedis reum* appellat. Eandem quoque tuentur Paschasius Quesnellus, Hexaplorum Auctor, aliique Jansenianæ Factionis Doctores. Videatur Pastorale documentum Archiepiscopi Cameracensis, editum anno 1728., ubi fuse, solideque vir doctissimus eandem refellit sententiam.

At 2. hæc Febronii doctrina directe opponitur sensui obvio, proprio, ac litterali sacrarum Scripturarum, & Sanctorum Patrum in iis interpretandis consensio. Non enim Apostolis, ac Discipulis suis, qui aderant, & Ecclesiam componebant, ac representabant, sed Petro immediate, ac directe Christus dixit Matth. cap. 16. *Beatus es, Simon Bar-Jona, quia caro, & sanguis non revelavit tibi, sed Pater meus, qui in Cælis est. Et ego dico tibi, quia tu es Petrus, & super hanc petram edificabo Ecclesiam meam, & portæ inferi non prævalebunt adversus eam, & tibi dabo claves Regni Cælorum &c.* : & Joann. cap. 21. *Pasce agnos meos, pasce oves meas.* Hinc jure optimo sanctissimus, doctissimusque Genevensium Episcopus S. Franciscus Salesius in serm. 32. de Ecclesia, qui in Bibliotheca Chisiana Romæ asservatur, inquit : „ Hæc „ reticorum Ministri omnem lapideum movent, ut quantum possunt, „ inquinent fontem Evangelii, ne Petrus ibi reperiat claves suas. Nihil „ intentatum relinquunt, ut nos avertant ab obedientia, quæ debetur „ Vicario Christi. Quid autem fecerunt? Dixerunt S. Petro promissionem „ nem a Domino factam nomine totius Ecclesiæ sic, ut nullum privilegium „ peculiare concessum fuerit ipsius personæ. Si igitur hoc interpretandi „ modo non pervertatur Scriptura, numquam ab alio in alienum „ sensum detorquebitur. Nonne enim Petro locutus est Dominus? & „ quomodo clarius mentem suam exprimere poterat, quam his verbis: „ & ego dico tibi? Cum enim immediate antea locutus fuisset de Ecclesia, „ dum ait: portæ Inferi non prævalebunt adversus eam; quidnam „ obstat, quominus adjunxisset, & dabo illi claves Regni, si illas immediate „ dare voluisset Ecclesiæ? Non dixit, illi, sed dabo tibi. Quod „ si liceat explicare loca clara, nihil omnino in Scriptura reperietur, quod „ in omnem sensum detorqueri non possit. Quod autem ad Patres attinet, „ paucorum dumtaxat, ne longior sum, verba producam. Tertullianus in Scorpiac. cap. 10. in illa verba: *Tues Petrus &c. & tibi dabo claves &c.* inquit: *Et si adhuc clausum putas cælum, memento claves ejus Dominam Petro, & per eum Ecclesiæ reliquisse.* S. Optatus Milevitanus lib. 1. adver-

adversus Parmen. ait : *Beatus Petrus præferri omnibus Apostolis meruit, & claves Regni Cælorum cateris communicandas solus accepit*. S. Athanasius in epist. ad S. Julium Papam sic illum alloquitur : *Tu es, sicut divinum veraciter testatur eloquium, Petrus, & super hanc petram &c., tibi que claves Regni Cælorum commisit, atque ligare, & succurrere potestative, quæ in Terra, & quæ in Cælis sunt, promulgavit*. Ven. Beda homil. in Festo SS. Petri, & Pauli ait : *Beatus Petrus specialiter claves Regni Cælorum, & Principatum judicariæ potestatis accepit*. S. Gregorius Magnus lib. 4. epist. 32. ad Mauritium Imperatorem sic scribit : „ Cunctis Evangelium scientibus liquet, „ quod Beatissimo omnium Apostolorum Principi Petro Dominica voce „ totius Ecclesiæ cura commissa est: ipsi quippe dicitur : *Pasce oves „ meas. . . . Ego rogavi pro te, ut non deficiat Fides tua. . . . Tu es „ Petrus, & super hanc petram &c., & tibi dabo claves Regni Cælo- „ rum &c. Ecce claves Regni cælestis accepit; potestas ei ligandi, „ atque solvendi tribuitur; cura ei totius Ecclesiæ, & Principatus com- „ mittitur „.*

At 3. jura, quæ verbis superius recitatis Febronius recensuit, & in quibus Romani Pontificis Primatum reponit, nonnisi ad meram vigilantiam, ac directionem revocantur. Quamquam enim iis verbis Romano Pontifici sollicitudinem tribuat omnium Ecclesiarum, & ad eam exercendam competere eidem necessariam auctoritatem fateatur, qua refragantes compellere possit ad servandos Canones, ad fidem illibate custodiendam &c., tota tamen ejusmodi sollicitudo ad meram vigilantiam ab eo revocatur, totaque auctoritas, quam tantopere deprædicat, nullam prorsus veram jurisdictionem involvit, sed est nudi ministerii, meræque executionis, uti clarius ex inferius dicendis patebit. Quare cum Blondello, aliisque mitioribus Hæreticis sentire videtur Febronius, dum jure Primatus a Christo instituti nullam Romano Pontifici jurisdictionem, nullamque veram in alias omnes Ecclesias tribuit potestatem, & si quam forte exerceat, illam ab eo nonnisi jure Ecclesiastico, & juxta Ecclesiæ beneplacitum, ac destinationem exerceri contendit.

Cæterum clarius mentem suam aperit Febronius cap. 2. §. 11., cui hunc præfigit titulum : *Principatus Summi Pontificis per universam Ecclesiam non tam est jurisdictionis, quam ordinis, & consociationis*. Ibi enim Romani Primatus jura repetens, & quamdam eorum anacephalosim instituens, sic habet : „ Exposuimus præsentis capitis §. 4., & seqq., „ qualiter Summo Pontifici incumbat sollicitudo universæ Ecclesiæ, „ seu,

„ seu, ut malunt Galli, sollicitudo omnium Ecclesiarum: at inde non
 „ sequitur, Papæ competere jurisdictionem proprie dictam, & imme-
 „ diatam in omnes Ecclesias. Diximus §.8. esse ei jus proponendi leges
 „ ab omnibus Ecclesiis observandas: verum addidimus, id eum facere
 „ non suo jure, sed universalis Ecclesiæ nomine, proindeque ab hujus
 „ voluntate dependere, an has, ut suas, velit agnoscere. Ad eum non
 „ pertinere de quibuscumque per Orbem Christianum Ecclesiasticis causis
 „ cognoscere, ac statuere: imo ante Concilium Sardicense ne ulla qui-
 „ dem ratione jus appellationis ad eum pertinuisse cap. 5. probabimus.
 „ Potest convocare Generale Concilium: Sed & Senatum congregat
 „ Præses absque eo, quod solus jurisdictionem teneat, quæ penes corpus
 „ residet. Debet in casu exortæ hæresis (sicut fecit Stephanus Papa in
 „ causa Marciani Arelatenfis) scribere ad Episcopos Provinciæ, vel Re-
 „ gni, ut Schismaticum Episcopum causa cognita deponant, scandalum
 „ tollant, Canones Conciliorum universaliter receptos observent, &
 „ similia. Si vero hi monitis minus obsecundent, ipse per se, suaque
 „ Primatiali auctoritate scandalosum, vel hæreticum Præfulem non de-
 „ ponit (hoc enim ex sensu genuinorum Canonum in ejus facultate non
 „ est) sed eum, eique adhærentes excommunicat. Ast ne ipsa quidem
 „ hæc excommunicatio est actus jurisdictionis proprie talis, uti cap. seq.
 „ demonstrabimus, quippe cujus jus cuique Episcopo respectu cujuscum-
 „ que hæretici etiam non subditi competit. „ Et paulo post subdit: „ Ta-
 „ lem scilicet Sanctus hic Martyr (videlicet Cyprianus) præter propter
 „ fatebatur Principatum Summi Pontificis in universali Ecclesia, qualem
 „ Cyprianus gerebat in Africana, qui æqualitatem, & libertatem Epi-
 „ scoporum Africæ non infirmabat, sed solum jus dabat Concilia convo-
 „ candi, illisque præsidendi, Coepiscopos fraterne admonendi, simi-
 „ liaque, quæ Romano Pontifici per totam Ecclesiam competunt, in sua
 „ Africana exercendi, eo semper salvo, quod Stephani Romani Ponti-
 „ ficis universalis Primatus sit ex institutione Christi, Cypriani è contra
 „ humanæ Ordinationis; „ Et num. 2. ait: Dico itaque, Romani Pon-
 „ tificis Primatum non esse simplicem nominis, & gradus prærogativam,
 „ ad eum originarie pertinere jus immediatum, & universale vigilantia;
 „ adhortationis, imo excommunicationis eo, quo diximus, sensu,
 „ aliaque, quæ hoc capite singulatim recensuimus. „

Poteratne clarius mentem suam aperire Febronius? Uti patet ex
 adductis verbis, affirmat 1. Febronius nullam veram superioritatem, ac

jurisdictionem Romano Pontifici, ut universæ Ecclesiæ Primati, in reliquas Ecclesias jure divino convenire. 2. Romanum Primatem esse similem Primati Africano, qui inter Episcopos Africæ est primus inter pares. 3. Jura Romano Primatui a Christo adnexa esse *immediatum, & universale Jus vigilantie, adhortationis, & excommunicationis eo sensu, quod ea non sit actus jurisdictionis proprie talis*: quæ quidem omnia non excedunt primatum meri ordinis, nudique directorii. 4. Siquam jurisdictionem, ac Potestatem Romanus Pontifex in universam Ecclesiam habet, ac exercet, eam ab Ecclesia obtinuisse, ejusque nomine, & ad ejus beneplacitum, ac voluntatem, tanquam primum ejusdem Ministrum, exercere, adeoque Romani Pontificis Primatum esse nudi ministerii, meræque executionis. At hoc certe non est genuinum Romano Pontifici tribuere Primatum potestatis, auctoritatis, ac jurisdictionis, qualem eidem jure divino, & ex Christi institutione convenire Catholici unanimiter docent.

Nos vero, qui a Catholicorum sententia ne latum quidem unguem discessuri sumus, hîc tamquam ab iis invicte probatum supponimus, Romanum Pontificem, ratione Primatus ordinis, ac jurisdictionis a Christo instituti, esse supremum in tota Ecclesia Judicem, ac Legislatorem divinitus constitutum. Et merito. Cui enim, nisi Petro Christus dixit: *Tu vocaberis Cephas*. Joan. cap. 1. ? quam vocem Syri *Petram*, Græci *Caput* interpretantur. Cui, nisi Petro pollicitus est, se super illam petram esse Ecclesiam suam ædificaturum? *Tu es Petrus, & super banc petram ædificabo Ecclesiam meam*. Matth. cap. 16. Cui, nisi Petro, Regni Cælorum claves tradidit, & una cum agnis oves suas pascendas commisit? *Tibi dabo claves Regni Cælorum*. Matth. cap. 16. *Pasce oves meas, pasce agnos meos*. Joan. cap. 21. Pro cujus tandem, nisi pro Petri fide, ne deficeret, rogavit Patrem suum, & cui, nisi Petro, præcepit, ut aliquando conversus confirmaret fratres suos? *Simon, Simon, ecce Satanas expetivit vos, ut cribraret, sicut triticum. Ego autem rogavi pro te, ut non deficiat fides tua, & tu aliquando conversus confirma fratres tuos*. Lucæ cap. 22. Quid autem juxta Conciliorum, & Patrum interpretationem Ecclesiæ super petram ædificatio, quid clavium Regni cælorum traditio, nisi jurisdictionis primatum, ac supremam, stabilemque Petro collatam in omnes Ecclesias, ac Fideles potestatem designat? Quid indicat munus illud pascendi agnos, & oves, nisi Petrum a Christo & Subditorum, & Prælatorum Pastorem fuisse institutum? „ Prius agnos „ ut inquit Eucherius

rius Lugdunensis Episcopus in Serm. de Natali SS. Apostolorum Petri, & Pauli „ deinde oves commisit ei, quia non solum Pastorem, sed Pastorum Pastorem eum constituit. Pascit igitur Petrus agnos, pascit & oves: filios pascit, & Matres: regit & Subditos, & Prælatos. Omnium igitur Pastor est, quia præter agnos, & oves in Ecclesia nihil est. Quid tandem sibi vult onus illud Petro impositum, ut aliquando conversus confirmet fratres suos, nisi id, quod S. Leo IX. ad Petrum Antiochenum scripsit: „ Solus est ille (videlicet Petrus) pro quo ne deficeret ejus fides, Dominus, & Salyator noster asserit se rogasse. Quæ venerabilis, & efficax oratio obtinuit, quod hætenus fides Petri non defecit; nec defectura creditur in Throno illius usque in sæculum sæculi; sed confirmabit corda fratrum variis concutienda fidei periculationibus, sicut usque nunc confirmare non cessavit? „

Huc accedit, quod Primatum jurisdictionis ipsum Ecclesiæ regimen exigit, quod a Christo Monarchicum fuit institutum, uti demonstrant ea, quibus Ecclesiam Sacræ Litteræ exprimunt, symbola Regni, Exercitus, Domus, Navis, Ovilis. Quemadmodum enim Rex unicus in quolibet Regno est, unicus in Exercitu Supremus Ductor, unicus in Domo Paterfamilias, Gubernator in Navi unicus, unicus demum in Ovili Pastor; Ita unicum etiam in Ecclesia Dei Supremum Moderatorem, Judicem, ac Legislatorem esse oportebat, cui Christus vices suas, Primatum, & Supremi Pastoris, ac Principis auctoritatem, potestatemque deferret. „ Nullam aliam Politiam „ inquit Gerfo lib. de auferibil. Papæ confid. 8. „ in Ecclesia Christus instituit, præter Monarchicam, & quodammodo Regalem; & oppositum sentiens errat in fide, & unitate Ecclesiæ contra articulum hunc, & unam Sanctam Ecclesiam; & si pertinaces manserint, judicandi sunt hæretici, sicut Marsilius de Padua, & quidam alii. Christus fuit Sapientissimus „ scribit Almainus de Supr. Potest. Eccl. cap. 1. „ quia plenus sapientia, & quod instituerit optimam Politiam: sed optima Politia debet regi regimine regali, ut dicit Aristoteles in Politic., ita ut unus sit, qui in quemque habeat potestatem, & nemo in eum „.

Quid plura? Ipsos etiam Protestantes recentiores hanc fateri veritatem scimus, inter quos Grotius in animadvers. adversus Andreæ Rivetum ejusdem factionis hominem ita scribit: „ Sicut Exercitus, sicut Navis regi non potest, nisi per gradus Præfectorum, qui gradus in unum desinant, ita nec Ecclesia &c. Deus ad res optimas etiam opti-

„ mas

„ mas monstrat vias, qualis est ad unitatem Ecclesiæ certus ordo. Hic
 „ ordo quis esse deberet, monstravit in Petro Christus: ei enim cla-
 „ ves Regni cœlorum dedit pro toto Collegio, tamquam Collegii
 „ Principi „.

Porro quam divino jure inter Apostolos Petrus, illam eodem jure
 inter cæteros Episcopos Romanus Antistes obtinuit prærogativam. Cum
 enim Christus Ecclesiam suam usque ad consummationem Sæculi perma-
 nere vellet, quin umquam adversus illam portæ inferi prævalerent; ne-
 cesse fuit, ut perpetua Pontifices serie Apostolorum Principi Petro in Ec-
 clesiæ regimine, & in suprema auctoritate, ac potestate succederent.
 Nam cum super Petrum, seu Petram ædificata fuisset Ecclesia; ne subtra-
 cto fundamento (è vivis videlicet sublato Petro) Ecclesia rueret, ac in-
 teriret; perpetuo debuit hoc fundamentum in Petri Successoribus con-
 servari. Hinc, ut optime inquit S. Augustinus epist. 162. „ in Romana
 „ Ecclesia semper Apostolicæ Cathedræ viguit Principatus „ & uti ad
 Patres Œcumenici Ephesini Concilii dixit Philippus Presbyter S. R. E.,
 & Apostolicæ Sedis Legatus „ nulli dubium, imo Sæculis omnibus no-
 „ tum est, quod Sanctus, Beatissimusque Petrus, Apostolorum Prin-
 „ ceps, & Caput, Fideique columna, & Ecclesiæ Catholicæ funda-
 „ mentum a D. N. Jesu Christo Salvatore humani generis, ac Redem-
 „ ptore claves cœli accepit qui ad hoc usque tempus, & semper
 „ in suis Successoribus vivit, & judicium exercet „.

Doctrinam hanc, quam Catholici unanimiter tuentur, Gerſo do-
 cuit, qui inter Pontificiæ potestatis assentatores recenſeri certe non po-
 test. Is itaque in tract. de Stat. Eccl. tit. pro Summ. Pontif. consid. 1. sic
 habet: „ Status Papalis institutus est a Christo immediate, tamquam Pri-
 „ matum habens Monarchicum in Ecclesiastica Hierarchia; quem sta-
 „ tum qui impugnare, vel diminuerе, vel alii statui Ecclesiastico cœ-
 „ quare præsumit, si hoc pertinaciter faciat, hæreticus est, Schismaticus,
 „ impius, & sacrilegus „ & lib. de origine Juris, & legum concl. 2.
 apud Mauclerum de Monarch. Eccl. 1. p. 2. cap. 6. sic inquit: „ Pleni-
 „ tudo legis Ecclesiasticæ non potest esse de lege ordinaria, nisi in Sum-
 „ mo Pontifice formaliter, & subjective: alioquin Ecclesia habere po-
 „ test multiplex Caput; quod est hæreticum „ & in Regulis Moralibus
 ante finem „ Plenitudo jurisdictionis residet apud Papam, & in alios se-
 „ cundum ejus determinationem derivatur „. Idem fusius repetit lib. de
 vita spiritali lect. 3. Eandem sententiam Cardinalis Petrus de Alliaco
 inter

inter Gallos Doctores Vir præclari nominis docuit lib. de Ecclesiæ, & Cardinal. auctoritate p. 1. cap. 1. concl. 2. „ Dominus contulit Petro, „ & suis Successoribus auctoritatem disponendi Ministros Ecclesiæ, & „ determinandi jurisdictionem dicens : Pasce oves meas; idest sis Pastor, „ & Prælatus Generalis, ad quem pertinet dispositio, & regimen generale ovium, & ovilis; „ quod quidem expressius repetit 3. par. cap. 1., ubi sic dicit : „ 2. dico, quod hæc plenitudo jurisdictionis proprie lo- „ quendo residet in Romano, seu Summo Pontifice, qui Petro succedit, quia proprie aliqua potestas plene dicitur esse in aliquo, qui „ illam potest generaliter exercere, & ministerialiter in omnes dis- „ pensare „.

Eamdem veritatem professi sunt Sorbonici Doctores in hoc decreto, quod Calendis Decembris ann. 1554. ediderunt : „ Omnes, & singuli Magistri nostri ipsum Romanum Pontificem, ut Summum, & „ universalem Jesu Christi Vicarium, & universalem Ecclesiæ Pastorem, „ cui plenitudo potestatis a Christo data sit, fideliter, & libenter agnoscunt, & consentiunt „. Bossuetus quoque in oratione habita ad Clerum Gallicanum in celeberrimis Comitibus ann. 1682., in quibus hæc de potestate Ecclesiastica declaratio emanavit : „ Non audiendum eum, qui „ diceret, cum Petri persona extinctum Petri ministerium; illud enim, „ quod Ecclesiæ æternæ est firmamentum, finem habere non potest; „ In ea, inquam, oratione sic habet : „ Petrus semper loquetur in sua Cathedra. Hanc veritatem confirmarunt 600. Episcopi Synodi Chalcedonensis. Roma, ut Religionis, Ecclesiæque Caput foret, prædestinata, ea de re Petri Ecclesia ut foret, oportuit; atque ita Romæ Cathedra æterna constituta est. Quamobrem Ecclesia Romana a Petro, „ ejusque Successoribus edocta nullam unquam hæresim amplexa est.... „ Ita Romana Ecclesia semper Virgo permanfit, ac Romanæ Ecclesiæ fides semper universæ Ecclesiæ extitit : semper creditur id, quod semper creditum est : eadem vox ubique personat, & Petrus in suis „ Successoribus semper Christifidelium est fundamentum. Id Christus „ dixit. Cæli, & Terra transibunt; verba autem ejus non præteribunt „.

Cum itaque ex Christi institutione Romanus Pontifex primum habeat potestatis, ac jurisdictionis in universam Ecclesiam, adeoque sit in ea Supremus Rector, Pastor, Judex, ac Legislator constitutus; illud mani-

manifeste sequitur, licere cuique in Ecclesiasticis causis Romani Pontificis tuitionem per appellationem implorare, nisi forte causam aliquam Pontifex alicui dijudicandam commiserit cum clausula, *omni appellatione remota*, vel nisi Conciliari, aut Pontificio decreto in aliquo causarum genere, certisque in circumstantiis appellatio interdicatur. Si enim in civilibus, profanisque causis, ut initio hujus capituli præmonuimus, appellare cuilibet licet ad Sæcularem Supremum Principem, cujus Summæ Potestati onus adnexum est ad communem, publicamque salutem actiones Civium dirigendi; quanto potiori jure in causis spiritualibus, atque Ecclesiasticis provocare cuilibet licebit ad Romanum Pontificem, cui Christus potestatem, ac jurisdictionem in Ecclesiam universam contulit, pascendique totius Christiani Gregis curam, ac sollicitudinem demandavit! Quanto enim majoris sunt momenti, præ civilibus, ac profanis, Ecclesiasticæ, ac spirituales causæ, in quibus aut de Fide agitur, aut de moribus, aut de divino cultu, ac Religionis exercitio, aut de alia quacunque re, quæ ad Ecclesiasticam pertinet disciplinam! Quanto proinde nobilior est, atque excelsior, præ summa Politica Potestate, suprema illa jurisdictio, atque auctoritas, quam in omnes Ecclesias ex Christi institutione Romani Pontifices obtinent, ac exercent! „ Definimus „ inquit Œcumenica Florentina Synodus „ Sanctam Apostolicam Sedem, & Romanum Pontificem in universum Orbem tenere primatum, & ipsum Romanum Pontificem Successorem esse B. Petri Principis Apostolorum, „ & verum Christi Vicarium, totiusque Ecclesiæ Caput, & omnium „ Christianorum Patrem, ac Doctorem existere, & ipsi in B. Petro pascendi, regendi, & gubernandi universalem Ecclesiam a D. N. Jesu „ Christo plenam potestatem traditam esse. „

Quæ cum ita sint, quis non fateatur, Jus appellationum ex omnibus totius Ecclesiæ partibus recipiendarum esse, ut inquit Natalis Alexander in Histor. Eccl. sæcul. 4. dissert. 28., appendicem veluti quamdam Primatus jurisdictionis, ac potestatis, quo S. Petrum, ejusque Successores Romanos Pontifices Christus insignivit, & quo Romanum Pontificem Supremum in Ecclesia constituit Judicem, ac Legislatorem? Quis non facile intelligat, quam falso Febronius scripserit, *Romano Pontifici ex natura, & jure Primatus non competere jus appellationum ex omnibus totius Ecclesiæ partibus recipiendarum*; contra vero, quam sapienter, vereque affirmaverit Benedictus XIV. lib. 4. de Synodo Diocesana cap. 5. num. 1.

Cum

Cum Primatus Prærogativa Romanus Pontifex sit Supremus in Ecclesia Judex, cuique datur per appellationem ipsius implorare tuitionem: ab inferioris quippe sententia Superioris Tribunal adire omnibus concessum esse ipsa naturalis æquitas dicitur, Et suadet?

P A R S I I.

An jus recipiendarum ab omnibus Mundi partibus appellationum sit privilegium adjectitium, primo tributum Romano Pontifici a Sardicensi Synodo, quæ proinde per suos Canones novum quid, Et antea insuetum introduxit?

CUM Febronius intelligeret, Jurisdictionis, ac Potestatis Primatum in universam Ecclesiam necessario connecti cum appellationum jure ab omnibus Mundi partibus recipiendarum; ne ejusmodi jus Romano Pontifici tribuere cogeretur; primatum quidem ei tribuit Ordinis, honoris, ac directionis, sed primatum, ut vidimus, jurisdictionis, ac potestatis denegavit. Verum cum etiam nosset, opponi sibi a Catholicis posse perpetuam Ecclesiæ præxim, qua semper, & a quocunque judicio e remotissimis etiam regionibus ad Romanum Pontificem provocatum est, causæque iterum ab eo discussæ sunt, ac definitæ; affirmavit hoc appellationum recipiendarum jus esse privilegium, non Romano Pontifici originarie, & ex natura Apostolici Primatus competens, sed adjectitium, ac primo a Sardicensi Synodo eidem concessum, quæ per ejusmodi concessionem novum aliquid, & antea insuetum introduxit. Duo itaque contendit Febronius. 1. ante Sardicensem Synodum neque delatas ad Romanum Pontificem, neque exceptas ab eo fuisse à variis Mundi partibus appellationes. 2. hoc recipiendarum appellationum privilegium a Sardicensi Synodo primum ei fuisse collatum. Scilicet præter antiquum (ut ipse inquit cit. cap. 5. §. 5.) judiciorum Ecclesiasticorum morem à Conciliis Nicæno, Et Antiochæno definitum, amplius aliquid a Sardicensi Synodo ordinatum fuit, Romanoque Pontifici attributus bonus cum auctoritate conjunctus, quem nec ex jure divino, nec ab antiquiore lege Ecclesiastica obtinuerat. Utramque propositionem paulo enucleatius examinemus. Sed pauca prius de Sardicensi Concilio, de Isidori Decretalibus, ac de Episcoporum, seu Cleri Romani Synodo, qua in gravioribus causis dijudicandis uti Romani Pontifices consueverunt, innuamus.

Brevis Concilii Sardicensis notitia.

QUamquam Nicæni Patres Arianam hæresim profligassent; non defuere tamen, qui illam paulo post dolo, vi, & ea, qua apud Principes pollebant, gratia paulatim instaurare curarint. Horum fuere Principes duo Eusebii, alter Nicomediensium, alter Cæsarænsium in Palæstina Episcopi, qui cum Ariani essent, vocem illam *consubstantialis*, ut novam, ac Sabellianismi suspectam, traducere cœperunt, contra sanctiores, doctioresque Episcopos populum concitare, eos de Sabellianismo criminari, maledictis proscindere, è suis Sedibus abiicere sibi que Patriarchales Ecclesias, per iniquam intrusionem, vindicare. Duos hi potissimum oderant Athletas Fidei fortissimos, Eustatium videlicet Antiochenum, & Athanasium Alexandrinum, quorum primum eorum opera, tamquam Sabellianum, & flagitiosum Antiochena, alterum Tyria Synodus, tamquam flagitiosorem, ab Episcopatu dejecit, & Constantinus Magnus Imperator, eorum fraudibus circumventus, in Galliam ablegavit. Verum cum mox ex testamentaria Constantini jussione in sedem suam Athanasius rediisset; & S. Alexandro Episcopo Constantinopolitano è vivis sublato Paulus vir Sanctissimus successisset; Ægre id ferens Eusebius Nicomediensis, vires omnes exeruit, ut, Paulo ab Episcopatu per calumnias extruso, Constantii Imperatoris auctoritate Regiæ Urbis Cathedra sibi traderetur. Voti compos factus, Arianam hæresim partim moderatus est, partim furo verborum obduxit, seseque novæ factionis Duce præstitit, quam ab ejus nomine Eusebianam nuncuparunt. Interea Athanasium, cujus doctrinam, & zelum oderat, exagitare iterum cœpit, invisumque Constantio reddere novis, falsisque criminationibus. Coacta proinde Antiochena Encæniorum Synodo, eundem, ut Apostolici Canonis, Ecclesiasticæque dignitatis prævaricatorem, damnavit, quod videlicet a Tyria Synodo dejectus, Ecclesiastico contempto judicio, ad Laicum Principem Constantinum confugisset, ejusque jussione ad Episcopalem Cathedram remeasset. Mox in Alexandrinam Sedem Gregorium Cappadocem armata Militum vi, nec sine plurimis, maximisque sceleribus intrusit. Præter Alexandrinam, alias Eusebiana factio pari crudelitate fœdavit Ecclesias, alios ejecit Episcopos, ac præsertim Marcellum Ancyranum, Lucium Adrianopolitanum, Asclepam Gazensem, aliosque præclarissimos Antistites, qui acerrime pro Orthodoxa Religione dimicabant.

Hæc

Hæc videns Athanasius, ut Ecclesiæ tot inter procellas fluctuanti prospiceret, ad Romanum Pontificem Julium I. appellavit. Hic *secutus*, uti scribit Theodoretus lib. 2. cap. 5. . *Ecclesiæ Canonem*, utique *Apostolicum*, *atque divinum*, uti explicat Christianus Lupus in Scholiis, & Notis ad Canonem Sardicensem III., Eusebianæ factionis homines, rationem lati in Athanasium judicii reddituros, Romam evocavit. At Eusebiani, ne Romam accederent, cujus judicium reformidabant, præfixi temporis brevitatein, bellum Principis in Persas, aliasque excusationes apud Julium prætexuere. Interea, mortuo Eusebio, summa omnium gratulatione in sedem suam Paulus revertitur, qui tamen iterum per Constantium Eusebianorum opera ejectus, Romam accessit, ut una cum Athanasio, Marcello, Lucio, Asclepa, aliisque plurimis interpositam coram Julio appellationem prosequeretur. Eusebianos, a quibus hi damnati fuerant, Romam evocatos per menses 18. Romanus Pontifex expectavit. Verum cum hi novas semper necerent moras, novasque Orthodoxis injurias irrogarent; fatigatus tandem processit in causâ, Antistites, qui appellaverant, in communionem recepit, suis restituit sedibus, ac restitutorias litteras ubique divulgavit, Canonicas comminatus pœnas iis, qui similia deinceps in Orthodoxos Episcopos attentarent. *His illi graviter commoti*, inquit Sozomenus lib. 3. cap. 7. *convenerunt denuo Antiochiæ in unam, & epistolam verbis elegantibus ornatam ad Julium scribunt, sed plenam ironiæ, & injuriarum non expertem gravissimarum.* In Antiochena autem ejusmodi Pseudo-Synodo dolosos quosdam Canones condidere, quibus, etsi Episcoporum ad Laicos Principes recursum compescere velle viderentur, re tamen ipsa Sedis Apostolicæ privilegia, Romanas videlicet appellationes, omnium primi studuerunt evertere.

Tantam Eusebianorum indignatus proterviam Julius, Œcumenicam Synodum, teste S. Athanasio in litteris ad solitarios, haberi, ubicumque Episcopi vellent, jussit, eumque in finem opem a Constante Augusto, qui Apostolicæ Sedi favebat, postulavit. Hic, cum quid Alexandriæ, & in universo Terrarum Orbe contra Catholicos gereretur, accepisset, scripsit ad Constantium Fratrem, cum eoque convenit, ut expetita Synodus celebraretur. De utriusque igitur Augusti consensu electa fuit Sardica, Urbs Daciæ Mediterraneæ primaria, quæ quamquam sub Constantis dominio sita, cum tamen utriusque Imperii limes esset, credita fuit habendæ Synodo opportunissima. Ad eam ab utroque Augusto invitatus Julius, *honestam*, ut inquit prima Synodalis epistola, &

necessariam dedit absentiae excusationem: misit tamen, qui interessent, ac praessent, Legatos suos, videlicet Hosium Cordubensem Episcopum, Archidamum, & Philoxenum S. R. E. Presbyteros, ac Leonem S. R. E. Diaconum. Hosium Synodo praefuisse constat 1. ex tertia Synodali Epistola, & ex singulis fere canonibus, ipsiusque Synodi subscriptione. 2. ex relatione Concilii Chalcedonensis ad Marcianum Augustum, ubi sic habetur: Illis, qui apud Sardicam contra reliquias Arii convenerunt, Hosius ad proferendam sententiam praerat. 3. ex litteris S. Athanasii ad solitarios, in quibus Hosium vocat Synodi Sardicensis Patronum.

Plusquam 300. Episcopos ex 36. Orientalibus, atque Occidentalibus Christiani Orbis Provinciis Concilio interfuisse affirmant S. Athanasius in 2. Apologiae initio, & S. Hilarius lib. de Synodis. Quare illud ex tota Orbe convocatum Sulpitius lib. 2. Sacrae Historiae, generale Concilium Socrates lib. 2. cap. 16. Histor. Eccl., & Oecumenicum Iustinianus Imperator vocat in suo ad omnem Ecclesiam edicto pro Orthodoxa fide. Accedit, quod Sardicense Concilium ad eos Episcopos, qui interesse non poterant, decreta sua misit, & ipsi quoque suffragiis suis ea approbarunt, verba sunt S. Athanasii sub Apologiae 2. finem. Propterea praecipit Synodus eadem, ut universa, quae constituerat, Catholica Ecclesia in universo Orbe diffusa custodiret. De tempore, quo celebrata Synodus fuit, sic habet Carolus Sigonius, cui Scriptores fere omnes adhærent: „ Concilium Sardicense rogatu Constantis, & permisso Constantii actum est anno decimo, post, quam Constantinus pater discessisset è vita: Moritur autem Constantinus anno Domini 337. Concilium igitur Sardicæ habetur „ anno 347. „.

Sardicam itaque tum Eusebiani, tum Orthodoxi Episcopi convenire; illi, ut adventu suo (3. Synodalis epistolæ verbis utor) exstimationem, quasi non peccassent, excitarent, & pro persunctoriae purgationis specie adventum suum ostentarent, quamquam criminum conscientia perterriti iudicium Synodale reformidarent; Athanasius, Marcellus, alique, ut Eusebianos immanium criminum, & iniquorum iudiciorum reos accusarent; reliqui tandem Orthodoxi Antistites, ut rectum ferrent siue ulla personarum acceptione iudicium., Hæc illi, idest Eusebiani, conspicati (scribit in epist. ad Solitarios Athanasius) etsi alacriter adven- runt, tamen cum animadverterent nostram fiduciam, intra Palatium se recluserunt, quo in loco domicilium habebant. Atque ibi ita inter se consufurrarunt. Ad alia venimus, alia conspiciamus. Accessimus cum

„ Co-

„ Comitibus, & sine Comitibus res agitur. Prorsus futurum est, ut condemnemur. Nostis, qualia sint decreta, ordinationesque. Athanasio in manu sunt monumenta omnium Marzote actorum, quibus ille quidem purgatur, nos autem confundimur. Quid igitur hælitamus? quid moramur? Fingamus aliquam causificationem, & discedamus, ne, si manserimus, condemnemur. Melius est de fuga erubescere, quam convictos de Sycophantia damnari. Si fugerimus, poterimus aliquo modo hæresim propugnare. Quod si fugientes condemnaverint, habebimus Cæsarem (videlicet Constantium) propugnatorem, qui non permissurus est, ut a populis de Ecclesiis ejiciamur. Porro, consilium, quod inierant, perficientes, Philippopolim, vicinam Thraciæ Civitatem, secesserunt, utque fugam honestarent, duplicem recessus sui causam commenti sunt. Prior fuit, quod ipsi, cum plurimi facerent Patriarchalium Synodorum judicia, Athanasium, aliosque a se damnatos Antistites inter Laicos, & reos stare in Synodo vellent, donec eorum causa retractaretur; Hosius vero eos sedere inter Episcopos, & Judices juberet, ut Romanæ Ecclesiæ auctoritatem tueretur, quæ illos Sedibus suis, ac Episcopali dignitati restituerat. Alteram causam ab iis confictam sic in cit. epistola Athanasius describit: „ Illi, cum hæc audirent, & magis, magisque percellerentur, absurdiore, quam Antiochiæ, causificatione usi sunt, & sub eo prætextu, quasi Imperator ipsis triumphalia de Persis per litteras scripsisset, fugam adornarunt, & sine pudore hanc cavillationem pro excusatione per Eustatium Presbyterum Sardicensis Ecclesiæ renunciarunt. „

Cum Philippopolim 76. circiter Eusebiani Episcopi se recepissent; Conciliabulum ineuntes, quod esse Sardicense Concilium jactitabant, Athanasium, Paulum, Asclepam, aliosque a se damnatos Antistites iterum condemnarunt, Romanumque Pontificem Julium, quod illos in suam communionem recepisset, suoque restituisset gradui, veluti quinti Nicæni Canonis, ac Orientalis Synodi prævaricatorem, gradu, & communionem privarunt. Hosium quoque Concilii Præsidem, Protogenem Sardicensem Episcopum, & Maximinum Trevirenses, tamquam inceptores Julii ad prævaricandum, eadem multarunt pœna. Novum præterea Fidei symbolum edidere, in quo, omiſſa voce *consubstantialis*, sub Orthodoxis vocibus Arianum sensum occultarunt, uti ad solitarios scribit S. Athanasius. Synodalem denique scripserunt Epistolam, eamque non
secus,

secus, ac veri Concilii Sardicensis foret, per omnes Ecclesiæ, Imperiique Diœceses spargere non dubitarunt.

At Orthodoxi Episcopi Sardicæ congregati morbos, quibus vexabatur Ecclesia, curare potissimum studuerunt. *Tria fuerunt, quæ tradenda erant*, inquit Synodalis Epistola ad Julium Papam. „ Ante omnia agendum erat de sancta Fide, & de integritate veritatis, quam „ Eusebiani violaverant. 2. de personis, quas dicebant esse dejectas, de „ iniquo judicio, ut, si potuissent probare, justa fieret confirmatio. „ 3. quæstio, quod graves, & acerbæ injurias, intolerabiles etiam, „ & nefarias contumelias Ecclesiis fecissent, cum raperent Episcopos, „ Presbyteros, Diaconos, & omnes Clericos &c. „ Verum quod ad Fidem spectat, sic ait Sozomenus lib. 3. cap. 11. *Eodem tempore aliam quoque Fidei formulam ediderunt, pluribus quidem verbis scriptam, quam quæ in Nicæno Concilio edita fuisset, sed tamen eandem complectentem sententiam, & verbis non multum ab illa discrepantem.* At S. Athanasius, qui Sardicensi Concilio interfuit, & cujus multo pluris, quam Sozomeni, facienda est auctoritas, sic ad Antiochenam Ecclesiam scribit, „ Tabellas, quas non „ nulli jactant, quasi in Sardicensi Synodo de Fide conscriptas, ne legi „ quidem semel, aut proferri sinatis. Nihil enim tale Concilium definit. „ Quamvis enim certi homines nonnulla, quasi quæ deessent Nicæno Concilio, adscribere vellent, idque acriter contenderent; sancta „ tamen Synodus, quæ Sardicæ convenit, indigne id tulit, decretoque „ sancivit, ne quid ulterius de Fide scriberetur, & sese contentos esse „ Nicæna Fide declaraverunt, ut cui nihil deesset, & in qua integra, & „ solida pietas contineretur, neque edendam esse aliam professionem „ Fidei, ne illa, quæ Nicææ scripta est, suos numeros non habere videretur, neve illis, quibus libido est semper nova statuere, occasio „ hujusmodi suppeditaretur, ut iterum, atque iterum de Fide definiant. „ Quod ad personas attinet ab Eusebianis dejectas, Concilium 1. damnavit dolosos Antiochenos Canones, quibus Eusebiani innitebantur. 2. Athanasium, Paulum, Marcellum, aliosque plures Episcopos, quos Julius absolverat, iterum absolvit, suisque sedibus restituit. 3. Eusebianos illos, qui præcipui fuerant flagitiorum auctores, *exautoratos omnino ab officio Episcopatus submovit, decrevitque, eos non modo Episcopos non esse, sed ne dignos quidem Fidelium communionem.* Tandem Canones quosdam condidit, quibus Ecclesiastica consuleretur disciplina.

Di-

Dimisso Concilio, curandum fuit, ut Athanasius, alique a Julio, & a Synodo communioni, & gradui restituti ad suas remearent sedes, universæ vero Ecclesiæ Synodales leges indicerentur. Utrumque peractum est. Primum Constantis Augusti religio præstitit: nam cum in Occidente Sardicensem Synodum executioni demandari jussisset, a fratre suo Constantio per preces, ac minas obtinuit, ut & in toto Oriente Concilium vim legis haberet, & Alexandriam Athanasius perhonorifice revocaretur. Alterum S. Julii, S. Athanasii, aliorumque Antistitum opera effectum est: brevi enim tum in Occidente, tum in Oriente Sardicensia decreta publicata fuere, usuque, & praxi confirmata. Quid plura? Eusebii ipsi, teste Sozomeno lib. 4. cap. 12., & 13., ex Ancyrana Synodo Legatos ad Constantium misere rogantes, ut Sardicensem Synodum recipi, servarique juberet.

Non semel Romani Pontifices Nicænorum nomine Sardicenses Canones nuncuparunt. Id potissimum contigit anno Christi 419., cum Synodum VI. Carthaginensem 217. Africani Antistites celebrarent. Appiarius Siccensis Presbyter ab Episcopo suo Urbano de gradu, & communionem dejectus, ad Apostolicam Sedem provocaverat, & a Zosimo, apud quem multis Urbanum nominibus accusaverat, litteras impetrarat, quibus ipse in pristino gradu, ac Sacrorum consortio reponi, Faustinus vero Potentinus Episcopus, qui tamquam Apostolicæ Sedis Legatus dictæ Synodo VI. erat interfuturus, Pontificias exequi litteras, & in Urbani mores diligenter inquirere juberetur. Jussa Legatus fecit: at oblitere Africani Patres, vetustissimam Africanæ Ecclesiæ consuetudinem obtinentes, quæ in Ecclesiasticæ disciplinæ causis transmarinas appellationes Clericis interdicebat. Cum reposuisset Faustinus, eas per Nicænos Canones permitti; negarunt Patres, ullum ejusmodi Canonem inter Nicænos in Ecclesiæ Africanæ Codice descriptos reperiri. Ad controversiam dirimendam Legatos miserunt ad Cyrillum Alexandrinum, & ad Atticum Constantinopolitanum, ut exemplaria ab iis obtinerent Canonum Nicænorum, quos in illarum Ecclesiarum Scriniis fama erat integros, incorruptosque servari. Voti compotes facti, in Africam tulerunt expetita Canonum exemplaria, quæ Africani Patres eodem anno 419. ad Bonifacium I. (obierat enim Zosimus) Romam misere. Porro in iis neque reperti sunt, neque reperiri potuere Canones ulli, qui Romanas appellationes permetterent: ejusmodi enim Canones non Nicæna Synodus, sed Sardicensis ediderat.

Verum tum post, tum ante Zosimum, Pontifices alii Nicænorum nomine Sardicenses Canones nuncuparunt. Sic ante Zosimum S. Innocentius I. in epist. ad Clerum, Populumque Constantinopolitanum damnans Theophili Alexandrini Synodum, quod S. Joanni Chrysostomo, qui ad Apostolicam Sedem appellaverat, alium Episcopum superordinasset, *Numquam sane, inquit, Patres nostros talia ausos fuisse, sed potius vetuisse cognovimus, ne cui in locum viventis alium per consecrationem substituendi sit potestas. Hæc contra Canonum observationem sunt. Canonibus porro obsequendum scribimus, qui Nicæa sunt decreti, quos solos consecrari dect Ecclesiam Catholicam, & juxta eos judicare. At nonnisi Sardicensis Canon appellanti Episcopo alium superordinari vetat. Canonein ergo Sardicensem vocat Nicænum. Eandem usurpat nomenclaturam idem Pontifex in litteris ad S. Victricium Rothomagensem, & in litteris ad Theophilum Alexandrinum. Concilium quoque Constantinopolitanum I. ante Zosimum sub S. Damaso celebratum in relatione ad Romanam Ecclesiam de suo 2. Canone sic scribit: *De administrationibus singularum Ecclesiarum tum vetus lex obtineat, tum Sanctorum Patrum in Concilio Nicæno deciso, ut videlicet singularum Provinciarum Antistites una cum finitimis, modo ipsis ita visum fuerit, Episcopis ad Ecclesiarum commodum habeant ordinationes.* At nullus Nicænus Canon permittit umquam, aut mandat, vicinæ Provinciæ Episcopos ad Ordinationes habendas invitari. Facit id sextus Canon Sardicensis, quem Constantinopolitani Patres ad Romanam scribentes Ecclesiam Romano more Nicænum nuncuparunt. Post S. Zosimum S. Leo Magnus, S. Gelasius, S. Gregorius Magnus, alique Pontifices hunc loquendi usum retinere.*

At cur hi Sanctissimi Viri Sardicenses Canones nuncuparunt Nicænos? Marcus Ephesiorum Metropolita, & Novatores plurimi eos fraudis arguunt, & falsitatis. Sed immerito. Cui enim bono fraudem facerent, cum pro Romanis appellationibus, quas tuebantur, apertissime starent Sardicenses Canones, qui paris, ac Nicæni, in Ecclesia erant auctoritatis? Qua prudentia Zosimus, si Sardicenses Canones ex fraude nuncupasset Nicænos, tam facile consensisset, ut pro authenticis Canonum Nicænorum exemplaribus conquirendis ad Ecclesias Alexandrinam, & Antiochenam Legati mitterentur, cum dubitare non posset, facillime fraudem suam esse detegendam? Cur hac igitur nomenclatura usi sunt? Ratio hæc est. Cum Sardicenses Canones quædam essent Nicænorum expositio, & confirmatio adversus Schismaticas Eusebianæ

Fa-

Factionis novitates, & quædam ad Nicænos appendix; Auctor Codicis Canonum, quo quarto, & quinto Sæculo Romana utebatur Ecclesia, sub eodem Canonum Nicænorum titulo sine ullo discrimine Nicænis Sardicenses adjunxerat, uti patet ex vetustissima eorumdem Canonum collectione, quam in editione Operum S. Leonis Magni vulgavit Paschasius Quesnellus, & uti testatur Coutantius in Notis ad Zosimi epistolam 15. pag. 981., qui eandem Canonum Nicænorum, & Sardicensium sub eodem Nicænorum Titulo conjunctionem in MSS. codicibus Morbacensi, Fossateni, & Colbertino se vidisse affirmat. Inde consuetudo in Romana invaluit Ecclesia, ut Sardicenses Canones dicerentur Nicæni. Res non vacat exemplis. Sic Symbolum Constantinopolitanum ab Ecclesia tum Græca, tum Latina dictum semper est *Nicanum*, & ab ipsa Constantinopolitana Synodo cap. 1. *Nicanum* nuncupatur, quia nihil est aliud, quam clarius Nicæni expositio per quasdam additas voces, quibus grassantes tunc hæreses everterentur. Hinc Marcus Ephesiorum Metropolita in Concilio Florentino interrogatus, cur Symbolum Constantinopolitanum a Græcis, & Latinis Nicænum nuncuparetur, respondit, *quia virtute in Nicæno continetur*.

Verum quomodo Africani Episcopi in Synodo VI. Carthaginensi congregati, quos inter aderant S. Alipius, & S. Augustinus, Sardicenses Canones ignorare potuerunt, cum Concilio Sardicensi Gratus Carthaginensis Episcopus, pluresque Africani Antistites adfuissent, ac subscripserint? Nonne eos, absoluto Concilio, Acta Synodalia, ac præsertim Canones, secum deportasse existimabimus? Quid, quod Gratus ad suam loquens Carthaginensem Synodum cap. 5. ait: *Hæc observantia pacem custodit: nam & memini a Sanctissimo Sardicensi Concilio similiter statutum*. Accedit, quod Hosius, Sardicensis Concilii Præses, plurimam cum Afris habuit necessitudinem, ac proinde ambigendum non videtur, quominus eandem ipsis Synodum commendavit. At quamquam certa hæc sint, certum tamen pariter est, fuisse postmodum Sardicenses Canones Africanis Patribus prorsus ignotos, nullumque in tota Africa fuisse eorum inventum exemplar, cum de Romanis Appellationibus controversiam cum Zosimo habuere, quamquam Bibliothecas, & Ecclesiarum Scrinia diligentissime lustrassent. Quare credibile est, eos neque a Grato, neque ab aliis Episcopis delatos in Africam fuisse. Et sane Gratus ad Synodum dicens: *memini a Sanctissimo Sardicensi Concilio similiter statutum*, insinuavit Synodi Codicem non fuisse ad manum, sed

ex sola memoria, se loqui. Accedit, quòd Donatistæ plurimis in Africa Orthodoxis Episcopis, Presbyteris, ac Diaconis per violentam manuum impositionem in pœnitentium numerum detrulsis, irreparabilem irregularitatis notam inusserant: unde summa orta fuerat Clericorum inopia, atque incredibilis, præsertim Sacrorum Canonum, ignorantia, quæ eo processerat, ut Nicænum ipsum Concilium, exceptis Fidei, & Paschalis temporis definitionibus, ignoraretur. Id exemplo suo, ac S. Valerii Hipponensis Episcopi probat S. Augustinus. Testatur enim in epist. 34. ad Paulinum, se, cum initiatus fuit Episcopus, & a Valerio Hipponensi Antistite in consortium Episcopatus assumptus, ignorasse octavum Concilii Nicæni Canonem, quo duo ad ejusdem Civitatis regimen Episcopi assumi prohibebantur. Quid ergo mirum, quod Africani Patres Sardicenses Canones ignoraverint?

Meminit quidem non semel Concilii Sardicensis Augustinus: at illud semper tamquam Arianorum conciliabulum reprobavit. Et merito: nam Concilium Sardicense, de quo loquitur Augustinus, nihil erat aliud, quam Epistola Encyclica Conciliabuli Philippopolitani, sub Concilii Sardicensis nomine ab Eusebianis exarata, & Donato Carthaginensi, aliisque Episcopis inscripta. Sic enim Augustinus in litteris ad Eleusium, Glorium, & Felicem Episcopos Donatistas scribit: *Fortunius (Episcopus Donatista) Tubursicensis protulit quoddam volumen, ubi volebat ostendere, Sardicense Concilium ad Episcopos Afros, qui erant communionis Donati, dedisse litteras. Quod cum legeretur, audivimus Donati nomen inter ceteros Episcopos, quibus illi scripserant. Itaque flagitare cœpimus, ut doceretur, utrum ipse esset Donatus, de cujus parte isti cognominantur. Et paulo post subdit: sane quoniam nescio quando audiveramus Arianos, cum a Catholica Communione discrepassent, Donatistas sibi in Africa sociare tentasse, ad aurem mihi hoc ipsum frater Alipius suggestu. Tunc accepto ipso volumine, ejusdem Concilii statuta considerans, legi Athanasium Episcopum Alexandrinum Catholicum, & Julium Romanæ Ecclesiæ Episcopum nihilo minus Catholicum illo Concilio Sardicensi fuisse improbatos. Unde apud nos constitit, Arianorum fuisse Concilium, quibus isti Episcopi Catholici vehementissime resistebant. Et lib. 3. contra Cresconium Donatistam cap. 34. sic habet: Disce, quod nescis. Sardicense Concilium Arianorum fuit, quod notum jamdiu est, ut habemus in manibus, contractum maxime contra Athanasium Episcopum Alexandrinum Catholicum, qui eorum errorem in ipsa Civitate exortum præ ceteris arguebat, & refellebat.*

Brevis Notitia Collectionis Decretalium Isidori Mercatoris.

TAM dire Febronius contra Isidori Decretales invehitur, ut graviora in illas congeri non posse maledicta videantur. Pauca delibemus. Cap. 8. sui Operis §. 1. statuit, *causam primariam lapsus discipline, & alterata forma Ecclesiastica esse fictus Isidori Decretales*, & approbat dictum Auctorem Historiæ Litterariæ Gall. to. 4. pag. 18., qui Isidori collectionem vocant, *Opus tenebrarum, quod deinde servavit non solum obscuranda, sed & penitus evertenda omni scientiæ Juris Canonici*. Eodem cap. §. 7. duo hæc sibi probanda proponit: *Excessiva Potestas, qua Romanus Pontifex post falsas Decretales uti cæpit, quaque hodie dum fruitur, Ecclesiæ valde noxia est: Eadem reunioni Ecclesiarum impedimentum ponit*. Tandem eodem cap., & §. num. 6. sic habet: *Si hæc vera sunt, sicuti ea esse a nemine historiarum, actorum, & negotiorum publicorum gnaro negari potest, per necessariam sequelam agnoscendum erit, unum Isidororum Mercatorem plus mali intulisse Ecclesiæ, quam Hæresiarchas simul omnes*. Cum itaque Febronius Romanarum Appellationum originem Sardicensi Concilio, earum vero in infinitum extensionem, ex qua magnum disciplinæ Ecclesiasticæ detrimentum, justitiæque dispendium in hodiernum usque diem promanat (Febronii verbis utor cap. 5. §. 6.) Isidori decretalibus tribuat; Operæ pretium erit, brevem Isidorianæ Collectionis præbere notitiam, ut quid de ea sentiendum sit, statuamus.

Circa finem octavi, & initium noni Sæculi in lucem prodit Canonum, ac Decretalium collectio sub Isidori Mercatoris, seu Peccatoris nomine, quam ex Hispania perlatam Riculphus Moguntinus Episcopus in Gallia promulgavit, teste Hincmaro Rhemensi opusc. 55. contra Hincmarum Laudunensem Nepotem suum cap. 24. Hujus Collectionis Auctorem Hincmarus, Trithemius, alique esse crediderunt S. Isidorum Episcopum Hispalensem, Virum doctrina, vitæque sanctitate celeberrimum. At perperam. Ea enim canones Conciliorum S. Isidori ætate posteriorum, & Decretales Pontificum, qui octavo Sæculo floruerunt, complectitur, cum Isidorus Hispalensis Sæculo obierit septimo, videlicet pridie Nonas Aprilis anno 636., uti Redemptus ejusdem Diaconus in ejus vita testatur. Alii cum Blondello Auctorem putant Isidorum, Eulogii Presbyteri Cordubensis fratrem, qui in Germaniam fugerat, ut Saracenorum crudelitatem evitaret. At hic etiam

antiquior fuit Isidorianæ collectionis Auctore. Alii illam tribuunt Isidoro Episcopo Setabiensi, duplici innixi Chronico, quorum primum editum fuit sub nomine Juliani Diaconi Toletani, alterum Luitprando tribuitur: in utroque autem controversæ collectionis Auctor esse dicitur Isidorus Setabiensis, qui nominatus fuit Peccator, uti refert Petrus de Marca lib. 3. cap. 5. Verum cum utrumque Chronicon dubiæ admodum fidei Eruditi Viri esse deprehenderint, teste Doviat lib. 3. cap. 11.; opinionem tam infirmo nixam fundamento rejicimus. Alium denique alii esse conjiciunt. Certum est, genuinum Auctorem ignorari.

Præter Conciliorum Canones, decretales Epistolas Isidorus refert Summorum Pontificum a S. Clemente I. usque ad Zachariam, qui obiit anno 752., suasque singulis adscribit non secus, ac veri essent eorum fœtus. Quamquam collectio ejusmodi, cum vulgata a Riculpho in Galliis fuit, summum sibi conciliaffet obsequium; non pauci tamen earum epistolarum, quæ a S. Clemente usque ad Siricium recensentur, fidem revocare cœperunt in dubium, quod insertæ eadem non essent Canonum codici, quo Romana utebatur Ecclesia. Nam Sanctus Leo IV. in epist. ad Episcopos Angliæ (apud Labb. to. 8. Concil.) anno circiter 850. has tantum enumeravit regulas, quibus Apostolica Sedes in Ecclesiasticis utebatur judiciis, videlicet *Apostolorum, Nicænorum, Ancyranorum, Neocæsariensium, Gangrensiū, Antiocbensium, Laodicensium, Chalcedonensium, Sardicensium, Carthagenensium, Africano-
rum, & cum illis regulas Præfulum Romanorum, Silvestri, Siricii, Innocentii, Zosimi, Celestini, Leonis, Gelasii, Symmachi, Hormisdæ, Simplicii, & Gregorii junioris. Isti omnes sunt, per quos judicant Episcopi, & per quos Episcopi simul, & Clerici judicantur.* Nullam hîc antiquiorum Pontificum decretalem memorat Leo, sed a Siricio inchoat: *Silvestri* enim nomen fuisse additum contendit de Marca, cum illud in pluribus MSS. codicibus desideretur: Blondellus vero loco *Silvestri, Siricii &c.* legendum putat *scilicet Siricii*. Profecto Baronius tria in Vaticana Bibliotheca extare testatur vetusta exemplaria MSS. codicis, quo tempore S. Leonis IV. Romana Ecclesia utebatur; & alia tria in Monasterio Erbachensi extare, ait Joannes Vvendellinus, in quorum singulis Epistolarum series a Siricio inchoatur. In codice quoque Canonum Ecclesiæ Romanæ edito Moguntiæ ann. 1525., qui ex tribus vetustissimis exemplaribus transcriptus est, decretales dumtaxat epistolæ a Siricio usque ad S. Gregorium Magnum exhibentur.

At ita mox decretalium istarum invaluit auctoritas, ut ab anno 900. usque ad 1400., nemo de illarum sinceritate in Occidente dubitaverit. Joannes quidem Vviclefus sæculo 14. docuit, *decretales Epistolas esse Apocryphas, & seducere a Christi Fide, & stultos esse Clericos, qui eis student*; quam propositionem sess. 8. Concilium Constantiense proscripsit. At is non modo Isidori epistolas in suppositionis suspicionem vocare, sed omnium prorsus decretalium auctoritatem evertere contendebat. Primus omnium Nicolaus Cardinalis Cusanus medio fere sæculo 15. illarum epistolarum suppositionem indicavit in suo opere de concordantia catholica lib. 2. cap. 34., & lib. 3. cap. 2. At sæculo 16. non modo Magdeburgenses Centuriatores, sed plurimi etiam Catholici eas esse genuinas negarunt. Cardinalis Bellarminus lib. 2. de Rom. Pontif. cap. 14. ait: *Indubitatas esse illas priscorum Pontificum epistolas affirmare non ausim*. Cardinalis Baronius ad ann. 865, num. 8. deprehensam jam esse earum suppositionem affirmavit: *Ex multis, inquit, eas reddi suspectas epistolas per ea, quæ dicta sunt 2. Annalium tomo, dum de singulis mentio facta est, satis est demonstratum, simulque ostensum, illis non indigere Sanctam Romanam Ecclesiam, ut si falsitatis arguantur, suis ipsa destituatur juribus, & privilegiis, cum, etsi illis careat, ex legitimis, germanisque aliorum Romanorum Pontificum epistolis decretalibus satis, superque corroborata consistat*. Tandem Petrus de Marca, Antonius Augustinus, Stephanus Balutius, Jacobus Sirmondus, Dionysius Petavius, Christianus Lupus, Daniel Papebrochius, Natalis Alexander, uterque Pagius, Petrus Coutantius, alique plurimi eas Romanis Pontificibus, quorum nomina præferunt, abjudicandas esse docuerunt, itaut mirum videatur, Turrianum, Binium, aliosque paucos, doctos cæteroqui Viros, illas vindicandas suscepisse.

Hæc autem præcipua sunt argumenta, quibus eas esse supposititias evincunt. 1. quia illæ Scripturam Sacram usurpant secundum vulgatam versionem a S. Hieronymo adornatam, adeoque multo recentiore iis Pontificibus, qui eas scripsisse dicuntur. 2. quia nullus ante sæculum nonum Ecclesiasticus Scriptor earum meminit, ne ipse quidem Dionysius Exiguus, qui tamen omnem se diligentiam in decretalibus Romanorum Pontificum epistolis conquiendis adhibuisse professus est. III. quia earum materia primis Ecclesiæ sæculis, quibus conscriptæ perhibentur, minime congruit. IV. quia eas ex posteriorum Pontificum, SS. PP., & Conciliorum dictis constatas esse constat. V. quia falsis pleræque tempo-

rum,

rum, & Consulatuum consignatæ sunt notis. VI. quia è styli similitudine, eodemque scribendi charactere ab uno eas omnes Auctore fuisse confectas patet. VII. quia barbarus est eorum sermo, & ab elegantia sæculi, quo datæ supponuntur, alienus. VIII. quia innumeri in iis occurrunt Antichronismi, uti ostendit Dovjat in Prænot. lib. 2. cap. 22.

Quo consilio has Epistolas Auctor exaraverit, ac priscis supposuerit Pontificibus, ignoramus, ac tempus terere divinando nolumus. Ejus consilium certe non fuit illud, quod parum æqui Pontificiæ jurisdictionis æstimatores jactitant, videlicet ut supposititiis monumentis auctoritatem Apostolicæ Sedis augeret, novumque in Ecclesiam inveheret ordinem judiciorum. Ab his Criticorum diæteriis Isidorum optime vindicavit Cardinalis de Aguirre in dissert. Eccles. ad Collect. Isidori tom. 1. Concil. Hispan., ubi ex indubiis SS. Siricii, Innocentii, Zosimi, Bonifacii, Cælestini, Leonis, aliorumque Pontificum decretalibus ostendit, illa Apostolicæ Sedis jura, quæ ab Isidoro inducæta fuisse dicunt, per plura ante Isidorum sæcula viguisse. Blondellus ipse in libro, cui titulus *Pseudo-Isidorus, & Turrianus vapulantes*, spurias esse Isidori merces ostendens, quæcumque ad Ecclesiæ Romanæ auctoritatem in Isidori epistolis faciunt; ea fere omnia jamdiu, si non iisdem Pontificibus, quibus epistolas tribuit Isidorus, aliis saltem, ac præterea Conciliis, Patribus, & antiquis Ecclesiasticis optimæ plerumque notæ Scriptoribus placuisse ostendit. In eo denique Catholici Scriptores conveniunt, ut ex posteriorum Pontificum, Conciliorum, Patrum, Scriptorumque verbis, ac sententiis Isidori epistolas esse conflatas fateantur.

Et sane multa passim in iis occurrunt desumpta ex S. Siricio, S. Innocentio I., S. Zosimo, aliisque Pontificibus usque ad S. Hormisdam: multa ex Vigilio, S. Gregorio Magno, S. Agathone, SS. Gregorio II., & III., & S. Zacharia, qui obiit anno 752.: multa ex omnium fere regionum Conciliis, Constantinopolitano I., Chalcedonensi, Romanis Synodis sub S. Hilario, S. Felice II., S. Simmacho, S. Martino I., & S. Gregorio II., Carthaginensibus I., II., III., IV., V., VI., & VII., Milevitano I., Agathensi, Aurelianensi V., Parisiensi III., & VI. habito anno 829., Hispalensi II., & Toletanis VI., VIII., X., & XI. Plurimæ quoque in iis habentur iisdem verbis sententiæ SS. Patrum, aliorumque optimæ notæ Scriptorum, idest Ambrosii, Hieronymi, Rufini, Augustini, Procli, Prosperi, Juliani Pomerii, Itha-

Ithacii Clari, seu Vigiliï Tapfensis, Benedicti Cassiodori, Ennodii, Venantii Fortunati, Stephani Dorensis Episcopi, Victorii Carthaginensis, Sergii Cypri, Deusdedit Calaritani in Sardinia, & Bonifacii Moguntini. Nonnulla tandem in iis extant ex Theodosii, & ex Justiniani codice decerpta. Quare optime Cardinalis Bona lib. 1. rer. Liturgic. cap. 3. inquit, supposititias Pontificum usque ad Siricium Decretales, *ex sententiis veterum Canonum, Legum etiam Civilium, & SS. Patrum, qui quarto, & quinto sæculo floruerunt, magna ex parte esse contextas.*

Cum ex his fontibus Isidori Epistolæ haustæ fuerint, nihil derivatum in illas fuit, quod aut dogmatum veritati, aut integritati morum, aut recto judiciorum ordini repugnaret. Hinc mirum non est, eas totius Occidentalis Ecclesiæ usu per plura sæcula fuisse consecratas, a Romanis Pontificibus, Conciliis, ac Doctoribus citari, ac laudari consuevisse, doctisque Commentariis a plurimis Juris Canonicis Interpretibus fuisse illustratas. Laudati enim Auctores, uti sapienter monet Natalis Alexander dissert. 2. 1. ad sæcul. 1., varia ex veterum Pontificum „ epistolis decreta laudarunt, quia usu receptæ erant in Ecclesia, & ab „ Apostolica Sede probatæ erant; non quod illas a Sanctis Pontificibus „ datas censerent sed quia illas quoad dogmatum veritatem, & „ quoad judiciorum ordinem ab Ecclesia receptas noverant, quorum „ cumque Auctorum essent „. Optimo proinde jure adversus Blondellum, qui in Isidori Epistolarum suppositione detegenda non parcit injuriis, scripsit Petrus de Marca lib. 3. concord. cap. 5. num. 1.: *In eo suffragari non possum, quod atrocioribus verbis epistolas dilacerat, quas è sententiis, & verbis Legum, Canonum antiquorum, & SS. Patrum, qui quarto, & quinto sæculo floruerunt, si pauca demas, concinnatas esse constat.*

Quid ergo de Febronio dicemus, qui innumeris adversus Isidorum contumeliis opus refersit suum, unumque Isidorum plus mali, quam Hæresiarchas simul omnes, Ecclesiæ intulisse affirmavit? Quis sanæ mentis id credat? Mala, quæ Hæresiarchæ intulerunt Ecclesiæ, sunt dogmatum falsitas, morum corruptio, perversio judiciorum, populorum perturbatio, seditiones civium, perduelliones, bella, sacrilegia, cædes, rapinæ, incendia, aliaque hujusmodi, per quæ humanæ, divinæque leges impudentissime conculcantur, uti videri potest apud Maimburgum in Historia Arianismi, Lutheranismi, Calvinismi, Iconoclastarum &c. At quid horum insinuant, aut in Ecclesiam invexere Isidorianæ Decretales? Profecto nihil: doctrinam, quam continent,

ac

ac insinuant, quoad dogmatum veritatem, puritatem morum, ac judiciorum ordinem a quarto, & quinto Christi sæculo ab Ecclesia esse receptam, & constantissime conservatam, fatentur Cardinalis Bona, Petrus de Marca, & Natalis Alexander, quorum fides Febronio suspecta esse non potest. Imo Febronius ipse cap. 8. sui operis §. 4. num. 2. proferens Papebrochii verba in Propilæo Mensis Maii, quibus hic Auctor sub Nicolao I. narrans falsarum decretalium auctoritatem fuisse a Summis Pontificibus approbatam, subdit; „ eos quidem nihil approbasse „ a fide, aut moribus Ecclesiæ abhorrens, in eo tamen, quod facti „ erat, & historiæ, omnino errasse, sed citra culpam &c. „ sic ait: „ Quod hic de Fide memorat Papebrochius, verum teneo: quod de „ moribus Ecclesiæ addit, peræque constat respectu illorum tempo- „ rum, quibus hi Pontifices spurios Isidori partus, qui jam adoleve- „ rant, laudantes, & sollicitè nutriendos vivere. Plus dico: Pontifices „ auctoritatem suam taliter firmatam videntes, ut nemo ei contradi- „ cere præsumeret, se ad eam modis omnibus tuendam in conscien- „ tia obligatos credidisse. Quod denique eos in historia errasse affir- „ mat, itidem ingenue monet Papebrochius, qui hic Historici, & „ Critici vices agit. Sed patietur a Jurisconsulto addi, illos non minus „ errasse in Jure, & Ecclesiastica disciplina. Si autem propter erro- „ rem communem excusari mereantur Pontifices, non poterit tamen „ error ille jam agnitus pro Jure allegari.

In adducto textu duo Febronius affirmat, quæ sunt omnino falsa. Primo enim Ecclesiæ mores ad ea restringit tempora, quibus Isidori partus jam adoleverant. At etiam, antequam Isidori Decretales ederentur in lucem, & tamquam legitimæ exciperentur, pleraque moribus recepta erant in Ecclesia, præsertim quoad supremam Romani Pontificis auctoritatem, & jurisdictionem, uti patet ex S. Leone Magno, & S. Gelasio, qui Ecclesiæ sæculo quinto, S. Nicolao I., qui sexto, & SS. Patribus, qui quarto, & quinto floruerunt. Porro Isidorus suas Decretales ex iis conflavit, quæ usu recepta vidit in Ecclesia, a Summis Pontificibus probata, a Conciliis definita, & a SS. Patribus commendata, uti superius vidimus, ac solum, ut iisdem majus auctoritatis pondus adderet, eas antiquis primorum sæculorum Pontificibus attribuit. Deinde contendit Febronius, Romanos Pontifices errasse in Jure, & Ecclesiastica Disciplina, erroremque hunc jam agnitus non posse amplius pro Jure allegari. At Romani Pontifices neque errarunt in Jure, neque

jus agnitionis falsum pro Jure allegarunt. Cum enim de eorumdem Romanorum Pontificum juribus, ac privilegiis Febronius loquatur; ea profecto non sibi Pontifices tribuerunt vi decretalium Isidori, sed vi Primatus auctoritatis, ac jurisdictionis, quam in universa Ecclesia constanter exercuerunt. Ego quidem non Isidori Decretalibus, sed certissimis argumentis utar, ut ostendam, tum ante Sardicense Concilium, tum ante Isidoriani operis editionem penes Romanos Pontifices fuisse semper jus recipiendarum ex omnibus Orbis partibus appellationum. Idem quoque alia jura Catholici Doctores praestitere.

Quamquam supposititiae fere omnes sint Pontificiae a S. Clemente ad S. Siricium Decretales, quas collectioni suae Isidorus inseruit; non proinde dicendum est, aut nullas priscos illos Pontifices Epistolas conscripsisse, aut omnes, quotquot scripserunt, interiisse. Certum enim est plures ab iis fuisse conscriptas. Nam S. Victoris I. epistolae de tempore celebrandi Pascha indicantur ab Eusebio lib. 5. cap. 23. Plures S. Cornelii Litterae memorantur a S. Hieronymo lib. de viris illustribus cap. 76., & ab Eusebio lib. 6. cap. 46. Epistolam S. Soteris ad Corinthios memorat S. Dionysius Corinthiorum Episcopus apud Eusebium lib. 4. cap. 23. Litterarum S. Fabiani meminit S. Cyprianus epist. 55., & litterarum S. Lucii epist. 67. Certum quoque est, alias ex his epistolis integras, aliarum vero fragmenta a SS. Patribus, aut a vetustis Ecclesiasticarum Historiarum Scriptoribus referri, quibus proinde fides denegari prudenter nequit. Ex epistolis per tria priora saecula conscriptis solae quatuor integrae, aliarum vero quatuor fragmenta dumtaxat supersunt. Ex iis autem, quae saeculo quarto usque ad S. Siricium, idest ad annum 384. scriptae sunt, duae extant, quas S. Julius I., duodecim, quas Liberius, & octo, quas S. Damasus exaravit.

Epistolae trium priorum saeculorum sunt haec. 1. epistola S. Clementis I. ad Corinthios, quam laudant S. Irenaeus lib. 3. adversus haereses cap. 3., Origenes lib. 2. de principiis cap. 3., S. Clemens Alexandrinus lib. 1. Stromat., Eusebius lib. 3. cap. 16., S. Cyrillus Hierosolym. catech. 18., S. Epiphanius haeres. 27. num. 6., S. Hieronymus in Catalogo Scriptorum; & lib. 14. Commen. in 52. Isaiae, & Photius in Bibliotheca cod. 113. Hanc latine redditam publici juris fecit anno 1633. Patricius Junius, qui ex vetustissimo Codice MSS. Bibliothecae Regiae Angliae eandem transcripsit. Creditur hic Codex saeculo quarto circa Concilium Niceni I. tempora manu Theclae nobilis foeminae Aegyptiae fuisse

fuisse exaratus . Illum Carolo I. Angliæ Regi dono dedit Cyrillus Lucas Patriarcha Constantinopolitanus . 2. tres S. Cornelii epistolæ , quarum duæ ad S. Cyprianum inter ejusdem Cypriani epistolas extant , tertia ad Fabium Antiochenum Episcopum refertur ab Eusebio lib. 6. cap. 43. 3. duo fragmenta epistolarum S. Stephani I. , quorum alterum refert S. Dionysius Episcopus Alexandrinus apud Eusebium lib. 7. cap. 5. , alterum extat apud S. Cyprianum epist. 74. erutum ex litteris , quas ad ipsum S. Stephanus dedit . 4. fragmentum epistolæ S. Dionysii Papæ adversus Sabellianos , quod refert S. Athanasius in epist. de decretis Nicænæ Synodi . 5. fragmentum epistolæ S. Felicis I. ad Maximum Alexandrinum Episcopum , quod inter SS. Patrum testimonia laudatur in actione Concilii Ephesini .

Epistolæ Pontificum quarti sæculi usque ad S. Siricium deperditæ sunt fere omnes , & vix trium Pontificum supersunt aliquæ . Sunt autem hæ . 1. duæ S. Julii I. , altera ad Eusebianos , altera ad Clerum , Populumque Alexandrinum . Priorem describit S. Athanasius in apolog. 2. contra Arianos , posteriorem refert Socrates lib. 2. cap. 23. , & ex eo latinam reddidit Epiphanius Scholasticus Historiæ Tripartitæ lib. 47. cap. 29. 2. duodecim Liberii epistolæ . Ex his septem extant inter S. Hilarii fragmenta , videlicet ad Hosium Cordubensem Episcopum , ad Constantium Imperatorem , ad Orientales , ad Ursacium , & Valentem , ad Vincentium Capuanum Episcopum , ad Episcopos Italiæ , ac tandem ad Cæcilianum Episcopum Spoletinum ; quatuor datæ ad Eusebium Vercellensem Episcopum extabant in Vercellensis Ecclesiæ Tabulario , & editæ in lucem sunt a Cardinali Baronio ; duodecima tandem ad Orientis Episcopos refertur a Socrate lib. 4. cap. 12. Aliæ Liberii epistolæ interierunt , inter quas recensenda est Decretalis illa , quam per Provincias misit , & cujus meminit S. Siricius in epist. ad Himerium Episcopum Tarraconensem . 3. octo S. Damasi epistolæ , è quibus quatuor edidit Lucas Holstenius in collectione Romana bipartita , nimirum ad Orientales , ad Paulinum Episcopum Antiochenum , & duas ad Acholium Episcopum Thessalonicensem ; duas ad S. Hieronymum vetusti Scriptores inter Sancti Hieronymi epistolas retulerunt ; duas tandem ex Theodoreto Græcas , ex Epiphanio Scholastico latinas accepimus , alteram videlicet ad Episcopos Illyrici apud Theodoretum lib. 2. cap. 22. , & apud Epiphanium Scholasticum lib. 5. cap. 29. , alteram contra Apollinarium , & Timotheum apud Theodoretum lib. 5.

lib. 5. cap. 10., & apud Epiphanium Scholasticum lib. 9. cap. 15. Aliæ plures, quibus S. Damasus *Orientis, atque Occidentis* Synodicis Consultationibus respondit, & in quibus scribendis S. Hieronymi opera usus est, interciderunt.

Ex dictis patet 1. Decretales a S. Clemente ad S. Siricium Isidorianæ collectioni insertas, esse plerasque iis Pontificibus, quibus tribuuntur, abjudicandas. 2. nihil eas continere, quod aut dogmatum veritati, aut puritati morum, aut recto judiciorum ordini, quo multo ante editas Isidori Decretales Ecclesia utebatur, adversetur, adeoque non esse contumeliis, & maledictis onerandas. 3. verissima esse Romani Pontificis jura, ac privilegia, quæ in iis decretalibus continentur, eademque non ex iis decretalibus, sed ex genuinis Romanorum Pontificum epistolis, aliisque invictis monumentis a Catholicis Doctoribus comprobari.

C A P U T III.

Utrum Episcoporum Synodus, aut Presbyterorum Concilium, quod a Romanis Pontificibus in gravibus quibusdam causis dijudicandis, ac definiendis cogeatur, ex defectu auctoritatis, ac potestatis in Pontifice, an ex prudentiæ Evangelicæ consilio cogatur?

Romani Pontifices, uti notat Petrus Coutantius in præfat. gener. ad Epist. Rom. Pontif. num. 33., ne vel ex præconcepta opinione, vel ex præcipiti animo graviora Ecclesiarum negotia expedire viderentur; nihil inconsulto aut Presbyterorum Collegio, aut Episcoporum Concilio decernere consueverunt, Apostolorum Principem Petrum imitati, qui excitatam de Circumcisione controversiam, nonnisi Apostolis, ac Presbyteris Hierosolymam accersitis, auditoque eorum suffragio, diremit. Ecclesiæ Romanæ Clerum præ cæteris, utpote locupletiores Apostolicæ traditionis testem, sive in causis dijudicandis, sive in Decretalibus conscribendis in consilium adhibuere; qui mos ad nostra hæc usque tempora constanter permansit, ac perseverat, cum in gravioribus negotiis consilium Pontifex a Cardinalibus exquirat, è quibus Romanus Clerus constituitur. Sic S. Clemens I. ex Cleri Romani consilio epistolam ad Corinthios exaravit, eamque proinde Romanæ Ecclesiæ nomine insignivit. S. Zephyrinus, uti refert antiquus Auctor libri adversus Artemonem, nonnisi audita Cleri sui sententia, Natalem Confessorem ab hæresi reversum ad Communionem admisit. S. Pontia-

nus, ut in Origenem inquireret, *Senatum* idest, Clerum congregavit, teste S. Hieronymo apud Rufinum lib. 2. S. Cornelius in epist. 6. se a Novatiano schismatico reduces, *contracto Presbyterio*, recepit testatur, facrorumque restituisse consortio. S. Fabianus, uti refert S. Cornelius epist. 9., ex Cleri, Populique consensu Novatianum cooptavit in Clerum, & S. Dionysius Papa, uti perhibet S. Athanasius lib. de Synod., ex Synodi sententia litteras ad S. Dionysium Alexandrinum dedit. Ex Episcoporum Italiae suffragio Eusebianis rescripsit S. Julius I., & S. Damasus ex Romanae Synodi sententia decretalem illam ad Orientis Episcopos epistolam dedit, de qua redibit sermo. Innumera alia ejusmodi exempla brevitatis gratia lubens prætermitto.

Prudentissimam hanc agendi rationem male interpretantes Tillemontius, Launojus, Dupinius, aliique pauci docuere, necessarium semper fuisse Synodorum consensum, ut Apostolicæ Sedis auctoritas in controversiis dirimendis suum habeat robur, ac firmitatem. At hæc antiqua est fabula, quam omnium primi contexuerunt Eusebiani, & Acaciani, cum illi adversus S. Julium I., hi adversus S. Felicem III. conquererentur, eorum causam non fuisse in Synodo pertractatam. Respondum illis fuit, Orientalium causarum judicium non ad Romanum Clerum, seu ad Italiae Episcopos, sed ad unum Romanum Pontificem pertinere. Is enim supremam habens in omnes Ecclesias jurisdictionem, sollicitudinem gerit omnium Ecclesiarum. Eadem adversus citatos Auctores adhibenda est responsio. Suprema in Ecclesia auctoritas, ac jurisdictio non particularibus Episcoporum Synodis, aut Presbyterorum Collegio, sed Romano Pontifici a Christo fuit demandata. Hinc optime inquit S. Damasus anno 381., aut 382. in epist. ad Concil. Constantinopol. I. apud Theodoretum lib. 1. cap. 10. *Quod vestra charitas debitam Sedi Apostolicæ reverentiam tribuit, Filii honoratissimi, vobis quoque maximo sane honori est . . . Nam in Sancta Ecclesia, in qua S. Apostolus sedens nos docuit, quo pacto illius gubernacula, quæ suscepimus, tractanda sunt, nobis primæ partes deferuntur.* Sed audiamus, quid hac de re Synodi ipsæ senserint, quas Romani Pontifices ad causas dirimendas cgebant.

Romana Synodus sub S. Damaso in epist. ad Illyricos aperte proficitur, penes unum Summum Pontificem integram stare rei Christianæ summam, ac proinde amplecti se dicit ea, quæ a S. Damaso fuerant constituta. Synodus Romana sub S. Hilario anno 465. can. 1. dicit:

cit : *Nulli fas sit sine status sui periculo vel divinas Constitutiones , vel Apostolica Sedis decreta temerare ; & cum Hilarus Synodo proposuisset Episcoporum Hispanorum preces pro Irenæo , quem Nundinarius sibi in Ecclesia Barcinonensi successorem designaverat , & eorundem querelas contra Silvanum Calaguritanum Episcopum , qui indebitas usurpaverat ordinationes , respondit Synodus : Auctoritate vestra resistite huic rei per Apostolatum vestrum Ordinatio Apostolica illibata servetur .* Romana Synodus dicta *Palmaris* sub S. Symmacho anno 501. hæc de Romani Pontificis potestate fatetur : *Scientes , quia ejus Sedi primum Petri Apostoli meritum , vel Principatus , deinde secuta jussionem Domini Conciliorum venerandorum auctoritas , ei singularem in Ecclesiis tradidit potestatem , nec antedictæ Sedis Antistitem minorum subjacuisse judicio .* In Romana Synodo sub Bonifacio II. anno 351. lectus , approbatusque fuit supplex libellus Stephani Larissenfis Metropolitæ , in quo hæc præ cæteris habentur : *Dixi , quia auctoritas Sedis Apostolica , quæ a Deo , & Salvatore nostro Summo Apostolorum data est , omnibus Sanctarum Ecclesiarum privilegiis antecellit , in cujus confessione omnes Mundi requiescant Ecclesiæ .* In Synodo Romana sub Joanne VIII. anno 877. Romana Ecclesia semper Ecclesiarum Magistra , Mater , & Caput nuncupatur , collectique in eadem Synodo Episcopi iis omnibus , quæ Pontifex decernenda proposuit , hoc unum dedere responsum : *Placet , & valde placet in omnibus vestra sanctissima sectari vestigia ; neque fas est , ut a Culmine Apostolatus vestri in aliquo dissentiamus , quem videlicet ipse Christus Dominus noster omnium nostrum ad vicem suam in terris esse voluit Caput .* Ne infinitus sum , alia plurima ejusmodi testimonia prætermitto .

Jam vero cum Sanctissimus Apostolorum Princeps Petrus , uti ex S. Damaso audivimus , Romanum docuerit Pontificem , quo pacto Sanctæ Ecclesiæ gubernacula , quæ tenet , tractanda sint , eique proinde primæ in Ecclesia partes deferantur ; Cum penes unum Pontificem integra stet rei Christianæ summa , & illibata servanda sit Apostolica Ordinatio ; Cum Caput sit omnium , & non Sacerdotibus , seu Episcopis , sed Apostolo Petro Christus dixerit : *tu es Petrus , & super hanc petram ædificabo Ecclesiam meam & tu conversus aliquando confirma fratres tuos ;* Cum denique singularem Dominus Romano Pontifici in Ecclesiis tradiderit potestatem , eumque minorum judicio subjacere nolit , uti ex allatis Synodorum testimoniis constat ; Quis non statim intelligat , Episcopos , Romanæque Ecclesiæ Presbyteros in consilium dum-

dumtaxat a Romanis Pontificibus acciri consuevisse, ut in negotiis expediendis Christiana uterentur prudentia, non ut Pontificiis decretis a Synodi sententia aut firmitior, aut amplior adderetur auctoritas? Accedit huc, quod Decretales aliquas, in quibus graviores controversias Pontifices diremerunt, sine prævia Synodi sententia editas fuisse vero simillimum est, tum quia hanc non habent notam, tum quia de præhabita Synodo nullum historicum extat monumentum. Imo Decretales in Synodis editæ uni Romano Pontifici acceptæ referuntur. Sic S. Melchiadi damnationem Donatistarum S. Optatus, & S. Augustinus; S. Innocentio I. sententiam adversus Pelagium, Cœlestiumque latam Africani Episcopi in epist. ad S. Zosimum; S. Zosimo tractoriam adversus Pelagianos Marius Mercator; & S. Liberio epistolam 15. ad Orientales S. Basilius epist. 74., & Socrates lib. 4. cap. 12., referunt acceptas. Tandem S. Gelasius, S. Gregorius Magnus, alique Pontifices cuncta a se in Synodis propria auctoritate fuisse constituta affirmant; Contra vero S. Petrus Chrysologus in epist. ad Eutichetem nihil sine Romani Pontificis conscientia, & auctoritate fieri in Synodis ab Episcopis posse professus est.

C A P U T I V.

An ante Sardicensem Synodum delatæ ad Romanum Pontificem fuerint, ab eoque exceptæ e variis Mundi partibus appellationes?

CUM jus recipiendarum ab omnibus Mundi partibus appellationum esse velit Febronius privilegium adjectivum, Romanoque Pontifici concessum a Sardicensi Synodo, quæ novum quid, & antea insuetum introduxit; Contendit proinde, nullas ante Sardicensem Synodum ad Romanum Pontificem fuisse delatas appellationes, nullasque ab eo causas per se, vel per alios iterum fuisse discussas. Si ergo ex certis monumentis ostendam, ante Sardicensem Synodum e variis Mundi partibus ad Romanum Pontificem appellari consuevisse; Causa cadet Febronius, qui eripere eidem curat nobilissimum illud jus, quod supremæ ejusdem in totam Ecclesiam jurisdictioni innatum esse Catholici Doctores affirmant. Antequam ejusmodi proferam monumenta, revocandum est in Lectoris memoriam, Sardicensem Synodum anno Christi 347. fuisse celebratam. Hæc autem sunt, quæ feligo, Ro-

ma-

manarum ante Sardicensem Synodum appellationum exempla . 1. Marcionis . 2. Montani , Floriani , Blaſi , aliorumque , quos Cataphrygas nuncupabant . 3. Privati Lambesitani . 4. Novati . 5. Fortunati , Felicissimi , & quatuor Africanæ Ecclesiæ Presbyterorum . 6. Basilidis Asturicensis , & Martialis Emeritensis . 7. Cæciliani Carthaginensis Episcopi . 8. S. Athanasii . 9. Pauli Episcopi Constantinopolitani . 10. Asclepæ Gazensis , & Lucii Adrianopolitani . 11. Marcelli Ancyran-
12. Urfacii , & Valentis .

Hi omnes , exceptis Valente , & Urfacio , ante Sardicensem Synodum ad Romanum Pontificem ex variis cum Occidentis , tum Orientis partibus appellarunt , eorumque causa in gradu appellationis , ut ajunt , cognita ab eodem est , ac definita . Quod verum etiam est de iis omnibus , quos ad S. Julium I. provocasse dicimus : Eorum enim omnium causam Julius ipse in gradu appellationis judicavit , quamquam postea ad retundendam Hæreticorum audaciam ejusdem revisionem Sardicensi commisit Synodo , quæ Pontificis sententiam plenissime confirmavit . Tot , ac tam perspicua Romanarum Appellationum exempla singillatim exponamus , & authenticis documentis confirmemus .

C A P U T V.

Marcionis ad Apostolicam Sedem appellatio .

M Arcio , teste S. Epiphanio hæresi 42. , Sinopenſis Ecclesiæ Presbyter , cum propter fornicationem a parente suo Episcopo Sinopenſi deturbatus a Fidelium communione , ac Presbyteratus gradu fuisset , pœnitentiam ab eo , quamquam diu , multumque supplicasset , obtinere non potuit . Quamobrem ad Romanum Pontificem provocavit , seseque Romam contulit , quo tamen nonnisi post Hygini mortem (idest post annum 141.) cum Apostolica vacaret Sedes , pervenit . Conſectum Seniores (videlicet Clerum) qui ab Apostolorum Discipulis edocti adhuc supererant , adiit , & ut in communionem reciperetur , postulavit . Negarunt hi agentes : *Nobis injussu venerandi Patris tui facere istud non licet . Una siquidem fides est , & animorum una consensio , neque contra Spectatissimum Collegam Patrem tuum moliri quidpiam possumus .* Tunc iratus ille *Ecclesiam vestram* , inquit , *ego dissociabo , ac in ea schisma sempiternum immittam .* Cerdoni proinde adhærens

rens (qui , uti perhibent S. Irenæus lib. 1. cap. 17. , & S. Cyprianus epist. 74. ad Pompejum , sub Hygino Romam venerat) ejusdem errores disseminavit , ac per annos plures Romæ commoratus plurimos decepit , uti patet ex S. Hieronymo , qui in Ecclesiasticorum Scriptorum Catalogo de S. Polycarpo loquens ait : *Polycarpus , Ecclesiam in Urbe regente Aniceto , Romam venit , ubi plurimos credentium Marcionis persuasione deceptos reduxit ad Fidem , cumque ei fortuito obviamfuisset Marcio , & diceret , cognoscis nos ? respondit : cognosco primogenitum Diaboli .* Pluries ad pœnitentiam venit , sed pluries relapsus est , donec tandem constanter pœnitens , ab Eleuthero Papa (qui ab anno 170. ad 185. Romanam gubernavit Ecclesiam) Sacramentalis pacis , seu reconciliationis gratiam sub ea conditione recepit , ut a se deceptos Ecclesiæ restitueret ; quam tamen explere conditionem morte præreptus non potuit , uti narrat Tertullianus in lib. præscriptionum cap. 30.

Ex his constat 1. jam inde a secundo Ecclesiæ sæculo Clericos etiam Orientales , cujusmodi erat Marcio , prætermisiss Metropolitano , Exarcho , & Patriarcha , a suorum Episcoporum judiciis ad Apostolicam Sedem appellasse , Romamque venisse . 2. cum in Marcionis adventu Romana vacaret Ecclesia , & a Presbyteris administraretur , qui ab Apostolorum discipulis , quibuscum vixerant , Ecclesiasticam didicerant disciplinam ; satis patet , Romanarum appellationum usum ex Apostolica traditione , doctrinaque derivari . 3. cum Clerus Romanus Marcionis Patrem nuncupaverit *Spectatissimum Virum* , credibile est , illum Romanæ fuisse notum Ecclesiæ , ac proinde eam de suo in filium judicio , ac de ejus appellatione , & fuga fecisse certiore , uti prudenter conjicit Christianus Lupus : nullibi tamen vel minima extat ejusdem de hac appellatione querela . 4. tantam olim fuisse constat Ecclesiæ Romanæ apud alias Ecclesias etiam Orientales venerationem , ut hæc ad illam etiam Pastore viduatam appellationes transmitterent , quas Romanus Clerus definiret , uti ex hoc Marcionis exemplo patet , & exemplo Privati , quod inferius referemus .

At enim cur Sinopenfis Episcopus filio suo pœnitentiam postulanti denegavit ? Cur Clerus Romanus Marcionis preces rejecit ? Respondeo hanc fuisse causam . Usque ad Zephyrini Pontificatum is in Ecclesia viguit rigor disciplinæ , ut si quis idololatriæ , aut homicidii , aut mœchiæ publice reus esset , ad perpetuam totius vitæ pœnitentiam adigeretur , quin unquam ad perfectam in externo Ecclesiæ foro , publi-

blicamque reconciliationem , & pacem rediret , pristinaque omnia iura recuperaret . Rigorem hunc temperavit S. Zephyrinus , de quo Tertullianus , in Montani hæresim iam lapsus , sic scribit in lib. de pudicitia cap. 1. *Pontifex Maximus , Episcopus Episcoporum edicit : Ego & moribus , & fornicationis delicta pœnitentia functis dimitto .* Cum itaque sexagesimo fere anno ante Zephyrini Pontificatum fornicationis crimen Marcio admississet , propter vigentem adhuc rigorem disciplinæ , filio certam ad tempus pœnitentiam , qua peracta perfectam in Ecclesia reconciliationem , & pacem obtineret , suumque in gradum reverteretur , negavit Pater , & Patris sententiam Romanus Clerus confirmavit .

At reponit Paschasius Quesnellus in Commentariis in S. Leonis Opera . Non propter disciplinæ rigorem , sed propter defectum potestatis Romanus Clerus Marcioni dixit : *Nobis injussu Venerandi Patris tui facere istud non licet , neque contra spectatissimum Collegam Patrem tuum moliri quidquam possumus .* Hæc enim verba indicant , quod si Sinopensis Episcopus jussisset , illud sane licuisset ; quod certe cum illius disciplinæ rigore componi nequit . Dicendum ergo , Romanum Clerum absolute non potuisse contra Sinopensis Episcopi sententiam quidquam agere propter defectum potestatis : *inconcessam enim auctoritatem habet qualibet Synodus , & contumeliosè agitur cum Iudice , cujus iudicium ab aliis examinatur .* Resp. 1. ea , quæ obijciuntur , esse Eusebianæ factionis deliria , ab Antiochena Pseudo-Synodo ad S. Julium scripta , & propter quæ Philippopolitanum Conciliabulum S. Julium , & S. Maximum Trevirensis Episcopum de gradu suo inaudita temeritate dejecit : Imo pejora esse , quia Eusebiani in Synodalia tantum Patriarcharum iudicia , Quesnellus vero , ejusque Asseclæ in Provincialium etiam Synodorum decreta Romano Pontifici abnegant auctoritatem . Resp. 2. merito Romanum Clerum dixisse : *nobis non licet , non possumus : quia cum in Sinopensi , tum in Romana Ecclesia disciplinæ rigor , quem diximus , servabatur , ac nondum electus Pontifex fuerat , qui rigorem disciplinæ suprema auctoritate leniret , quemadmodum cum ipso Marcione factum postmodum fuit : Resp. 3. aliud est inferioris iudicium a Superiore retractari , ac discuti , aliud ejusdem sententiam , quæ justa sit , a Superiore tamquam injustam circumscribi . Hoc secundum fieri non licet , secus vero primum , nisi appellationem omnem tamquam illicitam eliminare velimus ; quod nemo dixerit . Jam vero Marcio ad Apostolicam Sedem non appellavit , ut parentis sui sententia tamquam*

injusta revocaretur, neque in gradum, & communione reparari petiit per justitiam, sed per gratiam. Duplex enim est lapsi reparandi forma, altera per justitiam, altera per dispensationis gratiam. Hanc secundam Marcio postulavit, non primam: cum autem utramque posset pro suprema sua auctoritate Romanus Pontifex exercere, ad eum proinde confugit: At nullam Supremus Judex injuriam infert inferiori, siquem ab eo juste damnatum per gratiam repareret dispensationis. Hanc vero gratiam Marcio a Romano Clero non impetravit, quia erat ex majoribus Romano Pontifici reservatis, præsertim cum non modo Ecclesiasticæ communionis, & Presbyteralis honoris restitutionem, sed etiam tanquam Presbyterum in Ecclesia Romana collocari postulare. Sic enim loco cit. scribit S. Epiphanius: *Quamobrem stimulat invidia, quod non principem illic locum, ac ne Ecclesiæ quidem adiutum impetrasset* &c., ubi nomine principis loci Presbyteralis honor intelligitur, cum Presbyteri, uti Principes, ac Senatores Ecclesiæ, Episcopo suo assiderent. At Apostolicus Canon alienum Clericum sine proprii Episcopi consensu ab alio Episcopo in Ecclesia sua incardinari vetabat. Quare Cleri Romani verba ad Marcionem hunc sensum habuere. *Nec justissimam tui Patris de te sententiam circumscribere, nec te, quamquam innocens esses, in nostrum cardinem sine ejus consensu possumus admittere.*

C A P U T VI.

*Montani, Floriani, Blaſi, aliorumque ad Apostolicam
Sedem Appellatio.*

Montanus, Florianus, Blaſus, alique, quos Cataphrygas nuncuparunt, condemnati fuerant (uti ex antiquo Claudio Apollinario Episcopo Hierapolitano refert Eusebius Cæsarænsis lib. 5. cap. 15., & 18.) tum ab Apollonio Ephesino Antistite, tum a pluribus Asiæ, Phrygiæque Synodis propter impudentissimas hæreses, quas disseminabant. Appellarunt hi ad Romanum Pontificem postulantes, ut ablata sibi communio restitueretur. Pontifex, qui juxta Baronium erat Anicetus, juxta Pagium Victor, & juxta Christianum Lupum Zephyrinus (Anicetus ab anno 151. ad 161. Victor a 185. ad 197., & Zephyrinus a 197. ad 217. Romanum Pontificatum obtinuerunt) hæreticorum dolis circumventus iis litteras communicatorias, seu pacificas dedit, quibus priores sententiæ rescindebantur. At cum ex Asia Ro-

Romam venisset Praxeas, cujus plurima laus erat inter Fideles propter invictam constantiam, qua persecutionem pro vera Christi religione per-
tulerat, librum adversus Montanistas edidit, quo eorum detectis frau-
dibus, impetravit, ut pacificæ litteræ per fraudem extortæ revoca-
rentur, uti ex Tertulliano patet in lib. adversus Praxeam cap. 1., qui
in Montani hæresim lapsus, cum ægerrime ferret, sociorum fraudes à
Praxea fuisse detectas, eundem in libro citato acriter perstringit.

C A P U T VII.

Privati Lambesitani Episcopi ad Romanam Sedem appellatio.

PRIVATUS Lambesitanus in Africa Episcopus, cum in hæresim inci-
disset, aliaque patrasset crimina, primum a Synodo Lambesita-
na, mox a Primate Donato Carthaginensi Antilitite condemnatus, ac
de gradu dejectus, ad S. Fabianum Papam provocavit (sedit Fabianus
in Petri Cathedra ab anno 236. ad 251.) Romamque accessit. Ad-
misit Pontifex appellationem: at causa mature discussa prolatam in eum
a Synodo, & a Primate sententiam confirmavit. Verum *ad quid Ro-
mani Pontificis judicio*, uti monet Franciscus Hallier lib. 4. de Hierarch.
Eccles. cap. 2., *iterum damnarentur, qui ab Africanis damnati essent, nisi
ejus sententia potuissent absolvi?* Post S. Fabiani martyrium Privatus Ro-
mani misit suæ cohortis Vexillarium, ut Romanum Clerum seduceret,
& ab eo judicia præhabita revocarentur. At incassum cecidit frasis, uti
Clerus ipse Romanus per hæc verba testatur in suo responso ad S. Cy-
prium, a quo de Privati fraudibus fuerat admonitus: *Quod autem per-
tinet ad Privatum Lambesitanum, pro tuo more fecisti, qui rem nobis solli-
citam nuntiare voluisti. Omnes enim nos decet pro corpore totius Ecclesiæ ex-
cubare. Sed nos etiam ante litteras tuas fraudis callidi hominis latere non po-
tuit. Nam cum ante hac quidam ex ejus nequitia cohorte venisset Vexillarius
Privati, & furto, ac fraudulentè litteras a nobis elicere curaret, nec quis
esset, latuit, nec litteras, quas volebat, accepit. Ex his constat 1. pri-
mis Ecclesiæ temporibus Africanos Episcopos Romam provocasse, &
quidem non modo ad Romanum Pontificem, sed ad Clerum etiam,
cum Apostolica Sedes vacaret. 2. Romanas Appellationes non in Afri-
ca, sed Romæ, quandocumque Summo Pontifici placuit, fuisse di-*
scussas.

LA 20

Novati inter Afros Episcopi Romana Appellatio.

CUM S. Cyprianus adhuc Neophytus, inaudito inter Afros exemplo, ad Carthaginensem Episcopatum fuisset euectus, ad ejus Tribunal, ut reus multorum criminum, delatus fuit Novatus. Imminebat statutus a Cypriano dies, quo causa erat dijudicanda, cum excitata Ethnicorum persecutione, cogi Synodus non potuit, & Carthagine recedere debuit Cyprianus. Hanc nactus occasionem Novatus, S. Cypriani electionem oppugnavit dictitans, illum utpote Neophytum contra Apostolicum Canonem intrusum in Episcopatum fuisse, adeoque non Episcopum esse, sed Episcopatus invasorem. Qua in re ex Carthaginensi Ecclesia asseclas sibi comparavit, Clericum nomine *Felicitissimum*, quem ipse Diaconum consecravit, & quinque Presbyteros, qui cum electioni Cypriani non consensissent, Novatum, cui adhæserant, Carthaginensis Ecclesiæ Visitatorem constituerunt. At hic non stetit Novatus. Ut se ab objectis purgaret criminibus, & impendentem a Carthaginensi Synodo evaderet condemnationem; Cyprianum vero ut Episcopatus invasorem accusaret; Romam ad S. Fabianum transfreta-
vit. At cum hic martyrio coronatus obiisset, Romæ Novatus substitit ejus Successorem expectans. Fuit hic S. Cornelius, qui vixit in Pontificatu ab anno 251., ad 252. Verum cum nonnulli ejus electioni resistissent; excitato Schismate, intrusus in Apostolicam Sedem fuit Ecclesiæ Romanæ Presbyter Novatianus. Hujus intrusionem tanto promovit studio Novatus, ut S. Cyprianus scribat, Novatianum ab eo *Episcopum fuisse constitutum*; quod de ejus electione, non de consecratione intelligi oportet, quippe teste S. Cornelio in epist. ad Fabium Antiochenum apud Eusebium Cæsaræensem, a tribus Italiæ Episcopis per fraudem deceptis, vinoque madidis impositione manuum Novatianus fuit consecratus. Interea clementiam erga lapsos, quam ante Cornelli electionem approbaverat, mutato studio Novatianus rejecit, eaque in re Novatum habuit adiutorem. At firmatus tandem in Apostolica Sede Cornelius, judicium adversus Novatum instituit, discussisque ejusdem tum apud Afros, tum Romæ perpetratis criminibus, nefarium hominem condemnavit; Eum tamen verum esse Episcopum edixit, qua de re subdubitare videbatur Cyprianus. Huic S. Cornelli judicio S. Cyprianus acquievit, quin de Novati Romana appellatione conquestus fuerit.

Con-

Constant hæc tum ex epist. S. Cornelii ad S. Cyprianum, quæ inter Cypriani epistolas est 48-, tum ex Cypriani responsione ad S. Cornelium, quæ est 49.

C A P U T I X.

*Fortunati, Felicissimi, & quatuor Africanæ Ecclesiæ
Presbyterorum ad Sedem Apostolicam Appellatio.*

QUO tempore Novatus, adscitis sibi Sociis Felicissimo, & quinque Africanæ Ecclesiæ Presbyteris, S. Cypriani electionem oppugnavit, vigeat apud Afros antiquus pœnitentialis disciplinæ rigor, quo, etiam in exitu, lapsis in idololatriam pax reconciliationis denegabatur. Quamobrem cum plurimi essent in Africa lapsi, ac disciplinæ rigor in Ecclesia Romana mitigari cœpisset; Novati factio se a Cypriani communione sejunxit, & in montem Carthagini proximum secedens, lapsos ad communionem invitavit, pluresque etiam sine pœnitentia admisit: qua de re conqueritur S. Cyprianus in epistolis, ac in sermone de lapsis, falsam esse ejusmodi pacem affirmans, quamquam mox ipse etiam Romanæ Ecclesiæ clementiam imitatus est, pluraque statuit in Carthaginensi Synodo, quam anno circiter 251. celebravit. Interea Novati factio Privatum Lambesitanum Episcopum tum in Africa, tum Romæ damnatum, aliosque similes sibi adjunxit Episcopos. Hi Carthaginem profecti absentem Cyprianum condemnarunt, & Fortunatum, unum ex iis quinque Africanæ Ecclesiæ Presbyteris, qui ab initio Novato adhæserant, in Carthaginensem Episcopum superordinarunt. At Cyprianus, coacta Synodo, illos, tamquam Schismaticos, Sacrorumque Canonum violatores, anathematis sententia percussit.

Schismatici continuo per epistolam, quam scripsit Fortunatus, ad S. Cornelium provocarunt. In ea 1. Cypriani intrusionem, ejusque in Lapsos crudelitatem accusant. 2. Fortunati electionem a 25. Episcopis habitam referunt, ejusque confirmationem petunt. 3. se ex vindicta ab intruso Cypriano damnatos dicunt, a damnationis sententia appellant, eamque cassari postulant. Litteras Romam tulerunt Legati, quorum Princeps Felicissimus, Collegæ vero erant reliqui quatuor Presbyteri. Hi Romam profecti, ut a Pontifice tamquam Carthaginensis Episcopi Legati exciperentur, non modo fraudem, ac eloquentiam adhibuerunt, sed tanto etiam impetu Cornelium aggressi sunt, ut comminarentur, quod

quod si litteras, quas attulerant, non recepisset, publice eas recitarent; Cyprianum vero a se in Africam regressis fustigandum, lapidandum, & gladiis etiam trucidandum dicerent. His nonnihil commotus Cornelius anceps hæsit, utrum illos audire, eorumque appellationem admittere, an eos rejicere deberet?

Certior de his factus Cyprianus epistolam ad S. Cornelium scripsit, in qua ad ea respondet, quæ obiiciebantur. Quoad suum Episcopatum, se ex divina, humanaque dispensatione legitime electum, consecratumque fuisse affirmat. Ait enim, *se divino iudicio, populi suffragio, Coepiscoporum consensu in pace electum*, jam per quatuor annos in Episcopatu probatum, omnibus Collegis fideliter junctum, a Deo in persecutione protectum, & non a Christianis modo, sed ab Ethnicis quoque pro legitimo Episcopo agnitiū fuisse, cum per eos ipsos dies fuisset, *applicito, & adjuncto Episcopatus nomine, proscriptus*; & tam in Cære, quam in Amphitheatro *postulatus ad Leonem*. Suam negat in lapsos crudelitatem, servari a se dicens Romanæ clementiæ decreta, quorum se fautorem, custodem, & Auctorem affirmat, itaut de nimia potius facilitate argueretur. Ad secundum reponit, Fortunatum a quinque solum, iisque damnatis Episcopis intrusum fuisse, & consecratum, quorum Princeps fuit Privatus Lambesitanus de hæresi tum in Africa, tum Romæ condemnatus; atque adeo eundem nihil inde sanctimonix, ac dignitatis, sed incrementa criminum, ac damnationis accepisse.

Ad tertium de Fortunati, aliorumque appellatione ad Apostolicam Sedem, sic in eadem epist. quæ est 49., post recensita eorundem scelera, inquit: „ Post ista adhuc, Pseudo-Episcopo sibi ab hæreticis „ constituto, navigare audent, & ad Petri Cathedram, atque ad Ec- „ clesiam principalem, unde unitas Sacerdotalis exorta est, a Schisma- „ tics, & profanis litteras ferre, nec cogitare eos esse Romanos, ad „ quos perfidia habere non possit accessum. Quæ autem causa venien- „ di, & Pseudo-Episcopum contra Episcopos factum nunciandi? Aut „ enim placet illis, quod fecerunt, & in suo scelere perseverant; aut „ si displicet, & recedunt, sciunt, quo revertantur. Nam cum statu- „ tum sit omnibus nobis, & æquum sit pariter, & iustum, ut unius- „ cuiusque causa illic audiatur, ubi est crimen admissum, & singulis „ Pastoribus portio Gregis sit adscripta, quam regat unusquisque, & „ gubernet, rationem sui actus Domino redditurus, oportet utique „ eos, quibus præsumus, non circumcursare, nec Episcoporum con-

„ cor-

„ cordiam coherentem sua subdola , & fallaci temeritate collidere , sed
 „ agere illic causam suam , ubi & accusatores habere , & testes sui cri-
 „ minis possint , nisi si paucis desperatis , & perditis minor videtur esse
 „ auctoritas Episcoporum in Africa constitutorum , qui jam de illis ju-
 „ dicaverunt , & eorum conscientiam multis delictorum laqueis vin-
 „ ctam judicii sui nuper gravitate damnarunt . Jam causa eorum cognita
 „ est , jam de eis dicta sententia est , nec Censuræ congruit Sacerdotum
 „ immobilis , atque inconstantis animi levitate reprehendi , cum Domi-
 „ nus doceat , & dicat : sit sermo vester , est , est , non , non : Si eo-
 „ rum , qui de illis priori anno judicaverunt , numerus cum Presbyte-
 „ ris , ac Diaconis computetur , plures tunc adfuerunt judicio , & co-
 „ gnitioni , quam sunt iidem isti , qui cum Fortunato nunc videntur
 „ esse conjuncti „ . Ex his Cypriani verbis Petrus de Marca , Paschalis
 Quesnellus , alique eorum a seclæ invictum erui putant adversus Roma-
 nas Appellationes argumentum . At nihil inde erui posse ostendo .

Duo tamen præmitto . Primum est , S. Cyprianum censuisse , nullius esse valoris collata ab hæreticis Baptismi , atque Ordinis Sacramenta . Hinc acerrima illa inter ipsum , & S. Stephanum Papam de Baptismo ab hæreticis collato controversia , quem affirmabat Cyprianus , negabat Stephanus esse iterandum . Hinc in laudata Epistola Cyprianus clamat , Fortunatum , utpote ab hæretico Privato Lambesitano consecratum , non nisi falsum , & imaginarium esse Episcopum , eumque Pseudo-Episcopum appellat : *Scire debes , Frater Charissime , Fortunatum , postquam Pseudo-Episcopus ab hæreticis factus est , jam pene ab omnibus esse desertum . Namque ii , quibus in præteritum præstigia ostendebantur , & dabantur verba fallacia , quod simul ad Ecclesiam regressuri dicerentur , postquam viderunt illic Pseudo-Episcopum factum , frustratos , & deceptos se esse didicerunt , & remeant quotidie , atque ad Ecclesiam pulsant . Et paulo post de Legatis loquens Romam missis a Fortunato , subdit : De istis quid dicam , qui nunc ad te cum Felicissima navigaverunt , Legati a Fortunato Pseudo-Episcopo missi , tam falsas ad te litteras afferentes , quam est & ipse , cujus litteras ferunt , falsus &c.* Carthaginenensis itaque populus Fortunatum , utpote ab hæreticis consecratum , esse falsum Episcopum arbitrabatur , uti putabat Cyprianus . Lapsi enim , qui factioni rebellium Presbyterorum adhæserant , ubi Fortunatum ab hæreticis intrudi , & consecrari viderunt , ipsum rati non esse , nisi Pseudo-Episcopum ,

vanumque Episcopi spectrum, hominem subito deseruerunt, & ad Episcopum suum remearunt. Erravit in hac opinione Cyprianus, & post ipsum populus: contrarium enim Ecclesia Catholica definivit. At si quid in eo deliquit (illum enim S. Augustinus excusat) culpam omnem martyrio eluit, quod pro Christo fortiter toleravit.

Alterum, quod præmitto, est, antiquam in Africa consuetudinem statuto confirmatam viguisse, ut Episcopis quidem liceret, secus vero inferiori Clero transmarinas, idest Romanas appellationes interponere, ac prosequi. Ejusmodi autem consuetudinis, ac statuti hanc Cyprianus causam adducit, ut duplex, quo Africanus Clerus laborabat, vitium præcideretur, videlicet circuncursandi, & in his circumscriptionibus concordēs Episcoporum animos dissociandi: *Oportet utique, verba sunt Cypriani, eos, quibus præsumus, non circuncursare, nec Episcoporum concordiam coherentem subdola, & fallaci temeritate collidere.*

His præmissis, mentem Cypriani investigemus. Non loquitur certe is de Episcopis, quasi iis transmarinæ non licerent appellationes, sed de inferiori solum Africanæ Ecclesiæ Clero, neque de statuto loquitur, quod toti commune esset Ecclesiæ, sed de singulari, & unius Africanæ Ecclesiæ proprio. Patet primum, quia in eadem epistola S. Fabianum laudat, quod Privatum Lambesitanum Episcopum a Synodo, & a suo Primate appellantem excepisset, audiisset, causaque discussa, condemnasset. Cyprianus ergo de Cornelio conqueritur, quod Fortunatum, simplicem Presbyterum, Antistiti suo rebellem, ab hæretico Privato Lambesitano invalide, ut ipse putabat, Episcopum consecratum, legitimo Episcopo jamdiu in sua Cathedra sedenti superintrusum, ad Apostolicam Sedem appellantem non statim repulerit, quemadmodum Africanæ Ecclesiæ consuetudo, ac statutum postulabat, & quemadmodum Cornelius ipse cum Felicissimo se gesserat, quem a S. Cypriano appellantem, ac Romam profectum, quoniam non Episcopus erat, sed Clericus, ne audierat quidem, sed ex Urbe statim eiecerat. *Item Felicissimum* (en Cypriani verba) *signiferum seditionis recognosceres, qui & ipse in eisdem Coepiscoporum nostrorum factis ad te pridem litteris continetur, qui non tantum isthic abstentus, sed abs te illic nuper de Ecclesia pulsus est.* Conqueritur præterea, quod factiosorum minis commotus anceps hæssisset Cornelius, an Fortunatum ad appellandum admitteret; cum-

cumque non ut Clericum tractasset, sed ut Episcopum. *Satis miratum sum*, inquit, *cum animadvertissem, te minis, atque terroribus eorum aliquantum fuisse commotum*. Patet deinde, eum de statuto tantum loqui Africanæ Ecclesiæ proprio. Cypriani verba ponderemus. *Cum statutum sit*, inquit, *omnibus nobis*, videlicet Afris, non toti Ecclesiæ; *Et æquum sit pariter, ac iustum, ut uniuscuiusque* (videlicet Clericorum) *causa illic audiat, ubi est crimen commissum*; non dicit necessarium, sed æquum, ac iustum, morem suæ gentis defendens, non communes Canones, aliarumque gentium consuetudines arguens; *Et singulis Pastoribus portio gregis sit adscripta, quam regat unusquisque, & gubernet, rationem sui actus Domino redditurus*; quibus verbis affirmat plures esse in Ecclesia Pastores (videlicet Patriarchas, & Primate, ad quos in Africana Ecclesia, & ubicumque appellare Clerus inferior poterat) iisque permittendum, ut unusquisque sui Cleri, Populique mores formet, actuum suorum rationem Deo redditurus. Mox subdit: *Nisi si paucis desperatis, & perditis minor videatur esse auctoritas Episcoporum in Africa constitutorum*; idest hoc Africanæ Ecclesiæ statutum Afris omnibus placet, paucis exceptis desperatis, ac perditis, qui sibi auxilium undecumque aucupantes pluris aliorum, quam Afrorum Episcoporum auctoritatem facere videntur. Tota itaque Cypriani mens est, Fortunatum non esse Episcopum, sed Presbyterum, adeoque ad Africanam Synodum esse remittendum, tractandumque a Cornelio, non secus ac ipse Novatianum ab Episcopis tractari vellet, nempe non ut Papam, sed ut Presbyterum facinorosum; in quo, uti diximus, Cyprianus erravit. Commendat quidem, ut æquum, ac iustum, suæque Ecclesiæ utilissimum, statutum illud, quo inferiori Clero Romana appellatio interdicebatur: At non proinde Romano Pontifici potestatem denegat excipiendarum inferioris Cleri appellationum, neque eidem improperat, quod per ejusmodi appellationes jura sibi Episcoporum usurpaverit. Quid ergo contra Romanas appellationes ex hac Cypriani epistola inferatur, non video.

*Episcoporum Basilidis Asturicensis, & Martialis Emeritensis
Romana Appellatio.*

Basilides Asturicensis, & Martialis Emeritensis, in Hispania Episcopi, utpote libellatici, aliorumque criminum rei, per Synodalem sententiam depositi, Romam accesserunt, interposita ad S. Stephanum Papam appellatione, qui per obreptionem deceptus, eos reparavit, suisque Sedibus restituit. Romanam autem Ecclesiam gubernavit S. Stephanus ab anno 253. ad 257. Asturicenses appellationem hanc esse inanem, ac nullam arbitrati Sabinum in Basilidis locum consecrarunt; quorum tamen exemplum imitati non sunt Emeritenses, Romanæ Sedi obsequentiores. Verum cum reversis in Sedes suas Basilidi, & Martiali plures non modo Laici, & Clerici, sed etiam Episcopi plene communicassent; alii vero plures, Apostolicæ Sedi eos obreplisse rati, rejiciendos, graviterque puniendos arbitrarentur, turbæ plurimæ excitatæ sunt, ad quas fopiendas utriusque Ecclesiæ Clerus per epistolam S. Cyprianum, ejusque Synodum consuluit. Quid ad hæc Cyprianus? Nullam in Synodali rescripto querelam adhibet adversus appellationem, sed solum edicit, Basilidis. ac Martialis reparationem, ac restitutionem, utpote obreptitæ obtentam, nullius esse roboris, ac firmitatis, præsertim cum juxta decretum Cornelii Papæ de clementia erga lapsos Clericos, & Episcopos adhibenda, admitti ii quidem ad pœnitentiam potuissent per solam Laicam communionem; ab ordinatione autem Cleri, & a Sacerdotali honore omnino debuissent prohiberi. Hinc Sabini electionem, atque ordinationem approbat, & utriusque Ecclesiæ Clerum hortatur, ut a Basilidis, ac Martialis communione abtineat.

Audiamus verba Cypriani in Synodali Rescripto in epist. 68. Cum in unum convenissemus, legimus litteras vestras, quas ad nos per Felicem, & Sabinum Episcopos nostros pro fidei vestre integritate, & pro Dei timore fecistis, significantes Basilidem, & Martialem, libellis idololatriæ commaculatos, & nefandorum facinorum conscientia victos, Episcopatum gerere, & Sacerdotium Dei administrare non oportere; & desiderantes rescribi ad hæc a nobis, & justam pariter, ac necessariam sollicitudinem vestram vel solatio, vel auxilio nostra sententiæ sublevari. Recenset mox Cy-

Cyprianus Basilidis, & Martialis crimina, & ita subdit: *Frustra tales sibi Episcopatum usurpare conantur, cum manifestum sit, ejusmodi homines, nec Ecclesie Christi posse præesse, nec Deo sacrificia offerre debere, maxime cum jampridem nobiscum, & cum omnibus Episcopis in toto Mundo constitutis etiam Cornelius Collega noster, Sacerdos pacificus, ac justus, & martyrio quoque dignatione Domini honoratus decrevit, ejusmodi homines ad penitentiam quidem agendam posse admitti, ab ordinatione autem Cleri, atque Sacerdotali honore prohiberi. Nec vos moveat, Fratres dilectissimi, si apud quosdam in novissimis temporibus aut lubrica fides nutat, aut Dei timor irreligiosus vacillat, aut pacifica concordia non perseverat &c. Quare etsi aliqui de Collegis nostris extiterunt, qui Deificam disciplinam negligendam putant, & cum Basilide, & Martiale temere communicant, conturbare fidem nostram res ista non debet &c. Propter quod integritatis, & fidei vestrae religiosam sollicitudinem & laudamus pariter, & probamus, & quantum possumus, adhortamur litteris nostris, ne vos cum profanis, & maculatis Sacerdotibus communicatione sacrilega miscatis &c.* Approbat deinde Cyprianus Sabini in Basilidis locum ordinationem, sibi quæ ejusdem Basilidis, ac Martialis Romanam appellationem obijciens, ne indirecte quidem eam reprobatur, aut de ea conqueritur, sed solum utriusque in pristinum gradum restitutionem a S. Stephano statutam contendit esse obreptitiam, nulliusque roboris, ac firmitatis,

„ Quod & apud nos factum videmus, inquit, in Sabini Collegæ
 „ nostri ordinatione, ut de universæ Fraternitatis suffragio, & de
 „ Episcoporum, qui in præsentia convenerant, quique de eo ad vos
 „ litteras fecerant, judicio, Episcopatus ei deferretur, & manus in
 „ locum Basilidis imponerentur. Nec rescindere ordinationem jure
 „ perfectam potest, quod Basilides post crimina sua detecta Romam
 „ pergens, Stephanum Collegam nostrum longe positum, & gestæ
 „ rei, ac tacitæ veritatis ignarum fefellit, ut exambiret reponi se in
 „ iuste in Episcopatum, de quo fuerat iuste depositus. Hoc eo per
 „ tinet, ut Basilidis non tam abolita sint, quam cumolata delicta,
 „ ut ad illa superiora peccata ejus fallaciæ, & circumventionis cri
 „ men accesserit. Neque enim tam culpandus est ille, cui negli
 „ genter obreptum est, quam hic execrandus, qui fraudulenter ob
 „ repsit. Obrepere autem si hominibus Basilides potuit, Deo non
 „ potest. Sed nec Martiali potest profuisse fallacia, quominus

„ ipse quoque delictis gravibus involutus Episcopatum tenere non
„ debeat „.

Ex antiquissima regula, quam Sardicensis Synodus confirmavit, degradato Episcopo novus superordinari non poterat, nisi ejus damnationem Romana Ecclesia confirmasset. Hinc S. Augustinus, uti cap. seq. patebit, in Epist. 162. Secundum Tigisitanum Numidæ Primatem, ejusque Collegas reprehendit, quod Cæciliano Carthagenensi Episcopo ab ipsis deposito Majorinum superordinassent, antequam ejus condemnationem Summus Pontifex confirmasset; quam quidem regulam Augustinus apud Afros certam, notamque fuisse supponit, & certe non ex Sardicensi Canone. Afris enim, & S. Augustino hi Canones fuerunt ignoti, uti superius ostendimus. Hanc eandem regulam, quamquam probe nosset S. Cyprianus, in Sabini tamen ordinatione locum non habuisse supponit, quia manifeste frivola fuerat Basilidis appellatio, & perspicua erat obreptio, qua appellantes Stephanum fraudulenter fefellerant, uti ex pluribus Episcoporum testimoniis, quæ producit, constare ait. Non ergo Cyprianus censuit, Stephanum Papam in hac causa sine potestate judicasse, sed affirmat solum aliena fraude in judicando fuisse deceptum. Cum autem errantis nullus sit consensus, quis ignorat, invalida ipso jure esse, ac nulla Apostolicæ Sedis rescripta, quæ fuerint obreptitæ impetrata?

C A P U T XI.

*Cæciliani Carthagenensis Antistitis causa ad S. Melchriadem
Papam per modum appellationis deferitur.*

Mortuo Mensurio Carthagenensi Episcopo, redditaque per Constantinum Ecclesiæ pace, *Botrus, & Celestius* Carthagenenses Clerici, apud Carthaginem ordinari cupientes, uti narrat S. Optatus Milevitanus lib. 1. adversus Parmenianum, operam dederunt, ut, *absentibus Numidis, soli vicini Episcopi peterentur, qui ordinationem apud Carthaginem celebrarent.* Tunc suffragio totius populi Cæcilianus eligitur, & manus imponente Felice Aptungitano Episcopo, ordinatur. Displicuit ea res Numidis Episcopis, ac præsertim Donato a Calis Nigris, qui proinde Lucillam opulentissimam Mulierem, & Carthagenenses quosdam criminosos Clericos

ricos sibi factionis comites adjungens ; Secundum Tigisitanum , Numidiæ Primatem , cum septuaginta Collegis Episcopis Carthaginem evocavit . Cum hi Cæcilianum jam consecratum reperissent , ira perciti Synodum , seu collationem habuere , præsidente Secundo , inter Africæ Primates post Carthaginensem Principe , & cum Cæciliani ordinationem faciendam fuisse a Secundo dicerent , & Primatem a Primате fuisse consecrandum , illam propter defectum legitimi Consecratoris repudiarent . *Donatistæ* , ait S. Augustinus in Carthaginensis Collationis Breviculo , *longu prosecutione agebant in collatione , quod non expectaverit Cæcilianus , ut Princeps a Principe ordinaretur , cum tamen aliud habeat Catholicæ Ecclesiæ consuetudo , ut non Numidiæ , sed propinquiore Episcopi Episcopum Ecclesiæ Carthaginis ordinent , sicut nec Romanæ Ecclesiæ Episcopum ordinat aliquis Metropolitanus , sed de proximo Ostiensis Episcopus .* Mox præter calumnias , quas Cæciliano , ejusque Consecratoribus inusserunt , ausus est Secundus vocare Cæcilianum ad Synodum , & quamquam is venire noluisset (Superior enim citari nequit a Subditis) Secundus tamen absentem in contumaciam condemnavit , eoque deposito superordinavit Majorinum . Tunc consummato schismate , Carthaginensis Clerus cum Populo pro Cæciliano stetit , noluitque communicare Schismaticis , ac dicti sunt *pars Cæciliani* ; Donatistæ pro Majorino steterunt ; dictique sunt *pars Majorini* .

At cum Cæciliano permansit , ut inquit Augustinus epist. 43. alias 162. ad quosdam Donatistarum Episcopos , *communio Orbis terrarum , & ad eum , non ad Majorinum a Transmarinis Ecclesiis* (hoc nomine Romana potissimum Ecclesia designatur) *communicatoria litteræ mittebantur .* Ægre ferentes Donatistæ suam depositionis sententiam nihili fieri , omnique executione destitui , Cæcilianum apud Constantinum Magnum per Anulinum Proconsulem accusarunt , ejusque causam retractari petierunt . Sed ad Episcopos remissi , cum eorum reformidarent judicium , suspectum vero haberent S. Melchadem Papam , qui per formatas litteras Cæciliano communicaverat ; ut Gallicanos Antistites sibi Judices daret , ab Imperatore postularunt . Audiatur S. Augustinus epist. 48. ad Vincentium Cartennensem in Mauritania Episcopum :
 „ Majores vestri Cæcilianum tunc Ecclesiæ Carthaginensis Episcopum ,
 „ cui tamquam criminoso communicare noluerunt , apud Principem
 „ Constantinum per Anulinum Proconsulem accusaverunt Illos
 „ magis hinc arguimus , quia apud Imperatorem ultro Cæcilianum ac-

„ cufaverunt, quem prius apud Collegas Transmarinos convincere
 „ debuerunt. Ipfo autem Imperatore longe ordinatius agente, ut Epi-
 „ coporum causam ad se delatam ad Episcopos mitteret, nec victi pa-
 „ cem cum Fratribus habere voluerunt; sed rursus ad eundem Impe-
 „ ratorem venerunt, rursus non Cæcilianum tantum, verum etiam
 „ datos sibi Episcopos Iudices apud terrenum Iudicem accusaverunt.

At Constantinus causam transmisit S. Melchiadi Papæ, cui tres Gallicanos adjunxit Antistites, ut aliquid Donatistis impertiri videretur. *Visum est mihi*, sic Melchiadi scripsit Imperator, *ut Cæcilianus cum decem Episcopis, qui illum reum facere videntur, & decem aliis, quos ipse sue litis dijudicationi necessarios existimaverit, Romam navigio trajiciat, & sibi coram vobis, Rheticio etiam (Augustodunensi), Materno (Colonienfi), & Marino (Arelatenfi) Collegis vestris, quos ea de causa Romam maturare jusserim, possit audiri, sicut sanctissima Dei Lex, ut nostis, postulat.* Ex Evangelio quippe cum Romanus Episcopus sit totius Ecclesiæ Primas, ac Iudex, nonnisi ad illum poterat ea causa devolvi. Causæ exitum, super qua, ut ait Augustinus, *ipsius Beati Melchiadis ultima est prolata sententia*, sic cit. epist. 43. idem S. Doctor exponit: „ Donatistæ petie-
 „ runt a Constantino tunc Imperatore Iudices Episcopos, qui de suis
 „ quæstionibus, quæ in Africa exortæ pacis vinculum dirimebant,
 „ judicarent. Quod posteaquam factum est, præsentem Cæciliano, &
 „ illis, qui adversus eum navigaverant, judicante Melchiade tunc Ro-
 „ manæ Urbis Episcopo cum Collegis suis, quos ad preces Donatista-
 „ rum miserat Imperator, in Cæciliano nihil probari potuit, ac per hoc,
 „ illo in Episcopatu confirmato, Donatus, qui adversus eum tunc
 „ aderat, fuit condemnatus. Concilium hoc habitum fuit Romæ in
 Palatio Lateranensi mense Octobris ann. 313., eique novemdecim Episcopi interfuerunt.

Quamquam neque Cæcilianus, neque Donatistæ expresse ad Romanum Pontificem appellaverint; Causæ tamen retractationem, quam Donatistæ a Constantino petierant, in appellationem convertit Imperator. Ultimum enim causæ judicium Melchiadi remisit, cui ratione Primatus deberi, Ecclesiasticæ disciplinæ, atque Evangelicæ legis non ignarus, probe sciebat Constantinus, qui proinde omnem adimens in ea causa (uti in appellatione fit) a Numidarum Episcoporum Synodo potestatem, utramque partem adesse coram Pontifice jussit cum accusatoribus, ac testibus, aliisque personis necessariis, ut causa tandem per
 ulti-

ultimam sententiam finiretur , quemadmodum factum fuisse perhibent S. Optatus , & S. Augustinus .

Cæciliani causam a Melchiade in gradu appellationis definiri debuisset S. Augustinus expresse docet in cit. epist. 43. , ubi exposita Cæciliani damnatione , quam Secundus attentaverat , sic inquit : „ Secundus tanto magis timere debuit , ne pax unitatis violaretur , quanto erat Carthago Civitas ampla , & illustris , unde se per totum Africæ corpus malum , quod ibi esset exortum , tamquam a vertice , effunderet . Erat enim Transmarinis vicina regionibus , & fama celeberrima nobilis . Unde non mediocris utique auctoritatis habebat Episcopum , qui posset non curare conspirantem multitudinem inimicorum , cum se videret & Romanæ Ecclesiæ , in qua semper Apostolicæ Cathedræ viguit Principatus , & cæteris terris , unde ipsum Evangelium ad Africam venit , per communicatorias litteras esse conjunctum , ubi paratus esset causam dicere , si adversarii ejus ab eo illas Ecclesias alienare conarentur . Quia ergo venire noluit Cæcilianus ad hospitium Collegarum , quos a suis inimicis contra veritatem suæ causæ perverfos esse sentiebat , vel suspicabatur , vel , ut Donatistæ asserunt , simulabat ; tanto magis Secundus , si vere pacis esse cultos voluisset , cavere debuit , ne damnarentur absentes , qui judicio eorum omnino interesse noluerunt . Neque enim de Presbyteris , aut Diaconis , aut inferioris Ordinis Clericis , sed de Collegis agebatur , qui possent aliorum Collegarum , præsertim Apostolicarum Ecclesiarum , judicio causam suam integram reservare , ubi contra eos sententiæ datæ in absentes nullo modo aliquid valerent , quando eorum judicium non primo aditum postea deseruerunt , sed suspectum semper habitum numquam adire voluerunt „ . Ex doctrina igitur Augustini poterat 1. Cæcilianus non curare conspirantem multitudinem inimicorum , quia ad Romanam Ecclesiam , in qua semper Apostolicæ Cathedræ viguit Principatus , poterat provocare : licebat ergo per Augustinum Episcopo a Synodo ad Romanum Pontificem provocare . Poterat 2. quilibet Africæ Episcopus criminales suas causas Apostolicæ Sedi reservare , cum Africana conuetudo , ac statutum Presbyteros tantum , aliosque minores Clericos , non vero Episcopos ad Apostolicam Sedem appellare vetaret . Poterant 3. Episcopi , qui a Secundo damnati fuerant in Synodo , non modo post Synodale judicium , verum etiam , si illud propter justam perversionis Judicium suspicionem adire

adire nollent , ad Apostolicam Sedem appellare : id enim significant verba illa Augustini : *Apostolicarum Ecclesiarum iudicio causam suam integram reservare .*

Subdit mox Augustinus , potuisse Secundum , si paci consulere voluisset , his dictis iram Collegarum suorum facile cohibere : *Videtur Frater Sc. Itaque aut omnes istas causas , quas clades turbulentissimi temporis infixit Ecclesiæ , Deo Judici dimittamus , aut si aliqui in vobis sint , qui certa istorum crimina ita noverint , ut ea facile valeant edocere , negantesque convincere , & talibus communicare formidant , pergant ad Fratres , & Collegas nostros Transmarinarum Ecclesiarum Episcopos , & ibi prius de istorum factis , & contumacia conquérantur , quod ad Iudicium Collegarum Afrorum male sibi consilii venire noluerunt , unde illis denunciatur , ut veniant , ibique objectis respondeant . Quod si non fecerint , ibi etiam eorum pravitas , & perversitas innotescet , missaque Tractoria super eorum nomine per totum Orbem terrarum , quacumque jam Christi Ecclesia dilatata est , ab omnibus Ecclesiis eorum communio præcidetur , ne aliquis error in Cathedra Ecclesiæ Carthaginis oriatur . Tum demum securi Episcopum alium plebi Carthaginis ordinabimus , cum a tota Ecclesia isti separati fuerint , ne forte cum alius modo fuerit ordinatus , non ei communicetur ab Ecclesia Transmarina , quia iste ab honore depositus non videbitur , quem jam ordinatum fama celebravit , & ad eum communicatorias commcare litteras fecit .* Docet itaque Augustinus , Episcopos ad Synodum accedere renuentes propter suspicionem adversus Synodi Patres excitatam non debuisse a Synodo in absentia condemnari , eorumque causam non a Synodi Patribus fuisse judicandam , sed ad Apostolicam Sedem fuisse transmittendam : apud eam suspicantes Episcopos de inani , illegitimaque contumacia fuisse convincendos , convictosque ad Synodi iudicium remitti debuisse : Si autem parere nollent , tunc demum propter contumaciam damnandos a Romano Pontifice fuisse , ac damnationis tractoriam ad omnes sub Cælo Ecclesias transmittendam : post hæc novum Episcopum consecrari tuto potuisse . Ex Augustino igitur patet 1. supremum in Episcoporum causis Judicem esse Romanum Pontificem , a quo ultima pronuncianda est definitiva sententia . 2. deposito Episcopo superordinari novum non posse , nisi prioris Episcopi depositionem Apostolica Sedes confirmarit . 3. perpetuam Africanæ Ecclesiæ consuetudinem fuisse , ut per Romanam appellationem executio sententiæ condemnatoriæ suspenderetur , donec illam , causa retractata , iterumque discussa , Romanus Pontifex confirmaret : quam consuetudi-

dinem

dinem mox Sardicēse Concilium confirmavit, & ad omnes extendit Ecclesias.

Ostendens deinde Augustinus, Carthaginensē Synodum, quam in privata domo Secundus celebravit, non fuisse in Cæciliani causa Judicem competentem, ita subdit: „ Quibus omnibus rebus cum eos „ (Secundum videlicet, ejusque Collegas) „ non veros Judices, sed inimi- „ cos, atque corruptos Cæcilianus convenisse agnosceret; quomodo „ fieri posset, ut vel ipse vellet, vel Populus, cui præsidebat, per- „ mitteret, ut, relicta Ecclesia, iret in domum privatam, non Col- „ legarum discutiendus examine, sed factionis cuneo, & odiis mu- „ liebribus trucidandus? cum sibi præsertim videret apud Ecclesiam „ Transmarinam „ (videlicet Romanam) „ a privatis inimicitiiis, & „ ab utraque parte dissensionis alienam, incorruptum, & integrum „ examen causæ suæ remanere; ubi si nihil Adversarii agere vellent, „ ipsi se ab innocentissima Orbis terrarum communione præciderent: „ Si autem illic eum accusare tentassent, tunc innocentiam suam ad- „ versus eorum machinamenta defenderet, sicut postea factum esse „ didicistis; cum tamen nimis sero illi quæsisent judicium Transmari- „ num, jam Schismatis Rei, jam levati altaris horrendo scelere ma- „ culati. Primo enim facerent, si veritate niterentur: sed falsis ru- „ moribus temporis diuturnitate firmatis, quasi vetusta fama præjudi- „ cante, ad judicium venire noluerunt.... Sed posteaquam ipsis rebus „ experti sunt, cum Cæciliano permanere communionem Orbis ter- „ rarum, & ad eum a Transmarinis Ecclesiis communicatorias litteras „ mitti &c., elegerunt agere causam cum Cæciliano apud Ecclesias „ Transmarinas &c., „ Ex adductis Augustini verbis patet 1. Cæcilia- „ num suspectam statim habere potuisse Synodum Secundi, & ad Eccle- „ siam Transmarinam, idest Romanam, provocare. 2. Donatistas po- „ tuisse, ac debuisse primam causæ instantiam ad Romanam Ecclesiam „ deducere, & tunc Cæcilianum evocationi parere debuisse. 3. Non „ Cæcilianum, sed Donatistas Transmarinam Ecclesiam; quamquam ni- „ mis sero, appellasse, uti significant verba illa Augustini: *Cum tamen „ nimis sero quæsisent judicium Transmarinum: elegerunt agere causam cum „ Cæciliano apud Ecclesias Transmarinas.*

S. Cyprianus, S. Augustinus, aliique Africani Patres, imo etiam Africanæ Synodi per Transmarinam Ecclesiam, seu Transmarinas Ecclesias, nonnisi Romanam potissimum Ecclesiam intelligunt. De S. Augustino ex

hac eadem constat epistola : Nam 1. eam Ecclesiam Augustinus intelligit, in qua paratus erat causam suam dicere Cæcilianus . At hæc nonnisi Romana fuit, *in qua semper Apostolica Sedis viguit Principatus* . 2. eam intelligit, quæ Cæcilianum, aliosque Africanos Episcopos propter contumaciam, aliudve crimem condemnare poterat, & super damnati nomine ad omnes sub Cælo Ecclesias mittere Tractoriam . At id sola Romana poterat, ac potest Ecclesia . 3. eam intelligit, apud quam Donatistæ suam causam primitus agere debuissent, & apud quam eorum causa postmodum, quamquam nimis sero, acta est : Hæc autem est Romana Ecclesia . De S. Cypriano satis constat ex iis, quæ superius adduximus . Quod ad Africanas Synodos attinet; Synodus Milevitana de Clericis Afris ad Romanam Sedem appellantis sic statuit : *Ad Transmarina qui putaverit appellandum, a nullo intra Africam in communionem suscipiatur* . Africanus Codex post decretum de recipiendis in suo honore Episcopis, aut Clericis Donatistarum ita subdit : *Sed hanc rem placuit non confirmari prius, quam exinde Transmarina Ecclesia consulatur*; quæ verba sic explicat alius Canon, videlicet 108. : *Litteræ mittantur ad Fratres, & Coepiscopos nostros, & maxime ad Sedem Apostolicam, in qua præsidet Venerabilis Frater, & Collega noster Anastasius* . Idem Africanus Codex de firmando divinorum librorum catalogo sic decernit : *De confirmando illo Canone Transmarina Ecclesia consulatur*; quæ verba sic alius Canon exponit : *Hoc etiam Fratri, & Confacerdoti Nostro Bonifacio, vel aliis earum partium Episcopis, pro confirmando illo Canone, innotescat, quia a Patribus ista accepimus in Ecclesia legenda* . Quod autem aliquando non in singulari, sed in plurali numero *Transmarinas Ecclesias* dicant Africani Patres, id eam ob causam factum est, quia sciebant Romanum Pontificem non sine Synodo Episcoporum Italiæ, & Cleri Romani super gravioribus rebus, & Controversiis deliberare solere .

At inquires : si nomine *Transmarinæ Ecclesiæ* S. Augustinus Romanam intelligit Ecclesiam, cur in suis epistolis agens de causa Cæciliani, ac de communicatoriis ad ipsum litteris, passim adjungit *Apostolicas Ecclesias, omnes Collegas, totumque terrarum Orbem* ? Resp. duplicem esse causam . Prima est, quia Cæcilianus non modo coram Romana Ecclesia, sed etiam coram plenaria totius Ecclesiæ Synodo, imo coram omnibus sub Cælo Ecclesiis paratus erat causam tueri suam . Altera est, ut ostendat, eum, qui Romanæ Ecclesiæ communicat, omnibus sub Cælo Ecclesiis, totique terrarum Orbi communicare . Et

fane

sane Synodus Aquilejensis in litteris ad Imperatorem Gratianum datis, sic ait: *Totius Orbis Romani Caput Romanam Ecclesiam, atque illam Sacrosanctam Fidem Apostolorum ne turbari sineret, obsecranda fuit vestra clementia. Inde enim in omnes venerandæ communionis jura dimanant. Romana ergo Ecclesia est totius Orthodoxæ communionis radix, & propago, adeoque quicumque ipsi, & cuicumque ipsa commercio formatarum communicat, ipsi tota Ecclesia, & ipse toti Ecclesiæ, adeoque omnibus etiam Apostolicis Ecclesiis, & Collegis omnibus communicat. Hinc qui ad Romanam appellat Ecclesiam, vel ab ea reparatur, appellat ad omnes, & ab omnibus reparatur Collegis, & Ecclesiis, præsertim Apostolicis, propter singularem, quem in Catholica Communionem habent, gradum. Hanc ob causam S. Joannes Chrysostomus ad S. Innocentium Papam appellans, sermonem suum concludit, verba ad omnes Italiæ Episcopos faciens: *Igitur Domini maxime venerandi, & pii &c.* Romana quoque S. Damasi Synodus ad Imperatorem Theodosium scribens inquit: *Sanctæ memoriæ Athanasius, & Petrus, Alexandrinæ Ecclesiæ Episcopi, & Orientalium plerique ad Romanam Ecclesiam, Italiæ, & totius Occidentis confugerunt judicium: Et tamen certum est, eos nonnisi ad Romanum provocasse Pontificem, & ab eo auditos fuisse, ac reparatos. Quid plura? Eusebiani ipsi in Philippopolitano Conciliabulo, ægre ferentes concessam S. Athanasio, aliisque appellantibus reparationem, non cunctos Occidentis, aut Italiæ Episcopos, sed solum Julium Romanum Pontificem degradarunt, cui adjunxerunt quidem Hosium Cordubensem, & Maximinum Trevirenses, sed eam unam ob causam, quia Julium ad ejusmodi reparationem instigaverant. Accedit huc, quod Latini, imo Orthodoxi omnes Episcopi semper cum Romano Pontifice unicam constituerunt Ecclesiam, unicamque familiam, & populum labii unius, atque eorundem sermonum. Tandem Italiæ Episcopi primis illis Ecclesiæ sæculis propriam Romani Pontificis Synodum efformabant, & in retractatoriis appellationum judiciis ejusdem Assessores erant, atque Conjudices.**

At enim repones: Si Romanus Pontifex est Supremus Episcoporum Judex; 1. cur S. Melchides tot sibi Conjudices ab Imperatore adjungi passus est? 2. cur, ultima a se prolata sententia, iteratam causæ Cæciliani cognitionem in Concilio Arelateni I. haberi permisit? 3. cur S. Augustinus post Romanum judicium toties Arelatense Concilium Donatistis opponit? 4. cur idem S. Doctor, post ultimam Ro-

mani Pontificis decisionem, causam eandem in plenario universæ Ecclesiæ Concilio discuti posse confessus est? Sic enim in laudata epistola inquit: *Ecce putemus, illos Episcopos, qui Romæ judicaverunt, non bonos Judices fuisse: restabat adhuc plenarium universæ Ecclesiæ Concilium, ubi etiam cum ipsis Judicibus causa posset agitari.*

Ad primum respondeo, S. Melchiadi tres tantum a Constantino Gallicanos Antislites fuisse adjunctos ad Cæciliani causam dijudicandam: reliquos, & quidem multo plures, videlicet sexdecim, uti superius diximus, ipse sibi Episcopos Assessores assumpsit, ut in re videlicet tanti momenti Christiana uteretur prudentia, quemadmodum in gravibus negotiis facere semper consuevisse monuimus Romanos Pontifices, S. Petrum imitatos, qui ad motas a Cerintho quæstiones dirimendas Apostolos, pluresque discipulos Antiochiam advocavit. Ad secundum respondeo iteratam Cæciliani causæ cognitionem in Concilio Arelateni I. habitam fuisse, annuente Romano Pontifice S. Silvestro, non per modum appellationis, uti audacter contendebant Donatistæ, sed per modum simplicis revisionis. *Magnum enim discrimen est, inquit Petrus de Marca lib. 7., inter appellationem, & revisionem. Illa namque integram causæ cognitionem transfert ad Judicem Superiorem, qui quæstionem excutit, ac definit in suo Tribunali: At revisio definitivum Judicium relinquit priori Jurisdictioni e ratione, ut prioribus Judicibus novi adjungantur.* Jam vero Supremorum Magistratum jus est, ut ab eorum appellari nequeat sententia, sed iis, qui de ipsorum iustitia conqueruntur, præstari dumtaxat possit gratiosum beneficium revisionis, seu, ut ajunt, novæ Audientię. Inde fit, ut, dum ipsorum sententiæ revidentur, ac discutiuntur, alii quidem Judices advocentur, sed ipsi quoque Supremi Magistratus, plenum, liberumque habentes suffragium, assideant judicio, uti patet ex præxi, quam in omnibus fere Catholicis Regionibus vigere non ignoramus. Hoc jure potissimum gaudet Romanus Pontifex, uti plurima Ecclesiasticæ Historiæ monumenta testantur. Quamquam itaque finita jam esset Cæciliani causa per ultimum definitivum Melchiadis judicium; Cum tamen Donatistæ de ejusmodi judicii iustitia conquererentur, & diro adhuc Schismate Africanam Ecclesiam dilaniarent; S. Silvester, Melchiadis Successor, ad eorum retundendam audaciam, & pacem in Africana Ecclesia stabiliendam, indulgit, ut Cæciliani causa in Concilio Arelateni revideretur. *Dedit ille, inquit S. Augustinus epist. 62., aliud Arelatense judicium, non quia jam necesse erat, sed eorum perversitatibus*

bus cedens , & omni modo cupiens tantam impudentiam cohibere . Coactum itaque fuit hoc Concilium in Arelatenſi Urbe menſe Auguſti ann- 314., cui , quatuor Pontificiis præſidentibus Legatis , videlicet Claudio , & Vito Presbyteris , & Eugenio , & Cyriaco Diaconis , ſecundum aliquos ducenti , ſecundum alios vero trigintatres Antifſites ex Occidente interfuerunt , concordibuſque ſuffragiis ſententia Melchiadis in Concilio Romano prolata confirmata fuit . Ad tertium S. Auguſtinus ad confutandam Donatiſtarum audaciam , non modo Melchiadis iudicium , ſed Arelatenſis Concilii ſententiam , quæ illud confirmaverat , adducit , ut inde luce meridiana clarior appareret Donatiſtarum protervia in ſuo Schiſmate fovendo , propugnandoque . Quemadmodum enim Eccleſia ad confutandos Eutichianos non modo S. Leonis Tomum , quamquam ſufficientiſſimum , ſed etiam Chalcedonenſe Concilium , quod S. Leonis Tomum confirmavit , in medium ſemper adduxit ; Ita S. Auguſtinus ad confutandos Donatiſtas , non ſolo uſus eſt Melchiadis iudicio , ſed Concilium etiam Arelatenſe protulit , quod S. Melchiadis ſententiam confirmavit . Ad quartum S. Auguſtinus non dicit , ad plenarium univerſæ Eccleſiæ Concilium appellari potuiſſe , ſed cauſam ſolum Cæciliani in plenario Concilio revideri potuiſſe , uti manifeſte ſignificant ea verba : *ubi etiam cum ipſis Iudicibus cauſa poſſet agitari .* In ipſo enim plenario Concilio Romanus Pontifex vel per ſe , vel per Legatos ſuos una cum Epiſcopis , qui in Concilio Romano Cæciliani cauſam iudicaverant , ſediſſet Iudex , totique Concilio præſuiſſet . Generale autem Concilium aliquando utile eſt , & expedit , aliquando neceſſe eſt , ut celebretur , non quod ſola Sedis Apoſtolicæ auctoritas ad condemnandos errores , aut Schiſmata extinguenta non ſufficiat , ſed quod propter hæreticorum , aut ſchiſmaticorum potentiam , & contumaciam difficilliſimum ſit , ea exequi , quæ ad erroris , aut Schiſmatis extinctionem requiruntur . Eam ob cauſam Apoſtolica Sedes nonnumquam Romanas appellationes cenſuit in Œcumenica Synodo eſſe retractandas . Œcumenica enim Synodus , cum plurimis undequaque confluentibus componatur Epiſcopis , morum ſanctitate , doctrinæque præſtantia conſpicuis , reverentialem quemdam metum Eccleſiæ hoſtibus incutit , eorumque ita frangit audaciam , ut quamquam ad illam provocarint , non tamen ad eandem legitime congregatam audeant accedere . Ita Neſtorius , qui Generalem Synodum poſtulaverat , cum illam Ephēſi coactam vidit , eam adeo extimuit , ut eidem non adſuerit , ac de ipſo

poſt

post absolutam Synodum S. Cœlestinus Papa ita ad Ecclesiam Constantinopolitanam scripserit : *Quis petitorem Synodi crederet a Synodo abfuturum ? Campum ad certamen poscit : Sacerdotale postulat , cui non erat adfuturus, examen .* Alia ejusmodi exempla brevitatis gratia prætermitto .

C A P U T XII.

S. Athanasii Alexandrini Romana Appellatio .

SANCTUS Athanasius Patriarcha Alexandrinus in odium Catholicæ Fidei ab Arianis , & Eusebianis per calumniam accusatus repetundarum, initi cum hostibus fœderis, contracti calicis, necis Arsenio illatæ, impudiciæ, aliorumque criminum, ac in Tyria, & Antiochena Synodo injuste damnatus, suoque de gradu dejectus, ad S. Julium I. provocavit, qui in Petri Cathedra sedit ab anno 337. ad 352. Eusebiana factionis homines rationem lati in Athanasium judicii reddituros Romam evocavit Julius, cumque eos per octodecim menses frustra expectasset, Athanasium in communionem recepit, suæ restituit sedi, ac restitutorias litteras ubique divulgavit. Is enim est præcipuus, ac primus admissæ appellationis effectus, ut latæ prius ab inferiori Judice sententiæ suspendatur executio, donec a Superiore vel per se, vel per alios causa retractetur, ac per ultimam definitivam sententiam præhabitu judicium aut confirmetur, aut rescindatur. Cum autem Julius propter Eusebianorum contumaciam utramque partem audire non potuisset; idcirco Tyriam, Antiochenam, aliasque Orientalium Synodos, a quibus Athanasius, pluresque alii Antistites, & Clerici damnati fuerant, non cassavit, & circumscripsit, sed retractatorium totius causæ judicium Sardicensi Synodo delegavit, ad quam, præter Hosium Cordubensem, aliquos è suo latere Legatos transmisit, causæ judicio cum potestate præfuturos, uti cap. 4. fufius diximus de Sardicensi Concilio differentes.

At hic reponit Febronius cap. 5. §. 8. num. 1. „ Quod in primis „ ad causam S. Athanasii attinet; cum is citra omnem judiciorum for- „ mam, per vim, & ambitum, innocens, & absens damnatus esset, „ non solius Julii Papæ, sed omnium Occidentalium sententia, addi- „ tis etiam Ægyptiorum, & Orientalium quamplurimorum suffragiis, „ suæ sedi restitutus est. Scilicet Imperator Constantinus extraneorum „ illorum Episcoporum, qui Athanasium damnaverant, judicium, „ utpote contra leges latum, ratum non habuit, atque Episcopos Con-
cilio

„ cillii ad se evocavit, ut facti sui rationem redderent. Athanasius ita
 „ damnatus non provocavit ad Romanum Pontificem, sed confugit
 „ ad Imperatorem, ut is, quæ contra formam judiciorum, & leges
 „ ab Adversariis facta fuerant, rescinderet, aut irrita declararet. Ad
 „ Sedem suam, & Ecclesiam recuperandam non impetravit Romani
 „ Pontificis auxilium, sed quemadmodum a Constantino fuerat expul-
 „ sus, ita a filiis ejus restitutus est. Athanasius Romam confugit, non
 „ quasi appellans, sed vim hostium metuens. Eusebiani ad Julium
 „ litteras miserunt, & ut nos terrerent, Synodum jusserunt convo-
 „ cari, & ei; si vellet, causæ arbitrium detulerunt, inquit Athana-
 „ sius Apolog. 3. pag. 739.; sicque Julius, tamquam Judex a partibus
 „ electus, potuisset Eusebianos ad se vocare, detrectantes damnare,
 „ atque Athanasium absolvere. Neutrum tamen fecit, nec ullum
 „ judicium tulit, sed tantum audita Athanasii Apologia, suam cum
 „ eo communionem confirmavit, & pro Episcopo ipsum habuit.
 „ Synodus Sardicensis ex Imperatorum rescripto causam Athanasii re-
 „ tractavit, eumque suæ Sedi restituendum declaravit. Is non con-
 „ tentus Occidentalium in hac Synodo sententia, Orientalium quo-
 „ que postulavit judicium, & ab his tum subscribentibus Synodicæ epi-
 „ stolæ Concilii, tum seorsim per eorum litteras, innocens decla-
 „ ratus est „. Hactenus Febronius, qui plura his verbis contendit,
 „ ac potissimum Athanasium ad Julium Papam non appellasse „: Athana-
 „ sius ita damnatus non provocavit ad Romanum Pontificem: non
 „ impetravit Romani Pontificis auxilium: Romam confugit, non quasi
 „ appellans, sed vim hostium metuens: Julius neutrum fecit, nec ul-
 „ lum judicium tulit „. Sunt ipsissima Febronii verba.

At ostendo jam ego, Athanasium non ex hostium metu, sed ad
 Romani Pontificis impetrandum auxilium, ejusque, tamquam Supre-
 mi Judicis, sententia suam a calumniis vindicandam innocentiam Ro-
 mam venisse; Julium vero Pontificem suum in illius causa tulisse judi-
 cium. Ostendo 1. ex Historicis Ecclesiasticis celeberrimis, e quibus
 tres seligo vetustissimos, & Athanasio pene cœvos. Socrates lib. 2.
 Hætor. cap. 11. sic habet: „ Athanasius post diuturnos labores in Ita-
 „ liam pervenit Eodem tempore Paulus Episcopus Constantino-
 „ polis, Asclepas Gazæ, Mircellus Ancyra, & Lucius Adrianopolis,
 „ alius ob aliam causam accusati, & Ecclesiis suis ejecti, Romæ om-
 „ niuin Civitatum facile Principis versantes; Julium Episcopum Ro-

manuum de suo ipsorum statu certiore faciant. Ille vero, quoniam Ecclesiæ Romanæ privilegium præter cæteras obtinebat, litteris suis ad Episcopos Orientis liberius perscriptis, illorum partes tueri studet. In Orientem litteras mittit, quo & suus cuique locus restitueretur, & eos, qui illos temere abjudicaverant, graviter reprehenderet. Illi decedunt Roma, litterisque Julii Episcopi confisi ad suas ipsorum Ecclesias redeunt, . Sozomenus lib. 3. Histor. cap. 7., commemoratis Athanasio, Paulo, Asclepa, Marcello, & Lucio, sic subdit: „ Quorum criminationes cum Episcopus Romanus intellexisset, & omnes Fidei Concilii Nicæni consentientes reperisset, in communionem recepit, & cum propter Sedis dignitatem cura omnium ad ipsum spectaret, singulis suam Ecclesiam restituit, scripsitque ad Episcopos Orientis, eosque inculcavit, quod inconsulto de hisce viris judicassent, Ecclesiasque perturbassent, cum decretis Nicæni Concilii stare nollent, . De Eusebianis vero loquens, addit Sozomenus, quod Julius iis „ dedit mandatum, ut quidam illorum, omnium nomine, ad diem constitutam accederent, perspicue declaraturi sententiam, quam de his tulerant, æquam, justamque esse, . Theodoretus lib. 2. Histor. cap. 4. sic scribit: *Ille, videlicet Julius Ecclesiæ Canonem secutus, & eos, nempe Eusebianos, jussu Romam venire, & Divinum Athanasium, quo pro se in judicio ipse responderet, vocavit. Qui ut primum fuit accersitus, eo mature contendit. Tragedia autem Auctores Romam ideo non sunt profecti, quod intellexerunt, sua mendacia manifeste fore deprehensa.* Tribus hisce antiquissimis Historicis recentiore adjungo, quem consulere nos jubet loco citato Febronius, videlicet Natalem Alexandrum. Is dissertat. 2. 2. ad sæculum quartum, hanc propositionem, quam secundo loco statuit, solidis probat argumentis: *Julius Pontifex causæ Athanasii cognitionem suscepit, deque illa judicavit summo jure, & Apostolica primæ Sedis auctoritate, non vero ut arbiter dumtaxat a partibus electus.*

Ostendo 2. ex epistolis Romanorum Pontificum, ac præsertim S. Julii, cujus unius, uti patet, abunde sufficere posset testimonium. Julius igitur in Epistola, quam, suadente Concilio Romæ habito in causa S. Athanasii, ad Orientales, ac præsertim Eusebianos, rescripsit, sic habet: *Legati vestri Martyrius Presbyter, & Hesychius Diaconus nullo modo, cum huc venissent, pares Presbyteris ab Athanasio missis, ac semper ab illis convicti, refutatique Concilium indici postularunt, litterasque & ad Eusebianos, & ad Athanasium Alexandriam, quibus convocarentur, mitti,*

ut

ut coram omnibus iusto iudicio de causa cognosci posset : tunc enim se de Athanasio probaturos esse , quod jam nequirent . Publice enim coram nobis Martyrius , & Hesychius refellebantur , Athanasii Presbyteris bona cum fiducia alacriter resistentibus . Martyrius vero cum suis ubique profligabatur , ac proinde Concilium postulavit . Mox objurgat Eusebianorum contumaciam , qui Romam ad Synodum acciti venire noluerunt , ac subdit : „ Scripser e prius „ Eusebins cum suis contra Athanasium , scripsistis & vos in presentia-
 „ rum : scripsere etiam plurimi ex Egypto , & ex aliis Provinciis Epi-
 „ scopi pro Athanasio : nam quod ante omnia observari oportet , lit-
 „ teræ vestræ adversus Athanasium inter se pugnant , & primæ cum se-
 „ cundis nullum concentum habent , sed in plerisque a secundis de-
 „ struuntur , & secundæ a primis redduntur suspectæ : ex discrepanti-
 „ tibus autem litteris nulla certitudo constitui potest . Quod si vestris
 „ litteris fidem dari postulatis , æquum est & litteris eorum , qui pro
 „ eo scribunt , fidem non abnegare , & maxime quod , vobis a patria
 „ ejus longe distantibus , illi , qui in iisdem locis cum Athanasio de-
 „ gunt , ut de homine noto , rebusque ibi gestis certiores , probum
 „ testimonium de vitæ ejus innocentia perhibent , affirmantes , eum
 „ nonnisi confictis criminibus opprimi „ . Ostendit deinde singillatim
 falsitatem omnium criminationum , quæ Athanasio objiciebantur , prout
 coram se in Concilio eadem ex testibus fide dignis , actisque legitime
 confectis ostensæ fuerant falsæ , ac ita pergit : „ Hæc , ut jam exposui ,
 „ pro se dicebat Athanasius , & rem ita esse ex actis declarabat , idem
 „ affirmantibus cæteris , qui cum-eo erant &c. Quin & alibi falsa dixisse
 „ Ischyram , ex ipsis actis comprobatum est ab Athanasio , quippe qui
 „ in crimine de combustis libris falsi convictus sit ab iis , quos in testes
 „ adduxerat . Cum igitur istiusmodi allegarentur , & tot testes pro
 „ Athanasio starent , & ipse tam iusta pro se afferret ; quid quæso nos
 „ oportuit facere ? annon quod Ecclesiastici Canonis est ? hominemque
 „ proinde non condemnaremus , sed potius reciperemus ? Eumque pro
 „ Episcopo , quemadmodum est , haberemus ? Præter hæc omnia , an-
 „ num totum , & integros sex menses apud nos hæsit vestram præsen-
 „ tiam expectans , aut quotquot comparere auderent , suæque præsen-
 „ tia pudescit omnes . Non enim iudicio stetitset , nisi sui fiduciam
 „ habuisset , neque sponte , sed litteris nostris ad iudicium vocatus com-
 „ paruisset ; quemadmodum vos per litteras citavimus ; & tamen post
 „ tanta argumenta nos veluti insolitum quiddam agentes reprehenditis „ .

Pergit mox aliarum contra Athanasium, & Marcellum Ancyranum criminationum falsitatem ostendere, atque Eusebianorum scelera recensere: tum addit: *Non solum Athanasius, & Marcellus Episcopi cum querimoniis de illatis injuriis, sed & plurimi alii Episcopi ex Thracia, Calesyria, Phœnicia, Palestina huc convenere: Presbyteri item non pauci partim ex Alexandria, partim aliunde huc ad Concilium accurrerunt, & coram omnibus Episcopis ibi congregatis inter reliqua dicta sua conquesti sunt, vim, & injuriam Ecclesiis illatas esse, suasque Ecclesias eadem, quæ Alexandrina, passas esse, & in aliis Ecclesiis similia designata. Ex Ægypto autem, & Alexandria cum denuo supervenissent Presbyteri, litteras secum attulere, quibus plurimorum Episcoporum, & Presbyterorum querimonia continebatur, se, cum huc ad Concilium pergerent, detentos fuisse, atque etiamnum detineri.* Describit hîc Julius crudelitatem, furoremque, quem adversus Episcopos, & Ecclesias exercuerant Eusebiani; & subdit: „ Si, ut dicitis, omni-
 „ no in culpa fuerunt, (videlicet Athanasius, Marcellus &c.) „ oportuit secundum Canonem, & non isto modo judicium fieri: oportuit
 „ scribere omnibus nobis, ut ita ab omnibus nobis, quod iustum esset,
 „ decerneretur. Episcopi enim erant, & non vulgaris Ecclesiæ, qui
 „ ista patiebantur, sed quam ipsi Apostoli suamet opera ad fidem instruxerunt. Cur igitur, & in primis de Alexandrina Civitate nihil
 „ nobis scribere voluistis? an ignari estis, hanc consuetudinem esse, ut
 „ primum nobis scribatur, ut hinc, quod iustum est, definiri posset?
 „ Quapropter si isthîc hujusmodi suspicio in Episcopum concepta fuerat,
 „ id huc ad nostram Ecclesiam referri oportuit. Nunc autem nos, quos
 „ certiores minime fecerunt, postquam jam egerint, quod libuit, suffragatores suæ damnationis, cui non interfuimus, esse volunt. Non ita
 „ se habent Pauli Ordinationes, non ita Patres docuerunt, sed fastus
 „ iste, & novum studium est &c.

Julii I. dictis aliorum quatuor Summorum Pontificum testimonia adjungamus. S. Bonifacius I. in litteris datis ad Rufum Thessalonicensem Episcopum, ejusque Collegas omnes in Illyrico, per quas Alexandrinæ; Antiochenæ, aliisque in Oriente Primatialibus Cathedris suas servat, & confirmat dignitates, sic habet: „ Sed quia res postulat, ap-
 „ probandum documentis est, maximas Orientalium Ecclesias in magnis negotiis, in quibus opus esset disceptatione majori, Sedem semper
 „ per consuluisse Romanam, & quoties usus exegit, ejus auxilium postulasse. Sanctæ memoriæ Athanasius, & Petrus, Alexandrinæ Sa-

„ cer-

„ cerdotes Ecclesiæ , hujus Sedis auxilium postularunt „ . S. Cœlestinus I. in Epistola ad Clerum , & Populum Constantinopolitanum , agens de Clericis a Patriarcha Nestorio degradatis , ac relegatis , inquit: *Habetis vos , quicumque ex Ecclesia estis ejecti , pene nostrorum temporum beatæ recordationis Athanasii Alexandrinæ Ecclesiæ prudentissimi Sacerdotis exemplum . Fugatus illinc , videlicet ex Oriente , in nostris partibus roboratus est . Denique hic ei redintegratus est status , & in hac Sede quietem communionis invenit , a qua semper Catholicis subvenitur .* S. Felix III. in Litteris , quibus Acacium ad suum evocavit Tribunal , inter cætera hæc habet : „ Superveniens Frater , & Coepiscopus noster Joannes fugatus ab „ Hæreticis Perversoribus Sedis Alexandrinæ , libellum nobis , quem „ sanctæ memoriæ Prædecessori meo paraverat porrigendum , ingessit . „ Quem morem Majoris sui beatæ memoriæ Athanasii exemplo , & „ priorum nostrorum non potuimus refutare „ . S. Gelasius in litteris ad Dardaniæ Episcopos ait : „ sed nec ista præterimus , quod Apostolica Se- „ des frequenter more Majorum , etiam sine ulla Synodo præcedente , „ & absolvendi , quos Synodus inique damnaverat , & damnandi , nul- „ la existente Synodo , quos oportuit , habuerit facultatem . Sanctæ „ memoriæ quippe Athanasium Synodus Orientalis addixerat , quem „ tamen exceptum Sedes Apostolica , quia damnationi Græcorum non „ consensit , absolvit .

Ostendo 3. Ex Synodo Sardicensi , ex Synodo Alexandrina , & ex ipso S. Athanasio . Sardicensis Concilii Patres in epistola Synodica , quam , absoluta Synodo ad Ecclesiam Alexandrinam scripserunt , sic habent : „ Jam ergo „ Ariani , seu Eusebiani „ diffusi suis fabulis , & va- „ nis rumoribus , & coram intuentes , quam non possent de iis rebus „ iusta documenta afferre , cum essent in Urbe Sardica , non ausi sunt „ in Concilio Sanctorum Episcoporum apparere . Qua ex re æquitas ju- „ dicii Fratris , & Coepiscopi nostri Julii liquidissime apparuit , qui non „ temerario consilio , sed matura deliberatione sententiam tulit , adeo „ ut nihil relinquatur dubii de communionem Fratris nostri Athanasii &c. Et infra enumeratis calumniis , quas Eusebiani adversus Athanasium intentaverant , subdunt : *Quid igitur , dilecti ? Ne hic quidem Frater noster Athanasius animum despondit , sed magna cum fiducia eos etiam in hac causa ad judicium provocavit .* Iidem Sardicensis Concilii Patres in Synodica Epistola , quam ad omnes Ecclesiæ Episcopos scripserunt , fere sub initium ajunt : *Cum igitur jam pridem litteras suas accusatrices de Athanasio ,*

Marcello, & Asclepa Comministris nostris Eusebiani ad Julium Romanæ Ecclesiæ Episcopum misissent, contigit, ut etiam alii ex aliis locis Episcopi ad eundem Juliam litteras suas mitterent, quibus & Athanasii innocentiam, & Eusebianorum Sycophantiam contestabantur; atque id ita esse ex eo præcipue apparuit, quod accersiti a dilecto nostro Comministro Julio, judicio non steterunt: stetit enim, si sui, auctorumque suorum in Comministros nostros fiduciam habuissent. Alexandrinæ Synodi Patres in Synodica Epistola, quam ad Julium Pontificem, omnesque Orbis Christiani Episcopos miserunt, postquam in ea Athanasii innocentiam, & Eusebianorum immunitatem, atque injustitiam invicte probassent, ita subdidere: Vos certe vindices hujus injustitiæ appellamus citantes illud Apostolicum verbum: auferte mala ex vobis. S. Athanasius in Apologia 2. contra Arianos prope initium de sua causa sic scribit: Quod ad nos attinet, judicio nullo opus est: Judicatum est enim non semel secundum nos, sed sæpius. Primum quidem in nostra Provincia, cum ad id coissent propemodum centum Episcopi. Secundo Roma nobis, caterisque Adversariis Eusebii ad ejus criminosas litteras in judicio comparentibus: fuere autem in eo confesio plures, quam quinquaginta Episcopi. Tercio iterum in magno Sardico Concilio ad editum religiosissimorum Principum Constantii, & Constantis, in quo judicio ita ceciderunt adversarii, ut habitis pro calumniatoribus depositionem, exauctorationemque ordinis sui retulerint; nostram vero innocentiam plures, quam trecenti Episcopi suis calculis comprobarint.

Qstendo 4. paucis recensendo, quæ usque ad Sardicense Concilium in causa S. Athanasii gesta sunt. Cum Ariani cujusdam Presbyteri dolo Constantinus Magnus Arium ab exilio revocasset, illum S. Athanasius Alexandrinus Episcopus, quamquam diu, multumque rogatus, in suam recipere noluit communionem. Hinc adversus Athanasium Arianorum furor exarsit, qui proinde, cum Antiochiæ anno 329. in Synodum coacti Eustathium Antiochenum, & Asclepam Gazensem per summam injustitiam deposuissent, simile quid in Athanasium moliri cœperunt. Quare illum de tot, tantisque criminibus apud Constantinum accusarunt, ut is anno 331. Synodum Cæsariæ habendam indixerit, in qua Athanasii causa ageretur. Verum cum Cæsariensis Antistes Eusebius Ario esset addictus, adeoque Athanasio suspectus; præcepit Imperator, ut Tyri Synodus haberetur, uti testatur Eusebius, Socrates, Sozomenus, Theodoretus, S. Epiphanius, & S. Athanasius apud Natalem Alexandrum Hystor. Eccl. ad Sæcul. 4.

cap. 3.

cap. 3. §. 3. Athanasius ab Imperatore ad Synodum venire iussus, ad eam, licet invitus, cum 49. Ægyptiis Episcopis se contulit. Aderant jam ex variis Provinciis alii sexaginta Episcopi, sed plerique Ariani, quos inter uterque eminebat Eusebius. Hos ubi adesse viderunt Athanasius, & Ægyptii Antistites, eos in causa Judices recusarunt: apertos enim esse Athanasii hostes ignorabat nemo. At eorum exceptionis nullam Eusebiani rationem habentes, nullumque servantes juris ordinem, conficta Athanasii crimina in examen vocant. Criminationes omnes tam perspicue solvit Athanasius, ut hostes pudore suffusi, cæcoque acti furore, vix non ei violentas manus intulerint. Quamobrem is ex judicio clam se subducens Constantinopolim profectus est: Ægyptii vero Episcopi scriptis ad Dionysium Comitem, qui Synodo præerat, litteris postularunt, ut causæ cognitio Imperatori reservaretur. At a cœptis Ariani non desistere, absentemque Athanasium deponentes, eidem interdixerunt, ne Alexandriam rediret: ad omnes autem ubique Episcopos scripsere, ne Athanasio jungerentur, neve ad eum litteras mitterent, aut ab eo reciperent. Interea Constantinopoli degens Athanasius, Constantino, qui equo vectus Urbem lustrabat, se in conspectum dedit, ab eoque petiit, ut Eusebianos iniqui adversum se lati judicii rationem daturos evocaret. Annuit Imperator, eosque ad se evocavit: solus tamen Eusebius cum aliis tribus accessit, novasque molitus calumnias tantam adversus Athanasium in eo concitavit iracundiam, ut eundem ille Treviros relegaverit, quo se Athanasius contulit anno 336., ibique ad ann. 338. per biennium, & quatuor menses permansit.

Tyriam hanc Synodum fuisse Pseudo-Synodum, Conciliabulum, & Latrocinium potius, quam Conventiculum, patet 1. ex eo, quod neque illam indixerat, neque illi aderat Romanus Episcopus, neque quemquam, qui ejus locum suppleret, eo miserat, cum tamen canon Ecclesiasticus jubeat, non oportere absque sententia Romani Episcopi decreta Ecclesiis sancire, ut inquit Socrates, falsitatem, nullitatemque Concilii Antiocheni ostendens, de quo inferius loquemur. 2. ex eo, quod illam solus Laicus Princeps Constantinus Imperator indixit, in ea Episcopos Judices, quos Ariani designarant, constituit, militare præsidium addidit cum Comite Dionysio Consulari Phœnices, totumque judicii ordinem ita evertit, ut Episcopi non a Diaconis, ut Ecclesiasticus erat mos, sed a Spiculatoribus, & Commentariensibus in templum deducerentur, omnia-

omniaque armorum turbaret tumultus . Constant hæc ex Imperatoris litteris ad Synodum , in quibus hæc habet : *Canſta, quæ litteris veſtris ſignificatiſtis, a me impleta ſunt : ſcripſi ad quos voluiſtis Epiſcopos Si quis vero, quod minime arbitramur, præceptum noſtrum etiamnum violans adeſſe venuerit, mittetur quamprimum a nobis, qui Imperiali auctoritate hominem in exilium pellens docebit, Imperatoris ſanctionibus pro veritate editis minime eſſe repugnandum .* Quamobrem in ea Synodo Sæcularis Magiſtratus Tyrannice dominabatur , totaque ſuffragandi pro veritate libertas Catholicis adempta erat Epiſcopis . „ Qua fronte „ igitur, uti habetur in Synodica Synodi Alexandrinæ pro Athanaſio ad Iulium Pontificem , omneſque Catholicos Epiſcopos Epiſtola , quam refert Sanctus Athanaſius in Apolog. 2. „ qua fronte talem conventum Synodum „ appellare audent , cui Comes præſedit , & ubi Spiculator apparebat ? „ & Commentarienſis , ſive Carcerarius pro Diaconis ad Eccleſiam „ adventantes introducebat ? ubi Comes verba faciebat , cæteri præſentes in ſilentio erant , vel potius Comiti obſequium ſuum accommodabant ? ubi quod communiter Epiſcopis placuit , ab illo impe- diebatur ? Ille Imperio utebatur , nos a militibus ducebamur , vel „ potius juiſſis Euſebianorum , ſententiisſque ipſe Comes inſerviebat ? „ In ſumma , dilectiſſimi , quæ ſpecies ibi Synodi , ubi vel cædes , vel „ exilium , ſi Cæſari placuiſſet , conſtituebatur ? „ Si ergo Aegyptii Epiſcopi Catholici , qui huic Conciliabulo aderant , per litteras a Dionyſio Comite poſtularunt , ut Athanaſii cauſæ cognitio Imperatori reſervaretur ; ſi Athanaſius ipſe Conſtantinum adiit , idque ab eo petiit , ut Euſebianos , qui omnem juris , & æquitatis legem fregerant , Imperatoris auctoritate , vi , potentiaque abutentes , ad reddendam audaciæ ſuæ , nequitiaque rationem ad ſe evocaret ; Id non fuit ab Eccleſiaſtica legitima Synodo ad Sæcularem Principem appellare , ſed ab inaudito Sæcularis poteſtatis abuſu , ac violentia ad Sæcularis Principis juſtitiam , ac æquitatem confugere , ut is totius rei certior factus omnem ſuæ poteſtatis abuſum impediret , debitamque Orthodoxis Epiſcopis in Eccleſiaſticis negotiis deliberandi libertatem reſtitueret . Audiatur Conſtantinus ipſe in litteris , quibus Epiſcopos , qui Tyri convenerant , ad ſe evocavit , & quas Athanaſius refert in ſua Apologia : „ Equidem „ ignoro , quænam ſint a veſtra Synodo turbulenter , ac tumultuoſe „ judicata . Veritas quippe tumultu , ac contentione quadam oppreſſa „ videtur , vobis ſcilicet ob mutuam contentionem , quam invictam „ vul-

„ vultis, quæ Deo placent, minime spectantibus Quocirca vos
 „ omnes quamprimum pietatem nostram convenire volo, rerum
 „ a vobis gestarum accurate rationem coram reddituros Athana-
 „ sius nihil se postulare dixit, quam ut vos huc concedere juberem,
 „ quo presentibus vobis de illatis sibi injuriis posset conqueri: quod
 „ cum mihi æquum, temporique congruum visum sit, hæc libenti
 „ animo ad vos scribenda jussi, ut quotquot Tyri congregatam Sy-
 „ nodum composuistis, quam maturrime ad exercitium meæ clemen-
 „ tiæ properetis &c. „. Hæc ad Arianos Episcopos scripsit Constanti-
 nus, cujus rectum erat cor; quamquam innox novis Eusebii, aliorum-
 que fraudibus circumventus, quæ humanæ mentis est imbecillitas, Tre-
 viros Athanasium ablegavit.

Verum cum post biennium in morbum, ex quo occubuit, Con-
 stantinus incidisset, de Athanasio, aliisque Orthodoxis Episcopis in
 varias Imperii partes relegatis ad Sedes suas revocandis præceptum tu-
 lit, quod tamen nonnisi post ejus obitum Filius Constantinus, Constans,
 & Constans executioni demandarunt - Extat de Athanasii reditu
 Constantini Filii ad Alexandrinam Ecclesiam epistola, quam Athana-
 sius refert in Apologia adversus Arimin. „ Nec Sacræ mentis vestræ
 „ notitiam præteruisse arbitror, ideo Athanasium adorandæ legis In-
 „ terpretem in Gallias ad quoddam tempus missum fuisse, ut ne im-
 „ manium ejus hostium feritas, quæ in periculum Sacri illius capitis
 „ imminerebat, eorumdemque improborum perversitas ad nefaria susti-
 „ nenda eum cogeret Proinde etsi Dominus Noster Constanti-
 „ nus Augustus pater meus vestræ dilectissimæ pietati eum restituere
 „ decreverat; quia tamen humana sorte præoccupatus, antequam vo-
 „ tum expleffet suum, ex hac vita migravit; consentaneum mihi exi-
 „ stimavi Divæ Memoræ Imperatoris propositum hæreditate acceptum
 „ exequi. Athanasius quantæ nobis fuerit venerationi, cum ad con-
 „ spectum vestrum venerit, cognoscetis. Treviris .xv. Calendas Ju-
 „ lias anno 338. „ Quanta Athanasium reducem voluptate exceperunt
 Clerus, & Populus, tanta etiam exarserunt ira factionis Arianæ homi-
 nes: quare seditionibus exortis, aditus patuit novis adversus Athana-
 sium calumniis, & criminationibus, quibus Constantium Arianis jam
 partibus addictum Eusebiani vehementer adversus illum concitarunt.
 At cum Episcoporum Ægypti, Lybiæ, & Pentapolis testimoniis de-
 tectæ calumniæ omnes evanuiscent; Eusebiani ad Julium Pontificem
 scri-

scripserunt; Athanasium accusantes, Legatosque misere Macarium Presbyterum, & Mattyrium, & Hefychium Diaconos, qui Synodi Tyriæ acta deferentes, ab eo postularunt, ut latam a Tyriis Patribus Sententiam confirmaret. Verum suos quoque Presbyteros Romam misit Athanasius, qui tanta perspicuitate Eusebianorum calumnias diluerunt, ut Legatorum Princeps Macarius præ confusione, & metu Roma aufugerit, reliqui vero duo a Julio petierint, ut Synodum indiceret, litteralque ad Athanasium, & ad Eusebianos mitteret, eos ad Synodum vocans, in qua & ipsi se omnia contra Athanasium allata probaturos pollicebantur, ut de iis coram omnibus iustum posset proferri iudicium. Concilium intra certum tempus Romæ celebrandum Pontifex indixit: At certi jam erant Eusebiani, quemadmodum comprobavit eventus, numquam sui periculum in Concilio facere, ubi, ut inquit S. Athanasius, *nec Comes aulae corruptus, partique deteriori additus esset adfuturus, nec Satellites præ foribus excubarent, nec ex Caesaris præscripto omnia fierent.*

Dum hæc agerentur, Athanasius ad suam vindicandam innocentiam, Synodum Alexandriae convocavit, ad quam centum propemodum Episcopi convenerunt, concordibusque suffragiis Encyclicam conscribentes, eam una cum authenticis documentis pro Athanasii innocentia, & cum Alexandrini Cleri protestationibus adversus Tyrios Legatos ad Julium Papam, aliosque Episcopos transmiserunt.

At Eusebiani, cum eos Constantius ad aureæ Ecclesiæ dedicationem Antiochiam vocasset, Synodum ea occasione habere statuerunt, in qua cum de Fide, tum de Ecclesiastica Disciplina agerent. Nongintaseptem Episcopi, quorum quadraginta erant Ariani, ad Encæniam celebranda convenerunt; quibus peractis, in Synodum coeuntes, primum formulam fidei suspectam ediderunt; mox 25. Canones statuerunt quoad disciplinam, quorum quartus præcipit, ut si Episcopus a Synodo dejectus, aut Presbyter, vel Diaconus ab Episcopo suo depositus partem aliquam Sacræ functionis attigerit, priusquam ei a Synodo, vel ab Episcopo facta fuerit venia, spe careat sacre dignitatis recuperandæ; undecimus vero, ac duodecimus graves irrogant pœnas Clericis illis, qui vel præterito Episcopo, vel ab eodem damnati, querelas suas deferunt ad Imperatorem, quem Canonem, ut aliqui volunt, Ariani corruperunt hunc alium substituentes; ut Clerico jure, vel iniuria deposito sine majoris Synodi assensu redire non liceat: Si vero au-

ctori-

etoritate sua locum amissum recuperare ausus fuerit, nulla admitta excu-
 satione exturbetur. Quidquid sit de hac re, ex his Canonibus Eusebia-
 ni occasionem criminandi ceperunt, & Athanasium accusandi, quod
 a Tyria Synodo dejectus functiones muneris sui per Ægyptum rursus
 obiret, & quod causam suam ad Constantinum Magnum detulisset, ne-
 que expectasset, ut eadem in maiore Synodo discuteretur. Quare,
 postquam, dimisso Concilio, in Ecclesias suas Orthodoxi Episcopi re-
 meassent, quadraginta Eusebiani Antistites, qui aderant, simul con-
 venientes, propter modo dictas accusationes, & propter alias calum-
 nias, ac præsertim eas, quæ in Tyria Synodo prolatae fuerant, Atha-
 nasium ab Episcopatu deposuere, ac Successorem ei, primo quidem
 Eusebium Emisenum, mox, cum is Alexandrinum Episcopatum acce-
 ptare nollet, Gregorium Cappadocem constituerunt, qui armata ma-
 nu, annuente Constantio, multorum cum cæde, ac immanibus sce-
 leribus, Sedem Alexandrinam occupavit. Athanasius hæc videns, &
 Julii litteris evocatus Romam venit, ubi perhonorifice exceptus est.
 Post hæc Elpidium, & Philoxenum Presbyteros cum litteris ad Eusebia-
 nos Julius mittit, illisque tempus præstituit, intra quod Romam se con-
 ferrent Synodo interfuturi. Nondum Antiochia discesserant Eusebiani
 Antistites, cum allatae sunt Pontificis litteræ; quibus acceptis, audito-
 que Athanasii Romam adventu, tanto sunt terrore perculsi, ut Presby-
 teros a Pontifice missos ultra præfinitum tempus detinuerint. Tandem
 illos dimiserunt cum Epistola ad Julium, quæ plena cavillationis, &
 spinarum gravissimarum futilem sui non adventus excusationem con-
 tinebat. Interea Asclepas Gazensis, Marcellus Ancyranus, Lucius
 Adrianopolitanus, aliique plures Orthodoxi Episcopi, ac Presbyteri,
 alii aliam ob causam accusati, suisque ab Ecclesiis pulsi, cum Romam
 pervenissent, causam suam Julio exposuerunt, de illatis sibi calumniis,
 atque injuriis conquerentes. Quamobrem Julius, ex Eusebianorum
 responsione spem sibi præcisam de illorum adventu intelligens, Romæ
 congregat Episcopos prope quinquaginta, perlectaque coram iis Euse-
 bianorum Epistola, auditaque Athanasii, aliorumque defensione,
 quæ ex actis legitimis, testimoniumque dictis peracta de more fuit, ex una-
 nimi omnium suffragio Athanasium, aliosque ad suam communionem
 admisit, suisque sedibus restituit. Ad Eusebianos vero gravem rescri-
 psit epistolam, qua illos objurgat, reosque declarat: Athanasium
 autem, aliosque per calumniam, & injuriam accusatos, vexatosque

fuisse ostendit. Eusebianos quoque arguit, quod, Athanasii causa Romam delata, ac nondum a Pontifice definita, ausi fuissent in Antiochena Synodo Gregorium Cappadocem in Athanasii locum intrudere, & Alexandria Episcopum consecrare. Quomodo deinde indictum, celebratumque fuerit Sardicense Concilium, & quid in eo Patres decreverint, superius diximus cap. 5., & inferius quoque suo loco dicemus.

At enim plura repones cum Natali Alexandro, & cum Febonio. 1. Ille vere ad Superiorem appellat, qui prior ab alterius iudicio adversum se lato ad Superiorem provocat, ut iudicium ab alio pronunciatum Superior auctoritate sua retractet, ac recognoscat; & siquidem illud a rectitudine deficere deprehendat, corrigat, aut infirmet, ac revocet. Verum Athanasius non ad Julium provocavit prior, neque prior de Tyria Synodi iudicio apud illum conquestus est. Priores enim Eusebiani querimonias ad Julium contra Athanasium detulere, Concilium indici postulantes, in quo ea probare possent, de quibus Athanasium accusabant. 2. Julius in suis Epistolis nullam interpolatæ ab Athanasio appellationis mentionem facit, quam tamen facere debuisset, si ille vere appellasset. 3. Cum Athanasius se Romam contulit, nullum aderat Ecclesiasticum Iudicium, a quo appellaret. Extraneorum enim Episcoporum, qui in Tyria Synodo Athanasium damnaverant, ratum non habuit iudicium Constantinus, ad quem Athanasius confugit postulans, ut quæ contra formam iudiciorum, ac leges facta ab Adversariis fuerant, rescinderet, aut irrita declararet. Et sane Constantinus Tyrii Concilii Episcopos, ut facti sui rationem redderent, ad se evocavit; ac præterea, antequam inoreretur, revocari ab exilio iussit Athanasium. quemadmodum post Constantini obitum ab ejus filiis Constantino, Constante, & Constantio revocatus fuit. Non igitur ad Julium Athanasius vere appellavit.

Resp. ad primum, *Appellationis* vocabulum usurpari dupliciter posse; primo modo, ut solam appellationis substantiam, naturamque significet; altero modo, ut, præter substantiam, solemnitates quoque complectatur, quæ longe post Sardicensem Synodum, primum ex consuetudine, deinde ex Juris sive Civilis, sive Canonici præcepto, appellationi accesserunt, cujusmodi sunt, ut is, contra quem ab inferiori Iudice sententia lata est, prior ad Superiorem Iudicem intra præscriptum tempus appellet; libellum appellationis Iudici, a quo appellat, & Iudici, ad quem provocat, certis quibusdam solemnitatibus adhi-

adhibitis, exhibeat, aliaque hujusmodi plurimæ. Jam vero cum de causa Athanasii loquimur, quam in gradu appellationis retractatam a S. Julio, ac definitam fuisse contendimus; non secundo modo, sed primo *appellationis* vocabulum usurpamus: fatemur enim, adhibitas in ea causa non fuisse ejusmodi solemnitates; at constat etiam, tunc, & per priora sæcula non fuisse necessarias. Appellationis autem substantia, ac natura sita in eo potissimum est, ut Judex appellationis, ad quem de præhabiti Judicii rectitudine querimonia, aut controversia deferretur, (undecumque tandem, & quomodocumque deferatur) non tamquam Judex a partibus electus, sed jure suo, propriaque auctoritate judicium præhabitu retractet, ac discutiat, & post maturum causæ totius examen, latam ab inferiori Judice sententiam vel confirmet, vel corrigat, vel infirmet, ac deleat: Interea præhabiti Judicii suspendatur executio, nullamque in ea causa prior Judex jurisdictionem, aut potestatem exercent. Profecto Eusebiani, ut Romanum Pontificem præoccuparent, & Athanasium perterrefacerent, priores ad Julium scripserunt, suosque per Legatos ad eundem miserunt condemnatoriam, quam adversus Athanasium tulerant, sententiam. At suos quoque Athanasius Romam Legatos misit, qui suam coram Pontifice innocentiam tuerentur, indictaque a Julio Synodo ad ejus causam retractandam, Romam ad Judicium statim accurrit. Perhonorifice a Julio exceptus, apud illum hæsit annum totum, & integros sex menses, Eusebianos expectans, aut quotquot comparere auderent, suæ præsentia pudefecit omnes, ut inquit ipse Julius in Epistola superius citata ad Orientales. Post moram temporis tam diuturnam, cum Eusebiani, quamquam a Julio tum per Legatos in Orientem missos, tum per epistolas, quibus Synodus indicebatur, citati, ut præsto esse vellent Romæ ad causæ totius examen in Concilio habendum, non comparuissent; Julius in Synodo totam Athanasii causam discussit, testes audivit, acta omnia perlegit, detectisque per authentica documenta Eusebianorum dolis, malis artibus, ac calumniis, Tyriæ Synodi sententiam, tamquam injustam, infirmavit; Athanasium vero tamquam innocentem in suam communionem recepit, suæ restituit Sedi, ac restitutorias ubique litteras divulgavit, ut apud Ecclesiam universam ab impactis calumniis ejusdem innocentiam vindicaret. Quæ quidem omnia aliis etiam pluribus præstitit Episcopis, ac Presbyteris, qui ab Eusebiani divexati, damnatique in Tyria Synodo, Romam accesserant, ut apud Pontificem con-

quererentur. Scripsit quoque, uti superius diximus, ad Eusebianos, certioresque eos fecit de toto judicio, quo Athanasii causam retractaverat, eorumque sententiam, tamquam injustam, resciderat: eos autem Canonicis pœnis non corripuit, ut paterna clementia uteretur, futurum sperans, ut resipiscerent, & Catholicos tandem vexare desinerent; quamquam mox, cum hæc eum spes fefellisset, totam Athanasii, aliorumque causam Sardicensi Concilio revidendam commisit, in quo, uti superius ostendimus, Julii sententia confirmata fuit, iterumque declaratus innocens, suæque restitutus Sedî Athanasius, Eusebiani vero Antistites Canonicis multati fuerunt pœnis.

Ad secundum: Hæc sunt Julii verba in citata Epistola ad Orientales. „ Annum totum, & integros sex menses apud nos hæsit „ Athanasius „ vestram præsentiam expectans, aut quoquot comparere aude- „ rent, suaque præsentia pudefecit omnes. Non enim in judicio stetit „ set, nisi sui fiduciam habuisset, neque sponte, sed litteris nostris ad „ judicium vocatus comparuisset, quemadmodum vos per litteras cita- „ vimus „; Et post alia interjecta subdit: „ Non solum Athanasius, & „ Marcellus Episcopi cum querimoniis de illatis injuriis, sed & plurimi „ alii Episcopi ex Thracia, Cælesyria, Phœnicia, Palæstina huc con- „ venere. Presbyteri item non pauci partim ex Alexandria, partim „ aliunde huc ad Concilium accurrerunt, & coram omnibus Episcopis „ ibi congregatis inter reliqua dicta sua conquesti sunt &c. „ Tandem quidquid de Julii judicio in causa Athanasii hætenus diximus, ab ipso Julio in eadem epistola diserte narratur. Abstinet quidem Julius ab hac voce *Appellationis*: sed quid inde, cum in causa Athanasii ea omnia concurrisse scribat, quæ ad appellationis substantiam, ac naturam pertinent? Nos autem hic non de nomine, sed de re disputamus.

Ad Tertium: Cum Athanasius se Romam contulit, a nemine revocatum fuerat judicium adversus eundem in Tyria Synodo pronunciatum; imo summa animi contentione Eusebiani ejusdem executionem urgebant. Quamquam autem Constantinus ab Athanasio rogatus ad se Antistites, qui Synodo interfuerant, evocasset; Hi tamen Cæsaris mandato non obtemperarunt, neque Athanasius coram illis tueri apud Imperatorem potuit innocentiam suam, & Laicæ Potestatis, quod unice intendebat, abusum, & vim a se, & a reliquis Orthodoxis arcere: Imo novis calumniis ab Eusebio apud Constantinum cumulatus; Treviros in Galliam abire jussus est, uti ex Ecclesiasticæ Historiæ monumentis

patet. Præcepit quidem Constantinus moriturus, ut ab exilio Athanasius revocaretur, & cum sane post Imperatoris obitum ejus Filii revocarunt: At altissimum semper super Tyriæ Synodi Judicio tum Imperator, tum ejus filii silentium tenuerunt. Contra vero Eusebiani post Athanasii reditum tum per litteras, tum per Legatos a Julio Summo Pontifice postulaverunt, ut is Tyriæ Synodi judicium Apostolica auctoritate confirmaret, cumque illum postulatis abnuere cernerent, ab eo petierunt, ut Concilium indiceret, in quo omnia Athanasii crimina, quæ in Tyria Synodo in medium protulerant, se probaturos pollicebantur. Indicta a Julio Romana Synodo, Eusebiani in Concilio Antiocheno, uti diximus, novum instituerunt judicium, in quo Tyriæ Synodi sententiam confirman-tes, Athanasio Gregorium Cappadoceum in Alexandrina Sede surrogaverunt. De utroque judicio conquestus apud Julium est Athanasius: utrumque judicium, uti patet ex dictis, retractavit, matureque discussit Julius, utrumque Apostolica auctoritate reprobavit, in suam communionem recipiens, & Alexandrinæ Sedi restituens Athanasium.

Urgebis cum Petro de Marca, ex quo non secus ac ex Paschasio Quésnello, plura in librum suum transtulisse videtur Febronius: *Nihil aliud ab Orientalibus*, verba sunt Petri de Marca, ubi argumento respondet petito ex toties laudata epistola Julii ad Orientales, exigebant Julius, & Romana Synodus, quam ut causæ Ecclesiarum Apostolicarum, inprimis vero Alexandrinæ, quoties de depositione Episcoporum earum Sedium ageretur, cum Papa, & Synodo Romana communicarentur, antequam Synodi Orientales cognitionem de iis instituerent, ut communi sensu componi possent magnæ Ecclesiæ. Quod si post judicium Orientalium querela manifestæ oppressionis deferretur ad Synodum Occidentalem, tunc retractandum esset negotium in Concilio Occidentalium, & Orientalium. Unde constat in Epistola non agi de appellatione; sed de prima tantum causæ cognitione, aut revisione, neque excitatam controversiam de omnibus Episcopis, sed de iis tantum, qui Apostolicis Ecclesiis præficerent, inprimis de Alexandrino, ac tamen judicium reddi non debere a solo Romano Episcopo cum Episcopis Occidentalibus, sed ab Episcopis Occidentis, & Orientis in unam sententiam conspirantibus. Ista enim colliguntur ex Epistola Julii, qua Orientales objurgat in causa Athanasii Episcopi Alexandrini, & Marcelli Ancyran, quos Orientalis Concilia damnaverant, inconsulto Episcopo Romano. Hactenus de Marca.

Re-

Respondeo, in epistola Julii post Synodum Romanam scripta ad Orientales agi potissimum de appellatione, non de prima dumtaxat instantia, seu de revisione. Julius enim in laudata Epistola frequenter dicit, citatos a se per Legatos, ac litteras fuisse Eusebianos ad retractatorium in alma Urbe iudicium, quod ipse in Synodo habiturus erat super iudicio in Tyria Synodo ab Eusebianis pronunciato: *Quid actum est*, sunt ejus verba, *dignum offensa? aut qua in re vobis, quibus scripsi, causam succensionis praeui?* *An quia adhortati vos sumus, ut ad Synodum occurreretis?* *Atqui illud potius cum gaudio excipi oportuit.* *Qui enim bene sentiunt de iis, quae egerunt, & in quibus ipsi, ut ajunt, Judices fuere, non indignanter ferre solent, si quod ab ipsis judicatum est, ab aliis excutiat: quippe qui securi sint, ea, quae ipsi iusta praedicaverunt, injusta numquam posse fieri.* Narrat praeterea Julius, se ante Synodum Legatos tum ab Eusebianis, tum ab Athanasio missos diligenter audivisse, in Synodo vero se criminationes omnes adversus Athanasium, necnon Athanasii defensiones, testes, authentica documenta, actaque omnia Tyria Synodi, ac sententiam ab eadem Synodo prolatam sedulo examinasse: mox reprobatum a se fuisse Tyrium Eusebianorum iudicium, Athanasium vero, Marcel- lum, aliosque Antistites declaratos a se fuisse innocentes, suisque Sedi- bus restitutos. Tandem huic suo iudicio obtemperandum esse ab Euse- bianis edicit. At certe hoc Julii iudicium non est, uti patet, primae in- stantiae, seu primae cognitionis iudicium: neque est revisio: nullus enim ex iis Episcopis, qui in Tyria Synodo iudicium protulerant; una cum Julio in Romana Synodo tamquam Iudex interfuit; quod tamen ad revisionis essentiam pertinere, ipse Petrus de Marca docuit, uti capite superiori vidimus. Est igitur vere appellationis iudicium. Agit quidem Julius, sed obiter in extrema epistolae suae parte de prima instantia, ubi videlicet affirmat tantarum Sedium Episcopos sine praevia ad Romanam Sedem relatione, ac sine ejusdem rescripto degradari non potuisse.

„ Oportuit secundum Canonem „ ita Julius scribit „ & non illo modo „ iudicium fieri. Oportuit scribere omnibus nobis, ut ita ab omni- „ bus, quod iustum esset, decerneretur. Episcopi enim erant, & „ non vulgaris Ecclesiae, qui ista patiebantur, sed quam ipsi Apostoli „ suamet opera ad fidem instruxerunt. Cur igitur, & in primis de Ale- „ xandrina Civitate, nihil nobis scribere voluistis? an ignari estis, hanc „ consuetudinem esse, ut primum nobis scribatur, ut hinc, quod ju- „ stum est, definiri possit? Quapropter si isthic hujusmodi suspicio in „ Epi-

„ Episcopum concepta fuerat , id huc ad nostram Ecclesiam referri
 „ oportuit „. At nihil inde erui potest , & nihil aliud per ea verba Ju-
 lius contendit , quam ostendere , omnia Eusebianorum Acta in Tyria
 Synodo esse undequaque reprobatione , & execratione dignissima , tum
 quia contra Sacros Canones , & Ecclesiasticam consuetudinem cuncta
 gesta fuerant , tum quia , cum meritis omnia inniterentur calumniis , tur-
 pissime per eadem Iustitiam læserant , ac Religionem .

Quod autem ab eodem de Marca subditur , *in Epistola Julii non de
 omnibus Episcopis excitatam esse controversiam , sed de iis tantum , qui Apo-
 stolicis Ecclesiis præsiderent* , id falsum omnino est . Ex una enim parte Ju-
 lius inquit : *Non solum Athanasius , & Marcellas Episcopi cum querimoniis
 de illatis injuriis , sed & plurimi alii Episcopi ex Thracia , Cæsaryria , Pha-
 nicia , Palestina huc convenere &c.* , quos inter recensentur Paulus Con-
 stantinopolitanus , Lucius Adrianopolitanus , Asclepas Gazensis &c. :
 Ex alia vero parte testatur Sozomenus lib. 3. cap. 8. , Julium horum om-
 nium causam in Synodo Romana retractasse ; quod quidem colligitur
 etiam ex Epistola Synodica Sardicensis Concilii . At certe , quamquam
 concedamus Athanasium , & Marcellum Apostolicis præfuisse Eccle-
 siis ; non tamen id de Asclepa , cæterisque Episcopis , qui contra Euse-
 bianos ad Julium appellarunt , dici potest . Triplex enim est Apostoli-
 carum Ecclesiarum species . Prima est earum , quæ Apostolicam habent
 Sedem , vel quia in illis Apostolorum Princeps sedit , vel quia illas spe-
 ciali ratione fundavit , Tres autem hæ sunt , Romana , Alexandrina , &
 Antiochena . Romanam , & Antiochenam Petrus ipse gubernavit :
 Alexandrinam vero per Discipulum suum Sanctum Marcum speciali ra-
 tione fundavit . Secunda species illas Ecclesias complectitur , quas Apo-
 stoli fundarunt , suisque ad illas scriptis epistolis decorarunt , cujusmodi
 sunt Corinthia , Philippenfis , Ephesina &c. Tertia species est illarum ,
 quas Apostolorum Discipuli , ac Successores , ac Romani Pontifices ere-
 xerunt , & in dies erigunt , quæ tamen , quia eandem Orthodoxam
 Fidem profitentur , dicuntur *Apostolicæ solum ex consanguinitate doctrinæ* ,
 inquit Tertullianus in libro præscriptionum . Hæ autem omnes Ec-
 clesiæ simul junctæ sunt illa una Apostolica Ecclesia ; quam in Sym-
 bolo profitemur . Petrus de Marca loquitur , & quidem recte , de
 prima , & secunda specie . At ex Episcopis , qui ad Romanam Sy-
 nodum accurrerunt , & coram Julio conquesti sunt , Athanasius Apo-
 stolicam Ecclesiam occupabat primæ speciei , Marcellus vero Eccle-
 siam

siam secundæ speciei, quia Apostolus Paulus Ancyranam Ecclesiam per Epistolam ad Galatas scriptam edocuit, ac illustravit: Reliqui vero nulli ejusmodi Apostolicæ præerant Ecclesiæ, eorum tamen omnium causam Julius in Synodo, ut diximus, retractavit, suisque omnes sedibus, rescissa Eusebianorum sententia, restituit. Falsum ergo est, Julium in sua epistola de iis tantum Episcopis fuisse locutum, qui Apostolicis præficerent Ecclesiis. Et sane rationem, propter quam Julius edicit, secundum Canonem deponendos non fuisse ab Episcopatu, nisi prævia relatione ad Romanum Pontificem transmissa, acceptoque ejusdem rescripto hanc adducit: *Episcopi enim erant, qui ista patiebantur*, quæ quidem ratio communis est omnibus Episcopis. Addit deinde ad augendum Eusebianorum crimen, *Et non vulgares Ecclesiæ, sed quas ipsi Apostoli suamet opera ad fidem instruxerunt*. Cum enim Eusebiani Athanasium Alexandrinum, & Marcellum Ancyranum vehementius præ reliquis infectarentur, & adversus eos crudelius desævirent; Idcirco specialem eorumdem mentionem in epistola Julius facit, cumque ii honorabiliores sedes, videlicet Apostolicas, obtinerent, ostendit proinde majorem fuisse Eusebianorum audaciam, qui illos è Sedibus suis deposuerant: Quoniam autem Alexandrina Sedes post Romanam nobilior erat, ac princeps; idcirco inquit: *cur igitur, Et in primis de Alexandrina Civitate, nihil nobis scribere voluistis?* At cum dicit *Et in primis*, videlicet *Et potissimum*, sane aliarum Ecclesiarum Episcopos non excludit, de quibus omnibus proinde loquitur, cum ea subdit, quæ sequuntur: *an ignari estis, hanc consuetudinem esse, ut primum nobis scribatur, ut hinc, quod justum est, definiri possit?* Quapropter si isthic hujusmodi suspicio in Episcopum concepta fuerat, id huc ad nostram Ecclesiam referri oportuit.

Quod autem in loco citato subdit Petrus de Marca, Apostolicarum Ecclesiarum Antistites a totius Ecclesiæ Concilio judicari debere, falsissimum est. Non id certe docet Julius, cum dicit: *oportuit scribere omnibus nobis, ut ita ab omnibus, quod justum esset, decerneretur*: hæc enim verba explicat per ea, quæ subdit: *Quapropter si isthic hujusmodi suspicio in Episcopum concepta fuerat, id huc ad nostram Ecclesiam referri oportuit*. Utrobique ergo loquitur de Romana Ecclesia, seu de Apostolica Sede, quæ ad res gravioris momenti discutiendas, definiendasque cogere, uti suo loco diximus, Romanam Synodum solebat, cui Provinciæ Romanæ Episcopi intererant, quemadmodum in hac Athanasii Causa Romanam Julius coegit Synodum, cui quinquaginta Ro-

Romanæ Provinciæ Antistites interfuerunt . Hanc autem Romanæ Ecclesiæ prærogativam , de qua loquitur Julius , esse *secundum Canonem* , & *secundum consuetudinem* , ipse Julius in eadem Epistola manifeste affirmat . Neque id , quod Marca asserit , ullus Canon , aut ullus Pontifex docet . Imo Patriarcharum causas privative spectare ad primam Romani Pontificis cognitionem , eosque sine prævia ad illum relatione , ac sine accepto ejusdem rescripto a nulla Synodo damnari posse constat ex antiquissima Ecclesiæ consuetudine , ex Patrum traditione , ex Apostolicis Canonibus , quos Liberius Papa ad Eusebium Constantii Imperatoris Eunuchum scribens ait *esse canones* , quos *Apostolorum Princeps Petrus Romanæ tradidit Ecclesiæ* . Qui plura super hac re velit , consulat Christianum Lupum lib. de Romanis Gallicanæ Ecclesiæ appellationibus cap. 29.

C A P U T XIII.

Romana Pauli Episcopi Constantinopolitani Appellatio .

CUM S. Alexandrum Constantinopolitanum Episcopum jam jam moriturum Clerici de successore deligendo interrogassent ; Si *Virum* , ille inquit , *pietate præditum* , *simulque idoneum ad docendum queritis* , *habetis Paulum Presbyterum* . *Sin hominem ad res Sæculares* , & *ad loquendum cum Judicibus aptum vultis* , *potior est Macedonius Diaconus* , & *Senex* . Hoc audito , in duas Civitas abiit partes : Paulum enim Orthodoxi , Macedonium vero Ariani Episcopum exoptabant . Mortuo Alexandro , prævaluit Paulus , quamquam junior , cumque Episcopi tunc in Urbe commorantes consecrarunt . Illum jam olim per calumniam a Macedonio accusatum in Pontum Constantinus Magnus relegaverat . *Etiam huic crimen objectum fuerat* (scribit S. Athanasius in epistola ad Solitarios) *idque falsum fuisse* , *vel inde colligas* , *quod qui illum reum fecit* , *Macedonius* , *nobis in ea accusatione præsentibus* , *cum reo suo* , *cujus Presbyter erat* , *communione sumpsit* . At ubi illum jam constitutum Episcopum vidit Eusebius Nicomediensis , calumniari apud Constantium cœpit ejus electionem , & mores , ut eodem extruso , ipse tantæ Urbis Episcopus renunciaretur . *Huc ubi oculos suos* , inquit in laudata epistola Athanasius , *adjecisset Eusebius* ; *ut raperet Episcopatum ejus* (*eadem enim modo a Beryto Nicomediam transfiliit*) *non defuit in Paulum species calumniæ* . Quamobrem reversus Constantinopolim Constanti-

tius, collecto Arianorum Concilio, Episcopatum Paulo, quasi indigno, abstulit, deditque Eusebio Nicomediensi, qui hoc aliis suis sceleribus adjecit, ut contra Ecclesiæ leges, proprio grege deserto, alienum occuparet Episcopatum. At, eo post biennium mortuo, cum Ariani Macedonium surrogassent, Catholici denuo Paulum in Ecclesiam introduxerunt. Orta proinde inter Cives seditione, Imperator, qui Antiochiæ erat, Magistrum Militum Hermogenem misit, qui Paulum armato Milite ab Ecclesia exturbaret. Verum exacerbat i cives Hermogenem, incensa ejus domo, pedibus trahentes intèrerunt. Constantius, audita Hermogenis cæde, Constantinopolim statim accurrit, iramque suam in Paulum vertens, eum a Civitate pelli jussit. Is autem Romam se contulit, & apud Julium Pontificem de acceptis injuriis, ac de Arianorum sententiæ in Concilio latæ iniquitate, ac injustitia conquestus est.

Paulum peramanter excepit Julius, causaque discussa in Romana Synodo, illum in communionem recepit, suæque restituit Sedi, datis ei restitutoriis litteris, quibus in suo Episcopatu reponi jubebatur. Ad illos, *qui Antiochiæ in unum convenerant*, scribit Sozomenus lib. 3. cap. 10., videlicet ad Eusebianos *Julius scripsit, atque adeo incusavit, quod clam contra fidem Concilii Nicæni novas res moliti fuerant, quodque contra lèges Ecclesiæ ipsum ad Concilium non vocaverant. Nam legem esse ad Sacerdotis dignitatem spectantem, quæ pronuntiat acta illa irrita esse, quæ præter sententiam Episcopi Romani constituuntur. Ea autem, quæ Tyri, & in Mareote adversus Athanasium decernebantur, iniqua esse &c. Postremo litterarum pertinaciam reprehendit. Quibus omnibus rationibus adductus est, ut Athanasio, & Paulo opem ferendam judicaret.* Verum cum nihil his Julii litteris Paulus profecisset (obsistebant quippe Arianæ factionis homines) cum Athanasio Constantem adiit, ac Synodum fieri postulavit: Episcopis enim facultatem fecerat Julius, teste S. Athanasio in epistola ad Solitarios, ut, ubicumque vellent, Synodus haberetur. Celebratum proinde fuit Sardicense Concilium, in eoque Patres, retractata Pauli causa, Julii sententiam confirmarunt. Dilatus adhuc ad ali-quod tempus fuit, Arianorum opera, Pauli in suam Sedem regressus. At minacibus fratris sui Constantis litteris victus Constantius Paulo redeundi facultatem concessit. Eo autem Constantinopolim ingresso, Macedonius se subduxit, suosque conventus privatim egit, uti testantur S. Hilarius in fragmentis, & Sozomenus lib. 3. cap. 24.

Mortuo Constante, deservire iterum cœpit in Orthodoxos Episcopos Constantius Arianorum factioni addictissimus, quare Philippo Præfecto Prætorii mandavit, ut Paulum ab Ecclesia pellat, in ejus vero locum Macedonium inducat. Paulus itaque catenis victus, uti narrat S. Athanasius in epistola ad Solitarios, in Singra Mesopotamiæ deportatus est, inde Emesam, ex Emesa tandem Cucusum Cappadociæ ad deserta Tauri. Hic in angusto, & tenebroso loco inclusus fuit, ut fame interiret. Cum autem post sex dies ingressi Eusebiani hominem adhuc spirantem invenissent, illum per vim strangulaverunt, ac subdole sparserunt in Vulgus, cumdem gravi morbo fuisse extinctum. Tantum vero Fidei Athletam Ecclesia veneratur ut Martyrem, quemadmodum ex Martyrologio Romano patet ad sextam Septembris diem.

C A P U T XIV.

Romana Asclepæ Gazensis, & Lucii Adrianopolitani Appellatio.

CUstodem Nicænæ Fidei pervigilem, & eximia morum sanctitate conspicuum Asclepam Gazæ Episcopum, acerrime oderant Ariani, quem proinde, ut ab Episcopali Sede deturbarent, multis onerarunt calumniis, ac præsertim, quod Altare evertisset, multisque seditionibus publicam pacem perturbasset. *Asclepas Gazæ Episcopus*, inquit Sozomenus lib. 3. cap. 7., *cum doctrina Ariana adversaretur, in crimen vocatus est ab Arianis, quod Altare everterit, & propterea fuit abdicatus.* Imo Conventiculum ipsum Philippopolitanum sic de Asclepa loquitur: *In Civitate Gaza Provinciae Palestina Asclepas altare comminuit, multasque seditiones effecit.* Quamquam autem in Antiochena Synodo ab impactis criminationibus se purgasset; ab Episcopatu tamen per summam injuriam pulsus fuit. *Asclepas Commiñster noster in Sacris*, inquit Synodica epistola Concilii Sardicensis ad omnes Catholicæ Ecclesiæ Episcopos, *prolatis Actorum monumentis Antiochiæ confectis docuit, cum ibi simul, & accusatores, & Eusebius Casaraënsis adessent, judicii Episcoporum, qui huic causæ præsidebant, se innocentem pronunciatum esse.* Imo, quod iniquius est, Quintianum Arianum hominem in Gazensi Episcopatu surrogarunt. Asclepas pulsus ab Ecclesia sua Romam venit, & Julium Pontificem appellavit. Interea Eusebiani per litteras Athanasium, Marcellum, & Asclepam apud Julium accusarunt: *Cum igitur jampridem, sic in laudata Synodica legimus, litteras suas accusatrices de Athanasio,*

Marcello, & Asclepa Commiſtris noſtris Eusebiani ad Julium Romanæ Ecclesiæ Episcopum miſſent, contigit, ut etiam alii ex aliis locis Episcopi ad eundem Julium litteras suas mitterent. At Julius Asclepam in Romana Synodo, post maturam causæ discussionem, una cum S. Athanasio, aliisque cum Episcopis suæ restituit Sedi; & hanc Julii sententiam Sardicenis Synodus confirmavit. „ Nos dilectos Fratres „ inquit Patres Sardicenses in citata Synodica „ & Commiſtros nostros Athanaſium, Marcellum, Asclepam cum cæteris Commiſtris noſtris innocentes, & puros pronunciamus, litteris ad singulas Parœcias miſſis, ut populi cujusque Ecclesiæ cognoscant sui Episcopi sinceritatem, eumque pro Episcopo & habeant, & expectent: istos autem more Luporum in horum Ecclesias invadentes, Gregorium, inquam, in Alexandriam, Basilium in Ancyram, Quintianum in Gazam, eos neque Episcopos appellent, neque ullam cum eis communionem habeant, aut litteras recipiant, aut vicissim mittant, „.

Lucius Adrianopolitanus Episcopus, Orthodoxæ Fidei zelo, vitæque sanctitate spectabilis, cum Arianis esset invisus, plurima ab iis perpeſſus est, donec eorum opera per calumniam accusatus, quod sacrificium ab Arianis Sacerdotibus confectum canibus projici jussisset, in Eusebianorum Conciliabulo ab Episcopatu depositus fuit. Venit is Romam, & ad Julium provocavit, a quo in Romana Synodo una cum Athanasio, Marcello, aliisque Episcopis innocens declaratus est, suæque Sedi restitutus, uti narrant Socrates lib. 2. cap. 11., & Sozomenus lib. 3. cap. 7., quorum verba cap. 15. retulimus. Retractata vero ejus causa in Concilio Sardicensi, sententiam, quam Julius tulerat, Concilii Patres confirmarunt. At Adrianopolim reversum Lucium furore perciti Ariani una cum aliis plurimis Orthodoxis in odium Catholicæ Fidei interemerunt. Fit eorum mentio in Romano Martyrologio ad diem 11. Februarii his verbis: *Adrianopoli Sanctorum Martyrum Lucii Episcopi, & Sociorum ejus, qui sub Constantio ab Arianis multa perpeſſus, in vinculis martyrium consummavit: Ceteri vero Nobiliores Civium, cum Arianos in Sardicensi Concilio tunc recipere noluiſſent, a Philagrio Comite capitalem sententiam exceperunt.*

M Arcellum Aneyræ Episcopum, ac primæ Galatiæ Metropoli-
tam vehementer oderant Eusebiani. Multiplex autem suberat
istiusmodi odii causa: Prima fuit, quod in Nicæno Concilio Marcel-
lus Arianis contradixit, & in sententiis dicendis cum Ariana hæresi for-
titer dimicavit. *Marcelli fides*, inquit Julius I. in epistola ad Orienta-
les Eusebianæ factionis, *confessioque Nicæa spectata est, cum Arianis con-*
tradiceret; & infra subdit: *Et nostri Presbyteri, qui tunc in Nicæno Con-*
cilio aderant, de ipsius recta fide testabantur: nam Et cum tunc quoque
in sententiis dicendis dimicasse cum Ariana hæresi testes fuere. Alteram cau-
sam tradit Sozomenus lib. 2. cap. 31., quod videlicet in Tyria Synodo
damnationi S. Athanasii, & in Hierosolymitana restitutioni Arii noluit
consentire. Tertia tandem fuit, ut idem Sozomenus loco citato re-
fert, quod communicare Eusebians, extructamque a Constantino
Magno Hierosolymis Basilicam cum iis dedicare detrectavit. His de
causis illi magno furore succensi in Synodo Constantinopolitana de hæ-
resi, quam in Libro quodam *de æterno Christi regno* illum docuisse di-
citant, accusarunt, & tamquam de hæresi convictum de Episco-
pato dejecerunt, ac Fidelium communione privarunt. Ei præterea Suc-
cessorem in Ancyrana Sede surrogarunt Basilium, omniaque libri,
quem ediderat, exemplaria perquiri, & exuri iusserunt. Hanc autem
damnationis sententiam mox in Antiochena Synodo confirmarunt,
geminamque fidei professionem adversus Marcelli hæresim condidere,
cui omnes subscribere iussi sunt.

At Marcellus his affectus injuriis, ad Julium I., cui Eusebius Ni-
comedienſis hanc Marcelli hæresim, & condemnationem jam retule-
rar, provocavit, Romamque profectus in Urbe diu perſtitit, donec
libellum Pontifici obtulit, in quo omnia causæ suæ acta recenset, & ab
illatis injuriis reparari Pontificia auctoritate postulat. Hæc præ cæteris in-
cohabet: „ Cum nonnulli ex iis, qui, quod parum integre de Fide
„ sentirent, antea condemnati sunt, quique a me in Nicæna Synodo
„ convicti sunt, contra me ad pietatem tuam scribere non dubitaverint,
„ me nec recte, nec cum Ecclesiæ doctrina consentaneæ de fide statuere,
„ ut suum crimen in me transferrent, propterea necessario Romam mihi
„ veniendum, & te commonendum putavi, ut eos, qui contra me
„ scri-

scripserunt, accerferes, ut, cum advenissent, de duobus illis a me con-
vincerentur, cum illa ipsa falsa esse, quæ in me scripserunt, tum eos
adhuc in pristino errore perseverare, & indigna quædam adversus
Ecclesias Dei, ac nos ipsos illarum Præsides esse machinatos. Sed
cum illi venire noluerint, tametsi Presbyteros ad illos miseris, ego
vero anno integro, & tribus mensibus Romæ commoratus fuerim,
faciendum mihi omnino censui, ut antequam hinc proficiscerer, meæ
fidei professionem tibi sincere, atque ex animo, meaque manu per-
scriptam offerrem. Adjungit mox suæ fidei professionem cum inte-
gro Apostolico Symbolo, ac petit ab illatis injuriis reparari. Libellum
hunc, & egregiam, qua apud Julium se Marcellus ab hæresis crimina-
tione purgavit, Fidei professionem, refert S. Epiphanius, ubi de Mar-
cello Ancyrano fuse tractat.

Marcelli causam in Synodo Romana discussit Julius, eumque ab
hæresis criminatione liberavit, suæque Sedi restituit, uti patet ex epistola
toties citata S. Julii ad Orientales, ubi sic de Marcello loquitur: „ De
„ Marcello autem, postquam de illo quoque ut impio in Christum per-
„ scripsistis nobis, studui significare, eum, cum huc venisset, affir-
„ masse falsa esse, quæ de se in litteris vestris scripta essent: sed tamen
„ cum a nobis postularetur, ut de fide diceret, tanta cum fiducia per
„ se respondit, ut nemo non perciperet, eum nihil a veritate profiteri
„ alienum; sed eadem cum pietate, qua Ecclesia, de Domino, ac
„ Salvatore nostro sentire, neque jam tantum modo, sed jam olim
„ hujus sententiæ se fuisse confirmabat, uti & nostri Presbyteri, qui
„ tunc in Nicæno Concilio aderant, de ipsius recta fide contestaban-
„ tur. Nam & eum tum quoque in sententiis dicendis dimicasse cum
„ Ariana hæresi, testes fuere, cujus quoque vos admonitos velim, ne
„ quis talem hæresim approbet, sed abominetur ut alienam a sana do-
„ ctrina. De viro igitur, quem rectæ opinionis, & sinceræ religionis
„ esse testimoniis approbatum est, quid quæso nos facere oportuit?
„ Anne ut eum pro Episcopo haberemus, quemadmodum habemus?
„ An potius a Communione repelleremus? Hæc quidem ego non
„ tamquam eorum causam agens scribo, sed ut & vobis fidem facerem,
„ viros istos justæ, & canonice a nobis receptos esse, & vos minime
„ habere causam litigandi: par autem est, ut studium adhibeatis, &
„ omnibus modis elaboretis, ut quæ contra Canonem acta sunt, emen-
„ dationem accipiant, & Ecclesiæ pacem habeant &c.

Quem-

Quemadmodum Athanasii, Pauli, Lucii &c., ita etiam Marcelli causam retractandam Julius dedit Concilio Sardicensi, & in eo, Julii sententia confirmata, suæ Marcellus restitutus est Sedi, & Canonicis Eusebiani multati sunt pœnis. Rectam Marcelli fidem sic exponunt Concilii Patres in sua Synodica ad omnes Catholicæ Ecclesiæ Episcopos. *Recitata quoque sunt scripta Collegæ nostri in Sacris Marcelli, & deprehensa est Eusebii dolosa vasfrities. Quæ enim Marcellus per modum quæstionis tractaverat, & tamquam ita esse profueretur, calumniati sunt. Recitata quoque sunt in his quæstionibus, quæ intercederent, & subsequerentur, & inventa est bona, & recta fides istius viri: Non enim ex Maria, ut ipsi asseverabant, Verbo Dei initium attribuit, neque finem ejus regno constituit, sed regnum ejus initio, & fine carere scriptis prodidit. Quid autem de Marcello, ejusdemque libro factum postea fuerit, non est hujus loci, & hujus temporis enarrare. Videri potest Christianus Lupus in Scholiis, & Notis ad Canones Sardicenses in dissertatione de Synodo Sardicensi cap. 6.*

C A P U T XVI.

Ursacii, & Valentis ad Romanum Pontificem tamquam ad supremum Ecclesiæ Judicem recursus.

URSACIUS a Singidono Mysiæ, & Valens a Mursis Pannonicis Episcopi, Arianorum post Eusebium facile Principes, & crudelissimi Athanasii hostes, quem in Pseudo-Synodis Tyria, & Antiochena damnaverant, deposuerant, excommunicaverant, tum propter Arianam hæresim, tum propter perpetrata in Athanasium, aliosque Orthodoxos crimina exauctorati in Sardicensi Concilio ab Officio Episcopatus fuerant, & ab omni fidelium communione secreti. Cum autem in Illyrico, quod ad Constantis Augusti dominium pertinebat, Episcopatum suum obtinerent; omnia a Constantis invicta religione metuentes suorum criminum pœnitentiam ostenderunt, aut saltem simularunt. „ His conspectis „ inquit S. Athanasius in Apologia secunda „ de se „ jam desperantes Ursacius, & Valens, Romam profecti, peccata sua „ cum pœnitentia confessi sunt, gratiamque facti postularunt, litteras: „ que & ad Julium veteris Romæ Pontificem, & ad nos quoque in hanc „ formam misere, quorum exempla mihi transmissa sunt a Paulino „ Episcopo Tiburis. Epistola ad Julium Romanum. Quandoquidem „ satis constat, & nos superioribus temporibus multa gravia de Atha-

„ na-

nasio per epistolas criminatos fuisse, & tuæ humanitatis litteris admonitos, ut crimina probaremus, numquam earum rerum documenta afferre potuisse; Ideo confitemur tuæ humanitati coram univ^{er}sis nostris fratribus Presbyteris omnia, quæ ante hac ad vestras aures de Athanasio perlata fuere, falsa, & ficta esse, & omnibus modis ab eo aliena: ac proinde recipimus ejus Communionem, maxime quia tua in Deum pietas veniam secundum genuinam suam probitatem nostro errori impertiri dignata est. Quin & hoc promittimus, numquam, si aliquando Orientales, atque adeo ipse Eusebius velit malitiose eum in judicium vocare, nos citra tuam sententiam eo abituros. Hæreticum porro Arium, ejusque propugnatores, qui dicunt, erat, quando non erat, Filius; Aut eum ex non ente ad essentiam emeris^{se}; aut qui neget, Christum Deum esse Dei Filium ante sæcula, quemadmodum in priori libello nostro Mediolani edidimus, & nunc, & semper anathemate damnamus, nostraque manu denuo protestamur, nos Arianorum hæresim, ejusque auctores in æternum damnare. Ego Ursacius, cum præsens meæ confessioni interessem, subscripsi; quod itidem & Valens fecit. Subdit deinde Athanasius eorundem epistolam ad ipsum Athanasium scriptam, in qua sic ajunt: *Scire te volumus, pacem tibi nobiscum esse, & communionem Ecclesiasticam intercedere, cujus rei fidem esse volumus nostram istis litteris inscriptam salutationem.*

Cum igitur Ursacius, & Valens a Sardicensi damnati Concilio, Romam accesserint, & coram Romano Pontifice sua crimina confitentes, eorum veniam poposcerint, ut ab illo Fidelium communioni, suisque Sedibus restituerentur; jam facto ipso professi palam sunt, se in eo Supremum Ecclesiæ Judicem agnoscere, a quo, etsi per Occidentis, atque Orientis Synodum damnati, in gradum tamen, & communionem non per justitiam, sed per dispensationis gratiam reparari possent, quemadmodum de Marcione diximus cap. 8. At qui supremam hujusmodi in universa Ecclesia obtinet potestatem, id quoque profecto juris habet, ut causam quamlibet a Concilio jam definitam, undecumque ad eum deferatur, per novum Judicium in gradu appellationis retractare, ac recognoscere possit, ultimaque prolata sententia definire. Quod autem Apostolica Sedes quorumvis Episcoporum, ac Synodorum judicia, etiamsi justa sint, solvere per dispensationis gratiam possit, hoc eodem Ursacii, & Valentis exemplo probat S. Hilarius

Pictaviensium Antistes in Commentario ad Synodales Sardicenfis Concilii litteras, ubi in fragmentis sic habet: *Quam opportunitatem nacti Ursacius, & Valens, Romanæ Plebis Episcopum adeunt, recipi se in Ecclesiam deprecantur, & in communionem per veniam admitti rogant. Julius ex consilio veniam, quam orabant, impertit, ut cum lucro Catholica Ecclesie vires quoque detraberet Arianis, cum eos, qui veritatem ante turbaverant, consilii hujus, & audaciæ penitentes in communionem Catholicam per veniam reconciliatæ pacis admitteret. Quamobrem merito Henrico Leodiensi Episcopo, qui ob Diœcesanum quemdam suum Romæ absolutum in litteris ad Gregorium VII. datis de Apostolica Sede conquestus ainare fuerat, perinde ac si non haberet Romanus Pontifex quoscumque, & ubicumque ligandi, solvendi que potestatem, sic rescripsit: *Intelligas, te aut præsumptionis spiritu, aut ignorantia, contra auctoritatem Sanctæ Romanæ Ecclesiæ verba jactasse, quasi imitando Orientales, qui contra Beatum Papam Julium obloqui præsumperunt, eo quod ipse Sanctissimum Athanasium Patriarcham sine eorum consensu absolverat. Orientalium vero nomine Eusebianos Episcopos Gregorius intelligit, qui in Philippopolitano Conciliabulo Julium Romanum Pontificem gradu, & communionem per inauditum facinus privarunt, quod Athanasium, Paulum, Asclepam, aliosque Orthodoxos Antistites, ac Presbyteros in Eusebianorum Synodis damnatos sine eorum consensu, imo iis reluctantibus, in suam recepisset communionem, suisque gradibus restituisset.**

P A R S I I I.

An Sardicense Concilium Romano Pontifici quamdam
dumtaxat decernendæ revisionis
auctoritatem tribuerit?

C A P U T I.

*Referuntur Sardicenses Canones de Romanis appellationibus,
& ratio inquiritur, propter quam conditi fuerint.*

EA, quæ recensuimus, exempla satis esse reor, ut pateat, etiam ante Sardicense Concilium in usu fuisse Romanas ex qualibet mundi parte appellationes, multasque a Romano Pontifice in gradu appellationis sive per se, sive per alios causas fuisse discussas, suprema-

que sua auctoritate definitas. Non ergo jus recipiendarum ab omnibus Mundi partibus appellationum est, uti contendit Febronius, privilegium adjectitium, Romanoque Episcopo a Sardicensi Synodo concessum, quæ per hujusmodi concessionem novum aliquid, & antea infuetum introduxerit. Proferendi nunc in medium sunt ii de Romanis Appellationibus Canones, quos Sardicensis Concilii Patres condidere, & investiganda ratio est, propter quam eos condiderint, ut ad tertiam deinde, quam adversus Febronium agitamus, controversiam delabamur, utrum videlicet Sardicense Concilium *Romano Pontifici*, uti Febronius loquitur, *non verarum appellationum Jus, sed quamdam tantum decernendæ revisionis auctoritatem tribuerit*, an potius, uti nos propugnamus, verarum appellationum jus, eidem jure divino ratione Primatus jurisdictionis, ac Supremæ Potestatis competens, declaraverit, suisque legibus adversus hæreticorum pervaciam, furoremque communierit?

Cum Ariani, seu Eusebiani non modo Nicænam Fidem, sed Ecclesiasticam etiam disciplinam modis omnibus evertere conarentur; Concilii Sardicensis Patres, ut his conatibus occurrerent, plures condidere Canones, quibus disciplinam Ecclesiæ integram conservarent, & ubi lapsa esset, celeriter instaurarent. Tres autem ex iis circa Romanas versantur appellationes, & apud Dionysium Exiguum sunt tertius, quartus, & septimus; sed hic postremus rectius in Græca collectione est quintus, & nos hic quintum nominabimus.

Tertius Canon solum quoad ultimam sui partem de appellationibus loquitur, & sic habet: *Si aliquis Episcoporum judicatus fuerit in aliqua causa, & putat se bonam causam habere, ut iterum Concilium* (seu ut aliæ Latinæ collectiones cum Græca habent, *judicium*) *renovetur; Si vobis placet; S. Petri Apostoli memoriam honoremus, ut scribatur ab his, qui causam examinarunt, Julio Romano Episcopo: & si judicaverit, renovetur, & det Judices: Si autem probaverit, talem causam esse, ut non refrenentur ea, quæ acta sunt; quæ decreverit, confirmata erunt. Si hoc omnibus placet? Synodus respondit: Placet.*

Quartus Canon hic est: *Gaudentius Episcopus dixit: Addendum, si placet, huic sententiæ, quam plenam sanctitate protulisti; ut cum aliquis Episcopus depositus fuerit eorum Episcoporum judicio, qui in vicinis locis commorantur, & proclamaverit agendum sibi negotium in Urbe Roma; alter Episcopus in ejus Cathedra post appellationem ejus, qui videtur esse depositus,*
omni-

omnino non ordinetur, nisi causa fuerit in iudicio Episcopi Romani determinata. Hunc Canonem non quidem ad verbum, sed ad sensum adducit S. Ignatius Patriarcha Constantinopolitanus in libello appellationis ad Nicolaum I. Romanum Pontificem hoc pacto: Si quis Episcopus fuerit depositus, dicatque se habere defensionem, non prius sufficiatur in locum ejus alius, quam de eo Romanæ Ecclesiæ Pontifex decernat.

Quintus tandem Canon, apud Dionysium Septimus, his verbis exprimitur: *Hosius Episcopus dixit: Placuit autem, ut si Episcopus accusatus fuerit, & judicaverint congregati Episcopi regionis ipsius, & de gradu suo cum dejecerint; Si appellaverit, qui dejectus est, & confugerit ad Episcopum Romanæ Ecclesiæ, & voluerit, se audiri; si justum putaverit, ut renovetur iudicium, vel discussionis examen, scribere his Episcopis dignetur, qui in finitima, & propinqua Provincia sunt, ut ipsi diligenter omnia requirant, & juxta fidem veritatis definiant. Quod si is, qui rogat causam suam iterum audiri, deprecatione sua moverit Episcopum Romanum, ut de latere suo Presbyteros mittat; erit in potestate Episcopi, quid velit, & quid æstimet; Et si decreverit mittendos esse, qui præsentibus cum Episcopis judicent, habentes ejus auctoritatem, a quo destinati sunt; erit in suo arbitrio. Si vero crediderit, Episcopos sufficere, ut negotio terminum imponant; faciet, quod sapientissimo Consilio suo judicaverit.*

Ante Eusebianæ Factionis ortum nemo fuerat, qui non Supremam in Romano Pontifice jurisdictionem, potestatemque dignosceret, nemo, qui nobilissimum eidem eripere jus auderet recipiendi ex omnibus terræ partibus appellationes. Sola Africana Ecclesiæ, uti superius vidimus cap. 12., peculiari consuetudini, ac statuto innixa contendeat, Clericis suis, qui essent Episcopis inferiores, quamlibet Transmarinam, adeoque Romanam etiam appellationem esse interdictam: At illam Episcopis licere nullo unquam tempore dubitavit, uti patet ex iis, quæ diximus cap. 12. ex S. Cypriano, & cap. 14. ex S. Augustino. Priores Eusebiani Romanæ Sedis Primatum labefactare conati sunt, audacterque negarunt, licere Orientalibus a suorum Conciliorum sententia ad Romanum Pontificem provocare. Vehementer enim indignati, quod Romanus Pontifex Julius in suam recepisset communionem, suisque Sedibus, uti jam diximus, restituisset Athanasium, Marcellum, Asclepam, Paulum, Lucium, aliosque plures Antistites, quos in odium Catholicæ Religionis iidem Eusebiani in suis Synodis, ac præsertim Tyria, & Antiochena Encæniis, ab Episcopatu depo-

sitos Fidelium communione privarant, Successoribus etiam in aliquorum locum surrogatis; per litteras ironiæ, atque injuriarum plenas conquesti cum Julio amare sunt, quod eorum sententias in Orientalibus Conciliis latas rescidisset. *Id esse factum iniquum, & ab Ecclesiastica lege alienum dixere, quod inconcussam habeat quælibet Synodus auctoritatem, & contumeliose agatur cum Judice, cujus Judicium ab aliis examinatur: Romanam Ecclesiam non fuisse Patriarchalibus reliquis prælatam, cum par, idemque honor sit in omnibus hujusmodi Episcopatibus, neque ex magnitudine Civitatum is honor augeatur: Romæ quidem Petrum, & Paulum docuisse, at ex Oriente missos: antiquo canone, qui alienum damnatum recipi vetat, Romanum quoque Pontificem obligari, uti ex Pauli Samosatani damnatione patet: Julium proinde esse Canonum prævaricatorem, primamque harum omnium discordiarum originem. Hæc, & his pejora Eusebiani scripserunt Julio, & sparserunt in vulgus, uti patet ex responsione Julii ad eorum litteras, cujus superius tam sæpe meminimus, & ex Sozomeno lib. 3. cap. 7.*

Multa vero acerbiora in Conciliabulo Philippopolitano Eusebiani adversus Romanum Episcopum statuerunt, eaque Synodici suæ inseruerunt, quam non secus, ac veri Concilii Sardicensis foret, per omnes Ecclesiæ, Imperiique Diœceses divulgaverunt. In ea dicunt, factas ex alieno Patriarchatu ad Apostolicam Sedem appellationes esse legis Evangelicæ subversionem, divini perturbationem juris, rerum omnium confusionem, Ecclesiasticæ traditionis frustrationem, novam denique sectam. Julium damnant, graduque, & communione privant, „ secun- „ dum antiquissimam legem, ut Principem, & Ducem malorum, qui „ primus janua communionis sceleratis, atque damnatis aperuit, cæ- „ terisque aditum fecit ad solvenda jura divina „. Eum arguunt „ quod „ quærat Ecclesiæ Principatum, quasi aliquod Tyrannidis regnum, & „ non propter bonum Iustitiæ. Non enim Ecclesiæ consulunt, qui le- „ ges, juraque divina, & cæterorum decreta solvere perconantur. „ Propter hoc novitatem moliebantur inducere, quam horret vetus „ consuetudo Ecclesiæ, ut in Concilio Orientales Episcopi quidquid „ forte statuisent, ab Episcopis Occidentalibus refricaretur; similiter „ quidquid Occidentalium partium Episcopi, ab Orientalibus solveretur. Sed hoc ex illo suo pravissimo sensu tractabant. Verum omnium Conciliorum iuste, legitimeque actorum decreta esse firmanda „ Majorum nostrorum gesta consignant. Nam in Urbe Roma sub

„ No-

„ Novato , & Sabellio , & Valentino hæreticis factum Concilium ab
 „ Orientalibus confirmatum est ; Et iterum in Oriente sub Paulo Samo-
 „ sateno quod statutum est , ab omnibus est signatum .

Hæc delirabant Eusebiani , eorumque deliria fuerunt prima radix Photiani Schismatis , quod sæculo nono excitatum Orientalem dilaniavit Ecclesiam . Hæc fuerunt pessimi erroris initium , asserentis Aristocraticum esse Ecclesiæ regimen in tres Patriarchas ex æquo divisum . Eusebiani etiam sunt Magistri illi , a quibus Vviclesistæ , Lutherani , Calvinistæ , alique hujus furfuris homines Romanam Ecclesiam tyrannidis , invasæque potestatis accusare didicerunt . At non sic Romana umquam sensit Ecclesia , quæ omnium Ecclesiarum semper fuit , & est Mater , & Magistra , quemadmodum illam Œcumenica Concilia nuncuparunt . Quamobrem his hæreticorum calumniis Romani Pontifices verum illud responsum dare possunt , quod Constantio Augusto Ariarum Patrono Liberius Summus Pontifex dedit . Cum propter Athanasii Romanam Appellationem Liberio Constantius impropèrasset extensa ultra Patrum terminos Romani Episcopatus jura , respondit Liberius : *Numquam mea statuta , sed Apostolica , ut essent semper firmata , & custodita , perfeci secutus morem , ordinemque Majorum : nihil addi Episcopatus Urbis Romæ , nihil minui passus sum .*

Ut igitur hanc Eusebianorum proterviam , cœcumque furorem , quo Ecclesiasticam disciplinam evertere conabantur , Sardicenses Patres retunderent , & non modo illatum detrimentum repararent , sed graviora etiam , quæ timebantur , impedirent ; sicuti quoad alia disciplinæ puncta plures Canones edidere ; ita etiam quoad appellationes condere tres Canones voluerunt , quibus antiquissimam Ecclesiæ in ea re Œconomiam , & praxim declararent , confirmarent , edicerent , & adversus hæreticorum impetus stabilirent .

C A P U T I I.

Explicantur Sardicenses Canones de Romanis Appellationibus .

TRes omnino partes habet tertius Sardicensis Canon , quem Patri-
 bus statuendum Concilii Præses Hosius proposuit . Priores duas ,
 quia ad alia reparanda ab Eusebians illata disciplinæ detrimenta perti-
 nent , præteritisimus : Tertiam dumtaxat , quæ de appellationibus

agit,

agit , recitavimus . Ut autem ea facilius intelligatur , prænoto , vetustum fuisse in Ecclesia morem , ut si quis Episcopus accusatus , damnatusque fuisset in Concilio Episcoporum Provinciæ suæ , seseque ejusmodi sententia gravatum putaret ; provocare posset ad Episcoporum finitimorum Synodum , in qua ejus causa retractaretur , quin ad id Apostolicæ Sedis auctoritas , aut consensus esset requirendus , nisi tamen is expressam ad Romanum Episcopum appellationem interposuisset . Iam vero Hosius , ut Romani Pontificis auctoritatem , quam tanto studio deprimere Eusebiani conabantur , Sancta Synodus speciali aliqua honoris significatione prosequeretur , statuendum Patribus proposuit , ut in posterum , si quis Episcopus in Provinciali Concilio judicetur , seu damnetur in aliqua causa ; & putet , se bonam habere causam , ut iterum renovetur Concilium , seu Iudicium , habendum scilicet in Concilio finitimorum Episcoporum ; Episcopi , qui jam causam examinarunt , aut alii Episcopi (ut in aliis latinis Sardicensium Canonum collectionibus additur) qui videlicet in proxima Provincia commorantur , scribant Romano Pontifici , totamque eidem rei gestæ seriem , omniaque causæ momenta narrent . Is autem , re mature perpenſa , si novum adhibendum iudicium crediderit , det Iudices , Episcopos videlicet , qui in vicinæ Provinciæ locis commorantur , a quibus iudicium renovetur . Secus , rata , & confirmata habeantur , quæ in primo Iudicio a Provinciæ Episcopis habito decreta sunt . Verum in hac re proponenda Hosius , in eaque statuenda Patres , Pontificis potissimum Primatus , & facilioris iudiciorum expeditionis rationem habuerunt . Non enim putarunt , nullum Romano Pontifici jus in appellationibus competere , cum illud , uti videbimus , sequentibus Canonibus aperte declaraverint : Sed non ignorantes , quod in eo etiam casu , in quo Iudices darentur ex finitimis Provinciis , citius ab ea Sede darentur , quæ ratione Primatus supremam in omnes Ecclesiæ Provincias jurisdictionem obtinet , quam a Metropolitano Episcopo , qui nullum ex se in finitimæ Provinciæ Episcopos habet jus , ad Romanum Pontificem recurri jusserunt . Ex alia parte recursus ejusmodi perhonorificus in iis circumstantiis erat Apostolicæ Sedi , cuius jura tanto furore impetebant Eusebiani : Quamobrem sic dicere visus est Hosius : Quandoquidem per summum scelus Eusebiana Factio jus negat Romano Pontifici appellationes recipiendi ab Episcopis in Provinciæ suæ Synodo damnatis , ejusque Primatum tot , tantisque injuriis , ac malefactis proſcindunt ; Nos Orthodoxi Episcopi *S. Petri Apostoli mem-*

riam honoremus in ejus Successore Romano Pontifice ; & non modo ejus jura , ac privilegia , quæ a Christo accepit , servemus illæsa ; verum etiam recursum hunc ad Pontificem requiri statuentes ad hoc , ut Episcopi in Provinciali Synodo damnati causa a finitimis Episcopis retractetur , quoties æquum id Pontifici visum fuerit , nova hac honoris accessione reverentiam nostram Pontificiæ dignitati exhibeamus . Notandum hic , Sardicenses Patres , seu potius Hosium in hoc dumtaxat tertio Canone formulam illam adhibuisse *S. Petri Apostoli memoriam honoremus* ; ab ea vero in reliquis duobus sequentibus abstinuisse . Ratio discriminis hæc est , quia in tertio Canone sermo est de mera honorificentia , & quidem non necessaria , Apostolicæ Sedi exhibenda : at in aliis duobus sequentibus de appellatione agitur ad Summum Pontificem , cujus recipiendæ jus , suæ Sedis proprium , a Christo Romanus Pontifex accepit , cui proinde scelus est contradicere . Illa vero laudati Canonis formula *si vobis placet* , non trepidantis est , ac dubitantis , sed est communis formula adhiberi solita in Conciliis , quando aliquid Patribus proponitur aut statuendum , aut confirmandum . Et sane eam formulam habent alii ejusdem Sardicensis Concilii Canones , quibus justissimæ , æquissimæque leges decernuntur .

Quartus Canon est quædam tertii Canonis appendix , quam subji- ciendam proposuit Hosio Gaudentius Episcopus , uti patet ex illis ver- bis : *Gaudentius Episcopus dixit : Addendum , si placet , huic Sententiæ , quam plenam sanctitate protulisti* : Id autem , quod addendum dicit , hoc est : Quamquam Episcopus aliquis in Episcoporum Provinciæ suæ Concilio damnatus fuerit , idest depositus fuerit (damnationis enim nomine in 3. Canone depositionis sententia intelligitur , sicuti hæc dis- serte exprimitur in quarto Canone , qui est Appendix , & additamen- tum tertii) & quamquam ab Episcopis finitimis , quos ei dederit Judi- ces Romanus Pontifex , depositus etiam fuerit ; si tamen ad Apostoli- cam Sedem appellet , ad quam prius supponitur non appellasse ; post ejusmodi appellationem alter Episcopus in ejus Cathedra omnino non ordinetur , nisi ejus causa fuerit Romæ in Episcopi Romani judicio de- terminata . En verba Canonis . *Cum aliquis Episcopus depositus fuerit eo- rum Episcoporum judicio , qui in vicinis locis commorantur , & proclamave- rit agendum sibi negotium in Urbe Roma ; alter Episcopus in ejus Cathedra post appellationem ejus , qui videtur esse depositus , omnino non ordinetur , nisi causa fuerit in judicio Episcopi Romani determinata* . In hoc Canone , uti pa-

patet, perspicuis, & formalibus, ut ajunt, verbis appellatio exprimitur ad Romanum Pontificem, quam inviolate servari Patres jubent. Verum quidem est, in Græca hujus quarti Canonis lectione expressam adeo appellationis, judicii que in Urbe habendi mentionem non exhiberi, ut in Latina. Satis tamen eadem innuitur iis Græcæ lectionis verbis, quibus, nulla facta mentione novæ aliorum judicum delegationis, Romani Episcopi cognitio exigitur, ut causæ terminus imponatur. *Si quis Episcopus fuerit depositus*, Sic habet textus Græcus in Latinum Sermonem versus, *judicio Episcoporum, qui sunt in vicinitate, & dicat rursus sibi defensionis locum competere; non prius in Cathedram ejus alius substituatur, nisi Romanus Episcopus cognoscens de hoc finem imposuerit*. Profecto qui per delegatos Judices, vel per Legatum cognoscere causam potest, eodem jure illam etiam potest per se ipse cognoscere. Proponuntur quidem ab Hosio Canone ꝑ. delegatio finitimorum, & transmissio Legati: Sed, uti patet ex illa formula, quam Hosius adhibet, *scribere dignetur*, nulla Pontifici lex imponitur, sed faciliores tantum, & expeditiores cognoscendarum appellationum intra Episcopi damnati Provinciam modi proponuntur, quos jam sæpius in casibus appellationum iidem ipsi Romani Pontifices elegerant: Non tamen proinde iis ulla ratione interdicitur, ne easdem appellationum causas extra Provinciam cognoscant, quoties iisdem expedire videatur. Sic extra Alexandrinam Provinciam causam Appellationis S. Athanasii Julius Papa Romæ dijudicaverat, & Sardicenses Patres Sardicæ in Dacia ex Julii delegatione retractaverant. Et ita quidem Sardicenses Canones Græci intellexerunt, antequam in Photianum Schisma prolaberentur, cum aperte docuerint, Romanos Pontifices sive per delegatos, sive etiam per se de appellationum causis cognoscere posse, ac judicare. Ita docuit Theodorus Prodromus Senior, qui omnium primus ante Photianum Schisma Sacros Canones interpretatus est. En ejus verba in Canones Sardicenses, uti videre est apud Nicolaum Comnenum Papadopolum in prænotationibus Mystagogicis pag. 367. *Semper, & in omni judicio damnatis licet Romanum Episcopum appellare, atque eo jubente iterum judicari vel ab ipso, vel ab ejusdem Legatis.*

Quinti tamen Canonis faciliior est intelligentia. Sermo in eo est de vera appellatione, quam apud Romanum Pontificem interponat Episcopus in Concilio Provinciæ suæ ab Episcopatu depositus, Romanoque Antistiti faciliores, & usitatiores suggeruntur modi, quibus judicium Appel-

Appellationis fieri, & absolvi potest, quoties illud exercendum esse arbitretur. Duo eorum potissimum innuuntur. Primus est, ut ejusmodi iudicium finitimis Episcopis exercendum a Pontifice committatur. Secundus, ut de latere suo Presbyterum, vel Presbyteros Pontifex mittat, qui Apostolica auctoritate una cum Episcopis ad id delectis causam in gradu Appellationis retractent, ac definiant. In utroque casu Pontificia habetur delegatio, in primo quidem magis obvia, & faciliior, in secundo difficilior, & rarior. At hinc discrimen patet, quod inter tertium, & quintum Canonem intercedit. In illo enim de mera agitur novi Iudicii petitione sine appellatione ad Romanum Pontificem; in hoc autem de appellatione ad Episcopum Romanum, ad quem Episcopus depositus confugit, & apud quem appellationis iudicium promovere intendit. Hinc Zosimus Papa, uti diximus cap. 4., in Commonitorio, quod in causa Apiarii Siccensis Presbyteri dedit Legatis ad Africanos in Concilio Carthaginensi VI. congregatos, non tertium, sed quintum Canonem Sardicensem produxit, quem Nicænum nuncupavit, ut probaret, appellationem veram ad Summum Pontificem a Nicænis, ut ipse vocabat, sed vere a Sardicensibus Canonibus fuisse confirmatam. Cæterum Sardicenses isti Canones nihil Romano Pontifici præscribunt, sed omnia ejus sapientissimo consilio relinquunt, uti constat ex iis, quas adhibent, formulis, cum de eodem loquuntur, videlicet *si judicaverit, si probaverit, si justum putaverit, scribere dignetur, erit in potestate Episcopi Romani, erit in arbitrio, si crediderit, faciet, quod sapientissimo consilio suo judicaverit.*

Originarium Sardicensem Canonum textum alii esse Græcum dicunt, alii Latinum. Verosimilius fortasse est, duo in Sardicensi Concilio conscripta fuisse originaria exempla, alterum Latinum pro Latinis, qui in eo fuerunt frequentiores, alterum Græcum pro Græcis, quorum potissimum de causa Concilium agebatur. Latinum fuisse censuit Dionysius Exiguus, qui in epistola ad Stephanum Salon. inquit: *Statuta quoque Sardicensis Concilii, atque Africani, quæ latine sunt edita &c.* Et sane, cum Latina, quæ habemus, exemplaria sint admodum inter se similia; interpretationes autem ex Græco diversæ originis tantam similitudinem servare non possint; satis congruenter inferitur, aliquod extitisse originarium Latinum exemplar. Ex alia vero parte, cum Ecclesia Græca, in qua Ecclesiasticam disciplinam Eusebiani non parum la-

O

be-

befactaverant, iis Canonibus maxime indigeret, qui in eorum gratiam conditi potissimum fuerant, quis non sibi prudenter suadeat, græcum etiam aliquod eorundem extitisse originarium exemplar, de cujus sinceritate dubitare Græci non possent? Certum illud est, Latinum textum pleniorē esse, ac perfectiorē.

Sardicēsis Concilii Canones in utraque cum Orientali, tum Occidentali Ecclesia receptos fuisse, usuque confirmatos, perspicuis Ecclesiasticæ Historiæ monumentis edocemur, quorum aliqua superius attigimus, aliqua nunc proferemus. Ab Orientali Ecclesia exordiamur. Et primum quidem Sardicēsis ipsa Synodus in Synodica Epistola, quam ad omnes totius Ecclesiæ Antistites misit, hæc addidit verba: *Quin Et vos quoque ut spiritu præsentēs in nostra Synodo, studete idem suffragium conferatis per vestras subscriptiones, quo ab omnibus ubique Sacrorum Ministris concordia servetur.* Et sane plurimos non Occidentales modo, sed etiam Orientales subscripsisse testatur S. Athanasius in secunda, quam ad Constantinianum Imperatorem scripsit, Apologia. Plures etiam ex Eusebiana factione, quos inter Ursacius, & Valens, cum ad mentem rediissent, Sardicēsi Synodo subscripserunt. S. Athanasius Sardica Alexandriam rediens S. Maximum Hierosolymitanum Antistitem invisit: hic autem cum ipso Episcoporum Synodum celebravit, in eaque unanimi omnium consensu acta, ac decreta Sardicēnsia publicavit, & executus est, uti testatur Photius in sua Bibliotheca in excerptis ex vita S. Athanasii. Athanasium diversas in Egypto Synodos celebrasse pro Concilii Sardicēsis publicatione, testantur Socrates, & Sozomenus. Sardicēses Canones in toto Oriente viguisse refert Palladius Episcopus Helenopolitanus in Dialogo cum Theodoro Romanæ Ecclesiæ Diacono de vita S. Joannis Chrysostomi. Chalcedonenſe Concilium, cui plusquam Sexcenti, ac triginta Orientales Episcopi interfuere, in prophonético Sermone ad Marcianum Imperatorem inquit: *Illi, qui apud Sardicam contra Arian reliquias conveniunt, Orientalibus direxerunt sui Constituta iudicii*, palamque affirmat vigere apud se, observarique Sardicēses Canones, eosque una cum aliis Canonibus in singulis Synodis per Sanctos Patres usque ad ea tempora constitutis primo suo Canone laudari, & confirmari. Sardicēses item Canones Joannes Scholasticus Constantinopolitanus Episcopus suo Codici, Trullana Synodus authentico Canonum catalogo, & Photius ipse, ante lapsum in Schisma, suo

fuo Nomo-Canonis inferuit. Alia plurima ejusmodi monumenta videri possunt apud Christianum Lupum in dissertatione I. de antiquis Gallicanæ Ecclesiæ ad Apostolicam Sedem appellationibus cap. 13.

Quod autem ad Ecclesiam Occidentalem attinet, certissimum est, Sardicenses Canones receptos in ea statim fuisse, perpetuoque usu confirmatos. Patet id 1. ex eo quod plurimi Occidentales Episcopi Synodo Sardicensi interfuerunt; plures vero, qui non adfuerant, subscripserunt. 2. ex eo, quod Præsidentem Concilii fuisse sciamus celeberrimum Hosium Cordubensem Episcopum Occidentalem, de quo Sardica in Hispaniam regresso scribit Synodicus antiqui Auctoris liber: *Corduba Episcopus Sanctissimus Hosius, Synodum divinam, & sanctam in sua Civitate convocans, divinitus expositam illustravit doctrinam, condemnans eosdem, quos Sardicensis abdicaverat Synodus, & quos ea absolverat, recipiens.* Tanti autem viri exemplum quis putet imitatos non fuisse Episcopos reliquos, qui Sardicensi Concilio aut interfuerant, aut saltem subscripserant, ac præsertim S. Maximinum Treverorum in Gallia Episcopum, quem propter zelum in promovendis Romanis appellationibus Eusebiani in Philippopolitano Conciliabulo de Episcopali gradu dejecerant? Plures Gallorum Episcopos Sardicensi Synodo interfuisse, alios vero plures absentes subscripsisse, diserte affirmat in secunda sua Apologia Magnus Athanasius. Idem dicendum videtur de aliarum Occidentalium regionum Episcopis, uti probat laudatus Christianus Lupus in egresso suo Opere, quod inscripsit: *Divinum, ac immobile S. Petri Apostolorum Principis circa omnium sub celo fidelium ad Romanam ejus Cathedram appellationes adversum profanas hodie vocum novitates assertum privilegium:* quo quidem in opere solide refellit Petrum de Marca, Paschasium Quesnellum, aliosque non paucos, e quibus plurima Febronius mutuatus, librum suum exornavit. 3. ex eo, quod Canonum Codici, quo Romana utebatur Ecclesia, inscripti statim sunt Sardicenses Canones post Nicænos, & Nicæni etiam ad longum tempus nuncupati sunt. 4. ex eo, quod horum Canonum executionem summo semper studio Romani Pontifices non in Orientali modo, sed in Occidentali etiam Ecclesia promovere conati sunt, uti ex dicendis patebit.

Utrum Sardicense Concilium Romano Pontifici non appellationum Jus, sed quamdam tantum decernendæ revisionis auctoritatem tribuerit, uti Febronius contendit; an potius verarum appellationum Jus, eidem ratione Primatus divino Jure competens, declaraverit, suisque legibus communierit?

ANtequam propositam controversiam discutere incipiamus; Ne in ejus decursu suborta aliqua de voce quæstio nos remoretur; certa quorundam terminorum statuenda est significatio, quæ non quidem nostrum ab arbitrio, sed a constanti, receptoque doctorum hominum usu desumatur. *Causam retractari* nihil est aliud, quam causam jam olim a Judicibus discussam, ac definitam iterum examini subjici, iterum in Judicio discuti, atque perpendi, ut edita prius sententia, si justa sit, confirmetur; si iniqua, rescindatur, aut ab ea recedatur. Verum cum duplex sit novum judicium, in quo iterum discuti causa potest, videlicet vel *appellationis*, vel *meræ revisionis*; Inde fit, ut dictio ista *retractatio Cause* sit generica, utrumque tum appellationis, tum meræ revisionis judicium disjunctive complectens, neutrum tamen determinate significans, nisi certa alterutrius significatio aliunde determinetur. Ad id autem dignoscendum, scire oportet, quid sit *appellatio*, quid *meræ revisio*, & quod utriusque discrimen? Hæc paucis explico juxta ea, quæ a Petro de Marca, & a Quesnello, quos Duces Febronius sequitur, edocemur. Per appellationem igitur integra Causæ jam discussæ, ac definitæ cognitio ad superiorem transfertur Judicem, qui causam vel per se, vel per alios, quibus auctoritatem suam, potestatemque delegat, iterum excutit, ac definit: quare per appellationem omnis quoad eam causam expirat prioris Judicis potestas, ac Jurisdictio; quin imo in Judicio appellationis prior Judex induit quodammodo personam Rei, cum in tali judicio examinetur, utrum prolata a priori Judice sententia justa sit, annon. Contra vero per simplicem revisionem tota Jurisdictio, ac definitivum Causæ judicium prioribus relinquitur Judicibus, qui illam jam discussæ, ac definierunt, ut iterum eam discutiant, ac definiant, una tamen cum novis Judicibus, qui prioribus adjunguntur, uti constat ex Græca Constitutione, quam in suis Observationum libris Cujacius restituit, ac explanavit. Præterea ea vis est appellationis, ut, statim ac appellatio admissa est

a Su-

a Superiore, non modo prioris Judicis, qui sententiam tulit, potestas quoad eam causam, ac Jurisdictio conquiescat, sed latæ etiam ab eodem sententiæ suspendatur executio, quamdiu iudicium exercetur appellationis; imo eo etiam absoluto, exequi sententiam suam prior Judex nequeat, nisi confirmata fuerit a Judicibus appellationis, & ab iis executioni demandari jubeatur. Secus autem dicendum est de mera revisione, quæ dari solet in *devolutivo*, ut ajunt, non in *suspensivo*, nisi forte Superior, qui beneficium revisionis concedit, suspendi jubeat prioris sententiæ executionem, vel quia reparari detrimentum nequeat, quod per eam inferatur, vel quia id suadeant causæ æquitas, Principis clementia, rerumque circumstantiæ.

Jam vero ubicumque ea, quæ de ratione appellationis esse diximus, reperiantur, ibi vera habetur appellatio, sive vocetur appellatio, sive provocatio, sive ad Superiorem recursus, sive confugium, sive quocumque tandem nomine nuncupetur. Quod enim Petro de Marca, Quesnello, Febronio, aliisque eorum Sodalibus displicet, & ante ipsos Eusebianis maxime displicuit, non est *appellationis* vox, sed id, quod per ipsam significatur, nempe quod Romanus Pontifex, tamquam supremus in universa Ecclesia Judex, quascumque Episcoporum, seu aliorum Causas, in ipsis Conciliis sive Provincialibus, sive Nationalibus discussas, ac definitas, ad eorum, qui condemnati sunt, querelas, aut preces, suprema sua auctoritate sive per se, sive per alios retractare possit, discutere, examinare, & si minus rectæ sint sententiæ in Conciliis latæ, eas corrigere, infirmare, reprobare, quin priores Judices locum habeant in iudicio appellationis: imo verius in eorum personam sustineant, cum de latæ ab ipsis sententiæ iustitiæ examen instituitur, ejusdemque suspendi debeat executio, donec ab appellationis Judice post maturam discussionem tamquam valida, ac iusta confirmetur.

His præmissis, tamquam certum statuo, Sardicenses Canones non de mera revisione, sed de vera appellatione esse intelligendos. Id enim ipsorum Canonum verba luculenter ostendunt, præsertim quarti, & quinti Canonis, in quibus de veris Romanis appellationibus sermo est: tertius enim non de Romana appellatione loquitur, quam nullo modo interfuisse supponit, sed de mera novi iudicii petitione, ut diximus capite superiori. Ostendo. Tum in quarto, tum in quinto Canone sermo est de Episcopo deposito in Concilio Provinciæ suæ, aut etiam in Con-

Concilio finitimorum Episcoporum (quando juxta Cānonem tertium , sine appellatione ad Pontificem , ab eodem novum judicium obtinuerit a finitimis Episcopis exercendum) qui ad Romanum Pontificem appellet : *post appellationem ejus , qui videtur esse depositus* , sic in quarto Canone : *si appellaverit , qui dejectus est , & confugerit ad Episcopum Romanæ Ecclesiæ , & voluerit se audiri* , sic in quinto. Sermo est de novis Judiciis delegandis a Romano Pontifice , qui causam de novo excutiant , ac judicent , non sua , sed Romani Pontificis auctoritate , a quo delegantur : *qui præsentés judicent habentes ejus auctoritatem , a quo destinati sunt* ; vel de novo judicio per ipsum Romanum Pontificem suprema sua auctoritate instituendo juxta illud Canonis quarti : *cum aliquis Episcopus depositus proclamaverit agendum sibi negotium in Urbe Roma* . Juxta quartum , & quintum Canonem integra Causæ cognitio est penes Romanum Episcopum , qui vel per se ipse causam dijudicare potest , vel aliis Apostolica auctoritate dijudicandam demandare , quin eam prioribus Judicibus committere teneatur , quibus alios è vicinis Provinciis Judices adjungat ; quod ad meram causæ revisionem necessario requiritur : id enim neque directe , neque indirecte Sardicenses Canones innuunt , sed de prioribus Judiciis , a quibus Episcopus depositus appellavit , omnino silent . Tandem in quarto , & quinto Canone sententiæ in priori judicio latæ , a qua provocavit Episcopus , executio suspenditur , quamdiu causa fuerit in judicio Romani Episcopi determinata , itaut non modo in Episcopi depositi locum alter ordinari nequeat , verum etiam Episcopus ipse non judicandus sit vere depositus , sed solum depositus videatur . *Cum aliquis Episcopus depositus fuerit* , sic in quarto Canone , *& proclamaverit agendum sibi negotium in Urbe Roma* ; *alter Episcopus in ejus Cathedra post appellationem ejus , qui videtur esse depositus , omnino non ordinetur , nisi causa fuerit in judicio Episcopi Romani determinata* , Cum itaque Sardicenses Canones de novo instituendo judicio loquantur , in quo ea , quæ de ratione appellationis , non quæ de ratione meræ revisionis esse diximus , concurrunt ; eos de vera appellatione , non de mera revisione loqui fateamur necesse est.

Præterea eam esse Sardicensium Canonum intelligentiam , ut causas in Conciliis Provincialibus jam definitas Romanus Pontifex in gradu appellationis vel ipse per se Romæ , vel alibi per delegatos suos retractare possit , ac definire , liquido patet , tum ex observantia , & praxi ejusmodi judiciorum , quæ Sardicensem Synodum præcessit , tum ex
ca ,

ea, quæ eandem Synodum immediate subsecuta est: observantia enim, & consuetudo est Canonum, Legumque tutissima interpret. Quod ad primam observantiam pertinet, ea patet ex superius adductis exemplis Marcionis, Privati Lambesitani, Novati, Basilidis, Martialis &c., ac præsertim Athanasii, Pauli, Asclepæ, Marcelli, aliorumque plurimorum Orientalium Antistitum, quorum causam ex Pontificia Julii concessionem Sardicenis ipsa Synodus revidit, ac retractavit. Sane de hac judiciorum consuetudine sic scripsit S. Julius in toties laudata Epistola ad Orientales: „ Qui bene sentiunt de iis, quæ egerunt, & in quibus ipsi
 „ Judices fuere, non indignanter ferre solent, si, quod ab ipsis judi-
 „ catum est, ab aliis excutiat: quippe qui securi sint, ea, quæ ipsi ju-
 „ sta judicaverunt, injusta numquam fieri posse. Quocirca Episcopi in
 „ magna Synodo Nicææ congregati, non sine Dei consilio permiserunt,
 „ prioris Synodi acta in alia Synodo examinari, ut & illi, qui Judices
 „ erant, præ oculis habentes secundum de ea ipsa re judicium futurum,
 „ cum omni diligentia causam expenderent, & illi, qui sententiam
 „ acceperant, certo cognoscerent, se non per similitudinem priorum Ju-
 „ dicum, sed jure, ac merito condemnatos esse. Quod si istiusmodi
 „ consuetudo olim fuit, ejusque memoria revocata est, & scripto pro-
 „ dita in Magna Synodo, eamque apud vos valere non finitis, rem
 „ profecto indecoram facitis. Morem enim, qui semel in Ecclesia obti-
 „ nuit, & a Synodo confirmatus est, iniquum est a paucis abrogari. „
 Loquitur Julius de appellatione Athanasii, Pauli, Marcelli, Asclepæ, aliorumque Orientalium Episcoporum, ad quorum causam Romæ retractandam Eusebianos citaverat; & affirmat hanc appellandi formam esse vetustum morem, antiquam consuetudinem, Apostolicam traditionem, quam pauci Eusebiani Episcopi in Antiochena Synodo labefactare conati fuerant, sed frustra: Nicæna enim Synodus avitam discussisset consuetudinem, probaverat, ac in scriptum redegerat, in sexto potissimum Canone, in quo sua privilegia cunctis Ecclesiis jusserrat custodiri. Horum non ignara Sardicenis Synodus, omnia Julii acta in causa Athanasii, aliorumque probavit, Eusebianorum contumaciam retundens, qui Romam evocati accedere noluerunt. Sic enim ad Alexandrinam scripsit Ecclesiam: „ Qua in re æquitas judicii fratris nostri,
 „ & Coepiscopi Julii liquidissime apparuit, qui non temerario consilio,
 „ sed cum matura deliberatione sententiam tulit „; Et in relatione ad ipsum Julium inquit: „ Orientales Episcopi conventi per Presbyteros

„ tuos,

„ tuos, & per Epistolam, ad Synodum, quæ futura erat in Urbe
 „ Roma, venire noluerunt; „ & in Synodica ad universos Episcopos ait: „
 „ Eusebianorum Sycophantia ex eo præcipue cognosci potuit, quod
 „ accersiti a dilecto nostro Communiistro Julio, judicio non steterint.
 „ Accessissent enim, si actorum suorum in Communiistros nostros
 „ fiduciam habuissent. Ut itaque insitum Romani Pontificis Primatui
 jus recipiendi ex omni Mundi parte appellationes perstaret immotum,
 & Eusebianorum, qui illud evertere studebant, retunderentur conatus,
 ne quid in posterum insolentius auderent; tres, ut diximus, Canones
 de Romanis appellationibus Sardicenses Patres condidere. At nihil
 prorsus egissent, si non de Appellatione, sed de mera revisione, cui
 Eusebiani non adversabantur, fuissent locuti. Quod autem ad Sardicen-
 sium Canonum observantiam pertinet, quæ Synodum ipsam est subse-
 cuta, dicam capite sequenti, & aliquot Romanarum Appellationum
 exempla proferam ex iis plurimis, quæ post Sardicense Concilium ex-
 titere usque ad sæculum nonum, quo in lucem prodiit Isidoriana Decre-
 talium collectio, ut inde pateat, communem, frequentemque Roma-
 narum Appellationum usum, non ex eadem collectione promanasse, uti
 Febronius affirmat, sed ex communi totius Ecclesiæ persuasione de Ro-
 mani Pontificis Primatu, supremæ Jurisdictione, qua in tota potitur
 Ecclesia, & cujus est appendix veluti quædam Jus, quo gaudet, reci-
 piendi ex omnibus Mundi partibus appellationes.

C A P U T IV.

*Romanæ Orientalium Appellationes post Sardicensem Synodum
 ad sæculum nonum interjectæ.*

NON omnium, sed præcipuarum Appellationum exempla pro-
 feram, quas ad Apostolicam Sedem post Sardicensem Synodum
 usque ad sæculum Christi nonum Orientales interposuere.

Eusthatius Episcopus, quod Semi-Arianorum partibus esset addi-
 ctus, in Synodo Melitenensi in Armenia anno circiter 357. depositus ab
 Arianis Episcopis fuit. Appellavit is ad Liberium Papam, ab eoque
 comunicatorias accepit litteras, quibus suæ restitutus est Sedi. *Episto-*
lam, inquit S. Basilii in epist. 74. ad S. Damasum, attulit, per quam
restitueretur: hanc ubi Synodo Tyanensi exhibuit, in suum locum restitutus
est. Paulo autem post in hæresim relapsus de gradu suo ejicere Episcopi
 non

non sunt ausi, nisi prius Romanum Pontificem monuissent, ab eoque veniam postulassent, ut Canonicis adversus hæreticum hominem pœnis sibi liceret animadvertere. „ Quoniam igitur „ subdit in citata Epistola S. Basilius „ isthinc vires accepit lædendi Ecclesias, ac publicandæ suæ „ impietatis fiducia, quam vos dedistis, ad subversionem multorum usus „ est, necesse est, ut isthinc quoque veniat malorum istorum corre- „ ctio, scribaturque Ecclesiis, quibus quidem conditionibus ad communionem susceptus sit: simul vero adjiciatur, quomodo jam, im- „ mutata sententia, gratiam a Patribus, qui tum erant, acceptam irri- „ tam reddat.

Coacta a Teophilo Episcopo Alexandrino anno 403. Synodo ad Quercum prope Chalcedonem, multorum criminum accusatus per calumniam fuit S. Joannes Chrysostomus Constantinopolitanus Antistes, & ad Concilium accitus, ut sese ab impactis criminationibus tueretur. Cum illegitima esset Synodus, ire noluit Chrysostomus, sed aliam Synodum legitima auctoritate celebrandam postulavit, contestans *paratum se ad innocentiam suam coram centum, vel mille Episcopis declarantiam*, uti scripsit ad Innocentium Papam. Verum damnatus, ut contumax, ab adversariis suis, ac præterea ad Arcadium Imperatorem, ut lætæ Majestatis reus, delatus, pulsus in exilium est. Cum tamen propter sui Præfulis absentiam populus tumultuaretur, & ingens terræ motus urbem totam, ipsamque Regiam vehementi fragore concuteret; Chrysostomum ab exilio in Sedem suam Arcadius revocavit. At post duos menses, Imperatricis Eudoxiæ, ac Theophili opera, quibus Chrysostomus erat infensus, coacta Constantinopoli Synodo, Vir Sanctissimus violati Antiocheni Canonis accusatur, quo Episcopus, a sua Sede jure, vel injuria dejectus, proscribi jubebatur, si, priusquam prioris Synodi decreta per aliam abrogarentur, ipse se amissæ Ecclesiæ auctoritate sua reddidisset. Prævaluit hostium furor, obtentaque nova Arcadii Sanctione, Chrysostomus Cucufum deportatus est, & post multas toleratas ærumnas, anno 407. in exilio sanctissime obiit. Provocaverat jam S. Doctor ad Innocentium I., scriptisque ad eum literis, postulaverat, ut alia cogeretur Synodus, in qua legitime causa retractaretur, & quæ in Synodo ad Quercum gesta inique fuerant, rescinderentur. *Scribite precor* (ita Chrysostomus in epistola ad Innocentium, uti refertur a Palladio Helenopolitano Episcopo, qui cum coævus, ac testis eorum esset, quæ in hac causa contingebant, Dialogum

P

de

de Chrysoſtomi vita conſcripſit) „ & auctoritate veſtra decernite , hu-
 „ juſmodi inique geſta nobis abſentibus , & judicium non declinan-
 „ tibus nullius eſſe roboris . Porro qui talia geſſere , eos Eccleſiæ cen-
 „ ſuræ ſubjicite : nos autem inſontes , neque convictos , neque repre-
 „ henſos , neque ullius criminis reos comprobatos Eccleſiis noſtris ju-
 „ bete reſtitui , ut charitate frui , & pace cum Fratribus noſtris con-
 „ ſueta poſſimus „ . Scripſerat tamen prius ad Innocentium quamdam
 veluti Synodicam adverſus Chryſoſtomum Theophilus . *At ea perleſta* ,
 ut inquit Palladius cap. 1. , *B. Papa Innocentius parum abſuit , quin te-*
meritatem Theophili , atque ſuperbiam condemnaret , quod & ſolus ſcripſiſſet ,
nec claram ejus rei notitiam miſiſſet , nec cur , aut quibuſcum Joannem depo-
ſuerat , indicaiſſet . Mitius tamen adhuc agendum eſſe cum Theophilo
 cenſuit : quare Chryſoſtomi votis annuens , & Theophili judicium im-
 probans , ad communionem quidem utrumque admittit , ſed aliam co-
 gi debere Synodum indixit . „ Ad hæc B. Innocentius „ (ita Palladius
 cap. 3.) „ utrique parti pares litteras communionis miſit , improbans
 „ judicium , quod a Theophilo factum videbatur , dicens debere aliam
 „ cogi Synodum irreprehenſibilem Occidentalium , & Orientalium ;
 „ primum quidem ſecedentibus ab illo conſeſſu amicis ; deinde , &
 „ inimicis : a neutris enim ut plurimum rectum proſciſcitur judicium „ .
 Miſſis deinde ab utraque parte ad Pontificem Legatis , certior is factus
 eſt eorum omnium , quæ in cauſa Chryſoſtomi contigerant : quare ur-
 gere cœpit Innocentius Synodi celebrationem , eaque de re ad Hono-
 rium Imperatorem ſcripſit , ut Arcadio fratri ſuaderet , novam in
 Oriente cogendam eſſe arbitrio Pontificis Synodum , in qua vel invi-
 tus cogeretur adeſſe Theophilus . Scripſit non ſemel ad Arcadium Ho-
 norius ; ad eundem quoque , & ad Clerum Conſtantinopolitanum
 ſcripſit Innocentius , Synodumque Theſſalonicæ habendam indixit , &
 quatuor Episcopos , duosque Presbyteros Conſtantinopolim ſuos Lega-
 tos miſit , qui cum Arcadio de Concilio convenirent , eique , cum
 haberetur , intereſſent : in Commonitorio autem , quod hiſce a latere
 ſuo Legatis dedit , & quod a Theodoro Romanæ Eccleſiæ Diacono re-
 fertur apud Palladium , hoc in mandatis habetur , *Non oportere Joan-*
nem Judicium aggredi , niſi illi prius Eccleſia , communioque redderetur , ut
omnis dilationis occasione ſublata ſua ſponte Concilium ingredi poſſet . En ſu-
 ſpenſa executio duplicis Synodalis Sententiæ facta a Pontifice , dum per
 Legatos ſuos in alia Synodo cauſam Chryſoſtomi in gradu appellationis

retra-

retractat. Eamdem sententiæ executionem suspenderat idem Pontifex Chrysoſtomi appellationem admittens, dum illum tamquam verum Episcopum in suam communionem recepit, quamquam non ignoraret, Chrysoſtomo in exilium pulſo, in ejus Sedem fuiſſe intruſum Arſacium, & huic mortuo anno 407. Atticum fuiſſe ſurrogatum. *Frater Theophile*, ſic ad Theophilum ſcribit Innocentius in litteris, quas Palladius refert pag. 24. „ Nos & te, & Fratrem noſtrum Joannem com-
 „ munionis noſtræ eſſe decrevimus, ſicuti & in prioribus litteris aperte
 „ ſatis expreſſimus, & nunc in ſententia noſtra, & voluntate perdu-
 „ rantes rurlus eadem ſcribimus. Et quotieſcumque ſcripſeris, niſi de-
 „ bitum ſequatur, conveniensque judicium propter ea, quæ magno
 „ cum dedecore geſta ſunt, poſſibile non eſt, nos a Joannis communio-
 „ ne diſcedere „. Præterea S. Innocentius in Epiftola ad Chryſoſto-
 mum, quam refert Sozomenus lib. 8. cap. 26., ſic ait: *Eiſi innocens*
a Deo miſericordiam petere debet; tamen etiam a nobis competentes litteræ per
Cyriacum Diaconum ſunt tranſmiſſæ, ne contumelia plus valeat ad opprimen-
dum, quam bona conſcientia ad ſpem relevandam. Tandem cum Theophi-
 lus, aliiſque Chryſoſtomi adverſarii illum a ſe fuiſſe depoſitum jacta-
 rent, quod Antiochenus Canon perpetuam depoſitionem iis infligeret,
 quos ejuſdem Canonis tranſgreſſores, fuiſſe conſtare; Innocentius in
 Epiftola ad Clerum, & Populum Conſtantinopolitanum, quam de-
 ſcribit loco citato Sozomenus, ſic inquit: „ Quod autem ad Canonum
 „ obſervationem attinet, ſolis illis parendum eſſe dicimus, qui Nicææ
 „ definiti ſunt. Quod ſi a quibuſdam alii proferantur, qui a Nicæniſ
 „ Canonibus diſſentiant, & ab hæreticis compoſiti eſſe arguantur, hi
 „ a Catholicis Episcopis rejiciendi ſunt. Hos igitur Canones non ſo-
 „ lum non ſequendos, verum etiam una cum hæreticis, & ſchiſmati-
 „ cis dogmatibus condemnandos eſſe dicimus, quemadmodum etiam
 „ in Sardiceniſ Synodo jam condemnati ſunt „. In tota hujus facti ſe-
 rie Sardiceniſes Canones obſervatos fuiſſe dignoſcimus. Chryſoſtomus
 Episcopus damnatus a Synodo ad Romanum Pontificem provocat, no-
 vumque poſtulat judicium. Appellationem Pontifex admittit, prioris
 ſententiæ executionem ſuſpedit, dat novos Judices cum ſuis a latere
 Legatis, qui Concilio præſint, Eccleſiamque, & Communionem
 reſtitui Chryſoſtomo jubet, antequam novum judicium inſtitui inci-
 piat: Priores vero Judices ab appellationis judicio omnino repellit.

At cum Baſnagio, Queſnello, Dupinio, aliſque reponit hic

plura Febronius cap. 5. §. 8. num. 2. pag. 276. primæ editionis. I. Chryso-
 stomus in suis litteris ad Innocentium non petit appellationis Judi-
 cium, & ut Pontifex irriter sententiam in Orientali Synodo latam; sed
 solum postulat, ut scribat, ea, quæ facta fuerunt, robur habere non
 posse, tamquam acta adversus Canones, & formam judiciorum Eccle-
 siasticorum, ac proinde sibi non denegari, sed confirmari potius Com-
 munionem ab Occidentalibus petit; quæ quidem facere non Apostoli-
 co solum Præfuli, sed & cuicumque Pontifici licet, ut ait Gelasius Pa-
 pa. Et sane eandem Epistolam non ad Innocentium modo, sed ad Epi-
 scopos etiam Venerium Mediolanensem, & Chromatium Aquilejen-
 sem Episcopum Chrysostrmus scripsit. In Codice enim vetustissimo
 Mediceo Bigottus se legisse testatur ad calcem Epistolæ Chrysostrmi ad
 Innocentium hanc clausulam: *Hæc ipsa scripta est ad Venerium Episcopum
 Mediolani, & ad Chromatium Aquilejæ Episcopum.* Hos autem Episco-
 pos irritare non potuisse, ac rescindere Orientalis Synodi iudicium,
 certissimum est. 2. Si Chrysostrmus appellavit, non ad Pontificem,
 sed ad Concilium appellavit: Chrysostrmus enim ipse scribens ad Inno-
 centium ait: *Sed licet absentes essemus, & ad Synodum appellaremus.* Imo
 Innocentius ipse ad iuridicam causæ decisionem dixit, necessariam esse
 Synodi cognitionem: sic enim habet in citata Epistola ad Clerum, Po-
 pulumque Constantinopolitanum: *Sed quid adversus ista in presenti facie-
 mus? necessaria est cognitio Synodi, quam & nos jampridem congregandam
 esse duximus. Hæc enim sola est, quæ huiusmodi tempestatum motus sedare
 possit.* Hæc autem omnia multum distare contendit Febronius a præ-
 tenso jure Pontificis privativo per se in via, & gradu appellationis cognoscendi
 de controversiis Episcoporum, easque definiendi ultra tenorem Canonum Sardi-
 censium, quorum eo certius memor fuit Innocentius, quod expressam eorum in
 sua epistola faciat mentionem. 3. Bossuetus, cui Febronius subscribit, in
 Defens. Cler. Gallic. lib. 14. cap. 11. exitum hujus causæ sic exponit:
 „ Innocentius Papa Theophili iudicium cassum, & irritum habuit;
 „ ultimam tamen Sententiam Concilio Oecumenico reservavit....
 „ Sic Romanus Pontifex, quæ pro loci amplitudine solus inchoavit,
 „ nuntiis totius orbis sententia finiturus erat. Verum cum Synodus
 „ Oecumenica ab Arcadio Imperatore impetrari non posset, totius
 „ Occidentis cum Apostolica Sede conjuncta sententia perfecit, ut
 „ Joannis Chrysostrmi nomen Constantinopoli quoque in Sacras Ta-
 „ bulas referretur, ac sine novo iudicio, consensione totius Ecclesiæ,
 „ Theophili Synodus solveretur „.

Ad

Ad primum : In appellationis judicio cum Superior sententiam prioris Judicis rescindit , non semper illam irritat , eique vim omnem auferit : aliquando enim cum judicium ipsum fuerit ipso jure nullum , & irritum vel ex defectu potestatis in Judice , vel ex omissione solemnitatis alicujus ad judicii valorem necessario requisitæ , judiciali sua auctoritate , ac potestate definit solum , prioris Judicis sententiam fuisse ipso jure irritam , nulliusque esse roboris , ac valoris ; & priorem Judicem debitis afficit pœnis , si inique se gessit , legesque impudenter violavit ; reum vero ab eo damnatum in eum restituit gradum , in quo , antequam damnaretur , extiterat . Hæc autem omnia ab Innocentio petiit Chrysostomus . His enim verbis illum per litteras rogavit : „ Scribite „ precor , & auctoritate vestra decernite , hujusmodi inique gesta non „ bis absentibus , & judicium non declinantibus nullius esse roboris . „ Porro qui talia gessere , eos Ecclesiæ censuræ subijcite : nos autem „ infantes , neque convictos , neque reprehensos , neque ullius criminis reos comprobatos Ecclesiis nostris jubete restitui „ . Jam vero decernere sua auctoritate , omnia inique gesta a prioribus Judicibus esse nullius roboris ; subijcere Ecclesiæ censuræ priores Judices , qui inique se gesserunt ; restituere innocentem injuste damnatum Ecclesiæ suæ nonnisi Supremus Judex potest , qui priorum Judicum sententiam in gradu appellationis retractaverit , eamque iniquam esse , injustamque compererit . Nihil horum potest quilibet alius Antistes , qui non sit Judex appellationis constitutus . Is enim quamquam possit , tanquam privatus Doctor , affirmare , latam a prioribus Judicibus sententiam esse nullius roboris &c. ; Non tamen potest judicialiter , publicaue auctoritate quidquam decernere , aut prioribus Judicibus pœnas infligere , aut Episcopum depositum gradui suo , Ecclesiæque restituere . Clausula illa , quam ad calcem epistolæ Chrysostomi se legisse testatur in vetustissimo Codice Mediceo Bigottus , supposititiam esse , germanæque Chrysostomi epistolæ असुतम censent Eruditi Viri . Ea enim desideratur in vetustissimis optimæ notæ Codicibus , quos consuluere Fronto Ducæus , Philippus Labbeus , Bernardus Montfauconus , & Petrus Coutantius , quorum postremus monet , tum in Codice Hamburgenſi , tum in optimis Chrysostomi editionibus non illam , sed hanc haberi clausulam : *Ora pro me , Domine Reverendissime , & Sanctissime .* Videri potest hac super re eruditissimus Joannes Antonius Blancus de polit. , & potest. Eccles. tom. 5. par. 2. lib. 3. cap. 5. §. 7. Verum esto :

Eam-

Eamdem Chrysoſtomus ad illos Epiſcopos epiſtolam dederit , quia illos ab Innocentio vocandos eſſe in conſilium ſciebat . Quid inde ? Ab iis per eam epiſtolam Chryſoſtomus poſtulabat , ut conſilio ſuo , quod Innocentio daturi erant , ſibi ea conferrent , quæ ipſe a Pontifice depoſcebat . Certum eſt in Chryſoſtomi cauſa a ſolo Pontifice latum fuiſſe iudicium , non ab Italiae Epiſcopis , quibus non licebat ſeſe Orientalium negotiis ingerere .

Ad ſecundum : non ad Concilium appellavit , ſed juxta Sacros Canones , ac præſertim Sardicenſes , legitimum Concilium optavit , ac petiit Chryſoſtomus , ut diluere in eo ſecundum juris ordinem poſſet intentatas adverſum ſe criminationes . Illa autem verba , *licet abſentes eſſemus , & ad Synodum appellaremus* , dicta a Chryſoſtomo ſunt de eo tempore , quo nondum communione , & Sede privatus a Theophilo fuerat , ſed quo ille illegitimam Synodum prope Chalcedonem congregabat . At appellatio jam latam ſupponit ſententiam , quæ tunc ſane non exſtat . Audiantur Chryſoſtomi verba : „ Cum conteſtaremur „ paratos nos ad diluenda crimina , & ad innocentiam , ſicut & innocentes ſumus , declarandam coram centum , vel mille Epiſcopis , „ non aſſenſit Theophilus , ſed licet abſentes eſſemus , & ad Synodum „ appellaremus , & iudicium inquireremus , & non auditorium , ſed „ manifeſtas inimicitias fugeremus ; ipſe tamen accuſatores ſuſcepit , „ meos excommunicavit , & de illis , qui nondum ſe de ſuis purgaverant criminibus , libellos colligit : quæ omnia Legibus , & Canonibus prohibita ſunt . Et quid opus eſt multa dicere ? Non deſtitit „ omnia facere , & tractare , donec nos vi , & potentia e Civitate , & „ Eccleſia eijceret „ . Poſt latam in Synodo ad Quercum ſententiam Chryſoſtomus ad Romanum Pontificem appellavit , iterumque poſt aliam ſententiam Synodi Conſtantinopolitanae , ad eundem confugiens provocavit . Utramque hanc ſententiam improbavit Innocentius , utriuſque executionem ſuſpedit , ac reſtitui communioni , gradu , & Eccleſiae juſſit Chryſoſtomum : Ÿcumenicam vero Synodum , in qua tota cauſa per reviſionem plenius retractaretur , neceſſariam eſſe dixit , non propter ſuæ poteſtatis defectum , ſed quia cum potentes nimium eſſent Chryſoſtomi hoſtes , & Imperatricis Eudoxiae patrocinio , gratiaque florerent , nonniſi Ÿcumenicae Synodi maiestate , ingentique Orientis , atque Occidentis Epiſcoporum numero , doctrinaque infringi eorum poterat audacia , atque exortarum tempeſtatibus motus ſedari . Repetantur ea , quæ hac de re diximus cap. 14.

Ad

Ad tertium: satis ostendi superius, quid Chrysostomus petierit, quidve egerit Innocentius. Quoad Œcumenicam Synodum fateor, eam cogi non potuisse, quia a Schismaticis deceptus Arcadius Synodi celebrationi non consensit. At substitit semper Innocentii sententia, qua Chrysostomum in suam receperat communionem, suoque gradui, & Ecclesiæ restitui jusserat. Illius enim jam demortui nomen, quod e sacris Dyptichis fuerat decreto Concilii Orientalis expunctum, in ea referri omnino jussit, & neque Atticum Constantinopolitanum, neque Alexandrum Antiochenum, neque Acacium Beroensem, neque alios Orientales Episcopos in suam admisit communionem, nisi prius Chrysostomi nomen in Ecclesiæ Tabulas retulissent. Id autem decerni a Pontifice non potuisset, nisi rescissa prius sententia, quam in illum tulerant utriusque Synodi Orientales Episcopi. *Occidentis quoque Episcopi, ut ait Theodoretus lib. 5. cap. 34., non prius cum Episcopis Aegypti, & Orientis, & Bospori, atque Thraciæ communicare voluerunt, quam nomen illius Sanctissimi Viri in Tabulas, in quibus nomina Episcoporum mortuorum continebantur, retulissent, atque Arsacium ejus Successorem ne salutare quidem dignati sunt.* Id autem Pontificis judicio, quod de Chrysostomo tulerat, unice est tribuendum.

Ad Innocentium quoque appellarunt Bubalius, & Taurianus, quos Rufus Thessalonicensis in Macedoniæ Synodo damnaverat. Nolebat illos quidem Pontifex ad appellationem admittere, plurima enim adversus illos obaudierat. At eorum lachrymis, precibusque defatigatus causam retractavit, compertaque prioris sententiæ iustitia, damnationem in Synodo latam confirmavit. Hanc appellationem fatetur de Marca, sed de ea loquens, parum reverenter scribit de sanctissimo Pontifice Innocentio, cujus tamen doctrinam, & sanctitatem tota semper suspexit Ecclesia: Sic enim ait lib. 7. de Concordia cap. 13. *At Innocentius I. audaciæ subsidium a dignitate Sedis suæ petens atrox vulnus infligit auctoritati Synodi Macedoniæ, cujus judicium retractavit in Causa Bubalii, & Tauriani ab ea Synodo damnatorum.*

Cum Helladium Tarsensem, & Eucherium Thyanensem Metropolitanas, quod Nestorio adhæsisent, Œcumenica Ephesina Synodus dignitate, ac communionem privasset; Antiochenus vero Patriarcha Joannes eos à suis sedibus expulisset; Appellarunt hi adversus Ephesinos Patres ad Sixtum III., tamquam ad Judicem, de negata sibi pace conquirentes, præsertim cum S. Cælestinum Sixti Decessorem decretum

reprobasse dicerent, quo Ephesina Synodus Nestorianis, qui è Sedibus suis fuissent extrusi, spem omnem veniæ, & restitutionis absciderat. Hujus appellationis litteras ex antiquo Cassinensis Monasterii Codice transcriptas refert Christianus Lupus in sua dissertatione de Romana appellatione S. Flaviani. Notanda sunt verba, quæ in litterarum exordio adhibent: *Nostrum quidem est, qui triplices, multiplicesque patimur tempestates, & pene in Piratas incidimus, ad eum clamare, qui a Deo productus est Gubernator, eumque pro amore veritatis, quanta possibile est, edocere.* Producent exempla S. Damasi, qui surgentia ex Ægypto Zizania evellit; S. Petri Alexandrini Episcopi, & Maximi Cynici, qui ad S. Damasum appellarunt; imo & antiquorum Pontificum ex. gr. S. Julii, qui in Orientales Episcopos ab Eusebiana Factione dejectos, & ad Romanam Sedem appellantes in suam Communionem recepit, suisque restituit Ecclesiis; ad quæ quidem omnia sufficere ajunt Apostolicam Sedem. En eorum verba: „ Et olim siquidem sæpius jam ex Alexandria, (hæc exempla proferunt, quia contra S. Cyrillum Alexandrinum, ejusque duodecim Capitula disputabant) „ hujusmodi hæreticis zizaniis insurgentibus, suffecit vestra Apostolica Sedes per universum tempus illud „ ad mendacium convincendum, impietatemque reprimendam, & „ corrigenda, quæ necessarium fuit, muniendumque orbem terrarum „ ad gloriam Christi, tam sub illo ter Beato, & inter Sanctos habendo „ Episcopo Damaso, quam sub pluribus aliis gloriosis, atque admirabilibus. Cujus rei gratia & nos præsumimus has supplicationes offerre, „ ut adjuvetis orbem terrarum, & in illa parte, quæ errat, & in illa, „ quæ Tyrannidem sustinet „. Mox preces suas subdunt, ejusque auctoritatem, supremamque judicariam potestatem implorant: *Rogamus, & Sanctis tue Religioſitatis provolvimur pedibus, ut manum porrigas salutare, & auſeras Mundi naufragium, omniumque horum inquisitionem jubeas fieri, & his illicitis caelestem superduci correctionem, ut revocentur quidem Sancti Pastores, qui injuste sunt a suis ovibus effugati, & reddatur gregibus pristinus ordo, & antiqua concordia.* Addunt deinde, non tam privatum, quam commune esse plurium Provinciarum Episcopis consilium hoc adeundi per appellationem Romanum Episcopum: „ Olim quidem cum „ currissemus ad Sanctitatem tuam nos, qui è diversis Regionibus sumus, idest ex Euphratesia, ex utraque Cilicia, secunda Cappadocia, Bithynia, Thessalia, & Mæſia.... nisi detineret nos luporum „ terror insidiantium gregibus ad rapinam, & ad errorem, omnem- „ que

„ que adversitatem . Unde coacti sumus nostra vice dirigere religiosissimos Clericos , & Monachos , qui impleant locum nostrum „ . Coutantius in Notis ad hanc epistolam sic inquit : „ Hic notatu digna videtur ea in tota Nestorii causa partium festinatio , qua Nestorius ipse , Cyrillus , Joannes , ac Socii , Euthérius , ac reliqui Episcopi cum iis consentientes , idest hæretici , Catholici , Schismatici , seu a Schismate decedentes , seu in eodem pertinaces Apostolicæ Sedis Præsulem antevenire , ac sibi conciliare contenderunt „ . At cur tanta omnium tum Catholicorum , tum hæreticorum , & schismaticorum festinatio , & cura in Romano Pontifice partibus suis conciliando ? Profecto nonnisi quia communis Catholicorum , & Hæreticorum erat persuasio , Romanum Episcopum esse in universa Ecclesia supremum in omnibus sive Fidei , sive disciplinæ controversiis definiendis Judicem a Christo Domino constitutum . Effectus sane hujusce appellationis , de qua loquimur , fuit hic , teste Pagio ad annum 433 . num. 12. , ut ex indulto ejusdem Sixti quatuor Metropolitæ , videlicet Helladius Tarsensis , Euthérius Tyanensis , Dorotheus Marcionopolitanus , & Himerius Nicomedienfis , qui in Ephesina Synodo deturbati de suo gradu fuerant , dummodo articulis pacis subscriberent , in locum suum regrederentur ; integra vero manerent , quæ ab Ephesina Synodo fuerant constituta . Hæc infert Pagius ex rescriptis Sixti III. ad Cyrillum Alexandrinum , & ad Joannem Antiochenum .

Ad Sixtum III. appellarunt etiam Alexander Hierapolitanus Metropolitæ cum omnibus Provinciæ suæ Episcopis , Meletius Mopsuestenus , Theodoretus Cyrensis , & alii quinque Episcopi , uti patet ex epistola Meletii ad eundem Alexandrum Hierapolitanum , & ex cap. 118. , & 119. Synodici adversus Tragicædian Irenæi . Appellationis causa eadem fuit , quæ superior , idemque fuit Romani Pontificis rescriptum : At Alexandro , Meletio , aliisque tredecim Episcopis nihil profuit appellatio . Cum enim in pertinacia sua perstitissent , potius exilium pati , quam cum S. Cyrillo Alexandrino in gratiam redire mæluerunt .

Idduas Smyrnenfis Episcopus exauctoratus in Synodo a Basilio Metropolitæ , appellavit ad Proclum Constantinopolitanum Antistitem . Hic Synodi judicium cassavit , & Idduam declaravit innocentem . Tunc Basilius , aut potius Idduæ accusator provocavit ad Sixtum III. , qui Procli sententiam confirmavit : *Habes recentissimum* , sic ad Proclum Sixtus

scribit epist. 16., *nuper habita actionis exemplum Fratris nostri Iddus, circa quem Fraternitatis tue decrevimus iudicium custodiri, cognitioni tue facere volentes injuriam, cum ejus intentionem iustissimam innocentia tuereris. Videri potest Coutantius in Notis ad hanc epistolam.*

Eutyches Archimandrita propter impiam, quam disseminabat, hæresim ab Eusebio Episcopo Dorylæensi accusatus, & a S. Flaviano Constantinopoli in Synodo anno 448. depositus, & Fidelium communi-
one privatus, ad Apostolicam Sedem appellavit, in qua tunc sedebat S. Leo Magnus. Constat id 1. ex ejusdem S. Leonis epistolis, ac præferti in 7., aut 21. ad Theodosium Augustum, ubi sic habet: *Quamvis enim Eutyches ad Sedem Apostolicam libellum doloris sui querimoniam miserit, breviter tamen aliqua prælibavit, asserens se Nicænæ Fidei constituta servan-
tem, frustra de fidei diversitate culpatum: Eusebii autem Episcopi accusato-
ris ejus libellus, cujus exemplaria ad vos prædictus Presbyter misit, de obje-
ctionis evidentia nihil habebat.* 2. Eutychetem appellasse constat ex lucu-
lento testimonio Seleuci Episcopi Amaseni, quod refertur act. 1. Con-
cillii Chalcedonenfis apud Harduinum tom. 2. pag. 198. 3. constat ex
ipso appellationis libello, cujus exemplar ex M. S. Codice Cassinensi
transcriptum, & cum alio Vaticano Codice cohærens protulit Christia-
nus Lupus in dissert. de Romana appellatione Eutychetis. *De mea in Do-
minum, inquit Eutyches in eo libello, & Deum omnium Christum spe con-
fidens... invoco vestram Sanctitatem.* Narrat in eo hæresis notam sibi ab
Eusebio in pactam, iudicium a Flaviano in Synodo habitum, senten-
tiam pronunciatam, fugam a se arreptam &c., & mox subdit: „ Ad vos
„ igitur Religionis Defensores, & hujusmodi factiones execrantes con-
„ fugio... & obsecro, nullo mihi præjudicio facto ex his, quæ per
„ insidias contra me gesta sunt, quæ visa vobis fuerit, super fidem meam
„ proferre sententiam, & nullam deinceps permittere a factionis con-
„ tra me calumniam procedere, & non excuti, & eximi de numero
„ Orthodoxorum eum, qui in continentia, & omni castitate 70. an-
„ nos vitam peregit, itaut in ipso exitu vitæ naufragium patiat, „
Ejusmodi appellationem hic secutus est effectus, ut per Leonis Litteras
suspensa fuerit sententia in Synodo adversus Eutychetem pronuntiata,
quemadmodum diserte affirmat Rusticus S. R. E. Diaconus, apud Balu-
tium, & Cacciari de hæres. Eutych. lib. 1. cap. 4.

At opponunt de Marca lib. 7. cap. 6., Launojus epist. 3. ad Boe-
tiam; Quænellus dissert. 7., Dupinius de antiqua Ecclesiæ disciplina
dis-

differt. 2., Eutychetem, aut non appellasse, aut ad alios etiam Patriarchas, præter Romanum Episcopum, appellasse. Primam partem probant ex epist. S. Flaviani ad S. Leonem, in qua Flavianus negat Eutychetem ad Pontificem appellasse: En ejus verba: *Litteræ nobis datæ sunt vestræ Sanctitatis, per quas sumus edocti, quia Eutyches libellos direxit vobis plenos omni fallacia, atque calliditate, dicens judicii tempore libellos se dedisse appellationis & nobis, & hic convenienti Sancto Concilio, & appellasse Vestram Sanctitatem, quod nequaquam ab eo factum est.* Alteram partem probant 1. ex eo, quod Eutychetis extat epistola ad Dioscorum Patriarcham Alexandrinum, uti testatur Liberatus in Brev. cap. 12. 2. ex eo, quod Constantinus Monachus, Eutychetis Procurator, in Synodo Constantinopoli jussu Imperatoris Theodosii anno 449. congregata constanter dixit: *Eutyches, dum legeretur damnatio, appellavit Sanctum Concilium Sanctissimi Episcopi Romani, & Alexandrini, & Hierosolymitani, & Thessalonicensis.*

Respondeo negari non posse, Eutychetem ad Romanum Pontificem omnino appellasse, nisi fidem omnem denegandam esse censeamus epistolis S. Leonis, S. Flaviani, aliisque authenticis documentis, quæ inserta legimus Actis Œcumenici Chalcedonenſis Concilii. Ad probationem dico, S. Flavianum non negasse, quod Eutyches ad Romanum Pontificem appellaverit, sed negasse solum, quod hanc appellationem in ipſo Concilio interposuerit; quod tamen Eutyches audacter affirmabat. Patet id 1. ex epist. 8., sive 20. S. Leonis ad Flavianum, ubi ait: „ Accepimus libellum Eutychetis, qui se queritur, accusante Eusebio Episcopo, immerito communione privatum „ adeo ut in ipſo judicio libellum appellationis suæ se aſſerat obtulisse, „ nec tamen fuisse susceptum, quia ratione compulsus sit, ut contemtorios libellos in Constantinopolitana Urbe proponeret „ . Patet 2. ex epist. S. Flaviani ad S. Leonem, in qua hæc scribit: „ Litteræ nobis datæ sunt Vestræ Sanctitatis, per quas sumus edocti, quia Eutyches libellos direxit vobis plenos omni fallacia, atque calliditate, dicens, judicii tempore libellos se dedisse appellationis & nobis, & Sancto Concilio, & appellasse vestram sanctitatem; quod nequaquam ab eo factum est „ . Mox Pontificem rogat, ne hæreticum hominem auscultet, sed Concilii in eundem decreta confirmat: „ Sanctissime Pater propriam faciens communem causam „ simul decernere damnationem adversus eum regulariter factam, &

„ propria scripta dignare „ . Quod quidem mox præstitit Pontifex, uti constat ex Synodica Chalcedonenſis Concilii ad S. Leonem . Quod autem ad alios etiam Patriarchas Eutyches appellaverit, falſum eſt . Scripſit quidem ad Dioſcorum Alexandrinum , non ut ad eum appellaret , ſed ut ſuæ cauſæ propitium redderet , ac patronum , eumque vehementius contra S. Flavianum irritaret , quocum ſimultatem eum gerere non ignorabat . Scripſit etiam Eutyches ad Sanctum Petrum Chryſologum Ravennatem Antiſtitem . Numquid etiam ad illum appellavit? Dictum autem Conſtantini Monachi nullam promeretur fidem . Nam 1. Florentius Patricius , qui Synodo juffu Imperatoris interfuit , teſtatus eſt coram Patribus , Eutychetem , *turba facta , & diſſoluto conventu , ſilenter appellaffe* . 2. interrogati Synodi Patres ab eodem Florentio , an Eutychetem in Concilio appellantem audiſſent ? reſponderunt , *nihil tale cognovimus dictum ab Eutychete de appellatione* , uti habetur in actione 1. Chalcedonenſis Concilii . Tandem libelli appellationis , quos Eutyches dedit , & etiam nunc extant , ad ſolam Apoſtolicam Sedem , non ad alias Eccleſias delati conſpiciuntur .

Cum S. Flavianus Conſtantinopolitanus Epiſcopus in Latrocinio Ephesine anno 449. ab impio Dioſcoro per ſummum neſas una cum Euſebio Doryleō , Iba Edeſſeno , Theodoreto Cyrenſi , Domno Antiocheno , aliisque plurimis Epiſcopis in odium Catholicæ fidei deturbatus de ſuo gradu fuiſſet ; ad S. Leonem in ipſo Concilio , conſentientibus Apoſtolicæ Sedis Legatis , qui aderant , appellavit , iisque ſuæ tradidit inſtrumentum appellationis . Eam tamen ad finem uſque perſequi non potuit , quoniam a Dioſcoro in ipſa Synodo calcibus , lethaliſque vulneribus ita fuit affectus , ut paulo poſt obierit . Comes Marcellinus ſcribit , Flavianum ita vulneratum Epipam Urbem Lydiæ miſſum in exilium fuiſſe , eodemque anno ibi occubuiſſe . Proſper Tyro in ſuo Chronico illum triduo poſt *inter manus eorum* , a quibus in exilium ducebatur , glorioſo fine ad Chriſtum tranſiſſe reſert . Eundem fane tamquam Martyrem veneratur Eccleſia , quæ proinde in Martyrologio Romano ad diem 18. Februarii ſic habet : *Conſtantinopoli S. Flaviani Epiſcopi , qui cum fidem Catholicam Ephēſi propugnaret , ab impij Dioſcori factione pugnis , & calcibus percuffus , atque in exilium actus , ibidem poſt triduum vitam finiit* . Tot , ac tam præclari ſunt hujus appellationis teſtes , ut de ea nonniſi impudenter quis dubitaret . Unum , aut alterum proferamus . S. Leo Magnus in epiſt. 25. ad Theodoſium Imperatorem

torem de suis Legatis loquens, qui Eutychianorum conatibus oblite-
rant, inquit: *Quia & nostri fideliter reclamarunt, & eisdem libellum ap-
pellationis Flavianus Episcopus dedit Quam autem post appellationem in-
terpositam hoc necessario postuletur, Canonum Nicææ habitorem decreta te-
stantur, quæ verba repetens in epist. 40. cap. 3. ad eundem Theodo-
sium, de Nicænis decretis mentionem faciens subdit: quæ subter adnexa
sunt; adnectit autem Sardicensem Canonem de Romanis damnatorum
Episcoporum appellationibus. Valentinianus III. Imperator in epistola
ad Collegam suum Theodosium inquit: *Debemus dignitatem propria
venerationis B. Apostolo Petro intemeratam nostris etiam temporibus conserva-
re, quatenus Beatissimus Romanæ Civitatis Episcopus, cui Principatum Sa-
cerdotii super omnes antiquitas contulit, locum habeat, ac facultatem de fide,
& Sacerdotibus judicare. Hujus enim rei gratia secundum solemnitatem Con-
ciliorum Constantinopolitanus Episcopus Flavianus cum per libellos appellavit
propter contentionem, quæ orta est.* Idem testantur Hilarus Diaconus in
litteris ad Pulcheriam Augustam, Prosper Tyro in Chronico, Libe-
ratus Ecclesiæ Carthaginensis Diaconus in Breviario hæresis Eutichi-
chianæ cap. 12. Videri potest hac super re egregia dissertatio Christiani
Lupi de Romana appellatione S. Flaviani.*

Febronius cap. 5. de legibus, & appellationibus §. 3. num. 3. cum
Paschasio Quesnello disert. 8. de Causa Flaviani, quem citat, concedit
S. Flavianum appellasse, & appellationis libellum Legatis Papæ in se-
quelam Sardicensium Canonum tradidisse. At subdit, quod sicuti S. Leo
vigore eorundem Canonum de Causæ meritis, & substantia judicare
non poterat, ita nec Flaviani causam coram se fecit ventilari, nec ejus
judicandæ potestatem sibi arrogavit, sed ut generalis Synodus intra Ita-
liam, convenientibus utique Orientalium Provinciarum Episcopis, ce-
lebraretur, ab Imperatore postulavit. Quamobrem ideo Flavianus Le-
gatis Pontificiis libellum dedit appellationis, ut Leonis ope, ac mini-
sterio obtineret suæ causæ in legitima Synodo retractationem. Irritum
quidem habuit S. Leo Ephesini Latrocini judicium, quia in innocentem
Flavianum per vim latum fuerat: at non inde sequitur, speciale judicium
eatenus a Pontifice fuisse institutum. Postquam enim is intellexisset,
ea, quæ Ephesi facta sunt, contra jus, fasque gesta esse, poposcit a
Theodosio epist. 40., ut omnia in eo statu esse juberet, *in quo fuerant
ante omne judicium, donec major ex toto Orbe Sacerdotum numerus convoca-
retur;* quod certe longe abest ab omni specie judicii definitivi a Pontifice
sua auctoritate ferendi. Hactenus Febronius.

Re-

Respondeo : jam ostendi superius cap. 22. , Sardicenses Canones non de mera revisione , sed de veræ appellationis judicio esse omnino intelligendos . Cum igitur Flavianus juxta Sardicenses Canones ad Sanctum Leonem appellaverit , jam hic causam Flaviani vel ipse per se , vel per Judices delegatos , suosque a Latere missos Legatos potuit retractare , juxta illud quinti Canonis Sardicensis : *faciet , quod sapientissimo consilio suo judicaverit* . Is igitur , postquam ab Hilario Romanæ Ecclesiæ Archidiacono , ac Sedis Apostolicæ Legato , Romam reverso , Flaviani appellationem in Concilio oretenus factam , & ab Apostolicis Legatis acceptam , & mox scripto iisdem Legatis traditam rescivisset , de more Synodum Provinciæ suæ , ac vicinarum Provinciarum coegit , in qua ea omnia , quæ sequuntur , Apostolica auctoritate decrevit . Latrocinium Ephesinum cassavit , Flaviani appellationem admisit , eundem gradui suo , ac Sedi restituit , ac in plena Episcopali apud omnes Ecclesias communione firmavit , ejus appellationi suspensivum effectum tradidit , vetuit severissime , ne quisquam illi superordinaretur , retractatorium tandem judicium fieri voluit in Synodo , quæ intra Italiam celebraretur , & cui ipse , vel per se , vel per Legatos suos præset ; quæ quidem omnia se gessisse testatur S. Leo in Litteris tertio Idus Octobres scriptis ad Theodosium , ad Pulcheriam , ad Julianum Coensem Episcopum , ad S. Flavianum , aliosque . Pontificia hæc decreta alacriter tota Occidentalis admisit Ecclesia : at ne Orientalis etiam iis obtemperaret , vetuit Theodosius , qui hæreticorum fraudibus deceptus Eutycheti favebat , oderat vero Flavianum . Conatus est Leo modis omnibus a suo proposito revocare Theodosium . At cum labor omnis fuisset irritus , Orientales omnes Episcopos , qui latrociniali in S. Flavianum judicio consenserant , a suæ Apostolicæ Sedis , totiusque Occidentalis Ecclesiæ communione suspendit . Patet id ex Epist. 60. S. Leonis ad Anatolium , quem ad Marciani , & Pulcheriæ preces in Episcopatu Constantinopolitano confirmaverat , ubi sic habet : *De Fratribus vero , quos & epistolis tuis , & Legatorum nostrorum relatione communionis nostræ cupidos esse cognovimus , eo quod doleamus se contra potentiam , contraque terrores non tenuisse constantiam , sed alieno scelere præbuisse consensum , cum eos ita formido turbasset , ut in damnationem Catholicæ , atque innocentis Antistitis (videlicet Flaviani) & in receptionem detestabilis pravitatis trepido famularentur obsequio ; illud quidem , quod presentibus , & agentibus nostris constitutum est , approbamus , ut suarum interim Ecclesiarum essent communionem contenti , sed cum Legatis nostris , quos*

missi-

missimus, participata tecum sollicitudine volumus disponatur, quatenus hi, qui plenis satisfactionibus male gesta condemnant, & accusare se magis eligunt, quam tueri, pacis, & communionis nostræ unitate latentur, ita ut digno prius anathemate, quæ contra Fidem Catholicam sunt recepta, damnentur. At dum hæc omnia præstitit S. Leo, dicine potest, quod meram causæ revisionem statuerit? an potius fatendum est, illum munus suum Judicis appellationis exercuisse?

Flavianus certe ad Apostolicam Sedem, non ad Concilium appellavit. Ita testatur Galla Placidia Augusta, Constantii Imperatoris Vidua, & Mater Valentiniani in litteris ad Theodosium per hæc verba:

„ Ad arbitrium unius hominis, nempe Dioscori, qui in Synodo Ephesinæ Civitatis . . . militum præsentia, & metu impetens Constantinopolitanæ Civitatis Episcopum Flavianum, eo quod libellum ad Apostolicam Sedem miserit &c. Mansuetudo itaque tua præcipiat, ut secundum formam, & definitionem Apostolicæ Sedis, quam & nos tamquam præcellentem similiter veneramus, in statu Sacerdoti illæso manente per omnia Flaviano, ad Concilium Apostolicæ Sedis judicium transmittatur, in qua primus ille, qui cælestes claves fuit dignus accipere, Principatum Episcopatus ordinavit, . Id ipsum repetit eadem Galla Placidia, ac petit a Pulcheria Imperatrice per suas ad eandem litteras:

„ Clementia tua secundum Catholicam Fidem conspire dignetur, ut quidquid in illo tumultuoso, miserrimoque Concilio constitutum est, omni virtute removeatur, ut omnibus intergris permanentibus, ad Apostolicæ Sedis judicium, in qua primus Apostolorum Petrus Sacerdotii Principatum tenuit, Episcoporum causa mittatur, . Imo ita Flavianus ad Leonem appellavit, ut solam ejus auctoritatem ad totam causam expediendam sufficere affirmaverit, quin opus esset Concilio. Sic enim in epist. ad S. Leonem inquit: *Causa eget solummodo vestro solatio, atque defensione, qua debeatis consensu proprio ad tranquillitatem, & pacem cuncta perducere. Sic enim hæresis, & turba, quæ propter eam factæ sunt, facillime destruentur, Deo cooperante, per vestras sanctissimas litteras: removebitur autem & Concilium, quod fieri divulgatur, Quin etiam ipse S. Leo nullam ejusmodi Concilii fuisse fatetur necessitatem. Nam in epist. 16. ad S. Flavianum sic scribit: Clementissimus Imperator pro pace Ecclesiæ sollicitus Synodum voluit congregare, quomodo evidenter appareat, rem, de qua agitur, nequaquam Synodali indigere tractatu. Quamquam autem necessarium non esset Concilium,*

cilium, quod ut cogeretur, a Theodosio S. Leo postulavit; cum tamen utilissimum esset futurum ad obortos adversus Catholicam Fidem errores eliminandos, ad Schismata componenda, ad reddendam denique Ecclesiae pacem; Idcirco illud celebrari curabat, statueratque, ut in eo Flaviani causa retractaretur. Cæterum quanta fuerit in tota hac causa potestas, ac jurisdictio Romani Pontificis, dignosci facile potest, si Concilii Chalcedonensis Acta percurrantur. Consuli etiam potest Joannes Antonius Blancus de potest., & polit. Eccles. lib. 3. cap. 5. §. 15.

In Ephesino quoque Latrocinio de Episcopali Sede, & gradu turbatus, quamquam inauditus, & absens, Theodoretus Cyrensis Episcopus, ad S. Leonem Magnum appellavit. En ejus verba in epist. 113. ad S. Leonem: „ Oro, atque obtestor sanctitatem tuam, ut rectum, „ ac justum Tribunal vestrum invocanti opem ferat, jubeatque ad vos „ venire, & doctrinam meam Apostolicis vestigiis inhaerentem osten- „ dere.... Ante omnia ut a Vobis docear, oro, an me oporteat in „ hac injusta depositione acquiescere, an non? Vestram enim senten- „ tiam expecto. Quod si in judicatis manere jusseritis, manebo, ne- „ que ulli deinceps hominum molestus ero, sed rectum Dei, Salva- „ torisque nostri judicium expectabo „. Neque dicas, Theodoretum non ad Leonem, sed ad Concilium appellasse, quoniam ad Renatum S. R. E. in S. Clementis titulo Presbyterum Cardinalem, & S. Leonis in Ephesino Latrocinio Legatum sic scripsit: *Oro Sanctitatem tuam, Sanctissimo, ac Beatissimo Archiepiscopo persuadeat, ut Apostolica Auctoritate utatur, Et ad Concilium vestrum advolare precipiat*. Nam ibi loquitur de solius Romanæ Provinciæ Synodo, cujus consilio in gravioris momenti controversiis dirimendis Romanos Pontifices uti solere non ignorabat. Patet ex iis, quæ immediate subdit: *Habet enim sanctissima illa Sedes Ecclesiarum, quæ in toto Orbe sunt, Principatum multis nominibus, atque hoc ante omnia, quod ab hæretica tæbe immanis mansit, nec ullus contraria sentiens in illa sedit, sed Apostolicam gratiam integram conservavit. Quæ a vobis fuerint judicata, in his, qualiacumque ea erunt, judicii vestri æquitati confidentes acquiescimus*. Appellanti Theodoretum admisit; & exaudivit Leo, illum in suo gradu reponens, suæque sedi restituens, & quidem per sententiam peremptoriam, ac definitivam, uti ex Actis Concilii Chalcedonensis luculenter patet. Nam actione 1. Patres dixerunt? *Ingredietur Reverendissimus Episcopus Theodoretus, quia restituit ei Episcopatum Sanctissimus Archiepiscopus Leo*. Et actione 8. dixerunt: *Jam dubi-*

dubitatio de Theodoro Reverendissimo Episcopo est soluta, quippe, & Nestorium coram nobis anathematizavit, & a SS. Archiepiscopo Senioris Romæ Leone susceptus est. Imo Theodoretum causam retractari in Concilio noluerunt, neque relegi acta prioris Judicii, quod S. Leo post admissam appellationem instituerat. Sic enim eadem act. 3. statuerunt: nihil relegi volumus, modo anathematiza Nestorium.

Joannes Talaja Patriarcha Alexandrinus, cum de ordinatione sua Synodicas litteras, teste Liberato Diacono cap. 17., Acacio Constantinopolitano Episcopo non misisset, ejusdem Acacii opera duorum criminum per calumniam accusatus, Zenonis Imperatoris jussu de Episcopali Sede dejectus est, eique Petrus Mogus hæreticus Eutychianus surrogatus. Joannes ad S. Simplicium Papam appellans, Romam venit, suavitque Pontifici, ut Acacio primum scriberet, eique, quod justum esset, præciperet. Libentissime id præstitit Simplicius: at cum respondisset Acacius, non Joannem, sed Mogum, quem Imperatoris jussu in suam communionem admiserat, Præsulem esse Alexandrinum; alteras ad eum scripsit litteras, sed objurgationis, & minarum plenas. Interea, demortuo Simplicio, Joannes ejus Successori Felici III. libellum accusationum adversus Acacium obtulit, uti testatur Evagrius lib. 3. cap. 18. Hic, missis Constantinopolim Legatis suis Vitali, & Miseno Episcopis, Petrum Mogum e Sede Alexandrina expelli, eamque Talajæ restitui jussit: Acacium vero Romam accersivit, ut rationem eorum redderet, quæ Joannes objiciebat. Verum cum Legati minis, blanditiisque devicti suum non expleissent munus, sed cum Acacio communicassent; Eos Romam reversos Felix anno 484. in Romana Synodo ab officio, & communione suspendit, Acacium vero, & Mogum communione, ipsoque Christiano nomine privavit. Tandem quoniam nulla spes erat, ut, mutato in melius Acacii, & Zenonis animo, Talaja Sedem suam recuperaret; Nolanam ei Ecclesiam, uti testatur Liberatus, commendavit: Eum tamen Alexandrino Episcopatu plene reddidit, & Patriarchæ dignitatem, ac titulum, secundæque Sedis honorem jussit retinere.

Stephanus Larissæ Episcopus, & Thessaliæ Metropolita jussu Epiphani Patriarchæ Constantinopolitani, qui Orientalis Illyrici Ecclesias suo Patriarchatu adscribebat, Constantinopolim deportatus invitus, in collecta ex advenis Episcopis Synodo fuit injuste degradatus. Appellavit proinde ad Bonifacium II., ad quem per Theodosium Episcopum

Echinienſem ſuæ miſit appellatiſonis libellum , ex quo pauca notatu digna audiamus : „ Cum igitur nihil approbatum de me fuiſſet , nec ulla eſſet „ Canonicæ ultionis culpa digna inventa , ſententiam protulerunt , & „ condemnantes me a Sacerdotali officio ſuſpenderunt , cum me con- „ ſtet non dimiſſum fuiſſe pro meis plenius partibus allegare , ſed & pe- „ tenti aliqua meæ cauſæ profutura oſtendere non eſſe permiſſum. Qua- „ propter ſupplicabam , ut non ante ſententia diceretur , quam , quæ „ acta ſunt , ad vos Beatiffimos referrentur , ut inde veſtra cauſæ di- „ ſcuſſio ſervaretur : quod dictum magis eos adverſum me incitavit , „ putantes de Sacrarum Eccleſiarum Regiæ Urbis jure aliquid minui , „ quod ego Apoſtolicam veſtram Sedem viſus ſum nominariſſe . Ete- „ nim dixi , quia auctoritas Sedis Apoſtolicæ , quæ a Deo , & Salvato- „ re noſtro eſt Summo Apoſtolorum data , omnibus Sanctarum Eccle- „ ſiarum privilegiis antecellit , in cujus confeſſione omnes Mundi ac- „ quieſcunt Eccleſiæ . Sententia igitur lecta , juſtam denuo veſtram Au- „ dientiam imploravi , apud quam nulla cujuſlibet diſceptatio veſtram „ poteſt diſturbare juſtitiam , ſed timor Dei , qui ineſt in vobis , ipſe „ unicuique facit per vos ſua jura reſtitui Conſtat , Venerandos „ Sedis veſtræ Pontifices , quamvis in toto Mundo Sedes Apoſtolica „ Eccleſiarum ſibi jure vindicet Principatum , & ſolam in Eccleſiaſticis „ cauſis undique appellare neceſſe ſit , ſpecialiter tamen gubernationi ſuæ „ Illyrici Eccleſias vindicare „ . His acceptis appellatiſonis litteris , Bo- „ niſacius Synodum Romæ habuit anno 431 . , quam ex Barberina Biblio- „ theca deſumptam edidit Lucas Holſtenius . At cum ea ſub finem mutila ſit , quid in Synodo ſtatutum fuerit , ignoramus . Huic Stephani appel- lationi ſe comites adjunxerunt Elpidius Thebanus , Timotheus Cæſaræen- ſis , & Stephanus Laminenſis , e quibus cum duo illum confeſſaſſent , dira quælibet ab Epiphania Patriarcha ſibi metuebant . Quamobrem ipſi quoque appellatiſonis litteras ad Boniſacium miſerunt , quas ſic conclu- dunt : *Pro his & veſtram appellamus Beatitudinem , & Apoſtolicam Sedem ; & per eam ter Beatum Petrum , atque Sancta Eccleſia primum Doctorem Chriſtum Dominum noſtrum audire , & adorare credimus , ſperantes , ut mi- ſerorum hominum petitionem minime deſpiciatis , ſed iſta congrua emendatione corrigentes rebus iſtis ſuccurrentes , remedium dare dignemini .*

Adrianus Thebanus Epiſcopus a Joanne primæ Juſtinianæ Metro- polita injuſte Eccleſia ſua privatus , ad S. Gregorium Magnum appella- vit . Hic , uti patet ex epiſt. 6. lib. 3. , alias 2. , reſciſſa Joannis ſenten-

tia ,

tia, Adrianum Ecclesiæ suæ restituit; Joannem vero, quod expertem criminis, & appellentem ad Apostolicam Sedem Episcopum condemnare ausus fuisset, objurgavit asperissime, & ad 30. dies a Sacrorum communione suspendit.

Iniuste etiam a sua Sede in Synodo Provinciali depositus a Paulo Cretensi Metropolita Joannes Lapsensis Episcopus, ad S. Vitalianum Papam appellavit, a quo suæ redditus Ecclesiæ fuit, Paulus vero gravissime objurgatus, quod eidem Joanni ad Apostolicam Sedem appellanti, Romam veniendi facultatem denegasset, uti constat ex S. Vitaliani litteris ad Paulum apud Labbeum tom.6.

In Concilio Constantinopolitano III., quod est VI. Œcumenicum, anno 680. anathemate percussus, pallioque, & Patriarchatu privatus Macarius Antiochenus Patriarcha Monothelita, in exilium pulsus fuit a Constantino Pogonato Imperatore, uti constat ex Synodo 6. ab act. 1. ad 8., & ex Synodo Nicæna II. act. 1. apud Labbeum tom.6., & Harduinum tom.3. Is autem a sextæ Synodi sententia ad S. Agathonem Papam appellavit, uti docent Baronius ad ann. 682.; Binius in Notis ad Synodum VI., & Fleury ad annum 682. Certum saltem est, illum postulasse, ut cum Stephano, & Polichronio, aliisque Monothelitis Romam ad S. Agathonem mitteretur, apud quem causam suam iudicio experiri posset. Facultatem eundi Patres dedere, & in Synodica ad Agathonem scribunt, se juxta litteras ab eo missas processisse adversus Monothelitas, ejus vero potestati integrum relinquere, quidquid novi quoad damnatorum hominum Causam emergeret. En Synodica verba: *Itaque tibi, ut primæ Sedis Antistiti universalis Ecclesiæ, quid agendum sit, relinquimus stanti super firmam fidei petram, libenter acquiescentes veræ Confessionis litteris a Vestra paterna Beatitudine ad piissimum Imperatorem missis, quas ut a Summo Apostolorum vertice divine perscriptas agnoscimus.* Hæc Synodica extat in Synodo VI. una cum Epistola Imperatoris ad S. Agathonem, ubi de Macario, Stephano, & Polichronio Episcopis hæc dicit: *Œcumenici Concilii sententia Sacerdotali dignitate moti sunt, & ad Sanctissimi Papæ probationem sunt transmissi.* S. Leo II., & S. Benedictus II., qui in Romano Pontificatu S. Agathonem successerunt, nihil non tentarunt, ut Macarius resipisceret, ac Monothelismum ejuraret. Verum cum ille in errore suo contumax persisteret, Sextæ Synodi sententiam confirmarunt, cumque iterum anathemate percusserunt.

Alia plura ejusmodi appellationum exempla proferre possem in

medium, quæ tamen brevitatis gratia lubens prætermitto. Illud autem ad immortalem Ecclesiæ Orientalis gloriam adnotare hic juvat, quod quamquam magna ejusdem pars Photiano infecta schismate, aut hæresis imbuta veneno a Romani Pontificis obedientia, & a Romanæ Ecclesiæ communione desciverit; illæ tamen Orientis Ecclesiæ, ac Nationes, quæ sese ab ejusdem Romanæ Ecclesiæ sinu divelli passæ non sunt, sed cum illa in Fidei, & Communionis unitate perstiterunt, illarum Apostolicæ Sedi servarunt jus recipiendi appellationes, perpetuoque etiam usu confirmarunt. Neque vero vel ad gratiam aucupandam, vel ad temporale sibi comparandum subsidium id factum fuisse aliquis suspicetur. Quicumque enim regionum illarum a Romana Sede longinquitatem, miseramque earum conditionem parumper cogitet, cum vel Infidelium imperio subsint, vel ab infidelibus Nationibus circumambiantur, quin a Romano Pontifice vel ad jugum excutiendum, vel ad augendam potentiam juvari possint; Profecto non aliam ob causam id eas præstitisse affirmabit, nisi quia Catholicam doctrinam, atque Ecclesiasticam disciplinam, quam a Majoribus suis acceperant, constanter, firmiterque retinuerunt, ac retinent. Et sane incredibile dictu est, quanta semper cura, diligentiaque Orthodoxi earum regionum Patriarchæ, atque Antistites peculiaria Ecclesiarum suarum privilegia, vetustamque disciplinam, ne ulla in eam obreperet novitas, aut perturbatio, custodierint, ac tueantur. Ne autem longior sim, aliqua dumtaxat earum appellationum exempla, quas ab istis Ecclesiis ad Apostolicam Sedem hoc ipso, quo vivimus, sæculo delatas fuisse scimus, commemorabo. Earum omnium authentica monumenta, ultimaque super iis a Romanis Pontificibus prolata sententia in Archivo Sacræ Congregationis de Propaganda Fide diligenter asservantur.

I. Cyrillus Senior, & Athanasius, Patriarchæ Antiocheni Græco-Melchitarum, orta super canonica eorum electione controversia, Romam ad Clementem XI. provocarunt. Hic, rebus omnibus, & actis mature perpensis, auditoque suffragio aliquorum Cardinalium Congregationis de Propaganda Fide, ultimam tulit sententiam, cui Orientales reverenter acquieverunt, totaque lis dirempta fuit.

II. Cum Cyrillus Junior, Patriarcha Græco-Melchitarum Antiochenus, in Episcoporum confessu habito in Monte Libano ann. 1736. decretum aliquod super jejuniorum observantia edidisset, quo vetustissima ejusdem Ecclesiæ disciplina relaxabatur, & novitatem aliquam;
unde

unde confusio oriri posset, ac scandalum, in patrios ritus, veteresque consuetudines introducere niteretur; Episcopi aliqui, & Monachi ex Ordine S. Basilii ad Clementem XII., eoque demortuo, ad Benedictum XIV. appellarunt. Pontifex hic Sanctissimus, doctissimusque, postquam totam sedulo causam discussisset, plura super propositis questionibus edidit decreta, eaque simul collecta in Orientem misit per suas Litteras in forma Brevis datas die 24. Decembris 1743. incipien. *Demandatam cœlitus*; quas Patriarchæ Antiocheno Græcorum Melchitarum, omnibusque ejusdem Ritus Catholicis Episcopis eidem Patriarchæ subjectis inscripsit,

III. Idem Patriarcha Cyrillus Junior, consentientibus in Synodo Episcopis, quos suis partibus addixerat, Antiochenum Patriarchatum Ignatio Giohar fororis suæ filio renunciaverat. Ægre id tulerunt Athanasius Dehan Melchita, Beryti Archiepiscopus, aliique cum eo Antistites, & Monachi, qui Sacrorum Canonum statutis eam electionem adversari arbitrabantur. Quamobrem adversus illam a Patriarchæ, Synodique decreto ad Clementem XIII. provocarunt, quem adhuc in Petri Cathedra sedentem Deus Optimus Maximus totius Ecclesiæ bono diutissime servet incolumem. Is autem, re mature perpensa, per ultimam, quam tulit, sententiam toti controversiæ finem imposuit.

IV. At cum postmodum eundem Athanasium Dehan collecti in Synodo Episcopi in Antiochenum Patriarcham elegissent, atque isti Theodosii sibi nomen assumpsisset; Ignatius Giohar cum iis, qui sibi favebant, Episcopis adversus ejusmodi electionem a Synodi decreto ad Apostolicam Sedem appellavit. Sanctissimus autem Pontifex Clemens XIII. causam in gradu appellationis cognovit, eamque Apostolica auctoritate definivit.

V. Jacobum Evodium Antiochenum Patriarcham Syro-Maronitarum per Synodalem sententiam Episcopi deposuerant. At is continuo appellationem ad Clementem XI. interjecit, a quo cognita causa, supremoque judicio definita, Sedi suæ restitutus est.

VI. Exemplum Orientalium ad Apostolicam Sedem appellationis hoc eodem sæculo, quo vivimus, habitæ iisdem verbis referre hic juvat, quibus utitur Benedictus XIV. in suo decreto edito die 13. Martii 1743., uti habetur in ejus Bullario tom. I. constit. 77. Sic itaque ait doctissimus Pontifex: *Quod non humana, sed divina decretum est sententia a Numidia Antistitibus, antiquæ traditionis exempla servantibus, & Ec-*
clesia

clesiastica memoribus disciplina, ut ad Apostolicam hujus Sanctæ Sedis referretur judicium, quidquid, quamvis de disjunctis, remotisque Provinciis, ageretur; nec prius dacerent finiendum, nisi ad ejusdem Sedis notitiam perveniret, ut tota hujus auctoritate, quæ fuerit justa pronuntiatio, firmaretur; id sæpe alias, & nuper ab inclita Maronitarum de Orthodoxa Fide, & obedientia eidem Apostolicæ huic Sanctæ Sedi debita semper tantopere meritorem Natione præstitum est, cum post obitum bonæ memoriæ Josephi Petri, dum viveret, Antiocheni ejusdem Nationis Patriarchæ extra Romanam Curiam universæ carnis finem ingressi, scissuris, & dissensionibus ob duorum Patriarcharum electiones exortis, ad nos ambo electi appellantes pallio etiam donari postularunt. Enimvero sex quidem ex una parte convenientes Antistites Venerabilem Fratrem Eliam Archiepiscopum Arcensem, pauci vero alii ex parte altera Venerabilem pariter Fratrem Tobiam Archiepiscopum Napolitanum scorsim diversis in locis, in Patriarcham hujusmodi eligere ausi fuerunt. Ambo igitur, ut præmittitur, Electi, sive Postulati præcensi Patriarchæ ad Nos, & Apostolicam Sedem recursum habentes, enixis precibus rogant, ut cujusque electionem approbare, ratam habere, & confirmare, atque pallium etiam transmittere de benignitate, & potestate Apostolica dignemur. Mox subdit Pontifex, se causam discutiendam commisisse particulari Congregationi nonnullorum Cardinalium Congregationis de Propaganda Fide, ut omnia causæ momenta mature perpenderent, sibi que suffragia sua referrent. His ille auditis, utramque electionem, seu postulationem esse nullam, irritam, atque inanem, adeoque Patriarchalem Antiochenam Ecclesiam adhuc vacare declaravit, ejusque ita vacantis collationem, provisionemque quandocunque faciendam sibi, & Apostolicæ Sedi reservavit. Et sane post triduum idem Sanctissimus Pontifex ad Antiochenum Patriarchatum Simonem Evodium Archiepiscopum Damascenum Suprema sua auctoritate transtulit, eique, ne impositum detrectaret onus, in virtute sanctæ obedientiæ præcepit, ut Patriarchalis Ecclesiæ possessionem, statim ac Pontificias Litteras accepisset, nulla interposita mora, caperet, uti fusius videri potest in Litteris in forma Brevis ad eundem Simonem Archiepiscopum Damascenum datis die 13. Martii 1743., quæ referuntur in ejusdem Pontificis Bullario tom. I. Constit. 78.

VII. Tobias Gazenus, olim Napolitanus, mox Cypri Archiepiscopus, cujus superius meminimus, cum post Antiocheni Patriarchæ Simonis obitum in ejus locum electus fuisset, & Patriarchalem Sedem legitime occu-
paret,

paret, graves, ut ipse censebat, ob causas in Episcoporum suorum Synodo, ac de eorum consensu ab Episcopatu Berytensi deposuit Josephum Stephani, qui nunc eidem vita functo suffectus, Antiochenum obtinet Patriarchatum. Hic ad Clementem XIII. continuo provocavit, ab eoque causa in gradu appellationis per ultimam sententiam dijudicata, redditus Ecclesiæ suæ fuit.

C A P U T V.

Romanae Occidentalium Appellationes post Sardicensem Synodum ante sæculum nonum interjecta.

PRæcipuas etiam hic appellationes commemorabo, quas post Sardicensem Synodum ante sæculum nonum Occidentales ad Apostolicam Sedem interposuere.

Sub finem anni 411. in Carthagenensi Synodo a Paulino S. Ambrosii Diacono accusatus, convictusque de hæresi Cœlestius, Pelagii discipulus, ac proinde a Fidelium communione sejunctus, ad Innocentium I. appellavit, cujus tamen reformidans judicium, Ephesum fugit, & nonnisi sexennio post Romam venit. Anno 415. Hierosolymæ contra Pelagium, & Cœlestium, instante Presbytero Hispano Orosio, indicta Synodus est, quæ tamen ad Summum Pontificem causæ totius examen remisit. At Diospolitana Synodus, quæ contra eosdem, ab Episcopis Herote Arelateni, & Lazaro Aquis de hæresi accusatos, coacta eodem anno est, ancipiti Pelagii, qui aderat, sermone decepta, Pelagium quidem absolvit, ejus tamen hæresim non adinfit, sed damnavit. Interea e Palæstina in Africam profectus Orosius de iis, quæ in Palæstina Synodo contigerant, certiore fecit Aurelium Carthagenensem: quare duplex in Africa anno 516. habita Synodus est, altera Carthagine, Milevi altera in Numidia. Prior Cœlestium, & Pelagium anathemate iterum perculit, & per Synodicam Innocentium rogavit, ut Synodi Acta, quæ mittebantur, approbaret. Posterior nihil decrevit, sed integrum Causæ judicium una cum Synodica ad eundem Innocentium misit, cui inter reliqua scribit: *Arbitramur, adjuvante Misericordia Domini Dei nostri, qui te & regere consulente, & orantem exaudire dignatur, auctoritati Sanctitatis tue de Sacrarum Scripturarum auctoritate deprompta facilius eas, qui tam perversæ, & perniciose sentiunt, esse cessuros.* Innocentius, acceptis hisce Africanorum Patrum relationibus, eos laudat, quod

quod gravissimam Causam ad suum Tribunal detulissent, ad quod difficiles Fidei, ac disciplinæ causas esse deferendas affirmat: tum Pelagium, ac Cœlestium damnat: *nam, ut inquit in rescripto ad Carthaginensem Synodum, nec nostra communione sunt digni, quam prædicando taliter polluerunt, &* ut ait in epist. ad Synodum Milevitana, *Pelagium, Cœlestiumque Ecclesiastica communione privari Apostolici vigoris auctoritate censemus.* Hæc Pontificia responsa Augustinus respiciens serm. 131. novæ edit. de verbis Apostoli inquit: *Jam de hac causa duo Concilia missa sunt ad Sedem Apostolicam: inde etiam rescripta venerunt: Causa finita est: utinam aliquando finiatur error!* & lib.2. Operis imperfecti, Juliano Eclanensi respondens, qui omnium prior inaudito exemplo ausus fuit ad generale Concilium appellare, in respons. 103. interrog. ait: *Quod adhuc quæris examen, quod jam factum est ad Apostolicam Sedem? Damna ergo hæresis non adhuc ab Episcopis examinanda, sed coercenda est a Potestatibus Christianis.* Quamquam autem Pelagii, Cœlestiique dogmata priores Africani Patres condemnassent; verissime tamen cecinit S. Prosper in carmine de ingratis: *pestem subeuntem prima recidit Sedes Roma Petri;* verissimeque de S. Innocentio I. scripsit Facundus Hermianus lib.7. cap.3. *Pelagianam hæresim primus condemnavit.* Privata enim fuit Afrorum Episcoporum censura, cumque ab illa Cœlestius ad Apostolicam Sedem appellasset (quod etiam deinde præstitit Pelagius, dolosis ad Innocentium datis litteris, subdoloque exhibito Fidei libello) jam integrum causæ judicium Innocentio fuerat reservatum. Ipse itaque primus adversus Pelagianam hæresim peremptoriam edidit sententiam, qua tota Ecclesia obligaretur. At mortuo Innocentio, apud ejus Successorem Zosimum, tam Pelagius, quam Cœlestius expostulare adversus Africanas Synodos cœpit, ejusque judicium invocavit. Zosimus ann. 417., coacta Romæ Synodo, Cœlestii libellum legi jussit, in quo originale negabat peccatum; sed quia paratum se ad errorem corrigendum, si forte errasset, profitebatur, eaque omnia, quæ Apostolica damnares Sedes, se damnaturum spondebat; ejusmodi professionem sinceram Zosimus putans, libellum quidem non damnavit, Cœlestium tamen absolvere renuit, donec ab Africanis Episcopis de tota rei serie certior fieret. Iis vero amare scripsit, objurgans, quod Herotis, & Lazari, de quorum moribus sinistram opinionem habebat, accusationibus nimium detulissent. Lectis autem postmodum in Synodo dolosis Pelagii litteris ad Innocentium, ejusque Fidei libello, amarius ad Afros scripsit, illosque intra duos menses redere

dere rationem eorum iussit, quæ contra Cœlestium gesta fuerant. Africani Patres, duabus Carthagine Synodis celebratis, Synodicam primum ad Zosimum miserunt, qua Pelagiana hæresis detegebatur; deinde aliam etiam prolixiorem dederunt, quæ gesta contra Pelagianos continebat, sed integrum eorum omnium iudicium Pontifici relinqui affirmabat. Tunc Zosimus Cœlestium iterum in iudicium vocavit, cumque hic sibi metuens aufugisset, decretoriam adversus illum, & adversus Pelagium dedit sententiam, misitque ad universos Orbis Episcopos epistolam, quam *Tractoriam* Mercator vocat. Hanc Tractoriam ad Orientales etiam Ecclesias, & ad Africanos scripsit Episcopos, qui in Synodo collecti non modo profligatam hæresim Zosimo gratulati sunt, verum etiam ad Tractoriæ normam novem Canones adversus hæresim Pelagianam ediderunt, quorum habetur mentio apud Sanctum Augustinum in epist. 157., nunc 190. ad S. Optatum, & apud S. Prosperum lib. contra Collatorem cap. 5. Quæ hætenus diximus, constant ex Apologia Orosii, ex S. Augustino lib. de gestis Pelagii, lib. de peccato originali, lib. contra Julianum, lib. ad Bonifacium, aliisque ejusdem operibus.

Ex Epistola, quam Zosimus, post latam in Pelagianam hæresim, ejusque sectatores sententiam, Africanis Patribus rescripsit, aliqua decerpo, quæ ad rem nostram plurimum faciunt. Sic ergo scribit S. Zosimus: „ Quamvis Patrum traditio Apostolicæ Sedi auctoritatem tantam
 „ tribuerit, ut de ejus judicio disceptare nullus auderet, idque per Ca-
 „ nones semper, regulasque servaverit, & currens adhuc suis legi-
 „ bus Ecclesiastica Disciplina Petri nomini, a quo ipsa quoque descendit,
 „ reverentiam exsolvat; tantam enim huic Apostolo Canonica anti-
 „ quitas super sententias omnium voluit esse potentiam, & ipsa quo-
 „ que Christi Dei nostri promissio, ut & ligata solveret, & soluta vin-
 „ ceret; par potestatis data conditio in eos, qui Sedis hæreditatem
 „ ipso annuente inervissent. Habet enim cum omnium Ecclesiarum,
 „ tum hujus maxime, ubi sedet, curam, nec patitur aliquid amittere
 „ privilegii, aut aliqua titubare aura sententiæ, cui vi ipsa sui nominis
 „ firma, & nullis hætenus acta motibus constituit fundamenta, & quæ
 „ sine suo periculo temere nullus incesset. Cum ergo tantæ auctoritatis
 „ Petrus caput sit, & sequentia omnium majorum studia servaverint,
 „ ut tam humanis, divinisque legibus, & disciplinis omnibus firmetur
 „ Romana Ecclesia, cujus locum nos regere, & potestatem nominis
 „ obtinere non latet vos, sed nostis, Fratres Charissimi, & quemad-

„ modum Sacerdotes scire debetis ; Tamen cum tantum nobis esset
 „ auctoritatis , ut nullus de nostra possit retractare sententia ; nihil
 „ egimus , quod non ad vestram notitiam nostris ultro litteris referre-
 „ mus , dantes hæc Fraternitati , ut in commune consulentes , non
 „ quia quid deberet fieri , nesciremus , aut faceremus aliquid , quod
 „ contra utilitatem Ecclesiæ veniens displiceret ; sed pariter vobiscum
 „ volumus habere tractatum de illo , qui apud nos , sicut ipsi per litte-
 „ ras dicitis , fuerit accusatus , & ad nostram , qui se assereret innocen-
 „ tem , non refugiens iudicium ex appellatione pristina , venerit Se-
 „ dem , Accusatores suos ultro deposcens &c. „ Hæc , quæ S. Zosi-
 „ mus scripsit , certe non hausit ex falsis Isidori Decretalibus , quæ nonnisi
 sæculo nono editæ in lucem sunt .

S. Briccius Turonensis Episcopus , anno 430. ex tumultu concita-
 tæ in se plebis ejectus , Romam venit , & appellavit . De eo sic scribit
 S. Gregorius Turonensis lib.2. Hist. Franc. cap.11. „ Post ejus absces-
 „ sum ajunt Turonici suo Sacerdoti Justiniano , quem Briccio superor-
 „ dinaverant : vade post eum , & exerce negotium tuum : quia si pro-
 „ secutus eum non fueris , ad nostrum omnium contemptum humiliabe-
 „ ris . Justinianus vero egressus a Turonis , Vercellas Italiæ Civitatem
 „ aggressus , iudicio Dei percussus , obiit peregrinus „ . Cum autem
 per septennium Romæ mansisset , a Sixto III. per sententiam declaratus
 est innocens , acceptisque Pontificis litteris in suam rediit Sedem , in
 eaque pristino cum honore receptus est . Videri potest Tillemontius
 tom.4. Monum. Hist. Eccles. pag.264.

Heros Arelatenfis , & Lazarus Aquensis in Gallia Episcopi in Gal-
 licanis Synodis damnati , Romam appellaverunt , & acceperunt . Eo-
 rum causam Zosimus in gradu appellationis retractavit , & re mature di-
 scussa , sententiam a Synodis latam confirmavit . Hi Roma abeuntes in
 Palæstinam secesserunt , ubi Pelagium de hæresi accusarunt , & ad Syno-
 dum Diospolitanam perduxerunt , uti superius diximus . Fusc de Hero-
 tis , & Lazari criminibus , appellatione , & condemnatione loquitur
 S. Zosimus Papa in litteris ad Africanos Episcopos .

Tuentius Clericus propter hæresim Priscillianam , aliaque crimina
 damnatus in Synodo , Romam venit , & ab Apostolica Sede gratiam
 pœnitentiæ est consecutus . Non poterat quidem Clericus pœnitens jux-
 ta Canones ad majorem , multoque minus ad Episcopalem gradum
 ascendere . Tuentium tamen adhuc consecravit Episcopum Proculus

Maf-

Massiliensis tamquam secundæ Narbonensis Metropolitæ, etsi ei Metropolitanum istiusmodi jus Romanus Pontifex Zosimus interdixisset. Ea de causa cum Proculum Zosimus de propria dignitate dejecisset; jus Metropolitanum restituit Patroclo Arelateni, qui proinde in Synodo Tuentium de Episcopali gradu deturbavit. Romam profectus ad Pontificem appellavit Tuentius: at Zosimus, causa mature discussa, prioris Judicis sententiam confirmavit, eamque per litteras ad Africæ, Galliæ, Hispaniæque Episcopos datas divulgavit. In his litteris Pontifex, postquam Tuentii, & Urli (erat hic alter Galliæ Episcopus in Synodo pariter: propter crimina condemnatus) malefacta paucis recensuit, sic concludit *Qua de re ad Sanctitatem vestram, & per totum Orbem scripta direximus, ne Tuentium, & Ursum in communione Ecclesiæ in quocumque Ecclesiastico gradu, a qua in totum anathematizati sunt, suscipiendos esse ducatis. Dicuntur enim circulatorum esse, quod nos ex sententiis agnovimus, in eorum damnatione Sacerdotali auctoritate prolatis, quas in diversis regionibus exceperunt.*

Antonium Ecclesiæ suæ Hipponensis, atque Episcopalis Monasterii Clericum Fussalensi Populo, qui a Donati Schismate ad veram Ecclesiam conversus recenter fuerat, primum Episcopum præfici, & consecrari curaverat S. Augustinus. At novus hic Episcopus *nondum aetate firmatus*, præter plurium criminum suspicionem, quam in se concitavit, Plebem suam vexare ausus est, concutere, exspoliare. Illum proinde Fussalenses ad Provinciæ Synodum detulerunt, a qua non degradatus quidem fuit propter spem, quæ aderat, emendationis, sed Ecclesiæ administratione privatus. A Synodo Antonius ad Bonifacium I. provocavit, cui cum a Numidiæ Primæ Valentino commendatus fuisset, *velut omni modo inculpatus*, ut ait S. Augustinus, a Pontifice litteras impetravit, quibus Ecclesiæ suæ administrationi restitui jubebatur, *si ordinem rerum Apostolicæ Sedi fideliter indicavit*. Verum, mortuo Bonifacio, cum nondum ejusdem sententia fuisset executioni demandata, Fussalenses graviora sibi mala formidantes, apud Cælestinum Papam Bonifacii Successorem accusarunt Antonium non modo, sed etiam horum malorum fontem Augustinum, qui talem ipsis donasset Episcopum. Quæ res ita senem Augustinum afflixit, ut Episcopatum suum paratus jam esset deponere, & in perpetua vivere pœnitentia. Interim adversus Antonium Augustinus ad Cælestinum epistolam scripsit, quæ est 262. In ea querelam Antonii diluit, quod videlicet, ser-

vata dignitate, Ecclesiæ administratio eidem fuisset adempta. Ait enim, alios plures in Africa Episcopos eidem pœnæ fuisse subjectos, qui cum ad Apostolicam Sedem provocassent, hæc Synodorum confirmaverat sententiam: *Extat exemplo, ipsa Sede Apostolica judicante, vel aliorum judicata firmante, quosdam pro culpis quibusdam nec Episcopali spoliatos honore, nec relictos omnimodis impunitos. Quæ ut a nostris temporibus remotissima non requiram, recentia memorabo.* Tria mox affert exempla, videlicet Prisci, Victoris, & Laurentii in Cæsarænsi Provincia Episcoporum. Exponit deinde Pontifici violentiam Antonii, qui restitutorii Bonifacii Papæ litteris gloriosus, comminabatur se per publicas potestates, & militares impetus Pontificiam executurum esse sententiam. Audiantur Augustini verba: „ Accipe nunc, quæ post ejus sanctæ memoria Viri „ (videlicet Bonifacii Papæ) „ litteras in Africa gestasunt, & subveni hominibus opem tuam in Christi misericordia multo avidius, quam ille, poscentibus, a cujus inquietudine desiderant liberari. Judicia quippe illis, & publicas potestates, & militares impetus tamquam executuros Apostolicæ Sedis sententiam, sive ipse, sive rumores creberrimi comminantur, ut miseri homines Christiani Catholici graviora formident a Catholico Episcopo, quam, cum essent hæretici, a Catholicorum Imperatorum legibus formidabant. Non sinas ista fieri, obsecro te per Christi Sanguinem, per Apostoli Petri memoriam, qui Christianorum Præpositos Populorum monuit, ne violenter dominantur inter Fratres. Ego Fussalenses Catholicos, Filios in Christo meos, & Antonium Episcopum, Filium in Christo meum, benignitati, & charitatati Sanctitatis tuæ, quia utrosque diligo, utrosque commendo. Neque Fussalensibus succenseo, quia justam de me querimoniam ingerunt auribus tuis, quod eis hominem, nondum mihi probatum, nondum saltem ætate firmatum, a quo sic affligerentur, infixi. Neque huic noceri volo, cui quanto magis sinceram habeo charitatem, tanto magis pravæ ejus cupiditati obisto. Utrique misericordiam mereantur: illi, ne mala patiantur, iste, ne faciat: Illi, ne oderint Catholicum, si a Catholicis Episcopis, maximeque ab ipsa Sede Apostolica contra Catholicum eis non subveniat Episcopum; iste autem, ne se tanto scelere obstringat, ut quos molitur invitos facere suos, a Christo faciat alienos. Ex his omnibus liquido constat, 1. non solos Africanos Episcopos adversus suas Synodos, sed Africanos etiam

Populos adversus suos Episcopos invocare Romanum Pontificem, ejusque Supremam Potestatem in causis judicialibus implorare consuevisse. 2. Apostolicæ Sedis judicia tanti in Africa ponderis fuisse, ut ad ipsa exequenda publicæ etiam Potestates, ac militares copię essent in promptu. 3. S. Augustinum agnovisse tamquam legitimas, ac validas Romanas Africanorum Episcoporum appellationes. At certe nihil horum tribui potest falsis Isidori Decretalibus.

Chelidonius Episcopus accusatus in Synodo, quod, etsi viduam duxisset Conjugem, & Judicis officio functus in aliquos sententiam mortis tulisset, Episcopalem tamen dignitatem contra Sacros Canones acceptasset; ab Hilario Arelatensi, qui Synodo præerat, de Episcopatu dejectus fuit. Apostolicam Sedem appellavit Chelidonius, Romanamque profectus, coram S. Leone Magno, qui totam Causam in gradu appellationis retractavit, per testes fide dignos se ab omni criminatione purgavit. Quamobrem Pontifex anno circiter 445., post maturam Causæ discussionem, cui Hilarius quoque, cum Romam venisset, interfuit, Chelidonium a Synodali Hilarii sententia absolvit, suæque restituit Sedi, certioribus de hac re factis per suas litteras Provinciæ Viennensis Episcopis. „ Absolutus est „ ita in dictis litteris Sanctus Leo „ Chelidonius Episcopus, quoniam se injuste Sacerdotio fuisset dejectum manifesta testium responsione, ipso etiam „ videlicet Hilario „ præsentem monstraverat, itaut quod Hilarius nobiscum resistens posset opponere, non haberet. . . . Mansisset namque in illum „ prolata sententia, si objectorum veritas extitisset. Redditus itaque „ est Ecclesiæ suæ, & huic, quam amittere non debuit, dignitati „ Coepiscopus noster Chelidonius, sicut gestorum series, & post de „ cursam cognitionem sententia, quæ a nobis prolata est, testatur „. Ægre tulit Hilarius hoc Pontificis Judicium, quamquam, ipso S. Leone teste, pro sua in Chelidonium sententia nihil rationabile potuisset adducere: quare in iram abreptus, ea protulit „ quæ nullus Laicorum „ dicere, nullus Sacerdotum posset audire. Doluimus, Fratres „ inquit in citatis litteris vere Magnus Leo „ & hunc ejus mentis tumorem medelis patientiæ nostræ curare tentavimus. Nolebamus enim „ ea illi exacerbare vulnera, quæ suæ animæ insolentibus subinde sermonibus infligebat, & quem susceperamus, ut Fratrem, delenire „ magis ipsum, quamvis ipse se suis responsionibus innodaret, quam „ contristare nostris interlocutionibus nitebatur „. Verum cum Hilarius

larius Metropolitica suam dignitatem ampliari nimis studeret, Romanique Pontificis potestatem deprimens, Romanas Gallcanorum Antistitum appellationes improbare, tum quoad effectum suspensivum, tum quoad Causæ retractationem alibi, quam in Provincia, faciendam; Opportunum reor in medium proferre, quid in citatis litteris ea de re S.Leo ad Provinciæ Viennensis Episcopos scripserit.

Primum itaque eleganti, sublimique compendio S.Petri Apostoli Primatum, qui in ejus quoque Successores traducitur, exponit. Mox ita subdit: „ Verum hanc Petræ istius Sacratissimam firmitatem, Deo „ ædificante constructam, nimis impia vult præsumptione violare, „ quisquis ejus potestatem tentat infringere, favendo cupiditatibus „ suis, & id, quod accepit a Veteribus, non sequendo, cum nulli „ se subditum Legi, nullis Institutionis Dominicæ credat regulis conti- „ neri, a vestro, nostroque per usurpationis ambitum more descen- „ scens, præsumendo illicita, & quæ custodire debuit, negligendo. „ Verum hæc nos, servata circa vos nostræ charitatis gratia, quam „ Sanctitati Vestræ Apostolica semper Sedes impertit, nitimur consilio „ maturiore corrigere „ (loquitur semper de Hilario, ejusque cona- „ tibus amplificandi Metropolitica suam potestatem), „ & vestrarum „ Ecclesiarum statum, communicato vobiscum labore, componere, „ non nova instituentes, sed vetera renovantes, ut in status consue- „ tudine, quæ nobis a nostris Patribus est tradita, perduremus, & „ Deo nostro per boni operis ministerium, remotis perturbationum „ scandalis, placeamus. Nobiscum itaque Vestra Fraternitas reco- „ gnoscat, Apostolicam Sedem, pro sui reverentia, a vestræ etiam „ Provinciæ Sacerdotibus innumeris relationibus esse consultam, & per „ diversarum, quemadmodum vetus consuetudo poscebat, appella- „ tionem Causarum aut retractata, aut confirmata fuisse judicia, adeo- „ ut servata unitate spiritus in vinculo pacis, commeantibus hinc inde „ litteris, quod sancte agebatur, perpetuæ proficeret charitati. Quo- „ niam sollicitudo nostra, non sua quærens, sed quæ sunt Christi, di- „ gnitatem divinitus datam nec Ecclesiis, nec Ecclesiarum Sacerdo- „ tibus abrogabat. Sed hunc tramitem semper inter Majores nostros, „ & bene tentum, & salubriter custoditum, Hilarius Ecclesiarum sta- „ tum, & concordiam Sacerdotum novis præsumptionibus turbatu- „ rus excessit, ita suæ vos cupiens subdere potestati, ut se Beato Apo- „ stolo Petro non patiatu esse subiectum, Ordinationes sibi omnium

„ per

„ per Galliam Ecclesiarum vindicans , & debitam Metropolitanis Sacerdotibus in suam transferens dignitatem , ipsius quoque Beatissimi Petri reverentiam verbis arrogantioribus minuendo , cui licet præ cæteris solvendi , & ligandi tradita sit potestas , pascendarum tamen ovium cura specialius mandata est : cui quisquis Principatum æstimat denegandum , illius quidem nullo modo potest minuere dignitatem , sed inflatus spiritu superbix suæ semetipsum in inferna demergit „ . Numquid hæc S. Leo a Decretalibus Isidori didicit , aut hausit ?

Non Chelidonii modo , sed aliorum etiam causas in eadem Romana Synodo anni 445 . S. Leo adversus Hilarium in gradu appellationis retractavit , eorumque non leves audivit querelas . Projectus enim , non Arelatenfis , sed alienæ Provinciæ Episcopus , cui ægrotanti alterum Episcopum contra Sacros Canones Hilarius superordinaverat , per appellationis litteras de accepta ab eo injuria apud S. Leonem conquestus fuit . Accusatus præterea fuit Hilarius , quod , cum paulo ante in Arelatenfi Urbe posita fuisset Gallicani Prætorii , ac Præfecti Sedes , inde Episcopali etiam suæ Sedi autocephalam accessisse contenderet . Quamobrem prærogativæ hujus , quam sibi fingebat , accessione tumidus , dictitabat non minus suas Episcopales , quam Præfecti ipsius sententias esse inappellabiles , adeoque de S. Leone querebatur , quod Episcopos a sua Synodo degradatos , ac Romani appellantes accedere ad Urbem permitteret , suspensivum appellationi effectum tribueret , Romanum appellantis accessum probaret , & causam non ad priores Iudices remitteret , sed in Apostolico suo Tribunali retractaret . Querebatur præterea , quod Leo Gallix Narbonensis Provinciam in plures divideret , atque ita non modicam Ecclesiæ Arelatenfi irrogaret injuriam . Quare Hilarius , ut sibi autocephalam vindicaret , cedere volebat Civitatibus , quas non sola Apostolica Sedes , sed & Imperator in singulares crexerat Provincias , ac proinde omnium ejusmodi Civitatum Episcopos , aliis Metropolitanis reclamantibus , ordinabat . Tandem non immerito culpæ tribuebatur Hilario , quod noluerit S. Leonis pro Chelidonio iudicium probare , & admittere ; quod Chelidonio ut Episcopo communicare contumaciter renuerit ; quod denique insulutato Pontifice ex Urbe abierit .

His omnibus mature perpensis , S. Leo Projectum iussit in suo Episcopali gradu , suæque in Ecclesia permanere ; superordinatum vero Episcopum prorsus removeri . In Hilarium sententiam tulit , sed multo mi-

mitiorem, quam ejus excessus mererentur. Ipsam enim Arelatensem Provinciam divisit, portionemque non modicam in Metropolim transtulit Viennensem. „ Quali pertinacia Hilarius „ inquit S. Leo in epist. citata ad Provinciæ Viennensis Episcopos „ judicium nostrum effugerit, Sancta Vestra Fraternitas non ignorat. Unde & justum esse „ videmus, ut quia Principis Apostolorum magnam in judiciis moderationem, quam in Potestate per Vicarios suos semper exhibet, „ Arelatensis Episcopus non expectavit, a privilegio suæ Civitatis submotus humili loco discat, quæ in magno, gratis munere nostrorum „ Prædecessorum concessio, tenere noluit; sitque reintegratum Viennensi Archiepiscopo privilegium, & jus antiquum, quod Apostolica benignitas ad Arelatensem ex parte transtulit Civitatem, ut tali „ severitate Hilarius coercitus discat non temere transgredi terminos „ antiquos Canonica prolatione fundatos. „ Ut autem illæsum servaret jus Romanarum Appellationum, & nemo deinceps auderet aliquid contra moliri, præter ea, quæ in sua epistola statuit, & quæ superius recitavimus, Imperatorem Valentinianum III. eorum omnium, quæ sibi cum Hilario contigerant, certiore fecit, rogavitque, ut Pontificiæ auctoritati Cæsaream suam adjungens, lata lege caveret, ne quis in posterum sese per fugam a Pontificio Judicio subtraheret, aut eidem audacter refragaretur. Rescriptum, seu Novellam dedere eodem ann. 445. Imperatores Theodosius II., ac Valentinianus III. ad Aetium Patricium, utriusque Militiæ Magistrum, & Arelate Præfectum, quæ extat in Codice Theodosiano tit. 24. de Ord. Episcop. In ea hæc habentur præ reliquis. „ His talibus & contra Imperii Majestatem, & contra reverentiam Apostolicæ Sedis admissis, per ordinem Religiosi viri „ Urbis Papæ cognitione discussis, certa in Hilarium ex his, quos male ordinaverat, lata sententia est. Et erat quidem ipsa sententia per „ Gallias etiam sine Imperiali sanctione valitura: Quid enim tanti Pontificis auctoritati in Ecclesias non liceat? . . . Verum ne levis saltem „ inter Ecclesias turba nascatur, vel in aliquo minui Religionis disciplina videatur; hac perenni sanctione decernimus, ne quid tam Episcopis Gallicanis, quam aliarum Provinciarum, contra consuetudinem veterem liceat sine Viri Venerabilis Papæ Urbis æternæ auctoritate tentare, sed illis, omnibusque pro lege sit, quidquid sanxit, „ vel sanxerit Apostolicæ Sedis auctoritas, ita ut quisquis Episcoporum „ ad judicium Romani Antistitis conventus venire neglexerit per Mo-

„ dera-

„ deratorem ejusdem Provinciæ adesse cogatur , per omnia servatis ,
 „ quæ Divi Parentes nostri Romanæ Ecclesiæ detulerunt .

Cum Lupicinus in Cæsarænsi Mauritania Episcopus a Mauritaniæ Synodo dejectus de Episcopali gradu fuisset , ad S. Leone in Magnum appellavit . Admisit hic appellationem , eique effectum suspensivum adscripsit , & quamdiu lis coram Apostolica Sede penderet , sacris interdicti Lupicinum vetuit , aut ex Episcopali Sede moveri , aut alium ei Episcopum superordinari . Verum cum propter bella neque Lupicino Romanam contineere , neque Apostolicis Legatis in Africam transire facile liceret , ejus Causam pleno Provinciæ Cæsarænsis Concilio retractandam Pontifex cominuit ad normam quinti Canonis Sardicensis , quem cap. 20. , & 21. exposuimus . Audiatur S. Leo in epist. , quam scripsit ad Episcopos Mauritaniæ Cæsarænsis : *Causam quoque Lupicini Episcopi illic jubemus audiri , cui multum , & sæpius postulanti communionem hac ratione reddidimus , quoniam ad nostrum Judicium provocasset , immerito cum , pendente negotio , a communione videbamus esse suspensum . Adjunctum etiam illud est , quod huic temere superordinatus esse cognoscitur , qui non debuit ordinari , antequam Lupicinus in presenti positus , aut consultatus , aut certe confessus juxta posset subjacere sententiæ , ut vacantem locum , quemadmodum disciplina Ecclesiastica exigit , is , qui consecratur , exciperet .*

Contumeliosus Rejenfis in secunda Narbonensi Episcopus , adulterii , aliorumque criminum ex propria confessione convictus , in Provinciæ suæ Synodo degradationis , perpetuæque in Monasterium detractionis pœna damnatus fuit . Non appellavit ille quidem ad Apostolicam Sedem : Sed cum aliquos in Synodo fautores habuisset , qui mitigandam esse pœnam discutiebant , S. Cæsarius Arelatensis , Romani Pontificis per Galliam Vicarius , juxta tertium Sardicensem Canonem omnia retulit Joanni II. Hic Synodale judicium , & Contumeliosi degradationem litteris eodem anno 534. ad Galliarum Episcopos datis probavit , & illum in Monasterio perpetuum claudi , eique Successorem dari jussit . Verum , mortuo Joanne II. , cum nescio quam ob causam Successorem Contumeliosus non accepisset , clausuræ pertæsus , & se innoxium prædicans , novumque Causæ suæ postulans examen , ad Agapetum Papam Joannis Successorem provocavit . Hac appellatione , Romanique Pontificis reverentia commotus Cæsarius , Contumeliosum è Monasterio egredi , & ad Episcopalem honorem , ac munus redire permisit , non ignorans

T

appel-

appellationis virtute suspendi sententiæ prioris executionem. Contumeliosus autem gerere se statim ut Episcopum cepit, spiritualia, ac temporalia administrare, celebrare Missas, aliaque Episcopalia munera exercere. Interea Cæsarius Romam misit Emeritum Ecclesiæ suæ Defensorem, qui Agapeto hæc omnia nunciaret. Acta displicuerunt Pontifici, & Emeritum, ad cujus officium fere omnia spectabant, reprehendit: Et merito. Nam cum Synodale prius iudicium Joannes II. confirmasset, novæque Episcopalis creationis dedisset mandatum, in rem iudicatam sententia transierat, neque locus supererat appellationi, sed gratiosæ dumtaxat revisioni, quam petere supplex debebat Contumeliosus, & interea in humili degradati conditione permanere. Noluit tamen adhuc Pontifex mitius agens, omni prorsus carere fructu hanc qualemcumque provocationem. Quare Contumeliosum tractari voluit non ut degradatum, sed ut suspensum: iussit Ecclesiam sub Visitatore, sub quo erat, permanere: Contumelioso celebrationem Missarum indulsit, redditisque eidem patrimonialibus bonis, Ecclesiasticæ dumtaxat substantiæ administrationem interdixit. Pendente autem appellatione, nihil innovari, aut attentari præcepit. Aliquos demum ex Episcopis, qui priori Synodali iudicio interfuerant, Romam evocavit totam rei seriem exposituros, ut ad iustitiæ tranmites retractare causam posset, ultimamque proferre sententiam. Hæc omnia ex Apostolicis litteris patent, quas ad Cæsarium Arelatensem Agapetus rescripsit.

Multis sese flagitiis inquinaverant, ab Episcopali sanctitate desciscientes, Salonius Ebredunensis, & Sagittarius Vappincensis Fratres, quos a se educatos S. Nicetius Lugdunensis Episcopus ad Cathedras provexerat Episcopales. His de causis Gunthramnus Rex Synodum indici Lugduni jubet, in qua, fratrum causa discussa, damnati, depositique fuerunt ambo. At hi apud Regem de sententiæ injustitiâ conquerentes, Romanumque appellantes Pontificem, ab eo petierunt, ut Romam sibi pergere liceret. Data per Regem venia, Romam accesserunt, & a Joanne III. libenter excepti, auditique, Pontificias ad Regem litteras obtinuerunt, quibus restitui suis sedibus jubebantur. *Rex sine mora, castigatis prius illis verbis multis, implevit*, uti ait, qui rem totam narrat, S. Gregorius Turonensis lib. 5. Histor. Francor. cap. 21. Verum cum mox iidem Episcopi deteriores effecti, pristinis criminibus prodicionem patriæ, læsæque Majestatis scelus addidissent, coacta jussu ejusdem Regis

gis anno 579. Cabilonenſi Synodo, per ſententiam degradati; atque in perpetuum detrufi ſunt carcerem, aliis in eorum Sedes Epiſcopis ſurrogatis, ut idem teſtatur S. Gregorius lib. cit. cap. 28.

S. Leander Hiſpalenſis Epiſcopus, & Bœtica Provincia Metro-
polita, propter certa quædam crimina Januarium Malacitanum Epiſco-
pum, & quemdam ejus Presbyterum in ſuo Synodo degradavit. Ste-
phanus etiam quidam, in Gallia Narbonenſi Epiſcopus, uti putat Chri-
ſtianus Lupus, de læſa Majeſtate accusatus, & a Recharedo Rege Toletum
evocatus, Toletanæ Synodi judicium ſubire coactus fuit; & cum per
Synodalem ſententiam degradatus fuiſſet, alius ei ſtatim ſuperordinatus
fuit Epiſcopus. Hi tres ad Apoſtolicam Sedem provocarunt, quam tunc
tenebat S. Gregorius Magnus. Admiſit hic appellationem, & in Hiſpa-
niam legavit Joannem S. R. E. Presbyterum, & Deſenſorem, cui hæc
in mandatis dedit, uti patet ex epiſtolis ejusdem S. Gregorii Magni,
quæ olim erant 40., & 52. lib. 11., nunc ſunt 33., & 45. lib. 13.:
„ In primis requirendum eſt de perſona Presbyteri; & ſi ita ſe veritas
„ habet, ſicut Epiſcopi Januarii petitio continet, in Eccleſia, atque in
„ loco ſuo idem Presbyter modis omnibus revocetur. Si autem dictum
„ fuerit, quia contra ipſum cauſa aliqua mota, ſive probata eſt, ſub-
„ tiliter ipſo præſente, & pro ſe rationem reddente, quærendum eſt
„ & genus cauſæ, & modus probationis, ut ex hoc colligere valeas,
„ utrum adhuc in exilio demorari, an certe in Eccleſiam ſuam, & of-
„ ficium ſuum debeat revocari. De Epiſcopi Perſona hoc ſtatuendum
„ eſt, ut ſi nulla contra eum criminalis cauſa, quæ exilio, vel depofi-
„ tione digna eſt, mota, ſive probata eſt; is, qui eo ſuperſtite Epi-
„ ſcopus perverſe, & contra Canones in Eccleſia ejus ordinari præſum-
„ pſit, Sacerdotio privatus, ab omni Eccleſiaſtico miniſterio repella-
„ tur; qui etiam eidem dilectiſſimo Januario, Fratri, & Co-Epiſcopo
„ noſtro, tradendus eſt, ut ab ipſo aut in cuſtodia habeatur, aut certe
„ ab eo ad nos per omnia tranſmittatur. Epiſcopi vero, qui eum ordi-
„ naverunt, vel ejus ordinationi conſentientes interfuerunt, ſex men-
„ ſibus Dominici Corporis, & Sanguinis communionem privati, agere
„ pœnitentiam decernantur in Monafterio; & ſupraſcriptus Januarius
„ loco, & ordini ſuo modis omnibus reformetur &c., Similia de Ste-
phano Epiſcopo, ejusque cauſa ſancit.

Multa appellationum Romanarum exempla tum Epiſcoporum,
tum Clericorum ex Africa ad Apoſtolicam Sedem ſub S. Gregorio

Magno refert Christianus Lupus videndus in dissertatione de Africanæ Ecclesiæ Romanis appellationibus cap. 34. Multa quoque ejusmodi appellationum exempla ex Illyrico sub eodem Gregorio Magno idem Auctor profert in dissertatione de Gallicanæ Ecclesiæ Romanis Appellationibus cap. 35.; quæ quidem omnia, ne longior sim, prætermitto. Unum duntaxat hîc postremo loco proferam ejusmodi Romanarum ex Anglia Appellationum exemplum, quod refertur a Ven. Beda lib. 5. Hist. Anglor. cap. 20., & seqq.

Cum S. Vvifridus Eboracensis Episcopus ab Egfrido Northumbriæ Rege anno 678. pulsus a suo Episcopatu fuisset, ad S. Agathonem Papam appellavit, ac Romam accessit. Pontifex, coacta Synodo anno 679., eundem Ecclesiæ suæ restitui jussit, eumque in finem in Angliam legavit Abbatem S. Martini. At legatio hæc nihil profuit, & quamdiu Egfridus vixit, Agathonis sententia, quamquam illam Benedictus II. confirmasset, suo caruit effectu. Perempto tamen a Pictis Egfrido, Aldfridus ejus successor anno 687. sanctum Episcopum Ecclesiæ suæ restitui permisit. Verum quinquennio post, pulsus iterum ab Episcopatu suo, Apostolicam Sedem iterum provocavit, illumque Summus Pontifex Sergius I. in pristinum restitui gradum jussit. Ut hoc eluderent decretum, Aldfridus Rex, & Britwaldus Cantuariensis Antistes, indicta Synodo, propositisque pluribus adversus illum accusationibus, suadere eidem blanditiis, ac minis conati sunt, ut se ab Episcopatu abdicaret, suæque abdicationi, quam scripto jam exaraverant, manu sua subscriberet. Renuit Vvifridus constantissime, interjectaque ad Romanum Pontificem appellatione, Romam venit anno 703. ad Joannem VI. Hic anno 704., postquam in Romana Synodo Vvifridus omnes omnino sibi irrogatas diluisset criminationes, latam a Decessoribus suis confirmavit sententiam, datisque ad Ethelredum Merciæ Regem, & ad Aldfridum litteris, Virum Sanctissimum suæ restituit Sedi: Romam vero accedere jussit suam dicturos causam Bozam, qui in Eboracensem Episcopatum, pulso Vvifrido, fuerat intrusus, & Joannem Episcopum Hagustaldensem, qui Monasterii administrationem a Vvifrido abduxerat, sibi inique usurpaverat.

CAPUT VI.

Solvuntur Argumenta Febronii.

Argumenta, quibus innixus Febronius Romano Pontifici jus negat recipiendi ex omnibus Mundi partibus appellationes, pleraque, atque ea potissimum, quæ certe validiora forent, si veritate niterentur, in toto dissertationis decursu refellere conati sumus. Pauca, quæ supersunt, nunc breviter refellamus. Juvat tamen prius per brevem anacephalæosin singula recensere, ut totam eorum seriem, ac solutiones iisdem adhibitas sub unico, simplici que, ut ita dicam, oculi ictu intueamur.

Sic itaque in suo libro ratiocinatur Febronius. Non aliunde competere potest Romano Pontifici hoc jus recipiendi ex omnibus Mundi partibus appellationes, nisi vel ex natura, & Jure Primatus, quem eidem in Ecclesia Christus contulit, vel ex concessione Ecclesiæ, quæ eidem tale jus dederit. Neutrum autem dici potest. Non primum, quia *Principatus Summi Pontificis per universam Ecclesiam, non tam est Jurisdictionis, quam Ordinis, & Consociationis, eumque præter propter Romanus Pontifex in universali Ecclesia habet Principatum, qualem Cyprianus gerebat in Africana, qui æqualitatem, & libertatem Episcoporum Africa non infirmabat.* Paucis: meri ordinis, ac directionis primatu in tota Ecclesia Pontifex gaudet: hic autem Primatus non connectitur cum Jure recipiendi ex omnibus Mundi partibus appellationes: ejusmodi enim Jus supponit in eo, cui competit, Supremam in tota Ecclesia jurisdictionem: ergo Romano Pontifici ex natura, & jure Primatus non competit tale Jus. Non secundum, quia ante Sardicense Concilium nullæ ad Romanum Pontificem delatæ fuerunt appellationes, nullæque ab eo in gradu Appellationis sive per se, sive per alios causæ fuerunt retractatæ. Sardicensis autem Synodus novum quidem, insuetumque Romano Episcopo tribuit privilegium: at illud non fuit verarum appellationum jus, sed quædam tantum decernendæ revisionis auctoritas: ergo neque ex concessione Ecclesiæ Summus Pontifex habet Jus recipiendi ex omnibus Mundi partibus appellationes. Usus ergo, seu potius abusus tot appellationum, quæ factæ fuerunt, & fiunt ex variis Mundi partibus ad Christi Vicarium, ab eoque receptæ fuerunt, & adhuc recipiuntur, non aliunde originem traxit, quam a falsis Isidori Decretalibus, quæ proinde primaria sunt causa lapsus disciplina, & alterata forma Ecclesiastica.

ca, & per quas Isidorus Mercator plus mali intulit Ecclesiæ, quam Hæresis simul omnes intulerint. Hæc est Febronii in suo libro adversus Romanas appellationes ratiocinatio, hæc tota argumentorum vis.

Ut hanc Adversarii ratiocinationem refelleremus, ostendimus in prima parte hujus dissertationis, constantissimam, unanimemque fuisse, & esse Catholicorum doctrinam ex Sacris Litteris, Œcumenicis Conciliis, Sanctis Patribus, ac Theologicis rationibus erutam, quod Romanus Pontifex immediate a Christo acceperit Primatum Ordinis, honoris, ac jurisdictionis, adeoque ipse sit ab eodem Christo Supremus in universa Ecclesia Pastor, Legislator, ac Judex constitutus. Inde cum Benedicto XIV. deduximus, originarie ex natura, & Jure Primatus Romano Pontifici competere Jus recipiendi ex omnibus Mundi partibus appellationes, & cum Natali Alexandro, qui certe numquam fuit Pontificiæ auctoritatis assentator, affirmavimus, ejusmodi jus esse appendicem veluti quamdam primatus Jurisdictionis, ac potestatis, quo Sanctum Petrum, ejusque Successores Romanos Pontifices Christus in terris insignivit. In secunda dissertationis parte plura in medium protulimus (aliis pluribus brevitate gratia præterminissis) tum ex Oriente, tum ex Occidente Romanarum Appellationum exempla, quibus contra Febronium evincitur, etiam ante Sardicense Concilium e variis Mundi partibus delatas ad Romanum Episcopum appellationes fuisse, pluresque ab eo in gradu appellationis sive per se, sive per alios causas fuisse retractatas. Numquam tamen Isidori Decretalibus usi sumus, sed eas dumtaxat, sapientissimorum Virorum exempla secuti, ab acribus, quas in eas Febronius congeffit, contumeliis vindicare curavimus. In tertia tandem dissertationis parte ex ipsis Canonum Sardicensium verbis, ac sine per eos intento, nec non ex perpetua tum Orientalis, tum Occidentalis Ecclesiæ observantia, & consuetudine, quæ in Romanarum appellationum causis Sardicensem Synodum usque ad octavi sæculi finem est subsecuta, probavimus, laudatos Canones non de mera revisione, sed de vera appellatione esse intelligendos, adeoque voluisse Sardicenses Patres verarum appellationum jus Romano Pontifici ratione primatus competens explicare, suisque legibus adversus Eusebianos hæreticos communire. Si qua difficultas in decursu incidit, quam obviare nobis Febronius posset, eam diluere non prætermisimus. Pauca nunc diluenda supersunt, quæ idem Auctor in suo Opere cap. 5. §. 5., & 6. contra Romanas Appellationes opponit.

Sane Justinianus, inquit Febronius §. 5., *quando Novella 123. cap. 22. omnes Judiciorum Ecclesiasticorum instantias, scilicet Episcopi cum sua Synodo, Metropolitani, & congregati cum eo Provincialis Concilii, deum Patriarchæ, seu Primatis recenset, & de hoc in fine addit: nulla parte ejus sententiæ contradicere valente; ne verbum de Romani Pontificis judicio memorans, hoc manifeste a serie ordinariorum instantiarum, & appellationis excludit. Idem colligitur ex Concilio Francofordiensi anni 764. can. 6.* Hactenus Febronius.

Facilis tamen est responsio. Nam quid opus erat Romani Pontificis memorare judicium, cum jam ante centum annos Theodosius II., & Valentinianus III. ea de re Imperialem pro toto Imperio sanctionem, seu novellam edidissent, quæ inserta est Codici Theodosiano, & quam capite præcedenti citavimus? Deinde frustra ex Justiniani Constitutionibus colligere tentat Febronius, quænam fuerit Ecclesiæ disciplina. Nulla enim fuit in Ecclesia earum auctoritas, nisi quatenus cum Sacris Canonibus consentirent, quemadmodum de libello Fidei ejusdem Imperatoris dixit Agapetus Papa ad eundem Justinianum scribens epist. 1. *Laudamus, amplectimur, non quia Laicis auctoritatem prædicationis admittimus, sed quia studium Fidei vestra Patrum nostrorum regulis conveniens confirmamus, atque roboramus.* Præterea dici potest cum Natali Alexandro, in citata Justiniani Novella prohiberi ab Imperatore appellationem a Patriarcharum judicio in Causis dumtaxat profanis, in quibus tunc ad Imperatorem, tamquam ad Supremum Judicem, appellationes jure suo devolvebantur. Nam quoad Causas dumtaxat Ecclesiasticas, quæ secundum Canones judicandæ sunt, in Novella 137. cap. 4., & 5., ubi de illis agit, a Patriarcharum sententiis appellare non vetat. Cæterum Justinianus Imperator manifeste in Romano Pontifice de Causis Orientalium Episcoporum, & Patriarcharum dijudicandi auctoritatem agnovit. Cum enim Anthimus Imperatricis patrocinio fretus, contra Sacros Canones Constantinopolitanam Sedem invasisset; Monachi Agapetum Papam, quem prius Romæ imploraverant, iterum Constantinopoli, cum illuc a Theodato Gothorum Rege missus advenisset, supplices rogarunt, ut Canonicam tueretur disciplinam, ultionemque de violatis Canonibus sumeret, eo ferme pacto, quo adversus Nestorium se gesserat Sanctissimus Pontifex Cælestinus. Precibus aanuit Agapetus, eique Pontificiam ea in re potestatem exercenti non modo non obstitit Justinianus, verum etiam pollicitus libenter est, se jussurum, ut.

ut ea omnia fideliter executioni demandarentur, quæ Pontifex statuisset : Anthimus vero contestatus palam est, se Romani Pontificis judicio, ac decretis esse pariturum; quæ quidem omnia constant ex Actione 1. , & 4. Concilii Constantinopolitani sub Menna Patriarcha celebrati.

Eodem cap. 5. §. 5. num. 2. sic ait Febronius : „ Veræ appellationis „ ordinarius effectus est, ut vim sententiæ suspendat: nostra e contra „ species provocationis ad Romanum Pontificem (explicat Febronius „ Sardicenses Canones) „ non omnino suspendit prius judicium: manet enim depositus Episcopus, etiamsi Papa revisionem decernendam „ putaverit „; Et num. 3. addit. „ Itaque valde improprie appellandi „ voce in hac materia utitur Canon V. Sardicensis latini idiomatis... „ Quamobrem cum Hosius ait can. 7. Si appellaverit, non addit, „ ad Romanum Episcopum, sed potius subauditum vult, aliud judicium; subjicit vero statim, & confugerit ad Romanum Episcopum, „ ut nimirum aliud judicium impetret secundum Synodi decretum. Attamen inde evenit, ut sequens ætas existimaverit, in his Canonibus „ agi de vera appellatione juxta propriam, & legitimam hujus vocis significationem, quod recte observavit de Marca de Concordia Sacerdotii, & Imperii lib. 3. cap. 3. num. 6. addens, Sardicensibus his Canonibus deberi primam originem juris Sedis Romanæ quoad judicia „ Canonica Episcoporum; „ Et num. 4. subdit: „, Insinuavimus, huic recursum ad Romanum Pontificem non adhærere effectum suspensivum „ sententiæ a Concilio Provinciali adversus Episcopum appellantem latæ. „ Palmare hujus rei exemplum habemus in causa Hincmari Episcopi Laudunensis circa annum 865., in qua Episcopi Provinciæ Remensis Adriano II. Papæ, ad quem Hincmarus appellaverat, scribunt: Si forte, quod non putamus, visum vobis necessario fuerit, „ ut secundum Sardicenses Canones renoveris Judicium, & detis Judices scribendo Episcopis, qui in finitimis, & vicinis Provinciis sunt, „ ut & ipsi diligenter omnia requirant, & juxta fidem veritatis definiant, „ vel si decreveritis mittere e latere vestro habentes auctoritatem vestram, qui cum Episcopis judicent, eo in gradu adhuc non restituto, „ sicuti Sacri Sardicenses Canones præcipiunt, non abnuimus „. Hactenus Febronius.

Ad ea, quæ Febronius objicit, dico, per illam ad Romanum Pontificem provocationem, de qua Sardicenses Canones loquuntur, prius

prius iudicium omnino suspendi, tum quia iidem Canones non dicunt, Episcopum *manere* depositum, sed dicunt *videri* depositum; videri autem non idem est, ac manere, seu esse; tum quia durante appellatione non potest omnino alter Episcopus in eadem Cathedra ordinari. *Alter Episcopus*, sunt verba Canonis quarti Sardicensis, *in eadem Cathedra post appellationem ejus, qui videtur esse depositus, omnino non ordinetur, nisi causa fuerit in iudicio Romani Pontificis terminata*; Et Canone quinto eandem habent Sardicenses Patres locutionem: *Si appellaverit, qui dejectus videtur*. Et optima est, ac verissima ejusmodi locutio. Ille enim Episcopus, qui a Provinciæ suæ Episcopis depositus fuit, & de gradu suo dejectus, propter hanc condemnatoriam sententiam depositus videtur, ac dejectus; at propter ejusmodi sententiæ suspensionem, quam appellatio producit, non manet, neque est vere depositus, ac dejectus. Hanc esse veram Sardicensium Canonum intelligentiam probat perpetua, ac constans observantia, & consuetudo earum appellationum, quas post Sardicensem Synodum ex utraque tum Orientis, tum Occidentis Ecclesia Romani Pontifices admiserunt. Ex enim adnexam semper habuere prioris iudicii suspensionem, uti ab exemplis patet, quæ superius adduximus. Quare non *valde improprie*, uti contendit Febronius, sed *bene*, & *proprie* appellandi voce utitur Canon V. Sardicensis. Quod autem, cum Hosius ait: *Si appellaverit, subintelligendum sit aliud iudicium*, non vero *ad Romanum Episcopum*, est ita falsum, & absonum, ut interpretationis absurditas facillime oculis, mentique Lectoris obversetur: En Canonis verba: *Si appellaverit, qui dejectus videtur, & confugerit ad Beatissimum Romanæ Ecclesiæ Episcopum*. Quid clarius, si præsertim ratio habeatur particulæ copulativæ &, necnon advertatur, in toto illo Canone numquam nominari iudicium? Sequens ætas Sardicenses Canones de vera appellatione intellexit, non verborum æquivocatione decepta, uti Febronius affirmat, sed edocta tum a tercentum Episcopis, qui Concilio Sardicensi interfuerunt, & subscripserunt, tum a praxi, qua prædicti Canones observabantur, tum denique ab obvio, & naturali verborum sensu, quæ sane non sunt ambigua, & obscura, si quis præsertim attendat circumstantias, in quibus eos Canones fuisse conditos non ignoramus. Ex appellationibus ante Sardicensem Synodum ad Romanum Pontificem delatis, quarum exempla in secunda dissertationis parte attulimus, detegitur error Petri de

Marca, qui Sardicenfibus Canonibus primam deberi originem contendit juris Sedis Romanæ quoad Canonica Episcoporum judicia.

Exemplum, quod affert Febronius ex epistola Episcoporum Provinciæ Remensis ad Romanum Pontificem in Causa Hincinari Episcopi Laudunensis, nihil probat. Si quid enim probat, illud dumtaxat evincit, prædictos Episcopos ita intellexisse Sardicenses Canones, qui jam a quinque sæculis editi fuerant. At quid inde? Per quinque sæcula aliter eos Canones intellexerunt fere omnes Orientalis, & Occidentalis Ecclesiæ Antistites, uti superius ostendimus ex perpetua utriusque Ecclesiæ observantia, & praxi. Num per quinque sæcula dictorum Canonum vera intelligentia Episcopos aliarum Regionum latuit, & solum post tam diuturnum annorum lapsum viginti Episcopis Romano Pontifici subiratis innotuit? Quis non recentiorum judicium quoad legum intelligentiam Veterum illorum sensui post habebit, qui tempore conditarum legum viventes earundem observantiam ab ipsis legislatoribus didicerunt? Verum cum nimis huic exemplo inniti videatur Febronius, eodemque §. 5. num. 2. citet epistolam Hincinari Remensis ad Romanum Pontificem nomine Caroli Calvi conscriptam, altius repetenda res est.

Anno 862. in Synodo Sueffionensi, cui præfuit Hincmarus Remensis Episcopus, depositus ab Episcopatu fuit Rhotaldus Sueffionensis Antistes, qui ad Nicolaum I. Romanum Pontificem provocavit. Appellationem admisit Nicolaus, coactaque Romana Synodo anno 864., causam Rhotaldi retractavit, eumque Ecclesiæ suæ restituit. Anno tandem 865. Arsenius in Galliam missus cum Pontificii Legati potestate, Rhotaldum in pristina sui Episcopatus possessione reposuit. Interea Hincmarus, qui Sueffionensi Concilio præfuerat, sic ad Nicolaum I. super Rhotaldi causa scripsit, uti videre est apud Thomassinum de Vet., & Nov. Eccles. discipl. tom. 1. lib. 1. cap. 5. *Nullam habere possumus reverentiam de restitutione illius (videlicet Rhotaldi) si foret facta a vestri Summi Pontificatus pietate, quia omnes Senes cum junioribus scimus, nostras Ecclesias subditas esse Romanæ Ecclesiæ, & nos Episcopos in Primatu B. Petri subiectos esse Romano Pontifici, & ob id, salva fide, quæ in Ecclesia semper viguit, & Domino cooperante florebit, nobis est vestræ Apostolicæ auctoritati obediendum.* Multa mox addit de Romani Pontificis Primatu digna Catholico Episcopo, & ad Rhotaldi restitutionem iterum convertens sermonem, subdit: *Si vestræ pietati placuerit illum restituere; ut primæ Sedis,*

ac Matris, & Magistra omnium Ecclesiarum Pontificis, cunctorumque Episcoporum Patris, ac Magistri regulare Judicium ferre convenit, æquo animæ feram. Et paulo post inquit: Si Judicium nostrum pro quacumque causa forte rationabiliore, & adhuc nobis incognita, vestre summæ auctoritati, quam multa nobis occulta non transcunt, placuerit refragari; quia meum est mea vobis obediendo committere, & non vestra judicia discutere, sustinebo, & non recalcitrabo. Tandem post alia plura concludit: Vos videbitis, quid inde factò melius erit; & nobis in judicio vestro videndum est, quid Deus vult, quoniam injusta esse non poterunt divina judicia, quæ a soliditate confessionis Apostolicæ Petræ, adversus quam Inferi portæ, idest suggestiones, vel operationes pravae non prævalebunt, distantia justitia proferentur. Ita loquebatur acerrimus Gallicanæ libertatis, & Episcopalis dignitatis vindex, qualem Hincmarum deprædicat Thomassinus.

Anno 869. jussu Caroli Calvi Synodus Verberienfis coacta fuit die 24. Aprilis adversus Hincmarum Laudunensem, quem Laudunensis Clerus, & Populus multis nominibus accusabat. Stetit in Synodo Hincmarus: at cum jam se opprimi videret, ad Apostolicam Sedem appellavit, veniamque sibi fieri petiit, ut Romam proficisceretur. Veniam negarunt Patres: at in causa ulterius non processerunt. Romanam tunc Ecclesiam, mortuo Nicolao, Adrianus II. moderabatur. Anno 870. Atiniaci alia Synodus habita est, jubente Carolo Calvo, ut in ea triginta, qui aderant, Episcopi causam Carolomanni discuterent, ac judicarent. In hac Synodo Hincmarus Laudunensis libello cuidam subscripsit, quo se in posterum Regi Carolo Calvo, & Hincmaro Remensi Patruo suo, ac Metropolitano obediturum pollicebatur. De ejusmodi enim obedientia, quam ille præstare nollet, aliqua fuerat contentio, seu suspicio. Anno insequente 871., jubente eodem Carolo Rege, contra Laudunensem Hincmarum Synodus Duziacensis celebrata fuit, cui Rex, & viginti Episcopi interfuerunt, præfuit vero Hincmarus Remensis. In ea Laudunensem Antistitem Rex inobedientiæ, ac rebellionis accusavit. Hincmarus vero Remensis gravibus aliis criminationibus impetiit. At ille nihil aliud unquam reposuit, nisi se Romanam Sedem provocasse. Tunc eum Synodi Patres tamquam contumacem deposuerunt, & Synodicam una cum Hincmaro Remensi ad Adrianum II. scripserunt, in qua ea habentur, quæ Febronius superius retulit. Hincmarus præterea ad Laudunensem Antistitem Nepotem suum, quocum non inodica ei erat simultas, eadem fere scripsit dicens: *Diversi Canones Episcopum &*

congregatis Regionis Episcopis de gradu suo dejectum, a finitimis Episcopis cum ejusdem Provincia Episcopis, Apostolica Sedis auctoritate, vel cum a latere suo directo, in Provincia, in qua ventilata, & judicata est, jubent audiri. Synodicam epistolam Romam tulit S. Arctardus Episcopus Nannetensis. Verum Adrianus Pontifex, cui notissimæ erant Hincmari artes, non eo modo, quo Hincmarus, Sardicenses Canones intelligens, voluit Laudunensem Antistitem, ejusque adversarios ad se transmitti, totamque Causam coram se retractari. Hac Pontificis responsione commoti Duziacensis Synodi Patres, aliam ad Adrianum epistolam conscribere, eadem postulantes, quæ in Synodica petierant, & ad suæ petitionis æquitatem ostendendam recitarunt Sardicenses Canones, decreta Pontificum Innocentii, Bonifacii, ac Leonis, aliaque plura, quibus pertinaciter censebant opinionem suam demonstrari. Ut tamen bonis verbis Pontificem circumscriberent, addiderunt: *Apud Dominum Regem obtinuimus, ut quicumque vellent de Clero, & familia Laudunensis Ecclesie Romam cum Hincmaro Episcopo ire, haberent licentiam. Pergat igitur secundum mandatum vestrum, non abnuimus, non contendimus, non resultamus, & sententia Sedis Apostolicæ secundum Sacros Canones, & decreta ipsius Sedis Pontificum, de illo exequatur; & ea, ut Leo decernit, quæ juxta Ecclesiasticum morem iuste, & rationabiliter a nobis sunt definita, vestra quoque sententia roborentur.* Quamquam autem in sua sententia persistisset Adrianus, vis tamen, & Regis auctoritas prævaluit. Pulsus in exilium, visuque orbatus fuit Hincmarus Laudunensis, eique in Episcopatu surrogatus Hedenulphus.

Hac præmissa rerum gestarum serie, nunc secum ipse Remensis Hincmarus comparetur. Duplici is præest Synodo, Sveffionensi, & Duziacensi. In utraque Episcopus accusatur ut reus, dijudicatur, condemnatur, deponitur. Romam uterque Episcopus provocat, utriusque appellatio a Pontifice admittitur, utriusque Causa Romam evocatur in Romana Synodo retractanda. Prior causa retractatur omnino Romæ a Nicolao I. Pontifice, a quo Sveffionensis Synodi sententia rescinditur, suæque Sedi Pontificio decreto Rothaldus Episcopus restituitur. Huic autem Causæ in Romana Synodo retractationi, huic damnati Episcopi in suam Sedem restitutioni Hincmarus Remensis non repugnat, non opponit Sardicenses Canones, non reclamatur Metropoliticæ suæ dignitatis, Synodique Provincialis jura violari; sed, uti vidimus, ad Romanum Pontificem scribens, ejus Judicio se submittit, se subiectum fate-

fatetur Romano Pontifici, sibi que Apostolicæ auctoritati esse obediendum affirmat, & concludit: *quia meum est mea vobis obediendo committere, & non vestra Judicia discutere, sustinebo, & non recalcitrabo*. Contra vero dum Adrianus II. causam Hincmari Laudunensis in Romana Synodo retractaturus, Romam accedere jubet eundem Laudunensem Antistitem una cum aliquibus Episcopis, qui Duziacensi Synodo Judices affuerant; Hincmarus Remensis repugnat, contradicit, Sardicenses Canones opponit, totasque vires exerit, ut ejusmodi Causa in Romana Synodo non retractetur; ne videlicet, uti dicebat, Sardicenses Canones, decreta Pontificum, & Metropolitæ suæ dignitatis, Synodique Provincialis jura violarentur. At, quæso, unde tanta doctrinæ oppositio, & contrarietas in eodem cæteroqui doctissimo Antistite? Ego quidem, quantum ex præmissa rerum gestarum narratione conjicere non imprudenter possum, non aliam tantæ contrarietatis causam fuisse reor, nisi hanc: in priori videlicet causa Rothaldus Sveffionensis neque Regi, neque Hincmaro Rhemeni erat invisus; quare Remensis Antistes nulla animi perturbatione obcæcatus, serena mente, quid æquum, rectumque esset, vidit, suæque bene usus scientia, & Sacrorum Canonum peritia, qua reliquos ævi sui Antistites plurimum antecellebat, in suo obvio, naturali, veroque sensu Sardicensia decreta interpretatus est, debitamque Pontifici præstitit obedientiam: At in posteriori causa, cum idem Remensis Antistes ex una parte vehementer esset iratus Nepoti suo Laudunensi Episcopo, cujus causa agebatur, uti ex ejus litteris patet ad illum scriptis; ex alia vero parte addictissimus esset Carolo Calvo Regi, cui idem Laudunensis Hincmarus erat quammaxime exosus; tum ad vindictam de injuriis sumendam, quas sibi a Nepote suo irrogatas fuisse arbitrabatur, tum ad majorem sibi regis gratiam conciliandam, cui placere in omnibus studebat, veritus, ne si ejus causa Romæ retractaretur, rescissa Synodi sententia (uti Rothaldo Sveffionensi contigerat) ille suæ restitueretur Ecclesiæ, totis viribus Romanum judicium impedire conatus est. Inde factum reor, ut tot litteras ad Romanum Pontificem nomine tum Synodi, tum Regis scripserit; ut Sardicenses Canones in alium sensum detorserit; ut ex Ecclesiæ Africanæ statutis, summorumque Pontificum decretis argumenta aucupari studuerit, quibus victus, aut saltem fatigatus Pontifex indulgeret, ut Laudunensis Episcopi Causa in Gallia retractaretur. Non levis ad id credendum ratio ex eo desumitur,

mitur, quod mortuo Adriano II., successoreque in ejus locum Joanne VIII., Hincmarus Remensis nomine Caroli Regis ad eundem litteras conscripsit iis non absimiles, quas Synodi nomine ad Adrianum miserat, cumque adhuc timeretur, ne Pontifex omnino causam Romanæ retractari vellet, visu orbatus est Laudunensis Antistes. Hic autem superstes adhuc, cum Romanus Pontifex Joannes in Gallias profectus Tricassinensem Synodum celebraret, se Ecclesiæ suæ restitui postulavit. Verum cum oculis carens minime idoneus Ecclesiæ administrandæ censeretur, illud solum impetravit, ut Missam cum cantu celebrare posset, certosque ex Laudunensi Ecclesia proventus perciperet, quibus vitam suam honeste sustentaret. Quæ cum ita sint, unusquisque facile intelligit, veram esse, amplectendamque doctrinam, quam Hincmarus Remensis in Causa Rothaldi docuit, & secutus est; suspectam vero, ac rejiciendam, quam ipse idem in Causa Laudunensis Antistitis tam pertinaciter insinuavit.

Aliud contra Romanas Appellationes argumentum Febronius desumit ex Epistola Synodica Afrorum, qui e Carthagenensi Synodo anno circiter 425. celebrata ad Cœlestinum Papam scripserunt rogantes, non solum ut Presbyterorum, aliorumque Clericorum improba refugia, seu Appellationes, quæ tunc erant frequentes, repelleret, sed etiam ne de latere suo mitteret, qui appellantium Episcoporum causas recognoscerent. Cum hac epistola conjungendam esse aliam inquit, quam iidem Patres ea de re ad Bonifacium I. scripserant die 31. Maii anno 419. Utriusque autem Epistolæ aliquod in rem suam recitat fragmentum.

Huic argumento respondeo, viguisse semper in Africa, exceptasque reverenter fuisse Romanas Episcoporum appellationes, ac neminem de hac re umquam dubitasse, antequam Schismaticus Photius diro excitato Schismate Ecclesiæ Græcæ sinum dilaceraret. Is omnium primus particulare Africanæ Ecclesiæ statutum, vetustamque consuetudinem, qua Transmarinæ Afrorum Clericorum appellationes interdicebantur, Episcopos quoque complecti dixit, eorumque etiam Transmarinas, seu Romanas Appellationes fuisse ab Afris rejectas commentus est. A Photio edoctus, consecratusque Episcopus Chalcedonenis Zacharias commentum hoc in sexta octavæ Œcumenicæ Synodi actione venditare ausus est, quem tamen sapienter refutavit in eadem Synodo Orthodoxus, qui aderat, Smyrnenis Metropolitæ Metrophanes.

Hos

Hos secuti sunt Theodorus Balsamon, Joannes Zonara, & in Florentina Synodo Œcumenica Marcus Archiepiscopus Ephesiorum, Photiani Schismatis fautores, & asseclæ. Eorum uestigia calcarunt Joannes Calvinus, Marcus Antonius de Dominis, Paschasius Quesnellus, alique Pontificæ potestatis, ac Jurisdictionis osiores. Cæterum Africanam Ecclesiam nunquam appellationes Episcoporum reprobasse patet ex iis, quæ ex Sancto Cypriano, & ex S. Augustino attulimus in hac dissert. par. 2. cap. 9., 10., & 11. Juvat hic pauca adjungere ex S. Cypriano, ut ex iis constet, quid de Romani Pontificis auctoritate, & jurisdictione in alios Episcopos idem S. Doctor senserit. Martianus Arelatenfis Episcopus in hæresim Novatianam lapsus cum Novatiano docebat contra Romanæ Ecclesiæ, aliarumque Ecclesiarum indulgentiam, prævaricatorem esse Evangelici dogmatis, quicumque mœchos, & lapsos per Ecclesiæ claves repararet, adeoque errasse ajebat Sanctos Pontifices Cornelium, & Lucium, ipsamque Romanam Ecclesiam, aliasque eisdem adhærentes Ecclesias in suo pro-lapsis decreto. Ipse vero Novatiano etiam mortuo adhærens Galliam omnem commovebat, & lapsis plurimis ex hac vita decedentibus Sacramentalis reconciliationis pacem, ac Viaticum denegabat. Detulerant hæc omnia Romano Pontifici Sancto Stephano Faustinus Lugdunensis Metropolita, & Comprovinciales ipsius Martiani Episcopi, ut huic malo Suprema sua auctoritate, ac jurisdictione mederetur. Verum cum illum cunctantem adhuc, ac tardius, quam par esse putabant, agentem viderent, ad S. Cyprianum dederunt litteras, ut ipse consilio, ac precibus Pontificem ad Canonice ultionem a Martino repetendam urgeret. Eorum preces audiit Cyprianus, & epistolam scripsit ad S. Stephanum, in qua præ cæteris hæc habentur: *Faustinus Collega noster Lugduni consistens semel, atque iterum mihi scripsit, significans ea, quæ jam scio vobis utique nuntiata tam ab eo, quam a cæteris Coepiscopis nostris in eadem Provincia constitutis, quod Martianus Arelate consistens Novatiano sese conjunxerit, & a Catholica Ecclesia unitate, atque a corporis nostri, & Sacerdotii consensu discesserit tenens hæreticæ præsumptionis durissimam pravitatem.* Exponit mox crudele Novatiani dogma, & sic concludit: *Quapropter facere te oportet plenissimas litteras ad Coepiscopos nostros in Galliis constitutos, ne ultra Martianum pervicacem, & superbum, & divina pietatis, ac fraternæ pacis inimicum, Collegio nostro insultare patientur, quod nec dum videatur a nobis absentus* (apud Cyprianum vox *absentus* significat depositionem, uti solide, erudite-

diteque probat Christianus Lupus in dissert. de Gallicanæ Ecclesiæ Romanis Appellationibus cap. 5.) *qui jampridem jactat, & prædicat, quod Novatiano studens, & ejus pervicaciam sequens, a communione se nostra segregaverit, cum Novatianus ipse, quem sequitur, olim absensus, & hostis Ecclesiæ judicatus sit.* Et paulo post subdit: *Dirigantur in Provinciam, & ad plebem Arelate consistentem a te litteræ, quibus absento Martiano alius in locum ejus substituitur.* Et tandem concludit: *Significa plane nobis, quis in locum Martiani Arelate fuerit substitutus, ut sciamus, ad quem Fratres nostros dirigere, & cui scribere debeamus.* En potestas, & jurisdic-tio, quam in reliquos Episcopos Romano Pontifici inesse aperte docet Cyprianus.

Venio nunc ad Afrorum epistolas, quas citat, & laudat Febr-nius. Epistola scripta ab Afris in Synodo congregatis die 31. Maii anno 419. ad Bonifacium non facit ad rem: Loquitur enim non de Episcopis, sed de Presbyteris, aliisque Clericis inferioribus ad Apostolicam Sedem Appellantibus, quibus ex particulari statuto, vetustaque consuetudine Transmarinas ejusmodi appellationes esse interdictas Afri contendebant. Et sane ejusmodi epistola scripta fuit ad Bonifacium I. occasione controversiæ exortæ sub Zosimo Bonifacii Prædecessore super appellatione Appiarii Siccensis Presbyteri, de qua locuti sumus part. 2. hujus dissertationis cap. 1. Contendebat Pontificius Legatus etiam Clero inferiori ex Nicænis Canonibus Romanas Appellationes licere: Nicæ-norum autem Canonum nomine Sardicenses intelligebat juxta Romanæ Ecclesiæ consuetudinem, uti superius diximus. At cum Afri Sardicenses Canones ignorarent; inter Nicænos autem, quorum Codex apud ipsos erat, nullus inveniretur Canon, qui Clero inferiori Transmarinas appellationes concederet; ad exortam dirimendam controversiam Legatos miserunt ad Cyrillum Alexandrinum, & Atticum Constantinopolitanum, ut exemplaria ab iis obtinerent Nicænorum Canonum, quos in illarum Ecclesiarum scriniis fama erat integros, incorruptosque servari. Interea fere omnia, quæ per Legatos Pontifex præceperat, Afri executi sunt, & exequenda esse in posterum statuerunt, donec Nicænorum Canonum exemplaria per Legatos, quos Alexandriam, & Constantinopolim miserant, afferrentur. Hæc habemus ex Afrorum Episcoporum litteris ad S. Bonifacium I., ubi sic ajunt: „ Quoniam „ Domino placuit, ut de his, quæ nobiscum egerunt sancti Fratres no- „ stri, Coepiscopus Faustinus, Compresbyteri Philippus, & Asellus „

(Hi

(Hi erant Pontificii Legati Carthaginem missi) ,, non beatæ memoriæ
 „ Episcopo Zosimo , a quo ad nos mandata , & litteras attulerunt , sed
 „ tuæ venerationi , qui in ejus locum es divinitus constitutus , humilitas
 „ nostra rescriberet ; ea breviter insinuare debemus , quæ utrorumque
 „ concordia terminata sunt &c. Apiarius Presbyter de omnibus erratis
 „ suis veniam petens , communioni est restitutus . Prior autem Coepi-
 „ scopus noster Siccensis Urbanus , quod in eo corrigendum visum est ,
 „ sine ulla dubitatione correxit . Quia vero paci , & quieti Ecclesiæ
 „ tantum ad præsens , sed etiam in posterum prospiciendum fuit , quo-
 „ niam talia multa præcesserant , ut vel similia , vel etiam graviora
 „ deinceps præcaveri oporteret ; placuit nobis , ut de Siccensi Ecclesia ,
 „ licet retento honore gradus sui , Presbyter removeretur Apiarius ,
 „ & accepto Epistolio , ubicumque alibi posset , & vellet , Presbyteri
 „ munere fungeretur ; quod eidem ipsi per proprias litteras postulanti
 „ sine difficultate concessimus &c. ,, Multa deinde addunt super man-
 datis , quæ in Commonitorio suis ad Afros Legatis S. Zosimus dederat ;
 ac tandem subdunt : *Hæc utique usque ad eventum verissimorum exemplario-
 rum Niceni Concilii inserta gestis sunt .* Rectissime itaque in octava
 Œcumenica Synodo adversus Zachariæ Chalcedonensis Antistitis inter-
 cessionem Apiarii Siccensis exemplum proferens inquit Metrophanes
 Orthodoxus Metropolita Smyrnenlis : *eadem ratione Apiarium Siccensis
 Ecclesiæ , quæ in Africana Provincia est , Presbyterum , loci illius Episcopus
 quamdam ob causam a cætu fidelium exclusit . Eundem postea Synodus ibi co-
 acta penitus deposuit , quem Zosimus Papa Romanus ad se confugientem , suam-
 que causam illi probantem absolvit , Et cum litteris remissum ad Synodum ,
 recipiendum curavit . Rationem vero reddens per Apologeticum scriptum Syno-
 dus Africana de Apiarii depositi , Et rursus justificati causa apud Bonifacium
 Papam Romanum Zosimi Successorem , inquit : Apiarium etiam hodie absolu-
 tum indicamus : Censuimus tamen ei propter scandala consecuta , in Ecclesia
 Siccensi Presbyteri locum non esse obeundum ; at in aliis Ecclesiis rem ei divinam
 facere licere . Synodum ergo Africanam Zosimi judicio potius obtemperasse ,
 compertum est .*

Quoad aliam Synodalem Epistolam ab Africanis Patribus scriptam
 ad Cœlestinum Papam anno circitr 245. , duplex est responsio . Prior
 est illa , quam dat Marcus Antonius Capellus in suo erudito opusculo
de Romanis Afrorum Appellationibus . Evincere conatur hic Auctor non
 levibus argumentis , spuriam esse , & commentitiam ejusmodi episto-

lam, in qua non exiguos recenſet errores, quibus ſibi ipſe epiſtolæ ſcriptor contradicit. Hujus Auctoris argumenta in compendium redacta referuntur a Chriſtiano Lupo in diſſert. de Africanæ Eccleſiæ Romanis Appellationibus cap. 30. Verum cum has litteras tamquam legitimas laudent Dionyſius Exiguus, antiquus Africanæ Eccleſiæ Codex, vetuſta alia Africanorum Canonum collectio, Hincmarus Remenſis, aliiſque Canonum Collectores, ab hac reſponſione abſtineo, & aliam trado. Epiſtola hæc, de qua loquimur, edita eſt ab Aurelio Carthaginenſi Antiſtite, qui, cum inter Nicænos Canones, quos Legati Alexandria, & Conſtantinopoli reduces in Africam tulerant, illos non reperiffet, quos in Commonitorio ſuo Zoſimus adduxerat, Romano Pontifici vehementer ſuccenſuit, ratus illum evertere voluiſſe Africanæ Eccleſiæ jura, ut Romani Epiſcopatus poteſtatem, ac juridiſtinctionem augetet. Quare, paucis, iſſque Junioribus coactis Epiſcopis, Synodalem hanc epiſtolam, de qua loquimur, ad Cœleſtinum ſcripſit, & contra perpetuam, conſtantiſſimamque Africanæ Eccleſiæ doctrinam, & conſuetudinem Romanas omnes tum Clericorum, tum Epiſcoporum appellationes ex Africa ſtudiuit amoliri. Certum eſt huic epiſtolæ neque Auguſtinum, neque Ali-pium, neque Poſſidium, neque Valentinum Numidiæ Primatem, alioſve ſeniores Epiſcopos adhæſiſſe, cum nullus ipſorum in epiſtolæ inſcriptione nominetur. Sic enim habet inſcriptio: *Cœleſtino Aurelius, Palatinus, Antonius, Titus &c.* At ſi quis eorum adhæſiſſet, immediate poſt Aurelium nominari debuiffet. Verum quidem eſt ejuſmodi epiſtolam inſertam reperiri Africano Codici: at hic non eſt Synodale opus; ſed quemadmodum Dionyſius Exiguus, Theodoretus, Joannes Scholaſticus, Ferrandus Diaconus, Creſconius Epiſcopus, aliiſque plures privato ſtudio ſuos Canonum Codices compilarunt; ita etiam ab aliqua privata perſona Africanus hic Codex prodiit. Quis nam vero ſit illius Auctor, ignoratur. Videtur certe fuiſſe Aurelii aſſecla, & Romanarum Appellationum hoſtis. Nam Synodalia acta de iis, quæ circa appellationes ſub Zoſimo Papa contigerant, & quæ ſuo loco, & ordine erant collocanda, in Codicis Capite poſuit: hanc vero ad Cœleſtinum epiſtolam in Codicis fine collocavit. Quiſnam hujus Collectoris ſcopus fuerit, idem de ſe ad ſexageſimum Canonem his verbis exponit: *Hujus Concilii geſta ideo non ex integro deſcripſi, quoniam magis ea, quæ in tempore neceſſaria fuerunt, quam generalia conſtituta ſunt, ſed ad inſtructionem ſtudioſorum ejuſdem Concilii brevem digeſſi.* Ad ſolam igitur ſtudentium utili-

utilitatem se hunc Codicem compilasse, Auctor diserte profitetur. At possetne quis de aliqua hujus ad Cœlestinum epistolæ interpolatione non imprudenter subdubitare? Quidquid tamen de hoc sit, certum illud est, nullum umquam apud Afros usque ad hanc Aurelii epistolam fuisse dubium de Romanis Episcoporum appellationibus. Certum pariter est sæculo Christi sexto, postquam ab Imperatore Justiniano ejecti ex Africa fuissent Vandali, & ad pristinam libertatem Africana Ecclesia rediisset, liberam omnino fuisse Afris Episcopis Romanas appellationes, itaut Fulgentius Ferrandus Archidiaconus Carthaginensis Ecclesiæ Breviarium Canonum ad usum, instructionemque Afrorum in lucem edens, cap. 39. & 60. sic habeat: *Ut adjudicatus Episcopus ad Apostolicam Sedem, si voluerit, appellet: ut si appellaverit, alius in Cathedra ipsius non ordinetur.* Aperte etiam idem Auctor adjungit, hos esse Sardicenses Canones, quibus alios deinde pariter Sardicenses adnectit, eorumque unus est ille ipse, quem suorum Legatorum Commonitorio Zosimus Papa inseruerat. Unde constat, Romanas Episcoporum Appellationes, & Sardicenses de ipsis Canones notissimos eo tempore fuisse in Africa, usuque confirmatos. Christianus Lupus in citata differt. de Africanæ Ecclesiæ Romanis appellationibus cap. 34. plura in medium profert exempla, quibus ostendit, cum Romanam Ecclesiam S. Gregorius Magnus administraret, non solum Afrorum Episcopos, sed inferiorem etiam Clerum libere Romam appellasse.

Recurrit tandem Febronius ad querelas, quas ubique fieri affirmat, *propter horrendas*, ut ait, *inconvenientias, quas post se trahunt promiscue istæ ad Romanam Curiam appellationes.* Ad id probandum citat S. Bernardum scribentem ad Eugenium Papam lib. 3. de Consid. cap. 2., & Conradum Urspergensium S. Bernardo fere cœvum in Chron. pagina 307. Conqueritur mox de hujusmodi appellationum abusu, ac de Episcopalis auctoritatis depressione, quæ ex iisdem exoritur; & in hunc finem citat fragmentum epistolæ 82., quam Hildebertus Archiepiscopus Turonensis scripsit ad Honorium II. Papam. Ut autem responsionem præoccupet, quam sibi dandam esse intelligit; subdit: „ Nemo „ sibi persuadeat, has querelas peræque justas, atque amaras modum „ tantum appellationum tangere, non autem earum substantiam: ab „ eo autem tempore illis modorum vitiis finem positum esse tum per „ varias Concilii Tridentini sanctiones, tum per plures subsecutas Romanorum Pontificum Constitutiones &c. Verum omnibus his, &

„ singulis Ordinationibus aliud non cavetur, quam ut frivolis appellationibus a gravaminibus extrajudicialibus per Episcopos pastoralis suo munere fungentes prætenſe illatis occurratur. Ut primum autem negotium ejus naturæ eſt, ut judicialiter tractandum, aut ſaltem ita tractatum coram Ordinario fuerit; iuxta Jurisprudentiam Romanam ex omnibus Mundi partibus in quibuſcunque Cauſis, & ab omnibus Perſonis in via appellationis Romam ambulandum eſt, omneſque eæ inconvenientiæ tam publicæ, quam privatæ, tamquam naturales comites hujus provocationis, exhauriendæ ſunt, quarum partem reſcensent Bernardus, Hildebertus, Uſpergenſis, Fleurius, & alii, aut Cauſa, ſæpe cum publico diſpendio, in medio relinquenda,,.

Singulis, quæ Febronius obiicit, pauca reponamus. Quamquam veræ eſſent, quæ adverſus Romanas Appellationes proponuntur, querelæ; eæ non ſuper appellationes, ſed ſuper earum abuſum cadunt, & quæ ſequuntur horrendæ inconvenientiæ, non appellationibus, ſed earum abuſui ſunt tribuendæ. Numquid proinde omnes tollendæ de medio ſunt appellationes? Stultiſſimus omnium mortalium foret, qui id affirmaret. Quid enim eſt tam ſalutare, tam ſanctum, tam divinum, quo non perſæpe hominum abutatur malitia? Væ Supremis Principibus, ſi propter appellationum abuſum eæ eſſent omnino removendæ! Nonne enim earum etiam appellationum, quæ ad ipſos fiunt, non infrequens eſt abuſus, ipſis etiam nolentibus, imo neſcientibus, vel propter Juriconſultorum tricas, & Sophiſmata, vel propter litigantium opulentiam, & auctoritatem, vel propter Judicum appellationis ſegnitiem, aut etiam infidelitatem? Nonne in ipſis judiciis, quæ in prima inſtantiâ ſunt, ad plures perſæpe annos motæ ſuper Civilibus negotiis controverſiæ protrahuntur? quamquam Juſtinianus Imperator ad lites celerius expediendas hanc Conſtitutionem ediderit, quam habemus in L. properandum ff. de Judiciis: *Properandum nobis viſum eſt, ne lites ſiant pene perennes, & vitæ hominum modum excedant, cum criminales quidem caſus jam noſtra Lex biennio concluſerit; Et cum penuniariæ cauſæ frequentiores ſint, & ſæpe ipſæ materiam criminibus creare noſcantur; præſentem legem ſuper his per orbem terrarum nullis locorum, aut temporum anguſtiis coarctandam ponere cenſemus. Itaque decernimus omnes lites. . . . non ultra triennii metas poſt litis conteſtationem eſſe protrahendas.* Peſſime ſane conſultum eſſet ſummorum Principum Majeſtati, ac juridiſctioni, & Populorum quieti, ac felicitati, ſi ad tollendas querelas, & horrendas inconvenien-

tias,

tias, quæ propter Judicum, aut litigantium, aliorumve malitiam ex judiciis sive primæ Instantiæ, sive appellationis persæpe oriuntur, utrumque judiciorum sive primæ instantiæ, sive appellationis genus esset eliminandum. Quemadmodum ergo, quamdiu quis Supremus est Princeps, eidem auferri nulla ratione potest jus recipiendi subditorum suorum appellationes, quod cum Suprema ejus potestate, ac jurisdictione necessario connectitur; & si qua ex frequentibus appellationibus ex hominum malitia oriantur absurda, ea nobilissimo recipiendi appellationes juri tribui omnino non possunt; Ita Romano Pontifici, qui, uti superius vidimus, summus est omnium Fidelium Rector, & Pastor, & Primatum in tota Ecclesia obtinet potestatis, ac jurisdictionis, auferre nemo potest jus recipiendi ex omnibus Mundi partibus appellationes, quod ejus Primatui necessario adhæret; & siquæ ex frequentibus ad eum appellationibus propter hominum nequitiam sequantur inconvenientiæ; eæ tribuendæ non sunt eximæ prærogativæ, qua pollet, recipiendi ex omnibus Mundi partibus appellationes. Quamobrem sicuti supremus Laicus Princeps semper jus recipiendi appellationes retinet, & exercet; iisque dumtaxat malis, quæ ex appellationum abusu fortasse promanant, consulere ex officio tenetur; ita Romanus Pontifex jus recipiendi Fidelium appellationes retinens, atque exercens, abusus, qui forte ex iis suboriantur, evellere pro viribus debet, ne Supremi Rectoris, ac Pastoris desit officio. Audiatur Heineccius in Elementis Juris Naturæ, & Gentium lib. 2. cap. 8. §. 167., ubi de appellationibus ad Supremos Sæculares Principes loquens, sic inquit: „Atta-
 „men cum & provocationum abusus haud exiguus sit; non mirum.
 „videri potest, varia inventa esse remedia, quibus nimia provocandi
 „temeritas coaceretur: qualia sunt privilegia de non appellando quibusdam Magistratibus concessa; certa summa, quam appellabilem
 „vocant, lege definita; jusjurandum calumniæ; pecunia quædam
 „a provocante in casum, si succubuerit, deponenda; & similia „.

Non diffitemur, fuisse olim abusus in nimia appellationum ad Romanum Pontificem frequentia, & inde ortum habuisse propter hominum malitiam ea scandala, & mala, quæ eam unam ob causam S. Bernardus Eugenio III. in libris de consideratione recensuit, ut iis Pontifex pro sui Pastoralis muneris officio opportunam adhiberet medelam. At nonne Romani Pontifices hos abusus evellere, subortisque malis consulere studuerunt? Innocentius III. in cap. *finem*, de dolo, & con-

contumacia , inquit : *Finem Litibus cupientes imponi , ne partes ultra modum graventur laboribus , & expensis &c.* , & certam ibi regulam ad judicia celerius expedienda præscribit . Clemens V. in Clement. *Dispensatiosam* , de Judiciis ait : *Dispendiosam prorogationem litium infringere in subscriptis Casibus cupientes , statuimus , ut in causis super Electionibus &c. procedi valeat de cetero simpliciter , & de plano , ac sine strepitu , & figura Judicii .* Quoad appellationem vero , licet ea sit quædam species defensionis nemini facile deneganda ; ex Jure tamen Pontificio eadem denegatur , 1. in causis non magni momenti . 2. in causis notoriis 3. in causis , quæ dilationem non patiuntur , saltem quoad effectum suspensivum , uti sunt Causæ alimentorum , stipendiorum , salariorum &c. 4. in causa possessionis momentaneæ . 5. in causa per juramentum voluntarium decisa . 6. in causa appellationis desertæ . 7. in causa Censurarum , quæ latæ sint , quoad effectum suspensivum . 8. in causis electionis , & confirmationis , si de impedienda executione agatur , appellatio rejicitur , nisi ex causa valde gravi procedat . 9. in causa correctionis , quando Prælatus Ecclesiasticus , vel Regularis procedit ut Pater , & non ita graves infligit pœnas , ut ad eas infligendas officium Judicis requiratur . Hæc , aliaque plura in jure Canonico a Summis Pontificibus constituta fuisse , ac in praxi servari scimus . Non parum etiam appellationes restrinxit Tridentina Synodus sess. 13. cap.1. , & sess. 24. cap.20. de reformat. Cum enim secundum Jus Canonicum ex tit. de Appellationibus , a quacumque etiam interlocutoria appellare liceret ; ne lites nimium protraherentur , præscripsit Tridentina Synodus , ut ab interlocutoria appellare non liceat , nisi ea vim habeat definitivæ , aut irreparabile damnum sit illatura . Non vacat hic alia plura recensere , quæ de appellationibus Tridentini Patres , pluresque Romani Pontifices , ac præsertim Clemens VIII. , Gregorius XV. , Urbanus VIII. , Benedictus XIII. , omniumque novissimus Benedictus XIV. decrevere , ut eadem intra angustiores limites coercerentur . Eo certe loci redacta nunc res est , ut rariores sint Romanæ appellationes , multoque celerius , quam olim , sive in Sacra Romana Rota , sive in Sacris Congregationibus Cardinalium , lites expediantur . De Romanorum autem Judicium integritate , justitiaque dubitare quis nequit , nisi hæreticorum more Ecclesiam , Curiamque Romanam oderit , eamque in rebus omnibus sive jure , sive injuria carpere velit .

Cæterum falso asserit Febronius , querelas , quæ adversus appellationes

tiones proferuntur, non modum dumtaxat, sed earum substantiam inpetere. Tres ipsos querelarum Auctores, quos Febronius in medium profert, consulamus, S. Bernardus loco cit. apud Febronium inquit: *Quousque non evigilat consideratio tua ad tantam appellationum confusionem, atque abusionem? Præter Jus, & fas, præter morem, & ordinem fiunt. Non locus, non modus, non tempus, non causa discernitur, aut persona. Præsumuntur leviter passim, plerumque & nequiter.* Schismaticus. Conradus Urspergensis loco cit. ait: *Vix remansit aliquis Episcopatus, siue dignitas Ecclesiastica, vel etiam Parochialis Ecclesia, quæ non feret litigiosa, & Romanam deduceretur ipsa causa.* Hildebertus epist. 82. ad Honorium. II. loco cit. apud Febronium hæc habet: *Quaslibet appellationes in Romana vigere, & suscipi Ecclesia, cis Alpes auditam non est, nec in sacris traditum institutis. Quod si forte huiusmodi emergerit novitas, ut placeat omnem indifferenter admittere appellationem, Pontificalis Censura peribit & omnino conteretur Ecclesiastica robur disciplina.* At quis non intelligit, querelas has omnes non circa appellationum substantiam, sed circa earum modum, & abusum versari?

At quando quidem Febronius S. Bernardi auctoritatem plurimum facit, itaut de illo scribat cap. 6. §. 15. *Non cessavit Vir Sanctus, qui or Ecclesiæ sui ævi vere dici potest, hortari populos, Clerum, Episcopos, & Pontifices, quoad dixit, de malis Ecclesiæ gemens, ac dolens; Videamus, quid hic Vir Sanctus, & Or Ecclesiæ sui ævi, de appellationum substantia, ac de Romani Pontificis Primatu, e quo necessario promanat Jus recipiendi appellationes, in iisdem libris de consideratione ad Eugenium Papam scripserit, aperteque docuerit. In loco itaque citato, paulo ante ea verba, quæ Febronius refert, sic habet Mellissius Doctor: *Magno in his, & pio opus intuitu est, ne quod magna fuit necessitate provisum, male utendo reddatur inutile. . . . Appellatur de toto Mundo ad te: id quidem in testimonium singulare Primatus tui.* Et post ea, quæ Febronius transcripsit, sic querelas suas S. Bernardus explicat: *Nunc vero non te existimes otioso vacare considerationi huic, qua appellationes ad legitimum, si fieri potest, revoces usum. Et si hinc mea queratur, vel potius curetur sententia, dico, appellationes ut non contemnendas, sic nec usurpandas omnino. . . . Fateor, grande, & generale Mundo bonum esse appellationes, idque tam necessarium, quam solem ipsum mortalibus. . . . Prorsus fovenda, & manutenenda sunt, sed quas extorsit necessitas, non quas calliditas adinvenit.* Quid ad hæc dicit Febronius? Num ori Ecclesiæ loquenti repugnare audebit? Verum cum*

S. Ber.

S. Bernardus appellari dixerit *de toto Mundo ad Pontificem in testimonium singulare sui Primatus*; inquiramus, quid de Romani Pontificis Primatu senserit S. Doctor. Is in lib. 2. de Consider. cap. 8. sic Eugenium III. alloquitur: „ Age: indagemus adhuc diligentius, quis sis, quam geras „ personam in Ecclesia Dei. Quis es? Sacerdos Magnus, Summus „ Pontifex, Princeps Apostolorum, & hæres, Princeps Episcoporum, „ Primatu Abel, Gubernatu Noe, Patriarchatu Abraham, Ordine „ Melchisedech, dignitate Aaron, Auctoritate Moyse, Judicatu „ Samuel, Potestate Petrus, Unctione Christus. Ubi id probas? Ex „ verbo Domini. Cui enim, non dico Episcoporum, sed etiam Apo- „ stolorum sic absolute, & indiscrete totæ commissæ sunt oves? Si, „ Petre, amas me, pascere oves meas. Quas? illius, vel istius Civita- „ tis, aut Regionis, aut Regni? Oves meas, inquit. Cui non planum „ non designasse aliquas, sed assignasse omnes? Nihil excipitur, ubi „ distinguitur nihil „ - Et paulo post subdit: „ Stat ergo inconcussum „ privilegium tuum tibi tam in datis clavibus, quam in ovibus commen- „ datis „. Sane Primatus hic, quem Bernardus describit, non est me- „ ri ordinis, & consociationis, nudique directorii, uti contendit Febro- „ nius, sed potestatis, ac jurisdictionis. qualem Romano Pontifici Ca- „ tholici Doctores contra Eusebianos, Photianos, aliosque hæreticos una- „ nimiter adstruunt.

Febronius tandem Benedictum XIV. doctissimum, modestissi- „ mumque Pontificem, quem sibi potenter adversari intelligit, quemad- „ modum sæpe in sui operis decursu, ita etiam hic carpere non desinit. Sic enim habet loco cit. cap. 5. §. 6. num. 6. *Benedictus XIV. sub initium cita- te sue Constitutionis anni 1742. asserit, has querelas inanes esse, nec ulli in- nixas fundamento, utpote ex hac unica re causam, & originem habentes, quod inferioribus grave sit obedientia, ac subjectionis jugum erga majora Tribunalia, ipsisque nimis displiceat, sibi subditis appellationis beneficio succurri.* Huic autem objectioni quid respondet Febronius? En responsio, quam ipsi- „ simis Febronii verbis refero, ne quis me eidem calumniam impingere arbitretur. Sic existimatur, aut saltem asseritur Romæ, sed solidius cogitatur extra Italiam, ubi ideo hæ appellationes refuguntur, quia repugnant Sacris Canonibus, æquitati, prudentiæ, & politiæ Christiano-Catholicæ, bono di- „ scipline Ecclesiasticæ, juribus regnorum, evertunt fortunas privatorum, & procurant delinquentibus impunitatem.

Hæc verbis duplicem Febronius, & utramque non levem doctis- „ simo,

simo , humanissimoque Pontifici irrogat injuriam . Primo enim ea verba Pontifici tribuit , perinde ac si ejusdem sententiam , mentemque continerent , quibus Episcoporum inobedientiam , tacitamque superbiam redargueret . At verba illa hitorice dumtaxat , & non ex suo , sed ex aliorum sensu profert doctissimus Pontifex . Integrum audiamus textum in laudata Constitutione . *Ad Militantis* . edita die 30. Martii 1742 . , ubi §. 1. sic habet : „ Intimo animi nostri mœrore , cum in minoribus „ adhuc essemus , jamdiu intelleximus , plerosque locorum Ordinarios „ conqueri , sensum abusum irrepsisse , quod ad malitiosam petentium „ suggestionem , a Patriarchis , Metropolitanis , S. Sedis a latere Legatis , & diversis dictæ Romanæ Curiae Judicibus inhibitiones sine delectu causæ , & rei , de qua agitur , examine passim conceduntur &c. „ E contrario nobis quoque , dum etiam in minoribus essemus , superiorum Judicum responsiones audire contigit asserentium , memoratas querelas inanes esse , nec ulli innixas fundamento , utpote ex hac unica re causam , & originem habentes , quod inferioribus grave est obedientiæ , ac subjectionis jugum erga majora Tribunalia , ipsisque nimis displicet , sibi subditis appellationis beneficio succurri „ . Cur ergo has Judicum appellationis responsiones , quas iidem Episcoporum querelis adhibebant , & quas Benedictus , cum esset in minoribus , pro ratione sui muneris Sacræ Congregationi Concilii relaturus audire jubebatur , eidem Benedicto Febronius tamquam proprias tribuit ? Num ut aliam Pontifici non minus levem inferat contumeliam , subdens *Sic existimatur , aut saltem asseritur Romæ , sed solidius cogitatur extra Italiam ?* At quæso a quo extra Italiam ita , ut Febronius asserit , solidius cogitatur ? Num ab Episcopis ? non ita : Scimus enim illos , & primum potestatis , ac jurisdictionis in Romano Pontifice reverenter agnoscere , & Romanis appellationibus plurimum deferre , & debitam Apostolicæ Sedi constanter exhibere reverentiam . Num a Febronio , paucisque ejus asseclis ? ita profecto : At videat Febronius , ne nimis audacter faciat , dum se , suosque asseclas non modo comparat , verum etiam anteponit doctissimo Pontifici , & in omni sacrorum studiorum genere versatissimo , qui ab omni prorsus ambitu suspitione remotus , non aliam umquam in tot suis Constitutionibus , ac libris doctrinam tradidit , quam quæ cum vera Catholicæ Ecclesiæ doctrina , ac disciplina cohæreret . Graviorem tandem eidem sapientissimo Pontifici injuriam Febronius infligit , cum Romanas Appellationes , quas ille rite , justeque

factas tuetur, ac laudat, tetrīs hīc coloribꝯ describit: *Ideo hæ appellationes refugiantur, quia repugnant Sacris Canonibus, æquitati, prudentiæ, & politiæ Christiano-Catolicæ, bono disciplinæ Ecclesiasticæ, juribus Regnorum, evertunt fortunas privatorum, & procurant delinquentibus impunitatem*: quasi vero suis Constitutionibus, ac libris evertere idem Pontifex studuerit Sacros Canones, æquitatem, prudentiam, atque Ecclesiasticam disciplinam una cum regnorum juribus, fortunisque privatorum. At hīc ipsis coloribus Romanas Athanasii, Pauli, Afclepæ, Marcelli, aliorumque Orientalium Antistitum appellationes, latumque super iis a S. Julio I. iudicium hæretici Eusebiani in Philippopolitano Conciliabulo impudenter exprefferunt, uti ostendimus 2. part. cap. 1. Has eandem instauravit adversus Apostolicam Sedem contumelias, ac maledicta Photius, dum, usurpata sibi per vim Constantinopolitana Sede, Orientalem Ecclesiam a Romana aperto schismate sejungere conabatur. Hanc eandem, quotquot hætenus extiterunt, hæretici cantilenam ingeminarunt, ut appellationes ad Romanum Pontificem, a cujus pastoralis vigilantia, supremoque iudicio sibi plurimum metuebant, eliminarent.

Non tamen ita fenserunt Sardicensis Concilii Patres, qui in Epistola Synodica ad S. Julium I. rationem reddentes eorum, quæ in Synodo adversus Eusebianos gesta, & constituta fuerant, ajunt, *optimum, & congruentissimum sibi videri, si ad Caput, idest ad Petri Apostoli Sedem de singulis quibusque Provinciis Domini referant Sacerdotes*. Non ita Julius I., qui in epistola toties citata ad Orientales, sic Eusebianos redarguit: *An ignoratis, hanc esse consuetudinem, ut primum nobis scribatur, & hinc, quod iustum est, decernatur*? Non ita S. Ignatius Patriarcha Constantinopolitanus, qui contra suæ Sedis usurpatorem Photium ad Nicolaum I. appellans sic inquit: „ Ignatius tyrannide oppressus SS. D. N., ac „ Beatissimo Præfidi, cunctarum Sedium Patriarchæ, S. Petri Principis Apostolorum Successori, Œcumenico Papæ Nicolao Tu, „ Sanctissime Domine, ostende in me viscera miserationum Intuere Majores tuos Patriarchas Fabianum, Julium, Innocentium, „ Leonem, & omnes denique, qui pro fide, & veritate viriliter decertarunt, illosque æmulare, & vindex pro nobis tam indigna passis „ exurge „. Et in Epistola ad eundem Summum Pontificem sic illum alloquitur: „ Ad artus humani corporis plagis, & vulneribus Saucios curandos, medendi ars magnam Medicorum copiam suppeditavit.

„ tavit. In membris autem Christi Dei, ac Salvatoris omnium Capi-
 „ tis, ac Sponsi Catholicæ, & Apostolicæ Ecclesiæ unum Sanctum,
 „ ac solum, selectum, & Catholicissimum Medicum, tuam nempe
 „ fraternam, paternamque Sanctitatem, Supremum Dei Verbum,
 „ quod omnium est medela morborum, constituit, cum Petro Supre-
 „ mo, Sanctissimoque Apostolorum Vertici dixit: Tu es Petrus, &
 „ super hanc petram ædificabo Ecclesiam meam, & portæ inferi non
 „ prævalebunt adversus eam; & rursus: Tibi dabo claves regni Cœ-
 „ lorum, & quod ligaveris super terram, ligatum erit in cœlis, &
 „ quod solveris, erit solutum. Hujuscemodi beatas voces, non soli
 „ Apostolorum Principi hæreditarias transcripsit, & assignavit, sed
 „ per ipsum ad omnes Romanæ Sedis Pontifices illi successuros transmi-
 „ sit. Hinc retro, olimque semper, cum hæreses, & scelera pullula-
 „ rent, noxias illas herbas, & zizania Apostolicæ Sedis vestræ Suc-
 „ cessores extirparunt: & nunc tua Beatitudo digne constituta, acce-
 „ pta a Christo potestate veritatis, hostes fudit, & Latronum more
 „ in Christi ovile per fenestram ascendentem, contraque Deum adeo
 „ se furrigentem, ut adversus Sacrosanctam, & inculpatam tuam po-
 „ testatem Synodum refringeret.... medica manu Sacrosanctæ, &
 „ Apostolicæ auctoritatis a communi Ecclesiæ corpore præcidit.,.
 Non ita Basilius Orientis Imperator, qui contra Photium ad Nicolaum I.
 scribens, ut lapsis in Schisma Photianum Episcopis Apostolica charitate
 succurreret, sic ait: „ O divinum, & sacrum, instar Aaronis reveren-
 „ dum Caput.... De his sententiam, & judicium a Sanctitate tua fer-
 „ ri, pronunciarique petivimus, & vero nunc petimus. Ita, Pater
 „ Spiritualis, & divinitus honorande Summe Pontifex, accelera pro
 „ Ecclesiæ nostræ correctione, & conflictu contra injustitiam, atque ad
 „ veritatis satisfactionem multam nobis congeriem bonorum donare,
 „ idest unitatem mundam, compagem spiritualem ab omni contentio-
 „ ne, & schismate liberam, Ecclesiam in Christo unam, & ovile uni
 „ obsecundans Pastori.,. Non ita S. Nicolaus I., qui contra Photium
 scribens ad Michaellem Imperatorem in epistolis suis 2., 7., 8., & 9.,
 de divinis prærogativis Romani Pontificis superiorem habentis digni-
 tatem, ac potestatem supra Synodos, cæterosque Patriarchas fuisse, so-
 lideque agit, & nihil mitius de S. Ignatio, & Photio definiri posse ait,
 quam ut Romam veniant, eorumque Causa Romæ examinetur, ac de-
 finiat: „ Quoniam cum secundum Canones, ubi major est auctori-

tas, judicium inferiorum sit deferendum, ad dissolvendum scilicet, vel ad roborandum; patet profecto Sedis Apostolicæ, cujus auctoritate major non est, judicium a nemine fore retractandum, neque cuiquam de ejus licere judicare judicio. Siquidem ad illam de qualibet Mundi parte Canones appellari voluerunt; ab illa autem nemo sit appellare permissus: „ Non ita S. Bernardus „ os Ecclesiæ ævi sui „ qui in epist. 198. ad Innocentium II. de Romanis appellationibus loquens, hæc scribit: „ Ex privilegio Sedis Apostolicæ constat, summam rerum ad vestram potissimum respicere summam auctoritatem, & plenariam potestatem. Verum hoc inter cætera vestri singularis Primatus insignia specialius, illustriusque nobilitat vestrum, & inclytum reddit Apostolatum, si eripitis pauperem de manu fortiorum ejus. Nulla meo judicio in corona vestra pretiosior gemma zelo illo vestro, quo æmulari consuevistis oppressos, nec relinquitis virgam peccatorum super sortem justorum „. Non ita denique senserunt tot integerrimi, doctissimi que ex omni natione Antistites, qui Romam provocarunt, tot sanctissimi Romanæ Ecclesiæ Pontifices, qui Romanas appellationes invicte propugnantes, jus sibi divinitus traditum violari a factiosis hominibus non permiserunt, tot denique Orthodoxi Doctores, qui morum sanctitate non minus, quam omnigena Doctrina spectabiles a primis Ecclesiæ sæculis ad hæc usque tempora, & voce, & scripto pro Romanis appellationibus fortiter dimicarunt.

Verum hæc pro Romanis Appellationibus adversus Febronii criminationes nunc dixisse sufficiat. Nullum enim inveniret exitum oratio mea, si ea omnia proferre vellem in medium, quæ vel pro iis faciunt, vel Febronium redarguunt falsitatis. Interea audiat Febronius, & meditetur, quid S. Nicolaus I. in epist. 4. scripserit de privilegiis Romano Pontifici divinitus concessis, quorum non ultimum est jus recipiendi ex omnibus Mundi partibus appellationes. „ Ecclesiæ Romanæ privilegia „ Christi ore in Beato Petro firmata, in Ecclesia ipsa disposita, antiquitus observata, & a sanctis universalibus Synodis celebrata, atque „ a cuncta Ecclesia jugiter venerata, nullatenus possunt minui, nullatenus infringi, nullatenus commutari. Quod Deus posuit, humanus non valet amovere conatus.

F I N I S.

IN-

INDEX CAPITUM

DISSERTATIONIS CANONICÆ.

C PROEMIUM.
Controversiæ Status, & Partitio Dissertationis exponitur. Pag. 6

PARS I.

An Romano Pontifici ex natura, & jure Primatus competat Jus appellationum ex omnibus totius Ecclesiæ partibus recipiendarum? 9

CAPUT UNICUM.

Cum Romani Pontificis in Ecclesiâ Primatus sit non meri ordinis, ac honoris, sed potestatis, ac jurisdictionis; eidem Romano Pontifici ex natura, & jure Primatus competit Jus appellationum ex omnibus totius Ecclesiæ partibus recipiendarum. 2

PARS II.

An jus recipiendarum ab omnibus Mundi partibus appellationum sit privilegium adjectitium, primo tributum Romano Pontifici a Sardicensi Synodo; quæ proinde per suos Canones novum quid, & antea insuetum introduxit? 25

CAP. I. Brevis Concilii Sardicensis notitia. 26

II. Brevis Notitia Collectionis Decretalium Isidori Mercatoris. 35

III. Utrum Episcoporum Synodus, aut Presbyterorum Concilium, quod a Romanis Pontificibus in gravibus quibuscumque causis dijudicandis, ac definiendis cogebatur, ex defectu auctoritatis, ac potestatis in Pontifice, an ex prudentiæ Evangelicæ consilio cogeretur? 43

IV. An ante Sardicensem Synodum delatæ ad Romanum Pontificem fuerint, ab eoque exceptæ e variis Mundi partibus appellationes? 46

V. Marcionis ad Apostolicam Sedem appellatio. 47

VI. Montani, Floriani, Blasii, aliorumque ad Apostolicam Sedem Appellatio. 50

VII. Privati Lambesitani Episcopi ad Romanam Sedem appellatio. 51

VIII. Novati inter Afros Episcopi Romana Appellatio. 52

IX. Fortunati, Felicissimi, & quatuor Africanæ Ecclesiæ Presbyterorum ad Sedem Apostolicam Appellatio. 53

X. Epi-

X. <i>Episcoporum Basilidis Asturicensis, & Martialis Emeritensis Romana Appellatio.</i>	98
XI. <i>Cæciliani Carthaginensis Antistitis causa ad S. Melchiadem Papam per modum appellationis defertur.</i>	60
XII. <i>S. Athanasii Alexandrini Romana Appellatio.</i>	70
XIII. <i>Romana Pauli Episcopi Constantinopolitani Appellatio.</i>	89
XIV. <i>Romana Asclepe Gazensis, & Lucii Adrianopolitani Appellatio.</i>	91
XV. <i>Romana Marcelli Ancyрани Appellatio.</i>	93
XVI. <i>Ursacii, & Valentis ad Romanum Pontificem tamquam ad Supremum Ecclesiæ Judicem recursus.</i>	95

P A R S III.

<i>An Sardicense Concilium quamdam dumtaxat decernendæ revisionis auctoritatem Romano Pontifici tribuerit?</i>	97
CAP. I. <i>Referuntur Sardicenses Canones de Romanis Appellationibus, & ratio inquiritur, propter quam conditi fuerint.</i>	97
II. <i>Explicantur Sardicenses Canones de Romanis Appellationibus.</i>	101
III. <i>Utrum Sardicense Concilium Romano Pontifici non Appellationum Jus, sed quamdam tantum decernendæ revisionis auctoritatem tribuerit, uti Febronius contendit; an potius verarum Appellationum Jus, eidem ratione Primatus divino jure competens, declaraverit, suisque legibus communierit?</i>	108
IV. <i>Romanæ Orientalium Appellationes post Sardicensem Synodum ante seculum nonum interjectæ.</i>	112
V. <i>Romanæ Occidentalium Appellationes post Sardicensem Synodum ante seculum nonum interjectæ.</i>	135
VI. <i>Solvuntur Argumenta Febronii.</i>	149

